


十朝东华录

卷之三



咸豐十一年辛酉春正月庚寅朔 上詔 紂成殿行禮 御瀟泊誠敬殿受賀 御勤政殿賜近支親藩宴○辛卯諭內閣朕於二月十三日回鑾○壬辰諭內閣朕於三月初二日啟蹕奉謁 東陵禮成後駐蹕避暑山莊所有應行事宜著各該衙門敬謹豫備○諭軍機大臣等群炮奏英國領事爭辦賠款並阻撓稅捐各等語業經諭知辭煥向該領事曉諭安辦矣賠補一項據英國領事密迪樂稱普魯斯來文係於上海關總收數內各扣賠項二成除洋商按貨完稅外尙有外國商船所完船鈔及海關所收罰充入官等款亦應一併覈扣又上海新定洋藥納稅章程密迪樂稱洋商已完上海進口稅斷不能重收華商稅捐其和賊洋藥寓居洋涇濱之駱增美一犯該公使並不准查拏於稅捐殊多掣肘見在各國通商章程甫定彼此均應循照定章方能允協恭親王原咨但指納稅清單並無船鈔罰款字樣該領事欲照總數覈扣著恭親王奕訢等卽照會普魯斯告以既於關稅內交還二成卽不應加扣船鈔罰款兩項況船鈔係充浮橋號船塔表望樓等項經費罰款係隨案充賞並不收庫均無從追回覈扣並令其通飭各口領事官一體遵照至洋商進口華商出口所納洋藥之稅兩不相礙該領事總以徵收華商之稅礙及洋商貿易諭辭煥安爲辦理並著奕訢等隨時畱心儻普魯斯轉據密迪樂之言有所陳瀆卽據理辯論並將私販之犯令其交出以杜欺蒙原片著鈔給閱看○予江西破粩州同齡時和祭葬世職○癸巳 上御萬樹園大幄次賜蒙古王貝勒貝子公台吉等宴○諭內閣朕於二月二十五日臨御經筵所有應行典禮著各該衙門敬謹豫備○甲午諭軍機大臣等本日據景道等奏密陳俄國分界各情並繪圖貼說呈覽新定俄國條約內載明遇有中國人往之處及漁獵之地俄國均不得侵占著奕訢等卽酌擬照會二件一照會俄國總理各國事務大臣告以見派大臣查勘地界俄國之人應俟勘明地界之後方可居住不得先行占踞致該處屯戶驚疑一作爲成琦之意照會東海濱省固畢爾那托爾亦屬其俟該侍郎與景道勘明琿春地界方可俄人居住總須遵照條約方爲妥善原摺著鈔給閱看○乙未諭內閣總理各國事務衙門挑取滿漢章京前經降旨毋庸再兼軍機處行走嗣據恭親王奕訢等奏請在額外行走專管交涉事件復諭令再行安議茲酌定章程具奏著照所請所有滿漢軍機章京每班挑取各四員在總理衙門額外行走仍照常在軍機處值班毋庸常川到署○曾國藩奏自金壇甯國墮陷後南陵一邑孤懸城中總兵陳大富力守危城糧盡援絕勢難久全臣鑒於金壇被害之慘恐南陵軍民又遭屠戮於上年疊次密飭陳大富由開道衝出並咨商提臣楊載福派師船至江濱接應九月積雨江漲小港皆可行舟楊載福定計潛師往援親督礮船進次樅陽探聞南陵城外賊壘密布惟北門一港可達魯港水程約計百里而近城一帶賊復夾港築壘僅餘一線之路當就樅陽調出千總尹昌景等各領陸兵與礮船相輔而行十月初二日師至魯港派總兵李成謀等扼禁港口使無湖之賊不得截我出路初三日進港見沿途水面狹隘恐賊乘我之後復派參將楊占鰲等領兵步步爲營初四日水陸並進港左守壘之賊遂擁出撲副將丁泗濱等率師奮擊斃賊多名焚燬各壘尹昌景等領隊

直攻港右衝入賊陣逆眾敗潰其另股賊匪乘勢橫鈔副將李朝斌領師船開礮轟擊賊稍退卻尹昌景等併力衝殺賊盡披靡遂將港右十數壘全行焚燬陳大富知北路援師已至乘勝將東南西三門賊壘一律掃平追殺十餘里斃賊無數立解南陵城圍陳大富猶思趕緊繕完力圖守禦楊載福以水師既難畱駐該逆必將復至孤軍久守終成坐困因勸陳大富拔出全軍同赴上游初五日督隊徐行百姓從者十餘萬眾僞忠王李秀城率賊黨數千賊划百餘在小河及石碗地方意圖截我歸路經楊占龍等竭力堵禦楊載福復添派親兵助剿將賊擊退水陸軍民始得出港一千五日抵黃石磯十二月初三日安插軍民於東流縣城安籌周恤查楊載福此次出奇制勝保全甚眾足以作士氣而固人心可否續想天恩賞賚物件以示旌異出力將弁可否由該提臣擇尤保奏均出自聖主鴻慈上諭安徽南陵縣城久被賊眾圍困總兵陳大富竭力守禦待援孔亟經提督楊載福統帶水陸各軍由北門外之魯港進兵將賊壘全行焚燬陳大富乘勢將東南西三門賊壘一律埽平拔出南陵全軍保護百姓十餘萬人安爲安輯楊載福出奇制勝調度有方深堪嘉尚著發去大荷包一對小荷包四箇白玉搬指一箇白玉翎管一枝小刀一把交該提督祇領其餘出力將弁並著該提督擇尤保奏候朕施恩○曾國藩奏江西自上年賊犯建德普承堯一軍潰退賊卽長驅深入連陷六縣而官軍與賊必爭之地莫如湖口與景德鎮景德有左宗棠一軍駐紮湖口則並無陸兵僅有都司丁義方水師駐防臣於建德失守後卽派遣員吳坤修帶團防營千餘人馳赴湖口防守道員彭玉麟復派副將成發翔馳往會同守禦並親由黃石磯赴援十一月初九日寶營潰勇逃至湖口成發翔等擇畱精壯五百人分布城頭駐守吳坤修團防營亦於是日趕到沿途爲賊所截把總李逢貴六品軍功吳脩霖力戰陣亡營官景星熊烜煌督率所部入城當令寶營團防營陸師駐守東南兩門以防山城成發翔丁義方自率水師駐守西北兩門以防水城十二日賊自彭澤率大股上竄湖口屯踞離城十五里之馬影橋十三日賊眾萬餘分四股直接各門我軍併力擊退旋復昇長梯而至其東西南三股先進對城開槍子密如雨繼以木梯蠱擁爬城城上礮石齊下迄不稍退丁義方見賊勢兇悍率哨官張三元等帶水勇登陴助戰熊烜煌等往來擊殺自申至酉齊力抵禦而城南適有缺口趕修未成悍賊數名冒死登城經千總江必勝砍倒並以大桶火藥擲轟城下斃賊無數賊始退去我軍開城追殺百餘人奪獲木梯三百餘架賊仍退踞三里街馬影橋等處十四日謀知賊於村莊搜覓梯欲乘風雨夜半爬城彭玉麟飭令談開亮選帶十餘人潛五鼓向都昌大路竄去彭玉麟防其回竄函商總兵陳大富由東流抽撥千五百人協同吳坤修駐守並探知另股賊匪已陷都昌當派成發翔戰船二十一號赴援十五日趕至都昌排礮轟擊城賊不敢我軍乘勝登岸由大南門追至城根賊眾慌亂開東北兩門而竄立將都昌縣城克復查廣東惠潮嘉道彭玉麟力捍危城維持大局洵屬調度有方副將成發翔樸實果敢都司丁義方膽

識過人部署迅速均應先行開列懇恩獎勵陣亡把總李逢貴軍功吳脩霖均請飭部照把總例從優議卽其餘在事出力將弁可否准臣擇尤保獎出自聖主鴻施上諭廣東惠潮嘉道彭王麟赴援湖口數日之間將大股悍賊擊敗力保危城並派兵克復都昌縣城洵屬調度有方著文軍機處記名遇有按察使缺出題奏副將成發翔著賞給協勇巴圖魯名號都司丁義方著以參將補用並賞加副將銜陣亡把總李逢貴軍功吳脩霖著文部照把總例從優議卽其餘在事出力將弁著曾國藩擇尤保奏候朕施恩○諭軍機大臣等田在田奏捻匪圍撲陽城卽時擊退並分布堵勦一摺據稱賊由河南夏邑縣之韓道口竄至陽山黨與數萬圍繞縣城經該縣勇練擊退並拏獲匪黨趙虎訊知該逆五旗並出欲到陽山盤踞抗拒官兵另股捻逆由濟南向東竄踞羅集圩寨欲由懷定一帶接引張龔兩逆并拒北路又伊興額見招馬勇徐宿前敵等營均已併歸伊興額營等語捻匪招集黨與欲赴陽山意圖併力抗拒東省大軍僧格林沁見派兵在金鄉魚臺等處禁營堵截著卽督飭官軍聯絡鄉團嚴密防勦毋令闖入東境伊興額在徐州辦理團練仍歸僧格林沁節制見在該員招集馬隊爲數較多應需糧餉是否由山東糧臺支給如有不敷自應由徐州糧臺接濟惟據田在田奏各營積欠甚多見在裁兵節餉恐亦不能兼顧伊興額係辦理團練或另有經費可以支發著僧格林沁等查明酌量辦理俾該員馬隊及早整齊以便合力進剿是爲至要將此由六百里諭令知之○曾國藩奏臣於上年九月調集鮑超張連闡兩軍進逼休甯分紮西館迪祥湖一帶因上溪口江灣兩處爲賊南竄之路當於徵防調撥數營令已革副將楊名聲整理成軍駐紮上溪口並飭副將王夢麟所帶良勇協同副將程永年兵勇合紮江灣以資扼守自十一月十四日鮑超一軍由西館撤赴景德鎮之急而上溪口江灣兩處防兵頗形單薄正深焦慮據楊名聲稟稱十六日休甯賊匪四五萬八分路來犯上溪口南岸之賊被我軍槍礮環設遂涉水過河併力夾攻北岸營盤都司譚加耀帶隊往來鏖戰斬馘數百人該逆絕無退意楊名聲俟其氣餒正欲督帶馬隊由南岸前往策應該逆突出一股從街市之後繞來撲犯于總胡明昭棄營而走各勇登時驚擾楊名聲親堵濠邊手刃二勇眾心稍固而北岸諸軍又被賊圍楊名聲馳馬過橋接應被騎賊從後追刺受傷落水各營弁勇傷亡過半不敷守禦持至酉刻南北各營先後失陷又據王夢麟稟稱十四日屯溪賊匪撲犯江灣被我軍擊退十五日該逆大股傾巢而來王夢麟飭各軍憑營固守程永年親督守備馬登榮等率弁勇三百人往來鈔擊逆眾始退忽分數十股由遠山繞赴江灣村市散紮復於村頭各處築卡王夢麟卽督帶馬登榮等回村鏖戰該逆死力相持馬登榮怒馬衝擊中槍陣亡外委鍾洪興楊大榮亦沒於陣李金山又受不傷正塵戰間忽報賊眾圍撲我營王夢麟恐營盤有失卽帶隊回顧各營賊以木石堆卡阻我迎擊之路王夢名聲副將王夢麟程永年駐防數月有隙可扼乃不堅守待援實麟諭令各營奮勉出戰賊仍重重圍裏不得已會商程永年督軍巷戰分路衝出以圖再振江灣營盤遂陷查江灣上溪口兩處均屬要隘一有疏失則藩籬盡撤賊得長驅以入江西已革副將楊屬怯懦無能王夢麟程永年均應請旨革職不准畱營楊名聲係業經參革之員亦不准畱營潰退兵勇交署湖北提督江長貴收

集整理陣亡員弁應請分別議卹以慰忠魂

上從之○曾國藩奏僞忠王李秀城上年十月率大股突擾黟縣經鮑超張運蘭擊

敗後繞入徽城旋竄婺源擾及玉山而羊棧各嶺外賊蹤時復虜聚窺伺祁門北路臣飭參將楊鎮魁遊擊蔣信玉分帶兩營協同

參將張應超一軍在距羊棧嶺十里距黟縣二十五里之盧村駐紮十一月十七日逆目古瀆賊等糾合大股分三路突犯羊棧桐

林二嶺乘霧入卡遠鈔盧村諸營之後我軍閉壘堅守張運蘭派隊往援楊鎮魁等開壁齊出併力夾攻斃賊三四百人賊由新嶺

遁去十九日嶺外添賊萬餘於盧村左側築造二壘爲久踞以犯祁門之計時鮑超援景德之軍因阻雨尙在祁門遂派副將宋國

永率隊馳赴黟縣二十日諸軍會合分路鈔擊賊勢大潰跟蹤追殺伏屍偏野餘匪緣崖紛竄逃出嶺外自是嶺外之賊不敢內犯

而休甯城中之賊因鮑超回剿景德我軍益孤賊勢益張張運蘭思所以懲創之二十四日派易開俊劉松山朱紹輝帶隊分路搜

洗而進行至小溪該逆列隊塵戰我軍大集賊勢不支乘勢追殺斃賊約三百人把總賀元峯力戰陣亡餘匪退踞藍田又有另股

萬餘自浙而來在鄧公橋一帶屯聚與休甯之賊互相聲援逼近漁亭一路臣因鮑超撤退後惟漁亭爲前敵最要之區飭令張運

蘭派湘勇兩營宋夢蘭帶安勇兩營又畱霆字四營合紮漁亭以厚兵力二十六日逆眾萬餘徑犯漁亭見我軍出擊踞橋抗拒我

軍分路被該逆不敢奪命狂奔追至崖腳斬僞宰相僞宣傳僞將軍僞指揮四名老賊千餘名忽上溪口之賊從南路來犯我軍

遂自東路收隊回營申刻賊眾萬餘衝至漁亭街口婁雲慶等分路掩殺至牌頭嶺日已向暮陳青雲等督隊過嶺追至當金街山

路險窄不能排隊陳青雲胡克勝衝入街內遇伏陣亡婁雲慶等各督本隊截殺伏賊數百名收隊回營查黟縣各軍十日之內凡

四大戰東奔西救有戰皆捷盧村一股該逆精銳殆盡尤足以寒賊膽而快人心至臣在祁門賊分三大枝環擾其西一枝經臣派

鮑超赴景德鎮與左宗棠會剿賊自景德退至石門洋塘一帶仍分黨擾建德彭澤即湖口之賊亦尙屯踞張家嶺一帶其東一枝

由婺源開化竄撲玉山縣城十一月晦日十二月朔日城中竭力防守未知能否迅速解圍其北一枝經十一月聞屢次痛剿見尙

未敢再犯如能將西路一股大加懲創自可分兵援應東路不使深入江西腹地皖南軍務可期日有起色報聞○以江南徐宿勦

匪出力賞總兵官田在田提督銜道員吳棠按察使銜○予安徽陣亡知縣楊志伊等祭葬世職○丙申袁甲三奏臣前次奏請以

東豫徐宿勦捻諸軍均歸僧格林沁節制與臣南北夾攻仰蒙採納命與僧格林沁隨時函商統籌全局伏思僧格林沁奉旨駐軍

東境急切不能南下近據探報捻逆仍圖結夥北犯欲以全力抗拒北軍直東在在可慮僧格林沁止可暫駐潛宵如銳意深入賊

股紛竄靡定萬一繞出其後必致兼顧不遑進退維谷其患不可勝言獨是捻匪勢已燎原若非及早撲滅豈惟東豫直各境岌岌

可危卽沿淮各營亦腹背受敵進不可戰退不能守一旦藩籬頓開捻逆與髮逆勾合爲害更烈僧格林沁一軍兵數並不甚多非

厚集旣恐不敷戰守欲添調又恐難籌餉糈只得就近素練之兵熟悉賊情者與之併力合謀乃能操必勝之權而制賊死命此北

路兵力不足不可不豫籌也至長淮爲南北關鍵必須振領提綱有高屋建瓴之勢乃能一氣貫注操縱自如見在皖省情形六安

以南歸楚師防勦壽州以上翁同書主之臣扼繁臨淮勢處下游上下千餘里隔紀既多連掉不能靈動卽臨時難以策應聞新任臬司李續宜智勇深沈極有權略且久歷戎行精於用兵在楚營督師勦賊入皖日久情形熟悉特一時不能到任卽令到任而責成不專不能盡其所長亦屬無功况近日團練構算非有大權以鎮之將排難解紛之不暇又安能專心防勦此南路事權一不可不豫籌也爲今之計得撫藩臬長於武略者軍務地方合爲一家據上游以控制全淮則勢順而易爲力再得苗沛霖李世忠兩營素相決治者拊循激勵而用之亦可收相助之效無須以大隊客兵徒滋掣肘兼糜糧餉也查楚師向稱勁旅爲羣醜所憚胡林翼練兵籌餉志切澄清且知非清皖不能保楚數年來不分畛域爲埽蕩江淮之計其所見甚大而所謀甚遠也特恐皖撫與楚師劃爲兩家不相聯合莫若卽以李續宜授爲安徽巡撫責令督辦安徽軍務在楚營不過少一帶兵之人而皖省督辦與楚師呼吸靈通必能聯貫一氣大振軍威至臨淮上下目前旣無進勦之機止須水陸數千以資扼守聯苗李兩營以爲輔助第必駕馭得人乃不至互生猜忌且事歸皖撫統轄以藩臬分任之更能指臂相聯查撤任河南藩司賈臻勇敢任事有幹濟才前在皖營最久素爲苗沛霖李世忠所信按察使銜補用道張學醇在臣營帶兵數年頗諳戎機且屢與苗練會合勦賊精明幹練極有作用若以賈臻爲安徽藩司以張學醇爲安徽臬司均令駐防臨淮籌兵督練必能與李續宜協力同心相助爲理長淮可以無慮卽賊蹤不至北趨臣於此時藉可分身計抽見有之兵可得精銳七八千人赴徐州一帶擇要駐紮期與僧格林沁聲勢聯絡不必再調未練之兵亦不必另籌格外之餉卽以臣營與僧格林沁見需餉數責令各督撫不准絲毫欠解士馬自可飽騰臣與僧格林沁隨時察看賊勢或前後策應或左右分擊再得徐豫兩軍爲之輔翼以扼旁竄不但北路可以屏蔽捻匪亦可計日蕩平矣黜陟之權非臣所敢妄擬而軍務利鈍所關一轉移間南北大局均有裨益又何敢隱忍不言儻蒙聖明垂察俯如所請卽懇飭下該員等剋期來皖俾臣得與籌商一切布置安善然後統師北去不至有回顧之憂至翁同書張光第皆老成穩練爲大吏中不易得之人應如何另候簡用出自乾斷不勝悚切待命之至上諭軍機大臣等本日據袁甲三奏通籌勦匪大局請酌量變通議旨令翁同書張光第來京另候簡用並授李續宜爲安徽巡撫賈臻爲布政使張學醇爲按察使均著卽赴新任毋庸來京請訓矣據奏皖省地方大吏旣得其人則長准可以無慮賊蹤不至北趨該大臣藉可分身赴徐州一帶駐紮與僧格林沁聲勢聯絡再以徐豫兩軍爲之輔翼捻匪可以計日蕩平各等語實爲通籌大局起見僧格林沁駐軍濟甯係屬北路屏蔽節據奏報捻匪有分股抗拒之信尤宜加意嚴防斷不可銳意深入致令根本空虛難於回顧袁甲三如能移師徐州北路兵力較厚與僧格林沁合謀併力先將捻匪節節掃除然後會商進剿機宜庶可萬全無弊至臨淮爲南北關鍵扼守最要袁甲三若遽行撤動亦恐逆匪乘虛竄撲必須俟李續宜等到任後會商布置一切妥協派委得力大員在彼鎮扼然後可以抽兵赴徐張光第見辦皖省糧臺所有經手未完事件須俟新任藩司賈臻到後接替有人方可飭令交卸將此由六百里咨諭令知之○命翁同書來京以李續宜爲安徽巡撫張

學醇爲安徽按察使由道選候補○召張光第來京以賈臻爲安徽布政使前河南布政使

患病期內旋卽聞知愧悔懇將飭船送還臣查該練人眾本屬良莠不齊既不能悔罪知非自應極免深究至與壽練構費尋仇一案

由會同翁同書秉公查辦並恭錄上年十二月二十一日諭旨宣示該練等知惑知懼不至別滋事端臣等仍飭苗沛霖約束練丁協同官兵勦賊以靖地方報聞○丁酉諭內閣崇實奏遵旨查明應結各案先行具奏一摺已革署四川總督曾望顏既據崇實查

無受賄情節著卽飭令回籍前任四川總督王慶雲既誤參陳彥坤於前復思諉卽於後前任成都將軍有鳳於派番要案大員不

令審辦完結均有不合除有鳳業經病故毋庸議外王慶雲並委員四川候補知府長敬鄒承彬徐錫金候補知縣王應昌均著文

部分別議處革職留任四川按察使蔣徵蒲督兵日久無功著送部引見候補直隸州知州伍雲錦雖訊無與本地紳士聯姻及浮

冒兵餉漕事惟辦團滋擾貪鄙不職著卽革職已革四川成綿龍茂道漢治孫已革台州知州陳彥坤均著卽行勒令回籍不准在

四川逗留嗣後凡有因案參革之員俱著照此辦理不准逗留該省以杜夤緣而肅吏治布政使祥奎知府史致康前敘州府知府

英匯宜賓縣知縣汪觀光既據訊無營私激變各情事均著免其置議○諭崇實奏請畱撤任提督帶兵並委撤任知府辦理團練

等語四川提督占泰前因帶兵恆怯無能貽誤地方當經將該員撤任交崇實查辦茲據該署督查明川省軍務遷延係由已革知

府田良牽制復因曾望顏咨調占泰回省致失城邑尙非該提督有心退避著准其畱營效力如再不知愧奮卽同邵桂芳所控之

案一併從嚴參辦前四川成都府知府楊重雅前因私抽邵桂芳呈詞亦經該署督查參撤任聽候審辦見在邵桂芳查無下落該

員平日官聲尙好著卽督飭認真辦團並催提邵桂芳到案訊明定擬以成信讞○翁同書奏川北道苗沛霖上年攻克鳳陽後欲

袁甲三移軍蒙城未經邀允該道卽心懷不服出言不遜又以賞犒過薄保舉未優袁營扣伊糧價阻伊販鹽時形怨望臣恐激成

巨患一面飛致袁甲三一面函商苗沛霖極力調停又因其助官勦賊於兵餉萬艍之時撥濟雜糧二萬餘石追攻破程圩優加賞

犒該道於臣營並無間言不意伊走蒙宿一帶爲捻匪所敗遁回老寨忿戾復萌藉詞投稟語多不經並稱擬將長淮上下關卡一

律歸苗營充餉臣與袁甲三以其擁眾恃強止得致書婉阻而該道已禁營下禁堵塞河道挾制兩營爲之設局抽釐又以私忿焚

掠練總徐立壯等之家發舉露骸殺武進士蘇姓倡辱署宿州知州董聲元肆詆河南撫臣慶廉及袁甲三近復令人赴沈邱縣境

煽惑各寨付紅旗十二面以作表記各寨未敢允從又往河南光州五屬恐嚇捐狂妄情形不可枚舉至壽州與鳳臺縣同城苗

沛霖原係鳳臺生員前年欲擁眾入城署鳳臺縣知縣姚德賓勸其少減從騎伊卽忿怒檄令城中將姚德賓細獻否卽屠城適臣

移軍到壽爲之和解得以息爭乃自上年冬間苗練在下蔡築營倡勒城中局董欲細送紳士員外郎銜孫家泰閩城驚駭十一月

城中圍練殺苗練七名並不請官定奪臣飭令知州任春和查訊據稱係販濟賊馬不服盤查爲練眾格殺臣一面函諭苗沛霖尋

候查辦一面飭令廬鳳道才宇和秉公嚴訊不意苗沛霖不候訊斷屢次發隊焚掠閩廬殺害行旅近日又將袁甲三營中兵米銀

錢礮船盡行掠去查該道桀驚皆在聖明洞鑒之中而此次起報究由壽州團練之擅殺練董員外郎銜孫家泰賦性剛慢不顧大局咎無可辭相應請旨將孫家泰革去職銜以便提同人證嚴行訊辦苗沛霖跋扈不馴深駭物聽但其練眾過多操之過急適以激變若姑息因循又恐尾大不掉爲害滋深應否大加懲創抑仍暫事羈縻應恭候諭旨遵行至正陽等處流言四起經臣派兵靜鎮尙屬安謐惟兵力尙單撫日內親往彈壓見仍時諭苗沛霖勉以忠義並令人至下察開導冀可不至決裂再官軍借苗練以制擒彼亦借官勢以號召其平日勦撫時有挾仇報復附之者多非心服故激而從撫者愈眾臣前遣委員黃殿楨親至楚店集面見逆首孫葵心據稱我等不服者苗練雖有意歸誠終恐爲其所害亦實情也撫撫而不歸苗練則必互相吞脣撫撫而盡歸苗練又恐愈滋流弊臣有守土牧民之責不敢不據實附陳上諭軍機大臣等奉州團練殺害苗練以致尋仇起釁練董員外郎銜孫家泰著革去職銜交袁甲三提同人證秉公嚴訊苗沛霖跋扈情形本應懲辦惟據袁甲三奏苗沛霖已將餉船送還該員既知悔罪不必操之過急惟將練勇尋仇一案剖斷平允自能折服其心翁同書因正陽等處流言四起欲親赴彈壓恐壽州空虛爲該練勇所踞亦不可不防會同書已降旨令其來京李續宣尙未到任該大臣務須妥籌兼顧毋令練眾滋事是爲至要另片奏孫葵心不服苗練恐歸誠後終爲所害等語孫葵心與苗沛霖不合故意存觀望此事亦須辦理妥協方無流弊貢臻見已授爲安徽藩司著袁甲三卽令其迅速赴任督飭該藩司辦理招撫孫葵心事宜毋得稍涉遷就致滋貽誤翁同書原摺片均著鈔給閱看將此由六百里諭令知之○調麟興爲工部左侍郎以清安爲盛京工部侍郎由內閣學士遷○以蕭浚蘭爲四川按察使由甘肅甘涼道遷○戊戌諭內閣朕此次回鑾並恭謁東陵禮成後駐蹕避暑山莊凡蹕路經行及中伙處所業經由總理行營王大臣傳諭直隸總督順天府府尹止頤一律平墊毋庸照舊例加細墊修惟該地方官吏往往藉辦差爲名苛派民間車馬夫役近年直隸地方兵差絡繹民力拮据若再以差徭擾累閭閻朕心實有不忍著直隸總督順天府府尹嚴飭各該州縣不得藉端勒派儻有陽奉陰違者卽行查明參奏至厄從人等車馬繁多尤不得踐踏禾苗致妨小民東作並著通諭各該衙門屢從官員及兵丁等一體懲遵○己亥以廣西梧州勤匪出力擢道員蔣益澧爲按察使賞副將高連陞巴圖魯名號餘升敘有差○劉長佑奏石達開悍黨僞國宗石鎮吉逆甥黃貴生僞宰制陳子麟等前撲百色廳城經兵練擊敗折回慶遠路過安定爲該土司潘梧所擒解送思恩府署知府徐引因賊氛喚緊原擬將該犯等在府正法旋以道路稍通解省究辦臣督同司道稟提研審據該犯等供認先同石達開擾犯江南江西各省嗣自福建與石達開分股竄陷廣東湖南沿邊各州縣直至桂林皆石鎮吉爲首石達開後由寶慶來會潰赴慶遠石鎮吉復踞賓州趙攻百色致被擊敗擒獲等情當將該犯等凌遲處死以彰天討報聞○胡林翼奏兩江督臣會國藩上年調總兵鮑超等軍渡江剿辦皖南賊匪派會國荃曾貞幹畱圍安慶牆濠深堅賊勢漸已窮蹙探聞逆首陳玉城復糾約李秀城并力西犯其大股賊匪均從南岸渡江而北會於無爲廬江以圖急援懷桐提督楊載福副都統多隆阿臬司李續宣前因安慶從陽日有警變於十

二月初八日會集樅陽安慶相度地勢審量賊情布置已定其多墮阿李續宣「軍仍堅抵柯城以備援勦」臣於十二月十三日禁營太湖以顧後路兼與前路桐城驛報捷近報聞○庚子子陣亡副將劉坤山等祭葬世職○辛丑杭州將軍瑞昌等奏賊竄李豐省城可危得旨省垣固屬緊要然近防不如遠勦仍應迅籌徵兵抵禦○王寅上御勤政殿賜近支親藩等宴○諭內閣國家發政施仁尤在欵恤庶獄朕自臨御以來兢兢業業惟願與吾民同臻上理而兵戈未息民困未蘇仰荷天祖付託之重未嘗不刻責自深痛瘞在抱上年朕三十慶辰業經頒詔各省軍流以下人犯俱減等發落並將秋審緩決三次及一二次人犯分別查辦矜恤之心內外臣民諒已共喻粵稽乾隆十一年嘉慶十一年均特頒省刑諭旨大沛慈恩亦越道光十一年皇考宣宗成皇帝紹述前徵復頒行曠典朕以涼德寅紹丕基茲當紀年開秋允宜祇遵成憲以冀消滌戾而迓祥和所有刑部及各省已經結案監禁人犯除情罪重大及常赦所不原者毋庸查辦其餘著大學士會同刑部酌量案情輕重分別減等請旨發落其軍流徒杖以下人犯一併分晰減等完結俾膺寬大之恩勉圖自新之路用副朕赦過宥罪子惠黎元至意○江西巡撫毓科奏饒州浮梁府縣兩城被匪闖入旋經三品京堂左宗棠督兵擊退得旨嘉獎○甲辰上御勤政殿賜王大臣蒙古貝勒貝子公額駙白吉等宴○乙巳上御福壽園賜御前大臣御前侍衛乾清門侍衛等食○諭內閣本日據巴棟阿等奏參喬松年將前任藩司王藻交款以三成解交北臺以一成解交南臺不知緩急且於口岸地方添設水師釐局與前議不符各等語鎮江軍務緊要前經諭令辭煥於王藻許敦詩應交款項內先提銀十萬兩交江南糧臺以濟急需見在王藻交錢三萬串合銀一萬八千一百八十餘兩自應先儘南臺提用喬松年僅撥出一成其餘三成俱歸江北糧臺殊未允協所有已交北臺之款著即如數撥歸南臺其餘未繳之款並著嚴催速提還奉前旨先其所急解赴鎮江軍營應用昨據喬松年奏請將此款分成勸撥並將王藻已交之款詳細聲明且未候諭旨輒即分成提交殊屬不合喬松年著交部議處至口岸釐局前據喬松年奏稱與民不便業經諭令巴棟阿停止何以江北復添設水師釐局並著喬松年明白回奏○命直隸天津道孫治專辦天津河間兩府團練事宜○丙午諭軍機大臣等本日據色克通額奏接木哩斐岳幅與軍機大臣咨文代爲呈遞一摺文內大意以俄國上年在京所定條約第四款有交界各處准許兩國所屬之人隨便交易並不納稅黑龍江將軍副都統並不遵照辦理各等情該處何以不照條約辦理必須查明以免藉口著恭親王奕訢等即行文特普欽等令其按照條約第四款出示曉諭該處商民互相貿易卽由該大臣等酌量咨覆○諭會國藩奏部文到營較遲請飭軍機處將所奉諭旨隨摺發等語軍機處事紛繁各處奏報摺件所奉諭旨勢難概行鈔錄隨摺發至軍營保舉所奉諭旨字數較多尤難卽時鈔發嗣後該大臣奏報凡緊要事件或閩繫缺分者由軍機處鈔錄諭旨附報發給其保舉各案接到軍機處知會即可於部文未到以前遵照辦理至奏摺尋常事件仍著聽候部文知照可也將此由五百里諭令知之○曾國藩奏湖南一省向稱瘠苦之區年來防勦本省援應鄰封兵勇分道四出而餉糈猶能爲繼良由經理得人取民有道

前助勦江西協濟黔粵歲費百餘萬兩久在

聖明洞鑒之中本年夏閒臣與左宗棠在湖南招募勇丁數近二萬餉項軍裝爲款

甚鉅皆由湖南竭力協濟得以從容集事臣以一省之物力止有此數協助別省者日多則供給本省者日少此有所盈則彼有所缺本不欲再用湖南之餉致蒙竭澤而漁之誠無如添募勇丁添製槍礮添造船隻在在與湖南交涉不得不藉資湘中之力以濟皖省之師爰與湖南撫臣熟商札飭臬司裕麟道員黃冕鄭元璧等會同藩司文格在於長沙設立東征局凡鹽茶貨物酌抽釐金於商民稅則所增無幾而於本省釐務兩不相妨臣與官文胡林翼等所統各軍同係東征之師同值缺餉之際議定東征局所籌餉項以三分之二解江西糧臺協濟皖南一軍以三分之一解湖北糧臺協濟皖北一軍又會同遜派官紳設立分局襄同辦理本年七八月內次第開局臣以隔省籌餉事涉繁難未敢遽行入奏九月間規模漸定眾情胥協徇屬力拯時艱著有成效惟是另設一局與本省抽釐不同凡鹽茶各商抽收較多者應倣照江西茶捐之例給予獎敘近歲以來屢蒙我皇上諭旨褒嘉湖南官紳有裨大局今茲時事彌艱猶能多方籌措謀及皖吳之師雖出自該局官紳報國微忱亦足見 圣主仁言感人之深有以激發於不自己者也得旨允行○廣東巡撫耆齡奏克復平遠縣城報聞○恆福以病免以文煜署直隸總督賞譚廷襄二品頂帶爲山東巡撫未到任前以布政使清盛署理調鄧爾恆爲陝西巡撫未到任前以布政使瑛榮署理賞何冠英二品頂帶署貴州巡撫由貴署○子江蘇殉難內閣中書趙起建祠江南殉難鹽運司經歷謝豐昇等祭葬世職○丁未僧格林沁西凌阿國瑞奏上年十二月間探聞捻匪五旗並出欲撲濟甯軍營臣等移師濟甯迤南唐家口一帶駐紮因該處有牛頭河一道東西綿長八十餘里堪以扼守旋據曹單金鄉等處紛紛告警請兵救援臣等卽於本年正月督帶馬步隊取道金鄉探報捻匪在距金鄉四十餘里之白福園及田家集等處盤踞初六日大股向西北奔竄臣等督隊跟追十一日追至菏澤縣屬之關李家莊地方逆眾四五萬人列隊抗拒臣等以馬步隊分南北中三路進勦槍礮連環斃賊無算該逆愈聚愈眾我兵因連日奔馳沿途無食飢疲萬狀自卯時戰至午刻步賊冒煙而進馬賊兩旁鈔襲副都統銜舒通額督帶馬隊將北面之賊擊回而步賊已撲入中隊我軍短兵接戰正在相持南面之黑龍江馬隊陝甘步隊力不能支先行退後兵力益單中北二隊被該逆圍繞勢難支持均卽潰散槍礮器械遺失多件二品頂帶察哈爾總管伊什旺布登時陣亡應請旨交部議卽以慰忠魂臣等調度乖方應請旨交部嚴加議處至歸化城副都統桂成統帶陝甘官兵黑龍江協領色爾固善管帶馬隊接仗時督隊不力首先敗退應請旨革職畱營戴罪圖功見在捻匪仍在曹縣一帶游弋臣等因地方蹂躪人馬無處覓食已回駐唐家口收集官兵整理器械再圖進剿至陝甘官兵不能得力見擬詳加選擇分別革退遣撤惟既經開除兵力更單查東省鄉民較爲勇敢擬卽隨時招募充補以厚兵力 上諭軍機大臣等僧格林沁等督帶重兵北地倚爲屏蔽朕惟恐該大臣銳意輕進疊經有旨諭知自應倍加慎重一聞該匪入境卽當前後布置謀定後戰乃奔馳數日率飢疲之卒當方張之寇後路旣無援兵左右亦少策應以致爲賊所乘勇往雖有餘惜尙未能持重也該大臣見在收集潰兵回

駐唐家口著卽將不得力官兵嚴加裁汰招募充補一面聯絡民團扼要嚴防毋令該匪再行北竄本日已諭知袁甲三派援兵勇會同田在田伊興額等實力截擊並牽制捻京後路至該匪人數眾多皆係烏合伊興額於徐宿一帶素得民心著卽飭令激勵鄉團相機堵禦並解散舊從設法招撫捻眾以孤其勢俟袁甲三移營徐州以後再與商定機宜會同勦辦方有把握此時總不宜輕進再蹈覆轍昨恆福摺謂該大臣未可輕易直前所奏不爲無見著飭給閱看將此由六百里諭令知之○命河南按察使鄭元善畱省專辦圍練事宜毋庸幫辦毛昶熙軍務○以山東荷澤剿匪失利僧格林沁等下部嚴議革副都統桂成協領色爾固善職畱營效力予陣亡總管伊什旺布祭葬世職○戊申 上御萬樹園大幄次賜王大臣官員蒙古王貝勒貝子公額駙台吉等茶果○庚戌諭軍機大臣等皖省捻匪滋事以來疊經官軍勦辦斬馘甚多而此剿被竄蔓延東豫愈聚愈眾本應悉數殲除以彰撻伐惟念此中良莠不齊其被匪裹脅並非甘心從賊者正復不少若概行勦辦恐人數眾多久煩兵力且該捻爲粵逆前導抗拒官兵身罹鋒鏑之害而粵逆則坐享其利其愚亦屬可憐著袁甲三穆騰阿鄭魁士毛昶熙李續宜嚴樹森於皖豫境內剴切曉諭解散脅從有能悔罪輸誠自拔來歸者概予免戮其中如有才具可用者並酌量錄用卽如李世忠自投誠後屢立戰功朕卽擢至提督該捻首若能殺賊立功亦可渥膺懋賞儻始終抗拒執迷不悟惟有嚴行勦洗亦不能任其猖獗李續宜嚴樹森身任封疆尤當督飭地方官辦理招撫安插事宜俾解散之民各復本業不至再爲裹脅方爲妥善孫葵心投誠一事前已有旨令賈臻迅赴皖省辦理該捻首於賈臻素所信服著傳諭該藩司遵奉前旨迅速妥辦毋稍遷延至徐宿一帶情形田在田勝伊興額俱所素悉著卽會同商辦勦撫並用俾該匪等自新有路庶免概遭殺戮吳棠久任淮徐素得民心於招撫解散事宜尤當與田在田等會商妥辦此事從前屢次頒發解散脅從諭旨各路統兵大員及各該地方大吏並未實力奉行此次袁甲三等務須實心辦理不得視爲具文仍著整飭官兵如有始終頑梗必應勦辦者卽行督兵殲除亦不得因有此旨致懈軍心將此由六百里諭知袁甲三穆騰阿鄭魁士毛昶熙李續宜嚴樹森田在田勝吳棠並傳諭伊興額賈臻知之○諭安徽一帶捻匪擾及東豫到處可結裹脅良民以致愈聚愈多此剿彼貳朕思此輩烏合雖眾未必皆甘心從逆之人若概予誅夷朕心實有不忍李世忠自投誠之後屢立戰功爲國宣勞是以擢至提督該員於捻眾頭目多所素習其中必有情願投誠而自知罪重意存觀望者若能宣示朕意使其自拔來歸必當寬其既往如有幸眾歸誠助兵勦賊者更不難立沛恩施以彰激勸至怙惡不悛負嵎抗拒者惟有嚴飭各路官兵認真勦辦亦不能任其猖獗也該提督忠勇性成務必仰體朕心盡心籌辦儻能招集捻眾併力攻剿粵逆克奏庸功更膺懋賞實於該提督有厚望焉○辛亥雲貴總督劉源灝奏克復獨山州城報聞○以貴州長寧廳城被匪竄陷革將賈連陞等職畱營差委予陣亡同知劉宗元等祭葬世職建祠○壬子翁同書奏查苗沛霖始則倚官倡民繼且挾眾抗官所到之處錢漕不能開徵詞訟不由官斷聚財無厭足殺人如草菅偏令紳富大戶將妻子遷入老寨爲質勒索不遂則圖家戕害又於蒙城宿州擅立公局私設公案任

意殺戮近在蘆州殺_臣差弁千總韓登喜及步兵王鳳鳴欲劫所解餉銀並在兩河口搶劫同知史久恩銀物將該員擄至下蔡勒贖種種跋扈駭人聽聞以致強梁者從之如雲不服者去而入擒日勦擒而擒愈熾職此之由見接袁甲三鈔送苗營信稿狂悖詆欺實堪髮指所稱_臣會諭拏伊營之人其言毫無影響_臣方出示禁殺苗練冀弭爭端豈期憑空誣捏希圖聳聽_臣因南北皆當多事之秋不肯再任沿淮團練同室操戈重煩聖慮是以極力調停冀兩造各知悔過乃_臣貽書勸慰至六七次苗沛霖一字不覆又接袁甲三密函知苗沛霖遣人赴勝保營中投稟內稱孫家泰徐立壯拘囚巡撫不許官軍進城並強奪其印明調官軍暗勾髮逆等語尤堪駭笑其所以流言惑眾者實因_臣在壽城未便公然犯順是以任情汚穢至於壽紳與苗練均有罪狀而輕重大小昭然可見_臣已函催袁甲三派大員來壽將紳練激變之處秉公查辦絕無徇庇而苗沛霖怙惡不悛亦豈容養癱貽患邇來遠近士民聞伊桀驁皆不樂爲之用但能仰邀乾斷詔書一下軍民心自必倍加踊躍除惡務盡惟力是視_臣軍雖飢疲然勉以忠義無不入思效死本月初一日下蔡苗圩發隊水陸並進內有所掠臨淮礮船二十餘隻直撲壽州城下傷我勇二人嘗經副將黃鳴輝飭令開礮將匪船擊回初九日又有馬步千餘過淮焚掠殺傷民人無數擄去婦女數十名_臣正欲出隊其眾已遁回下蔡疊據參將韓殿甲等偵探並合肥北鄉練董密報苗沛霖勾結廬州粵逆遣僞官余凌璇許導奎趙大治赴苗練老寨會議欲攻襲正陽關_臣惟不動聲色靜以待之連日出城操演伍整齊夜間派弁兵登陴巡守亦無疏懈苗沛霖聲言具三月糧攻壽州城先絕餉道殺傷商販_臣緊營河口淮河始通特糧餉不繼兵力尙單乞飭下河南山西陝西三省源源接濟月餉並飭湖北巡撫胡林翼撥精兵二千名駐紮三河尖協同防勦以固楚豫而壯聲威_上諭軍機大臣等苗沛霖種種跋扈屬形同叛逆難以姑容惟其手下人數衆多操之過急轉恐立啟釁端著袁甲三嚴密訪查如果苗沛霖自知悔悟原不妨暫事羈縻若如翁同書所奏桀驁情形怙惡不悛士民皆忿且有勾結粵逆攻擊正陽之說亦宜防患未然不可一味姑容以致養癱貽患翁同書已令來京李續宜見授旣撫壽州地方緊要設有疏虞所關非細本日已諭令胡林翼派撥精兵二千名駐紮三河尖協同防勦李續宜到後即可分撥布置並察看苗練情形妥籌辦理固不可激之生變亦不可任其挾制官長致成尾大不掉之勢壽營軍餉已諭令嚴樹森常績瑛棨迅籌接濟矣翁同書摺片四件著鈔給閱看將此由六百里各諭令知之○諭本日據文煜奏捻逆由鉅野分竄館陶菏澤俾撫曹州府城護限並攻破觀廟李莊等處前隊竄至直隸東明縣境由武備岡向西南東明長垣等縣竄撲已分別咨飭直隸總督大名鎮道派兵堵截復據聯捷奏稱捻眾竄至長垣縣屬三翟莊口東明縣山里屯河口踏冰過渡均經練勇擊退見調鄉團於河岸防堵各一摺擒匪大股竄偪直境畿南重地防務倍關緊要著聯捷卽督飭兵練嚴扼河干斷不可任其徑渡儻防守不密致賊闖入畿疆朕惟聯捷是問本日毛昶熙奏截擊捻股大獲勝仗見在匪眾偪近直墳蘭儀考城已有賊蹤毛昶熙當督帶兵各員追勦俾擒逆有所牽制不敢徑行北趨如與聯捷併力迎頭截擊尤爲妥善總期令該逆回巢毋任匪蹤闖入畿疆是爲至要將此由六百

里諭知毛祀熙並傳諭聯捷知之○諭令同書奏請飭撥楚兵協同防勦等語據稱苗沛霖因與壽州團練尋仇時思殺官報復聲言欲攻壽城並有勾結廬州粵逆之語見在該前撫練兵守陣紮營河口尙無疏懈惟兵力尙單請飭湖北巡撫撥精兵二千名駐紮三河尖協同防勦等情苗沛霖恃強跋扈意存叵測已諭令袁甲三妥籌辦理前有旨令翁同書來京另候簡用授李纏宜爲安徽巡撫見在壽州兵力尙單著官文胡林翼就近調撥精兵二千名派委得力將弁統帶駐紮三河尖以壯腕軍聲援而固楚疆門戶至胡林翼前保之同知劉蓉見在何處聞該員才具尙好應如何錄用之處並著胡林翼酌量具奏將此由六百里諭令知之○諭前因綿性奏變通私徵轉爲公用誠恐該伯克再行額外加徵重累回人當交常清等體察情形悉心議奏茲據綿性奏稱阿克蘇回子生齒日繁影射之戶甚多非稽查明確不足以昭平允已派令回子郡王愛瑪特幫同章京國燭等查明三莊戶口並查有勒索錢文之七品伯克二名卽行懲辦等語變通私徵以充公用是否可行尙未據常清景廉覆奏綿性自應俟奉諭旨後再行查辦且甫經清查卽有伯克勒索錢文之事愛瑪特等亦難保無藉端需索情事著常清等嚴密訪查並將變通私徵有無流弊之處迅卽據實具奏將此諭令知之○癸丑諭內閣勝保奏已革大員捐輸銀兩據情代奏一摺已革江南河道總督庚長前因清淮被賊竄擾未能堵禦降旨令其來京聽候審訊自應靜候訊辦乃案尙未結輒先捐輸銀兩希圖加恩屬冒昧庚長所捐銀兩著卽擲還仍著迅卽來京聽候審辦○袁甲三奏遵查苗沛霖投稟勝保軍營所稱徐立壯孫家泰不准官兵進城一節翁同書駐師壽州本不能盡禁城內且恐兵民雜處易滋嫌怨是以令官兵在城外營營出入皆有稽察並非徐立壯等不准進城藉以挾制至謂徐立壯等拘囚巡撫強奪其印尤屬毫無影響徐立壯曾隨撫營帶練助勦經翁同書先保之而後參之孫家泰本駐壽城見經翁同書參革職銜其爲不受要挾已可概見又稱暗勾勾連與苗沛霖打仗一節查頑壽蒙毫一帶偏地皆告苗沛霖平日勦匪結怨亦復不少徐立壯曾與苗沛霖同事勦賊其底細皆所深知此時攢釁尋讐人心洶洶其暗中句撻報復亦在意中不能保其必無也苗練恃眾跋扈已在聖明洞鑒之中自壽練擅殺復令有所藉口臣前已遣人委曲開導漸就範圍而彼此懷疑浮言四起見復添派新任臬司張學醇前往壽州會同廬鳳道才字和迅速查訊務期剖斷平允以折服其心至苗練前次截留臣營餉船頗有危不自安之意迨臣理諭情遣伊亦自知悔悟見因事無定局餉船仍未送還報聞○甲寅諭內閣上年諭令河南等省辦理團練並派督辦大員各就地方情形妥爲經理茲據御史吳祖昌奏兩廣幅員遼闊請飭合辦團練並於肇慶設局等語著照所請所有廣東廣西兩省團練事宜卽著兩廣總督會同廣東廣西各巡撫按照河南等省團練章程認真妥辦並於肇慶地方設立總局揀派公正官紳協同辦理毋得有名無實○諭軍機大臣等本日據嚴樹森毛祀熙奏豫省歸陳許鄭汝光地皆平陽無險可扼見自曹單竄往之捻已逼省城而歸德以南另股竄匪馬步逾萬省城官兵不敷守塚毛祀熙所部悉皆步勇馬隊不滿三百滿營之馬疲瘦不能禦敵賊騎我步攻勦難施請飭撥東三省馬隊二千名來豫等語所奏自係爲利於鈔擊起見惟吉林黑龍江馬隊近年

病疫不能集商賈馬亦以巧集莫於詩作

調赴各路軍營爲數過多實已無可再調見在捻匪由山東竄至直隸之長垣東明等境北路防剿尤關緊要卽有官兵亦難調赴豫省該撫等旣分飭各屬勦捕馬匹即可挑選精銳官兵練習馬隊或招募募馬勇以資攻剿刻下捻匪鴻張毛昶熙等惟當就見有兵力認真堵剿毋得專待客兵致有貽誤將此由六百里諭令知之○丙辰僧格林沁西凌阿國瑞奏自前次接仗後捻匪業經折回竄出東省邊濠十七至二十等日復有另股由歸德虞城一帶竄至菏澤縣地方查該逆更番肆擾^臣等兩次迎剿未能得手原擬乘其竄出東境卽行移營前進守衛邊濠以扼東省門戶不料一股甫退一股復來蓋東省富庶該逆垂涎兵團扼守邊濠不能遂其掠奪是以屢次希圖牽掣見在菏澤一帶盤踞亟應督兵剿除惟步隊行走遲延且器械尙未齊備已札調知府趙康侯並曹州等處團總各帶鄉團在鉅野縣濱大義集會齊^臣等擬於二十五日督帶馬隊前往合力進剿儻能大彰撻伐餘匪竄出邊濠卽一面分布兵團逐段防守一面趕緊築濠塹以資捍禦上諭軍機大臣等捻匪更番出竄意在疲我兵力當此賊勢方張正宜謀定後戰克操勝算以期大挫賊鋒僧格林沁此次復親帶馬隊銳意輕進深恐再蹈從前覆轍著卽督飭各屬鄉團迎頭截擊並飛催步隊官兵相機策應該大臣身爲統帥指揮調度是其專責斷不可輕臨前敵屢冒危險俟此股擊退趕緊分布兵團防守邊濠遇賊來路以待袁甲三等分兵會剿兵力稍厚再圖進取方爲安善將此由六百里加緊諭令知之○諭田在田奏壽州團練構釁見赴宿州鎮撫一摺據稱淮南團練殺傷苗練致苗練憤起爭端淮北數百練圩紛紛糾眾構釁沙河渦河一帶新附各圩飢民乘機赴靈泗等處滋事宿南人心震動見經間導宿州民練將苗練旗號撤去並分撥兵勇在宿境東北駐紮一面馳回宿州鎮撫人心等語苗練與壽州團練構釁當經諭令袁甲三秉公查辦並安爲安撫田在田見回宿州自係爲安定人心起見惟此時捻匪竄擾東境延及直隸東明長垣邊界本日復據僧格林沁奏稱此股捻匪雖已折回竄出東省邊壕而另股捻眾又復竄菏澤徐州是爲至要將此由六百里各諭令知之○諭田在田奏撤退東勇被團眾格殺多名請飭查辦等語據稱傅振邦撤去東勇五百名行至泰安縣大汶口地方被民團截殺六十三名內有官兵二員遊擊傅萬清後至遇劉紹英認保未被砍殺旋據該縣知縣稟稱境人數浮多恐有匪徒闖入亦當報明該地方官辦理乃因不服盤詰彼此械鬪殺斃多名實屬兇橫不法知縣方振業事後查辦不實抑係該處民團恃強滋事該知縣藉詞規避務須稟公勘究按律懲辦以期兩得其平毋稍寬縱原片著鈔給閱看將此由五

百里諭令知之○吉林將軍景淳等奏捕珠各河與夷務無礙得旨圖畱中著於十三年照例採捕今歲即趕緊設法籌辦除必需之款仍照例支放外其餘可減則減通融辦理○丁巳翁同書奏壽城之殺苗練之殺官兵弁議者謂宜兩懲之以持其平似矣而未盡也壽城殺苗練是巨案也禍無有烈於此者也苗練殺官兵是細過也罪尚有浮於此者也今縱兩懲之不過調停粉飾爾豈得謂此後遂可無事乎欲官有權必盡撤各城苗局而後可欲民無怨必嚴禁各奸領苗旗而後可欲長淮復通必速撤下蔡苗奸而後可然此令果下苗練必抗且爭爲患無已且日苦心守土而竟敢誣指爲拘囚彼舉兵攻城尚不敢訟言其悖逆是非倒置有識寒心臣見按兵不動聊固吾圉欲振作則恐誣爲激變欲姑息又恐議爲養奸進退維谷無所適從頃據合肥北鄉練總褚開泰稟稱苗沛霖遣人往廬州具稟該總練將其稟稿密呈有欲句結髮逆搶掠壽州以南一帶並欲攻取兩淮山東河南地方等語此事所關重大謹將原稿封呈御覽又本日苗練過淮築營迫晉民圩歸服臣親往北門五里廟營盤屬令嚴防仍不出隊其壽州一案疊次催調才字和杳不見到袁甲三亦未遣員到壽會審臣與鎮道各大員函致苗沛霖婉曲勸慰皆置不答至臣營協餉絲毫不至者已五十日枵腹荷戈勢將瓦解可否請旨仍飭下山西陝西將月餉儘解臣營並飭河南於協餉外另撥銀數萬兩速解壽州以濟眉急出自天恩上諭軍機大臣等壽州餉需不至者已五十日諱潰堪虞袁甲三昨奏請於皖省協餉內明定章程業經諭令各該省如數撥解壽營待餉孔亟該大臣自當不分畛域著由臨淮軍餉內無論多寡先行通融勸撥以冀保全大局至苗沛霖偏脅紳富領旗並密稟內有欲句結髮逆搶掠壽州以南一帶並欲攻取兩淮山東河南地方合肥練總褚開泰所呈苗沛霖稟稟是否實有其事或係壽州團練僞造希圖搆釁均未可知著袁甲三嚴密訪查如果苗沛霖有句結髮逆之事亦宜不動聲色安爲防範不可稍涉大意並嚴催張學醇才字和將團練仇殺一案迅速表公查辦毋稍延誤苗練見在過淮築營逼晉民圩歸服並著田在田伊興額確查該練動靜密爲防備切不可稍涉張皇以致激而生變翁同書密片一件苗沛霖稟稟並鈔錄摺片二件均著鈔給袁甲三閱看將此由六百里密諭袁甲三田在田並傳諭伊興額知之○諭勝保奏練兵籌費添置器械一摺據稱圓明園八旗包衣三旗兵丁入槍營操演者向止二千四百名見擬於八旗護軍內挑出精壯兵一千四百名統共三千八百名並添置擡槍鳥槍排槍刀矛馬槍號衣等件共需銀六千三百六十餘兩請於釐捐鹽價罰賄各項銀兩內提用或由部籌款一萬兩品項帶辦理吉地工程○戊午諭軍機大臣等毛昶熙奏兵勇馬隊過單見擬每寨挑選壯丁一名騎馬一匹於到營後按照馬勇給發口糧事竣各回原寨等語捻匪馬匹甚多我軍馬隊過單僅恃步隊追剿勢難得力自應多添馬隊以資攻擊前因馬隊不能再調諭令毛昶熙招募馬勇該大臣見於每寨中派選一人一騎輕而易舉並於投效之人責令寨長保送約歸陳兩屬中可得馬

隊三四百名辦理尙屬妥協惟賊勢剽疾異常恐見集馬隊尙不敷攻剿著於歸陳兩屬之外再行設法選派馬勇務期多多益善俾成大隊庶可隨賊所向馳往攻擊另片奏辦理招撫總首事宜等語孫葵心在六安境內既爲該逆等拘囚投誠之意自必更堅正宜乘此機會迅速入手以免致滋他變賈臻業已調任安徽著即飭令該漕司設法辦理毋再遲延將此由六百里諭令知之○是月緘徵直隸滄州等三十九州縣被火村莊新舊額賦山東臨清等四十八州縣並德州等四衛被災莊屯本年額賦蠲緩江蘇高郵等二十一州縣被擾地方新舊額賦川沙等三十三廳州縣並淮安揚州等五衛歉收被兵地方新舊額賦貸山西薩拉齊等九廳縣被災倉穀展緩汾洪洞二縣歉收村莊新舊額賦

二月己未朔諭內閣徐之銘奏回匪襲踞晉寧州城旋卽克復並江川甯州等處解圍一摺上年十一月間雲南迤西回匪分股襲踞晉寧州城經知州熊夢昌等調集練勇分隊進攻外委李和首先登城外委蔣連璧等先經改裝進城放火接應兵勇乘勢齊登斃賊數百名逃出之賊復經兵練截殺五六百名奪獲槍礮器械無算立將州城克復另股匪首馬勇卽馬雙恩攻撲江川縣城署知州訥謨謹等分路剿擊武生周鈞等殺賊三四百名武生李必湯子戰馬更斃命賊始紛紛敗潰出城追殺三十餘里其攻撲甯州之賊經知州文廷銑等分督兵練竭力守禦並乘夜圍攻賊營槍礮齊施斃賊無算復追殺十餘里賊屍徧野江川甯州兩屬均已一律肅清勦辦尙屬出力在事出力員弁著徐之銘擇尤保奏候朕施恩○諭軍機大臣等徐之銘上年十月間奏請令張亮基在任調理摺內有七月二十四日護提督褚克昌陣亡之語未見專摺奏報是否摺件遺失著該撫查明該總兵陣亡情形詳細具奏其回務副掌教徐元吉武生馬如龍前據該撫奏請令其辦理應撫事宜此次賊踞呈貢經總兵何自清督兵剿擊克復縣城詳細情形摺內亦未據聲敘至楚雄府城被陷時迤西道宋延春如何回省有無逃避情事均著徐之銘確切查明據實詳晰具奏將此由六百里諭令知之○予雲南陣亡典史羅宗洲祭葬世職○辛酉僧格林沁西凌阿國瑞奏查馬隊見有三千餘名臣等選帶二千餘名於正月二十七日行抵太義集途次接據探報總匪分三股先後闖入東境定陶曹縣荷澤等縣地方往來無定臣等詢之大義集及附近各村團長則稱賊勢甚眾鄉團膽怯不能協助迎剿卽各守村寨尙不知能否保全等語臣等查係實在情形萬難勉強卽於二十七日仍回唐家口激勵官兵防守河岸至馬步官兵潰散之餘喘息未定銳氣未復欲抵此十餘萬方張之寇強弱懸殊難望得手惟有養精蓄銳裁汰疲乏以圖再舉其陝甘官兵不堪驅策者約一千餘名擬卽遣撤回伍一面咨商袁甲三迅卽撥兵會同田在田伊興額實力截擊以便牽制總匪後路俟牛頭河及運河防守布置嚴密後如有可乘之機再行督兵剿辦上諭軍機大臣等此股捻匪旣號稱十餘萬兇悍異常各屬鄉團未能協助官兵但各守村寨必須互相聯絡方能杜賊竄撲該大臣等仍當激勵趙康侯等令其分飭鄉團遇賊卽擊毋令賊蹤北竄見在裁汰陝甘官兵二千餘名兵力更單惟有將牛頭河及運河等處各要隘嚴密防守以固北路藩籬俟袁甲三會同田在田伊興額等分兵剿辦將擒匪後路牽制該大臣再當酌度機宜督

兵策應此時宜仍遵前旨不可銳意輕進再蹈從前覆轍將此由六百里諭令知之○諭前因綿性奏變通私徵改充公用一摺復據奏派令回子郡王愛瑪特查明戶口並有伯克勒索錢文情弊等語先後諭令常清等嚴密訪查並將變通私徵有無流弊之處迅速據實具奏本曰據英蘊奏參綿性私設鹽課並未與各城商辦於上年三月開徵每月每人收普爾錢二文三品伯克至七品伯克按品級每月交錢五十文三十文不等收至三四箇月停止並向安集延外夷每月挨名收要喫飯鹽錢以致安集延夷人遞稟申訴至該大臣具奏變通私徵轉爲公用應俟奉旨允准再爲舉行輒卽咨調已革阿奇木伯克阿密特並擅畱愛瑪特辦理清查戶口事件等語編性私設鹽課並向安集延外夷一律徵收似此任性妄爲深恐激變地方著常清景廉查明綿性所收錢文若干作何用項並查明愛瑪特如有勒索回眾情事卽一併據實參奏毋稍徇隱將此諭令知之○予貴州陣亡副將吉寶等祭葬世職○都興阿奏正月初旬天長髮逆句結稔匪陳自明直撲金溝當派守備陳浚家等各帶礮船分路進攻詎該逆在南宮廟搭造浮橋搶過北岸由旱路繞至塔兒集等處我軍登岸迎剿連日斬馘頗多初十日賊眾由金溝西岸突出三千餘人官兵佯爲撤動誘其離巢返戈同擊殲斃亦復不少遂密飭各隊四處設伏當將浮橋焚燬我軍搶過西岸盡力追殺約斃賊二千餘人餘賊向天長一帶分路竄逸十六七等日該逆約有三千餘人突至大儀集等處聲言直撲瓜揚另股賊馬圖竄邵伯經參領海全派令委參領富升等各帶馬步隊行抵大儀地方該逆列陣迎拒富升等帶領馬隊直前衝擊李有才等分左右兩路前進孫文友擣其中堅逆勢不支追殺十餘里斃賊甚多當卽收隊回營至江陰黃田港有賊船數百隻新溝有長龍賊船八十餘號日在君山演礮並在常州辦船計圖北竄下游江靖一帶水路防務突重見添派參將刁經明酌帶礮划船赴下游會同原泊師船妥爲布置並令總兵吳全美調撥快船破船剋日下駛一體防禦以固江北藩籬報聞○楊載福奏上年十一月二十二日首逆陳玉城率眾萬餘來攻樅陽以圖進援安慶經總兵李成謀督同遊擊章志俊飭令各營靜鎮固守賊卽踞於附近之七里亭地方章志俊在樅陽街頭築立一卡力扼要衝李成謀分派三板船拖入蓮花池內護衛營卡二十四日賊眾在下樅陽河岸攻撲水營時水落岸高師船破施無準李成謀飭勇在羅塘洲安礮對岸轟擊斃賊多名賊乃分股於隄內掘塲欲渡蓮花池水使師船不得停泊以圖便於攻卡副將左光培於洲上添排大礮李成謀並調集擡槍齊向隄內轟擊章志俊亦派隊由陸路出攻掘塲之賊始退當於該處築卡扼守二十五日該逆全力攻上樅陽街卡章志俊督飭伊昌景等營極力守禦_臣慮章志俊兵力太單卽於是日帶參將陳代友等率正左正右兩營策應該逆忽退踞官埠橋意在別尋路徑查樅陽小河潮流而上約百餘里可通安慶之路甚多_臣隨於二十八日督率師船擇要設防以斷該逆暗渡擾皖之路賊見無隙可乘由官埠橋復竄樅陽占踞附近各山築壘多座連日出隊爭撲均經官軍擊退正月初一日賊又分數股襲樅陽上下各卡我軍豫爲設備賊不得逞遂於初三日仍退往官埠橋盤踞我軍卽將附近城壁概行鏟平惟官埠橋距樅陽僅二十餘里難保不復來窺伺_臣仍督飭各軍認真堵禦以免疏虞報聞○壬戌以捐輸軍餉永廣

江西鄉試中額一名南昌府學額五名武甯六名○癸亥諭軍機大臣等毛祖熙奏捻匪出巢四竄請會合鄰省馬隊痛加勦洗一
摺據稱捻匪自甯陵解圍後退至該縣迤北有沿隄東竄之勢前竄東境之捻由曹考西趨蘭儀邊境意在勾連前股西犯復潛繞
夏邑東北一路經官兵追逼已向東南遁去白旗捻股竄向柘城一路攻撲縣城劉狗等捻時在沿邊一帶往來游擊聲言欲撲歸
德郡城因蒙毫一帶米糧缺乏是以傾巢而出若四面攻擊實可削平惟存營馬隊太單不敷防剿請飭德楞額伊興額督帶馬隊
來豫會剿等語捻眾傾巢出竄如能厚集兵力痛加剿洗較之圍攻捻圩自易為力惟見在賊匪擾及東境北路正當喚聚著僧格
林沁等斟酌情形如德楞額伊興額可以帶隊前往卽飭赴豫省會同毛昶熙之軍合力勦辦儻擇縣及徐州一帶地方防勦緊要
卽令該副都統等確探賊蹤分投迎擊與豫省官軍互相援應亦不得株守一隅致誤事機將此由六百里加緊諭令知之○辦理
四川軍務湖南巡撫駱秉章奏啟程赴川日期得旨初抵川境卽將川省軍務並經過地方情形馳奏○甲子袁甲三奏捻逆結夥
北犯臣本擬將皖事布置周安卽押帶精銳進駐徐州與僧格林沁會合夾擊乃團練構鬱壽城擅殺一案臣添委臬司張學醇赴
壽會同廬鳳道才宇和查辦尙未接據稟報而苗沛霖又以缺糧爲詞糾約宿州小黃旗等練赴東路泗靈打糧枝節橫生遠近震
駭當卽分別函札剴切勸諭飭令撤回一面派撥兵勇飭委總兵張得勝等帶赴固鎮相機遏截並飛屬總兵膝家勝由徐宿趕赴
泗靈聯絡民圩以資鎮攝如果卽日撤回尚可設法駕馭儻竟不服彈壓不得不以兵力鉗制又據蒙城官紳稟稱苗沛霖前調蒙
練有圖攻壽城之說該練董等激動公憤將其城內所設公局辦事親信之人搜殺數名餘俱逐令出城一切稟命於官不受苗練
脅制人心奮發深明大義與壽城之擅殺不同但恐民志未能堅定該練或又乘機報復則軍務尙未定局兵勇驟難分撥臣惟有
體察練情相機酌辦儻稍有定局卽當派撥勁旅速赴徐宿與田在田伊興額等會合兜剿先以牽制捻逆後路一俟李續宜到任
會商布置臣卽統兵北去與僧格林沁互相策應力歸捻氛以固北路藩籬翁同書奏竊臣欽奉諭旨特召回京伏念臣從軍將及
十年尚未得瞻仰 天顏臣父母年逾七旬亦久違定省茲得解職回京竊符私願惟查苗營水陸隊伍直逼兩河口圖撲參將鄭
昌林營盤各鎮將紛紛稟請出隊臣以苗練攻城此時意主撫綏不得不爲之隱諱儻我軍出隊勢必爲所藉口因嚴禁出隊止令
水師礮船巡守而兩河口一經紮營壽州卽不可保臣一面督令登陴守禦一面飛咨袁甲三妥籌兼顧袁甲三以臣爲頑壽人心
所繫凶屬少畱惟臣性情耿直於互爭一案未能調和久畱誠恐無益見在孫家泰業經參革徐立壯亦已遠移擬俟苗營宿忿稍
平孤城可保卽遣人齎送關防文新任撫臣李續宜接收臣卽日啟程回京儻攻城日急臣惟有始終守護以死殉之斷不敢取巧
苟全飄然遠引置國土民生於不顧又奏正月二十四日下蔡大隊數千到兩河口與黃鳴鐸水師鏖戰竟日次日過淮由八公山
後分兩路直臨城下徑撲北關殺傷民人數名旋撲兩河口參將鄭昌林營盤臣聞警卽督兵登北門守禦見下熱馬步隊撲營不
能逞志卽以大隊分撲北關集總兵尹善廷帶勇過河截勦副將黃鳴鐸督帶水師礮船往來衝擊相持三時之久彼見我軍添調

隊伍始行撤回而兩河口礮船被下蔡礮船圍攻傷勇多名其隊已由菱角觜過河正陽萬分喫緊查臨淮道路久已不通袁甲三萬難兼顧僅正陽失利則壽州在宣綱之中不特臣回京無期卽招報亦無路可達請旨飭令新任撫臣李續宜迅率勁旅星夜來壽庶危城尚可保全又奏張學醇已至下蔡而苗沛霖亦到下蔡該司與苗沛霖素向相得當可排難解紛又查臣奉旨進取呼應不靈所有頑壽六安軍務在李續宣未到之前必應由袁甲三安籌兼顧張學醇久在袁營帶勇可與慶瑞黃鳴鐸等安籌商辦臣即可諭期啟程又見辦壽州糧臺之安慶府知府蔣錫綬廉潔樸誠原係賢員但理財非其所長亦不足以鎮壓兵勇張學醇向帶兵勇素得軍心以之辦理糧臺必能得力似可飭令張學醇辦理壽州糧臺以重事權而期允治再四川重慶鎮總兵尹善廷所帶官兵旣經裁撤該總兵無兵可帶似無庸虛畱此聞該員忠勇樸誠智慮深遠爲鎮將中不可多得之員見在川東喫緊楚師後路堪虞該員家餉放重慶鎮員缺誣卽飭赴本任必能聯絡軍民力圖整頓於川省軍務實有裨益 上諭軍機大臣等下蔡苗練馬步隊已由兩河口攻撲壽州北關傷我兵勇並由菱角觜過河正陽喫緊壽城危急該練種種狂悖實堪髮指袁甲三此時正當嚴扼臨淮未可遽行移兵徐宿著卽密商翁同書如張學醇與苗沛霖素稱相得可以消其反側見在已至下蔡卽責成該臬司向其曉諭予以自新儻能早知悔罪約束部眾聽候查辦尚可曲從寬宥若藉尋仇爲名肆行狂悖叛迹顯然卽當密速定計設法誘擒以除地方之害蒙宿人心旣不爲其所用正可乘勢解散黨與令其縛獻首逆切不可養癰胎患致令不可收拾翁同書此時爲頑毒人心所繫惟當嚴密布置力保危城不可意存推諉俟李續宜到任後再行交卸署阜陽縣知縣葉春培勦撫捻奸既有威名苗沛霖輒欲將該員撤任其意何居翁同書不允所請自是正辦張學醇久在軍營素得兵心卽著辦理壽州糧臺以專責成蔣錫綬卽毋庸辦理重慶鎮總兵尹善廷見在帶勇截勦苗練正當喫緊之際著仍畱皖省毋庸前赴四川本任苗練糾約宿州小黃旗等練赴泗霍打糧袁甲三已令滕家勝前往鎮撫著卽飭令該總兵聯絡民奸相機辦理將此由六百里加緊各密諭知之○翁同書奏准河南巡撫嚴樹森咨聞據署光州知州張席珍稟稱苗練前派委員候補縣丞王則儒劉良田並新投誠之潘四赴固始縣三河尖地方築立圍寨又在固始東北一帶邀集練總湯林川等十三團寨悉令歸從又於三河尖及固始往流集地方設立釐卡並間欲於光屬派糧萬石等情此後催科政務恐爲掣肘請卽查禁臣查苗練勒捐設卡乃其慣技袁甲三之銀米尙被掠去此事豈能查禁但河南係京師屏障可否飭令河南省自固疆圉免致滋蔓難圖 上諭本日據翁同書奏嚴樹森咨稱苗練派人在固始縣三河尖地方築立圍寨又在固始東北一帶邀集練總湯林川等十三團寨悉令歸從又於三河尖往流集等處設卡抽釐並欲於光屬派糧萬石等語苗練與壽州團練尋仇滋擾聲勢據袁甲三翁同書奏報種種不法實堪痛恨見復於固始等處邀集圍寨悉令歸從不完糧賦並設立釐卡苟派糧石其勢已擾及豫省翁同書不能查禁亦屬實在情形著毛昶熙嚴樹森卽曉諭各處紳團各安本業照舊完糧毋得爲其誘脅其三河尖往流集等處亦不准畱苗練設立私卡致貽後患將

此由六百里各諭令知之○諭王履謙奏浙江團練捐輸事無專責請旨遵行一摺據稱自邵燦撤去團練大臣以後前調紳士謝敬邵清益等所部鄉勇防守蕭山等處見在無所稟承地方官辦理勸捐有煙錫鹽斤醬缸等捐名目房捐自三間以上每月每間輸錢五十文暨一二百文不等事涉煩苛挨戶徵索斂怨必深等語浙西一帶賊氛充斥浙東防務正形喫重所有謝敬等所募鄉勇卽著聽候該撫及王履謙調度至地方官勸辦捐輸固宜認真辦理亦不可過事煩苛致失民心如有不肖官吏多立名目侵瀕肥亡者卽著該撫查明參奏並飭地方官關會王履謙安爲辦理不可兩歧另片奏甯紹地方饒瘠各殊浙東捐貲難濟浙西並義橋防勇單弱各等語浙西浙東防務均關緊要軍餉一項全在分別緩急通融勸撥豈可稍分畛域如浙東情形稍緩餉項有餘仍當分解省垣濟餉不得專歸本處地方支用至逆匪由新城一帶竄擾富陽與諸暨蕭山等處僅隔一江謝敬所帶姚勇屯禁義橋爲數僅五百名不敷堵禦自係實在情形著王有齡趕緊添派兵勇以資防剿毋令完善之區致遭蹂躪並著王履謙督練嚴防不准推諉將此由六百里各諭令知之○袁甲三奏幫辦軍務鑲黃旗蒙古都統穆騰阿傷疾暴發各請開缺得旨著回京當差○翁同書奏招撫孫葵心一事疊奉諭旨責成日相機酌辦臣飭程鉅等密圖撫馭業已布置妥貼乃程鉅馭抵該處而孫葵心先期三日出巢由河南陳汝光固而入霍邱六安等境內其眾數萬遂與夏逆陳玉城捻逆龔得會於壽州之南尋覬合肥小蜀山四出焚掠彼時業已大股出巢勢難議撫擬俟其回巢再理前說日知孫葵心逆眾乏食窮困恐其四竄疊飭壽六各軍嚴防而令兵練會同堵禦屢得勝仗未容闖入本年正月廬江練勇堵剿獲勝擊倒賊輪倏忽擁護而去探聞坐轎之賊卽係孫葵心業已因傷身死如果該逆首已伏冥誅則頑毫之間銷一巨寇儻孫逆尚存則回巢之後可期決意投降新任藩司員臻才具開展撫諭肫誠必能招撫安協但孫逆之黨尚有姜台凌一股而北路劉添幅一股尤爲悍鷙素無降志非殲除此股則捻患終未能平報聞○命在籍左副都御史王履謙幫辦浙江團練並勸捐事宜○賞六品頂帶德興阿三品頂帶署密雲縣副都統○丙寅諭內閣戶部奏試辦昌平州黑地升科請派員查辦並涿州民人史長春等呈請補領執照應二併查勘等語著派陳孚恩寶鑾會同張祥河董醇認真查辦以昭覈實其自咸豐四年以後順天直隸所屬州縣辦過升科地畝一千數百頃歷年課銀是否該州縣按額徵收並未專案報部著直隸總督順天府府尹立限半年將前次欠解銀兩之各該州縣詳細查明嚴行追繳堵數解部如有侵蝕情弊卽據實參奏○諭軍機大臣等本日據嚴樹森奏捻匪竄逼省城見在力籌堵禦一摺皖省大股捻匪虜虜南京圍攻縣城擊退後又欲會合西竄見在圍攻通許縣城並分兩股一股圍攻縣東之王固一股攻撫縣東北之盧氏並擾及朱仙鎮等處距省甚近賊勢叢擁而至勢將窺伺省垣否則全股西行亦必擾及完善該撫撤去黃河南岸船隻調派兵勇分路堵遏並於省城添兵募勇布置守禦所籌尙屬周密毛祖熙見在駐軍歸德屢獲勝仗著一面派撥兵勇於柘城太康各交界處奮力截剿一面分撥精兵繞出賊前迎頭截擊毋令賊蹤擾及省垣至賊情狡譎尤恐聲東擊西以省垣牽我兵力乘隙西竄昨據聯捷奏報直隸河南濱河附近一帶搶躡

已一律肅清是北路情形稍鬆而山陝一帶路徑紛歧尤宜嚴密扼守著毛昶熙嚴樹森飭令派出之署總兵成景於附近省城大隈內外迎剿堵其西竄其老健坡一帶並著扼要嚴防毋稍疏懈至西南一帶團練均歸鄭元善等督辦卽著該臬司飭令官紳等統帶鄉團實力堵剿逼令回巢以免蔓延將此由六百里加緊各諭令知之○諭清盛奏佛蘭西主教江類思等赴省接見口稱伊國舊有天主堂一座在西門內燬手隅日久被占須交還應否另查官地抵給等語山東省城有原設天主堂地基自應給還該國惟廢址久經改造民房轉相承買各執契據勢難概令遷移除空地業經查出應行交還外著清盛按照該國天主堂原基畝數另查官地抵給聽其修造如查無官地卽置買民地一段給予建立天主堂嗣後該省地方與各國交涉事件遇有應辦者卽奏明辦理不得盡諉之總理衙門及通商大臣致令紛紛進京有所藉口將此由五百里諭令知之○丁卯諭內閣瑞昌王有齡奏官軍攻克江山常山兩城一摺逆匪竄陷江山常山兩縣城經總兵曾玉明派令參將林文察於上年十二月十一日督兵進攻江山分路迎剿殲斃數百名十三日復攻毀逆壘二座連日將出城拒戰之賊擊敗並擊退常山援賊二十五日官軍用火器將西山一帶賊壘十餘座盡行焚燬逆眾逃竄立將江山縣城收復已革提督張玉良統帶全師進攻常山已革總兵李定太乘夜分路進攻將後路三里灘賊營焚燬前路陳村口之賊亦驚亂狂奔官軍乘勢追至城下賊眾驚惶突門而出遂於正月初三日將常山縣克復追殺二十餘里沿途斬擒甚多勦辦尙爲得手出力文武員弁兵勇著瑞昌王有齡擇尤保奏候朕施恩毋許冒濫○諭前因邵燦等奏請令已革臬司段光清統帶艦師剿匪當經降旨將該員暫緩拏問茲據瑞昌王有齡奏官軍進攻江山常山縣城該革員督率團練協同攻剿迅克兩城尙知愧奮段光清著免其拏問仍責令帶勇勦賊以覈後效○瑞昌王有齡奏已革道員李元度由浙江溫處道調補安徽徽甯池太廣道莅任數日因徽州失守奏參奉旨革職拏問該革員失守城池自屬咎有應得惟查浙省逆氛正熾處用兵該革員謀勇素優臣等先令招募勁旅數千名以補浙軍之不足儻能親帶前來會同剿辦尤爲得力可否飭下曾國藩仍令李元度赴浙差遣責令立功自贖之處恭候欽定上諭已革徽甯池太廣道李元度著曾國藩飭令前赴浙江交瑞昌王有齡差遣委用其應得失守罪名仍著曾國藩查辦○以浙江軍情緊急命新任布政使林福祥酌帶兵勇剋日赴任○以攻克江山常山二縣城復已革提督張玉良等職餘加銜升敘有差○戊辰諭內閣前經降旨於二月十三日回鑾見在朕躬偶抱微疴著改於二月二十五日啟鑾三月初二日由京啟鑾祇謁東陵禮成後駐蹕避暑山莊○己巳袁甲三奏苗練由交趾角背渡淮立營馬步數十直向壽南竄擾已襲踞堰口集民圩欲攻正陽翁同書咨臣發兵徵餉前往救援柰臣營數月無餉未能分撥取程且苗練另股萬餘人赴靈璧打糧其意在兜截臣營後路臣前派總兵張得勝帶兵前往並會同泗州靈璧各牧令調在上游河路梗阻以臣之餉紳兵飢實難兼顧壽州除咨覆翁同書就見有兵力嚴密防勦外一面飛飭張學醇等再行勸諭苗沛

霖速將練眾撤回但其勢已成燎原其心實爲叵測誠恐藉事生波不特壽頴可危卽豫省光固亦虞震動翁同書係奉旨回京之員帶病守禦儘力擇持其壽城以上亦恐難以兼籌李續宣本駐桐城相距不遠應請旨飭令迅速到任督辦防勦並請飭下河南撫臣飛飭光固等州縣嚴密防範毋任闖入滋擾臣俟協餉解到應如何分兵再行安籌辦理上諭軍機大臣等苗練兇橫不法叛迹昭然此時尙欲遷就羈縻恐該練句結匪匪聯爲一氣動靜更難措手臨淮爲南北鎮鑰見在上游河路已梗亟應趕緊布置毋稍疏虞翁同書之兵僅一萬餘名尙恐不敷堵勦該大臣督辦皖省軍務責無旁貸仍當與翁同書密商定計撥兵夾擊迅速殲除苗沛霖旣爲眾心所不附即可設法解散黨與合其縛獻首逆或不動聲色設計誘擒翦除巨寇惟在該大臣相機速辦不可徒事羈縻以致養齷貽患將此由六百里諭令知之○諭前因安徽壽州緊急諭令李續宣趕緊赴任本日復據袁甲三奏苗練攻圍壽城翁同書力疾固守經該大臣派令張學醇趕赴下蔡勦諭苗沛霖毋許妄動雖將撲城之練暫時撤退而次日仍由義角背渡淮直向壽南竄擾並有欲攻正陽之說該大臣因臨淮緊要未能分兵前往請飭令李續宣迅速到任督辦防勦等語苗沛霖叛迹昭著實屬肇由自取若不及早殲除恐成燎原之勢著李續宣卽將桐城防勦事宜妥爲布置一面酌帶所部兵勇馳赴壽州殲厥渠魁解散練眾迅解城閘毋稍延緩將此由六百里諭令知之○諭慶端瑞璣奏武弁縱匪在洋劫擄分贓探聞潛回廣東請飭查拏等語匪首王文廣卽王瑞以廣東勇首先次保舉添升都司並賞戴藍翎乃不思立功報效輒敢置造艇船假名貿易護商縱令匪黨在洋劫擄坐地分贓上年夏間在蘭臺地方開礮逞凶經慶端等委令副將吳鴻源出洋勦捕復敢糾集廣艇勾通粵夷突入海口滋擾見又潛回廣東香港地方糾結匪類意圖報復實屬罪大惡極王文廣著卽斥革拔去藍翎著勞崇光耆齡嚴飭地方文武密速查拏務期弋獲就地正法以絕根株勿任漏網將此由五百里諭令知之○庚午曾國藩奏祁門西北兩路嶺隘紛歧西路之大赤嶺北路之大洪嶺尤爲扼要臣派副將唐義訓在大赤嶺修築柵卡撥祁門老營更番戍守大洪嶺係提臣江長貴駐紮扼守正月初六日連接探報石埭大股賊匪同日分犯二嶺大洪嶺一股經江長貴派兵援應該逆退伏嶺腳大赤嶺一股已竄至厯口當派副將唐義訓統領各營馳往迎剿見白旗賊匪約二千餘人擁至石門橋外田隴分歧猛撲唐義訓飭各營分路設伏親督兵勇由中路進擊該逆抗拒戰約半時伏兵齊起包出賊後礮斃騎賊一名殺悍賊數十名唐義訓乘勢揮令猛進該逆且拒各軍追殺賊屍縱橫拋棄旗幟槍械無算初九日唐義訓率各軍過嶺仍分路並進賊驚潰走我軍追剿直出赤嶺之外計斃賊千餘名生擒一百三十五名陣斬賊首麟天豫古得金查此股逆匪卽去年十一月內撲犯羊棧嶺竄踞盧村之賊經我軍大加懲創復敢直犯祁門意欲攻我不備計殊狡毒此次擒斃渠魁賊之器械拋棄殆盡所有出力將士勦辦獎上諭內閣石埭大股賊匪分犯大赤大洪二嶺江長貴督隊將大洪嶺之賊擊退大赤嶺之賊已入厯口副將唐義訓等馳往迎剿計其斃賊千餘名生擒一百三十五名陣斬賊首麟天豫古得金勦辦尙爲得手所有在事出力將士著准其併入克復建德

案內由曾國藩奏請獎勵○曾國藩奏逆賊黃汝金大股由饒州連陷江西數縣竄近景德鎮之視田街左宗棠一軍即由婺源同駐景德於鎮後馬鞍山一帶修築營壘並飭圍練於鎮上之里市渡趕造浮橋十一月十二日派道員王開化等帶兵過河至羅家橋洪源等處遇賊接仗轟斃騎馬賊數名賊始卻退探報賊之大隊已逼浮梁縣城隨飭各營循河岸繞出截擊賊伏不出而伺官軍收隊後竊陷浮梁縣城十三日令各營出隊進攻浮梁之賊該逆乘虛分撲黑市渡及西瓜洲均經我軍擊退浮梁之賊亦即遁去次日賊復由里市渡等處過河排陣遊擊羅近秋等分出衝擊賊猶抵死拒敵我軍復左右包鈔賊始驚潰狂奔我軍泅水追殺立斃悍賊百餘名生擒數十名溺斃無算其對岸之賊復揮中渡以下數股擁至河邊輪放槍礮我軍亦分三層排列隔水轟擊賊悉竄回洗馬橋珠田界牌等處此賊匪初大至景德鎮我軍擊退及收復浮梁縣城之情形也二十三日洗馬橋之賊回竄羅家橋龍頭山一帶經我軍擊退賊目黃汝金率黨二萬餘分五路來犯均爲我軍力勦賊眾披靡傷斃多名賊目李遠繼先以千餘人向葉家洲率製我師而大隊在上流高家灘過河由陽湖街大路直趨景德我軍三面圍攻該逆大敗返奔我軍乘勝揮擊斃賊數百名墮水死者不計其數其另股賊匪攻浮梁縣城者三次均經我軍擊退並陳斬偽指揮三名是時總兵鮑超由祁門回援景德鎮前隊已到賊相率遁歸視田街曹家渡等處此黃汝金大股續犯景德鎮官兵憑河堅守之情形也嗣左宗棠進扼梅源橋鮑超進扼洋塘該逆復從下游添集賊黨蹙聚於洋塘對岸之雞公坡並由謝家灘泥灣街一帶層層築壘聯絡二十餘里時圖潛撲鮑超營壘左宗棠派遊擊羅近秋等排營雞公坡河邊以護鮑超老營並派桂勇楚右營列隊洋塘左邊以防該逆由童家灘鈔襲之路鮑超自率所部由洋塘山左前進一意專擊下游之賊訖該逆乘夜修搭浮橋渡河而南徑製官軍營盤經我軍痛勦賊始敗退遂乘勝三路並進該逆亦三路迎拒鏖戰二時之久賊勢不支鮑超督飭各營猛擊直抵浮橋殺斃斃悍賊二千餘名該逆奪橋而走懼官軍追勦立將浮橋砍斷鮑超督軍由淺灘分途過河圍殺賊屍山積內有黃袍及紅袍賊目十餘名駢死其中乘勢將謝家灘一帶賊壘全行踏平該逆後隊山岡之賊又層層來援我軍愈戰愈奮將賊衝爲數段該逆狼奔不顧計斃賊四千餘人溺斃逃散者不可勝數逆首林侍發許茂才死於亂軍黃汝金身受重傷該逆見分兩路一由建德回竄青陽一歸併彭澤另股鮑超等分兵跟蹤追勦以靖西路左宗棠仍回駐景德鎮稍休兵力以防東路此洋塘獲勝之情形也查逆首黃汝金爲著名悍賊自去年十一月撲陷景德蔓延鄱陽浮梁等縣其時日在祁門三面皆賊僅畱景德鎮一線之路以通接濟該逆盡銳攻撲欲得甘心賴左宗棠之謀鮑超之勇用能大挫兇鋒化險爲夷洵足慰人心所有出力員弁可否併入前案彙保出自鴻施上諭此次逆匪率黨攻撲景德鎮經左宗棠鮑超督兵奮擊大挫兇鋒勦尙爲得手所有出力員弁著曾國藩彙案保奏候朕施恩○諭軍機大臣等本日據清盛奏捻逆渡河北竄派兵截勦一摺竊擾山東捻逆各股先在曹縣等處地方盤踞由壽張縣境擾及東平州屬之戴家廟南岸寃水渡河其大股並自安山渡河竄至東平迤西窪裏地方並有圓竄長山縣周村之語此次捻逆蠭擁而至人數眾多

見已渡過運河步步北犯亟應設法剿除以免延蔓清盛見已移調濟東泰武臨道明新等將所帶登中等營官兵一千名前往防勦著卽飭令該道實力勦洗一面嚴飭各州縣率領民團協同堵禦以遏北竄之路各該處距省較近所有省城守禦事宜並著清盛安爲布置如果賊情緊急清盛卽當帶兵出省力挫兇鋒不可株守省城致有貽誤僧格林沁等駐紮唐家口德楞額駐軍嶧縣見在賊已繞越西北在該大臣等軍營之後清盛所派兵力尙單薄恐不敷勦辦著僧格林沁等迅卽派撥精兵招集團練繞出賊前會同該署撫派出之兵迎頭截勦務須逼賊回巢勿令北竄將此由六百里加緊各諭令知之○諭春佑奏朝陽縣盜匪滋擾派兵勦辦一摺據稱朝陽縣賊首劉猪李鳳溝等糾集多人經該縣知縣富昌帶領兵勇親往捕拏搶傷賊匪二十餘人殺死五人生擒四人餘匪逃竄二月初四日該匪劉猪等復糾黨六七百人分路進街放火焚燒劫犯監犯三百餘名並將縣署看押人犯二百餘名劈門放出該縣及丁役人等均各受傷三座塔稅員衙門庫銀亦被搶劫見在占踞街市勢甚猖獗春佑已派兵五百名往勦並請將僧格林沁所調哲里木官兵五百名暫畱協勦一面飛咨盛京派兵堵緝逆匪劉猪等係奉天已獲盜首王達餘黨膽敢糾眾劫囚焚燒衙署搶劫稅銀實屬罪大惡極亟應一鼓勦除春佑所籌尙安著卽飭令熱河道福厚協領尙那布督率參將松年等將該匪悉數殲除盡法懲辦並著玉明倭仁景霖趕緊派兵合力夾擊一體兜擋毋任一名漏網哲里木官兵五百名著准其暫行截留俟勦辦事竣仍飭速赴僧格林沁軍營以資調遣該縣文武下落並賄誤情形及倉庫被劫銀兩監犯實數均著春佑查明具奏將此由五百里各諭令知之○諭前因捻匪竄近河南省城並有乘隙西竄之意諭令毛昶熙嚴樹森嚴密扼守要隘堵其西竄本日據勝保奏接據探報捻匪馬賊由北路突入朱仙鎮盤踞其大股已至蘆花岡省城南門曹門宋門均已屯閉二月初一日朱仙鎮蘆花岡之賊均向省西之中牟新鄭等縣及老河口地方竄逸因而西門亦閉等語前據毛昶熙奏官軍分路迎擊捻匪九戰皆捷已派署總兵成景等由甯江一路鈔追見在賊逼省城勢更猖獗著卽飭帶兵各員奮力追擊儻遷延不追卽查明嚴參至中牟新鄭爲山陝門戶見在賊蹤逼近難保不乘間西竄窺伺山陝擾及完善之區譚廷襄已派兵在潼關商雒等處設防本日復諭令常續撥兵嚴防澤潞一帶著毛昶熙嚴樹森仍遵前旨分派兵勇迎頭截擊痛加勦洗逼令回巢並將西路要隘嚴密扼堵如賊勢西趨卽會同山陝防兵合力勦擊毋令蔓延將此由六百里加緊各諭令知之○諭有人奏捻匪竄擾豫東情形一摺據稱上年九月十二日及本年正月捻匪屢次出巢滋擾俱由蒙毫取道歸德虞城竄入東境兵勇並未出城截勦大股回竄僅止截殺零星後尾並有捐納員外郎梁璵在營用事虛冒勇糧分肥入己以佃勇四百人捏報三千人等語捻匪屢次由歸德竄越毛昶熙駐紮該處何以未經堵截所奏勝仗是否捏報著嚴樹森查明據實具奏員外郎梁璵虛冒勇糧是否屬實並著該撫確切查明毋稍徇隱將此諭令知之○曾國藩奏祁門以西係僞主將黃汝金大股見退下隅阪尙力拒鮑超一軍相持未決祁門之東係僞忠王李秀城大股見竄鉛山之吳坊等處有人擾江西腹地之意距臣祁門老營相去六百里外兵力實難兼顧臣已飛咨江西撫臣飭

劉子潯堅守撫州府城飭黃鳴珂堅守建昌府城並飛調魏喻義一軍駐紮江西省城豫爲籌防或可保全無虞報聞○轉慶笑爲兵部左侍郎以勝保爲兵部右侍郎侍郎○辛未諭內閣喬松年江清驥奏請將水師軍餉暨江面抽釐統歸江南糧臺經理一摺著照所請所有移設泗源溝釐局著改歸江南糧臺由江清驥經理其吳全美李德麟所帶續添礮划船餉並著彙入江南各項水師一體由南臺開支以專責成○壬申諭內閣瑞昌王有齡奏官軍克復富陽縣城一摺上年十二月間曉匪白桐廬等處竄踞富陽意圖東竄經副將貴廷芳等督帶兵團水陸夾擊於二十三二十五等日屢次鏖戰擒斬甚多二十八九等日該逆緊守城卡復駕駛竹簰出犯經我軍奮力攻擊賊不能支我軍追至城下轟斃賊目二名步賊數十名本年正月初三四等日官軍水陸並進各礮船沿城攻打又斃賊數十名其出戰之賊復經兵團槍礮齊施轟斃不可勝計初七日我軍四面環攻自辰至酉屢戰竟日將西門賊營踏燬斃賊無算是夜守備包文舉布良帶等潛伏東西兩門舉火爲號貴廷芳等督率各路兵勇奮力攻城知縣蔣貴斌等督團助勦該逆猝不及防均向北門紛紛逃竄我軍斬關直入斃賊甚多當將富陽縣城克復追勦四十餘里砍獲首級器械旗幟無數辦理尙爲得手在事出力員弁兵練著准俟富桐一律肅清橐案擇尤保奏署富陽縣知縣蔣貴斌集團助戰克復城池著改爲革職畱任典史張椿應得失守處分著免其置議○翁同書奏探聞苗沛霖盤踞堰口集後親自帶隊南行據張學醇稟稱伊在下蔡再四勸阻不聽張學醇由下蔡徑赴正陽並未來壽審案見在壽城西面路絕僅有正陽一線可通幸城枕淮淝阻水爲固故得城門不閼市肆不驚臣畫出南關撫慰飢軍夜在城上循陴督守不敢藉病偷安惟兵勇待哺嗷嗷朝不謀夕但使餉道不絕粵逆不至尙可保守危城至徐立壯與苗沛霖皆住鳳臺蒙城之間相去二十里咸豐八年苗沛霖心懷忌嫉以計殺徐立壯之黨練總鄒兆元由是徐立壯離心至十年秋冬間苗沛霖誅戮徐姓族屬兩家構釁始深苗徐之練俱不聽官鈐轄而徐練略知體制臣以徐立壯營城北恐與下蔡日尋辭特令遷移遠去該練遂在城西南魯家口營其地在淮河之北距正陽關不及二十里張學醇由下蔡赴正陽以徐練與苗練不和請用兵威彈壓臣思苗徐不睦如蠻觸相爭官兵毋庸過問黨再讐以兵威將使兩練皆與官兵爲讎而官兵勢成孤立萬一正陽復爲他人所據壽州餉道既絕城池必陷所關匪細臣隨卽面覆阻止飛咨袁甲三查照並屬張學醇速來壽城審案以免案懸不結兵連不解正陽爲一綫餉道所繫臣擬親往布置藉可駕馭徐練 上諭軍機大臣等苗沛霖於盤踞堰口集後親自帶隊南行顯係勾結髮逆以圖一逞此時若能設法離間使該練與髮逆互相猜忌不能合而爲一則苗沛霖進退無據勦辦似易爲力仍一面遵奉前旨解散該練黨與令其縛獻首逆或設法誘擒翦除巨憝總宜及早圖維不可再事遷就壽州城守尙固惟兵餉缺乏袁甲三仍當設法疏通爾道力籌接濟俾可力保危城張學醇至下蔡勸阻苗沛霖不聽亦應至壽州辦理練勇尋仇之案何以徑赴正陽著該大臣仍飭令該臬司速赴壽州如果查辦平允則眾練悅服苗沛霖即無可憤惑至徐立壯之練雖與苗練構釁曲直是非自有公論張學醇請翁同書用兵彈壓設有反側則苗練徐練皆與官軍爲敵辦

理更形棘手該大臣於此案務須秉公查辦不可稍有偏袒方為安善將此由六百里諭令知之○諭杜翻奏捻匪分股肆擾省垣
喫重一摺據稱捻匪由定陶鉅野等處竄入鄆城擾至東平復搶渡安山運河分擾泰安等縣直撲肥城長清交界地方竊伺省城
另股擾近壽張東阿一帶希圖北竄省城及張秋鎮李連橋等處均形喫重見調兵團嚴防要隘等語捻匪分擾東境勢極狼狽已
據清盛奏報見在賊距省城僅百餘里清盛截畱調赴武定等屬官兵一千名改赴長清五道嶺以杜攻撲省城之路兵力甚形單
弱著清盛一面督飭明新等實力防剿一面會同杜翻整飭民團調集丁勇前往長清交界協同官兵扼守並調泰安東平等處團
勇分投堵禦嚴防沿河北岸仍隨時知照僧格林沁體察情形迅速分兵會同該署撫等兵勇迎頭截剿務須逼向南趨毋令賊蹤
北竄將此由六百里加緊諭令知之○諭本日據杜翻奏捻匪分股擾亟宜堵遏北竄並省垣喫重情形一摺捻匪闖入東境由
定陶鉅野等處竄入鄆城境內擾及東平州之戴家廟並搶渡安山運河見在直撲肥城長清交界之四槐樹等處意在窺伺省城
另股捻匪擾近壽張之張秋鎮東阿之李連橋一帶希圖北竄距省僅一百餘里情形十分喫重譚廷襄已授爲山東巡撫該省軍
情緊要著卽星夜馳赴新任力籌防剿毋稍稽延將此由五百里諭令知之○諭昨據春佑奏朝陽縣賊首劉猪李鳳塗等糾黨六
七百人分路進街放火劫放監獄三百餘名三座塔稅員衙門銀庫亦被搶劫勢甚猖獗各等詰業經春佑派兵五百名前往捕拏
並寄諭玉明等派兵會同兜擊見在該匪占踞朝陽街市亟宜悉數殄除著烏蘭都傳諭珠勒亨迅將駐紮古北口黑龍江馬隊官
兵內挑選技藝嫻熟者一千名並盛京馬隊官兵五百名配齊軍火器械卽由珠勒亨帶赴熱河歸副都統克興阿統帶馳赴朝陽
相機剿辦其餘黑龍江馬隊卽著烏蘭都認真訓練毋稍疏懈將此由五百里諭令知之○命烏里雅蘇台將軍明誼往塔爾巴哈
台會同參贊大臣明緒查勘俄國地界事宜○命葉爾羌參贊大臣英蘊赴喀什噶爾會同辦事大臣奎英辦理俄國通商事宜○
癸酉僧格林沁西凌阿國瑞奏臣等駐紮唐家口防守牛頭河等處正布置間接鉅野縣裏報捻匪由定陶向西北一帶奔竄行走
甚急臣等卽督馬步兵勇移營南旺湖崔家橋等處以防該逆偷渡又探得捻匪竄至鄆城以東臣西凌阿督帶馬步於二月初四
白行抵袁口地方駐紮該逆於是日午後由西南躉擁而來屯聚汶河西岸經各處鄉團嚴防對岸殲賊甚多該逆拌死搶渡鄉團
潰散全股遂竄入東平汶上肆行焚掠臣等當將牛頭在防兵勇撤回濟甯挑選精壯者統帶前進餘令留守州城臣西凌阿督帶
馬隊由袁口馳赴汶上西北以扼北竄旋據營總富和等稟稱伊興額等帶兵追賊於四月初七日由鉅野鄆城跟追至汶河探知
捻匪已由戴家廟等處過河復追至汶上以北之楊柳集地方與賊接仗獲勝追殺二十餘里斃賊千餘名不料該逆大股萬餘復
行列隊抗拒環繞攻撲將伊興額勝兵勇層層圍裹伊興額奮力衝擊斃賊無算而賊勢愈聚愈眾以致伊興額勝力不
能支同時陣亡等情伊興額勝敗被戕殊堪憫惻可否仰懇天恩交部從優議卽以慰忠魂見在捻匪由汶上竄至南陽
復又東竄前隊已至泗水等處前調副都統德楞額前來會勦並令知府趙康侯募勇三千名道員李麟遇募勇一千五百名卽令

該副都統督帶跟蹤追勦臣等帶兵督後以爲策應正在啟程間探得南路捻逆五旗併出邊馬已到馬牧集以南有向正北西北竄撲之勢臣僧格林沁國瑞見擬帶領後隊暫駐汶上縣居中調度臣西凌阿見回濟甯防守州城並分派委員將運河沿隄安爲布置勦諭鄉團嚴加防守以杜北竄 上諭軍機大臣等本日據僧格林沁等奏捻匪全股東竄南捻又圖北犯並清盛奏捻匪逼近省城情形緊急見設法布置各一摺此次捻匪搶過汶河由汶上竄至甯陽復又東竄其前隊已至泗水而南路捻逆復五旗併出有向北竄撲之勢泰安一帶距省較近賊蹤見已擾及恐致震動省垣清盛已調募城守營等兵勇一千數百名分布隘口著即督飭實力防守毋稍疏懈其前次移調之明新等兵一千名著飭令扼槩要隘痛加勦洗如果省垣情形稍鬆賊勢趨重北路清盛仍遵奉前旨帶兵出省會同僧格林沁德楞額等軍分投埽蕩勿任蔓延此次捻眾更番竄擾東境恐該大臣等兵力不敷勦辦著德楞額迅速統率所部官兵並趙康侯李麟遇等練勇探賊所向分路追擊僧格林沁國瑞暫駐汶上居中調度西凌阿防守濟甯仍隨時體察賊勢相機勦辦總期逼賊回巢毋令長驅北犯將此由六百里加緊各諭令知之○諭據僧格林沁等奏捻匪撲過汶河伊興額勝追勦陣亡東省捻勢噶張見由南陽泗水等處折而東趨並探聞南路捻逆復有五旗併出之說僧格林沁駐軍汶上恐兵力尙單不敷攻勦已諭令德楞額帶隊前往協勦前諭田在田於宿州布置周安後仍回徐州見在捻匪紛竄徐州地方緊要著田在田卽與吳棠整飭團練力籌防勦探明賊蹤務須設法牽制該逆後路使不敢悉數北犯並傳諭詹啟綸星夜馳赴新任隨同田在田等帶兵進勦毋稍遲延將此由六百里加緊諭知田在田吳棠並傳諭詹啟綸知之○予山東陣亡總兵官勝家勝副都統伊興額祭葬世職○乙亥諭軍機大臣等本日據毛昶熙奏官軍不能遏賊西竄一摺捻匪自通許解圍以後逼近省垣並延及中牟新鄭許州一帶毛昶熙已派候補道張曜統帶馬勇馳往追勦著即飭令會同署總兵成景等兵倍道繞出賊前會合鄉團迎頭截擊務須逼賊回巢毋令深入河陝及渡河北竄儻任賊長驅不能堵截致完善腹地復遭蹂躪朕惟毛昶熙是問至毛昶熙月餉已短解至十餘萬兩據稱逐日咨催僅止零星撥解等語見在勦賊正當喫緊之際必須兵餉充足方能激勵軍心著嚴樹森卽督飭藩司邊沿禮將應解毛昶熙軍營月餉七萬兩迅速籌措按月撥解其舊欠之項雖未能埽數解交亦須陸續搭解以資接濟毋令缺乏將此由六百里各諭令知之○丙子官文奏皖捻陳玉城由廬州舒城等處上犯經我軍擊走後因楚軍全力謀皖省會空虛該逆句括捻匪數十萬自霍山英山竄越楚境副將余際昌率所部三千餘人分投抵禦因衆寡不敵賊卽於初七日竄入蘄水該縣道路紛歧臣先調李續宣步隊舒保馬隊迎頭截勦甫經拔營而賊蹤剽疾初八日已竄黃郡見距省城僅二百餘里存城馬隊百數十名營兵亦止二千餘名不敷戰守已咨商駁秉章暫將入川兵勇順流下駛馳援鄂省一面飛調荊州襄陽滿漢官兵來省勦辦日內援師未到卽就存城馬步官兵一半留守省垣一半由臣親督扼駐省外要隘並帶水師礮船嚴防江岸迎頭抵禦候調齊各路兵勇卽會同前敵上下夾攻 上諭軍機大臣等本日據官文奏皖逆由英霍竄擾黃州見籌堵勦所籌均尙周

密該大臣卽先就見有兵力分撥布置嚴密守禦並飛催李續宜舒保馬步官兵迎頭截勦毋稍延緩胡林翼見在太湖爲桐城諸軍後路援應此時賊由英霍竄至黃州省城兵力尙單防務喚緊自應先其所急著該撫迅卽派撥精兵協同堵勦以期痛殲醜類騎秉章見已啟程由水道入川計已行抵湖北著卽與官文會商如省城布置周密卽統率所部馳赴新黃一帶會合湖北各軍將此股逆匪併力剿洗迅埽逆氛俟該省軍情稍鬆再行帶兵赴蜀將此由六百里加緊各諭令知之○諭本日據官文奏粵逆句結皖捻竄至黃州逼近省城見籌堵勦一摺逆首陳玉城句結皖捻大股號稱十萬由霍山竄入蘄水賊蹤剽疾翻山越嶺間道而行分三路徑撲黃州去武昌省城僅百餘里見已諭令騎秉章曾帶入川兵勇迅援武昌並諭令胡林翼派兵西上前後夾擊以期力保省垣該逆剽忽異常儻被楚軍夾擊難保不折向北趨豫省光固一帶與楚北蘄水羅田等處毗連前因苗練滋事已諭令毛祖熙等嚴防光固見在粵捻大股竄至黃州情形尤爲緊要著毛祖熙嚴樹森速行籌撥兵勇聯絡鄉團扼守要隘嚴密布置毋令賊蹤闖入豫境將此由六百里各諭令知之○丁丑諭內閣田在田奏擒獲板練並擊退攻城捻匪一摺宿州練總侯克順等密謀不軌欲借打糧爲名希圖攻取臨淮占踞宿城經田在田督率團練會同宿州知州廷瑞等將首逆侯克順江玉書就地格殺並將其黨與家屬一律擒獲近城名奸亦將苗營所派練董縛送分別正法其黨孫夢卜等句結大股捻匪攻撲宿州田在田復派撥兵勇過河由西關穿街出擊南北二路官軍復會合兜擊賊眾奪路狂奔我軍追殺二十餘里斃賊一百餘名奪獲槍礮旗幟二百餘件賊勢益窮將孫夢卜江家彥等殺斃餘匪潰退侯克順等充當練總膽敢結捻攻城實屬擊由自作田在田設法擒獲擊退捻匪尙爲安速所有守城出力人員著准其存記彙案擇尤保奏○諭軍機大臣等恭親王奕訢等奏接崇厚函稱布魯西亞國幫辦班德赴津求見並有該國公使迂愛綸布遞奕訢照會一件內稱奉伊國特簡前來中國商定通商該王大臣等擬請特派大員赴津辦理於崇綸等三員內酌派一員幫辦並令哥士耆等赴津幫助等語布魯西亞國投遞照會欲通商換約據哥士耆聲稱與之換約可令其稽查漏稅於中國有裨威安瑪則稱布魯西亞亦係大國不可不與換約該兩國既不能代爲阻止卽當與之換約以示一視同仁之意惟應統歸總理各國事務衙門辦理未便另派欽差前往致與米佛等國互有歧異奕訢等旣未能分身赴津著派崇綸會同崇厚辦理該國換約通商事務仍由奕訢等照會欲通商換約據哥士耆聲稱與之換約亦屬不成事體應如何豫爲拒絕並著奕訢等悉心籌畫妥爲辦理將此由五百里諭令知之○諭田在田奏宿州苗練乘機起事勾結捻匪攻城先後擒獲逆黨並擊退捻匪一摺據稱苗營練總侯克順與宿州練董江玉書等密謀欲借打糧爲名攻取臨淮一面占踞宿城經田在田趕回宿州察知該處城鄉百姓均不願附賊打糧卽設法將侯克順江玉書等格殺並將該逆腹黨家屬擒獲近城各民紛聞風亦將苗營所派練董捆縛送城孫夢卜復句結捻匪撲城並令其黨內應均經兵練擊退斬殺等語練總

候克順乘機謀叛民心不附立時被戮實屬咎由自取此時宿州葉將滋事苗練概行殲斃蒙城紳民前亦將苗練等殺斃足見民情效順苗沛霖所部練勇屢在壽州尋仇焚劫並築圩撲城情形叵測前已諭令袁甲三將苗營黨與解散並設法殲除巨憤如果苗沛霖因蒙宿人心不附自知悔罪尙可暫事羈縻責令剿捻自效儻執迷不悟叛迹顯然該大臣卽遵前旨設計誘擒或令各縣綁獻不可再事遷就致貽後患將此由六百里諭令知之○戊寅諭軍機大臣等清盛奏捻逆被擊東竄見在帶兵出省剿辦一摺捻匪自攻撲泰安擊退後分股四竄由萊蕪竄至博山之顏神鎮復竄至章邱之黑峪口長山之周村等處地方清盛見帶兵勇前赴章邱一帶著卽探明賊蹤迎頭截剿其首城防務卽責令明新安爲布置見在賊勢趨重東路僧格林沁派李麟遇德楞額管帶兵勇分路赴東北追剿著該大臣等卽嚴飭該員等會合民團奮力擊賊並飭令恩夔扼守青州一帶毋使擾及完善地方前據僧格林沁等奏南捻復五旗並出邊馬已到馬牧集有向正北西北竄撲之勢此股捻匪見在情形若何西凌阿回駐濟寧曾否將該匪擊退清盛另片奏邱縣有白蓮教匪數百人劫犯劫庫並折毀武營衙署經代理令王準捕拏格殺數人生擒頭目一名餘匪數名各等語鄒縣教匪尙未撲滅邱縣教匪復敢入城肆擾亟應及早殲除以免勾結著清盛嚴飭參將成志等實力搜捕並將莘縣館陶等處匪徒悉數拏獲盡法懲治毋任一名漏網將此由六百里各諭令知之○諭清盛奏邱縣地方有外來教匪數百人闖入城內衙署劫庫搶犯代理邱縣知縣王準等分帶兵勇格殺數人生擒頭目一名夥匪數名餘各逃逸訊據獲匪供稱兩股頭目一係直隸清河縣楊家莊張姓一係館陶縣桃園朱姓其餘直隸曲周東省冠縣莘縣不知姓名俱係白蓮教匪見已分赴各處調人接應等語邱縣等處教匪勾結直隸清河等處匪徒黨與眾多見值皖捻竄擾東境勢甚鴟張該教匪等意圖乘隙滋事深恐句結蔓延擾及直境著文焜嚴飭清河曲周等縣地方官將教匪張姓等嚴密搜捕務獲究辦毋令聞風遠颺致貽後患將此由五百里諭令知之○己卯李續宜奏逆首陳玉城糾合大股捻匪龔瞎子等直犯英霍查英霍萬山叢雜下通潛太上達羅麻斬黃寶爲皖鄂邊要有不得不回顧之勢胡林翼久病未痊未能督隊前進見在力疾堅守太湖副都統多隆阿仍駐桐城挂車河扼懷桐援應之路臣於二月初六日由青草塥率全軍而上視賊所向盡力追剿皖江南岸見有督臣曾國藩督師祁門建德進規徽池一路北岸則安徽爲江表咽喉應力圖恢復以固根本六安壽州屏障全淮小應分防刻下楚軍勇力甚單非擊退援賊勢難兼顧前撫臣翁同書所帶皖營可否請旨飭下漕臣袁甲三就近調度分守六安壽州兩城俟安慶克復臣再行設法籌備 上諭軍機大臣等擊徒事尾追惟李續宜是問一俟鄂省軍情稍鬆李續宜卽督帶所部馳赴壽州安籌兼顧以便翁同書交卸啟程前諭官文胡林翼調兵二千名駐禁三河尖此時兵力如可分撥仍著該大臣等酌量撥往以壯皖北聲勢將此由六百里諭令知之○諭勝保奏

京大道見在捻匪竄擾東境直隸邊界五應先事豫防勝保見由大營撥青州陝甘兵一千名交總兵伊綿阿管帶馳赴河間所有天津鎮標官兵一千名著文煜卽如數調赴河間駐紮統歸勝保節制並飭令天津道孫治前往該府招集團練協同官兵實力扼守其保定深冀等處毗連東境所有該處團練事務並飭文煜飭令清河道錫祉親歷各屬迅速辦理遇有緩急卽知照勝保相機策應本日已諭令烏蘭都帶領馬隊官兵一千名前來熱河駐紮所有應支口糧馬乾等項仍著古北口糧臺支發其餘古北口駐紮黑龍江官兵著文煜統帶認真操練以備調遣毋稍懈弛將此由五百里諭令知之○諭李續宜奏皖逆陳玉城糾合大股捻匪由霍山英山上犯鄂邊該撫已於二月初六日由青草塥率全軍進剿六安壽州一帶勢難兼顧請飭袁甲三就近調度分守各等語逆匪上犯楚疆擾及黃州李續宜督軍回顧本日雖諭令該撫俟楚省軍情稍定卽赴壽州第到任需時六安壽州一帶防勦不容稍疏袁甲三見在扼守臨淮務須妥籌兼顧不准稍涉顛頽前諭翁同書俟李續宜到任後再行交卸此時苗練滋事壽州等處防勦喫緊該前撫自應仍遵前旨嚴密布置力保危城設有緊急卽會商袁甲三分兵協助不可專待李續宜到任致誤事機將此由六百里各諭令知之○諭前諭烏蘭都挑黑龍江馬隊一千名盛京馬隊五百名已由克興阿等統帶前往朝陽勦匪惟兵力尙少著烏蘭都將駐紮古北口西安官兵一千名配齊軍裝器械及鍋帳等件迅速管帶前赴熱河聽候調遣其餘黑龍江馬隊著文煜統帶認真操練將此由五百里諭令知之○庚辰諭內閣朕於正月間降旨於二月十三日回鑾繼因偶抱微疴改於二十五日啟蹕旬日以來氣體雖稍可支持仍須靜心調攝本日王大臣等以朕躬尙未大安奏請暫停回鑾情詞懇切不得已勉從所請暫緩回鑾俟秋間再降諭旨○翁同書奏苗練攻破堰口集後又破小圩數處脅從無數亦有堅守不降者與苗練互相殺傷臣派參將韓殿甲郭清標等帶勇集團分段堵禦苗沛霖近又破保義集大圩燒燬民房連營數十座前後得糧數萬石聲言有眾數十萬卽日將到等語袁甲三相隔二百里未能兼顧李續宜駐軍青草塥相隔更遠臣營兵勇因餉絀陸續遣撤止存一萬二千名除分防六安正陽潁州外僅四千餘名見在兩河口菱角觜等處苗營聚若貫珠柴米久絕正陽一綫餉道岌岌可危臣見在相地分兵於雙橋集紫川勇一千名遏菱角觜之衝以通正陽傳聞苗練將以大股攻撲壽州正陽而分股西窺光固臣已咨會嚴樹森毛昶熙嚴加防守以杜闖入豫境上諭軍機大臣等袁甲三扼守臨淮見在苗練攻撲壽州南鄉亟宜設法兼顧苗沛霖叛迹顯然屢次諭令袁甲三趕緊安辦何以該大臣未將布置情形據實具奏著仍遵前旨查看該練可撫則撫儻始終怙惡卽迅速勦辦不可坐失事機李續宜到任需時翁同書已成坐困之勢壽州正陽如有失事惟袁甲三是問屢次諭旨翁同書均未接到著趕緊密交俾該前撫有所遵循壽州待飭孔亟該大臣卽迅速設法接濟以期力保危城將此由六百里諭令知之○諭春佑奏朝陽土匪分竄赤峯請飭帶兵官馳往勦辦一摺據稱卓索圖盟長色伯克多爾濟呈報逆匪占踞朝陽縣街分竄伯爾克四家子等處於十

六日夜闖入赤峯縣街焚燒衙署劫放獄囚復分股擾及該旗布固土哈拉烏蘇一帶地方見經札催昭烏達卓索圖兩盟長轉飭各旗派兵堵勦請飭帶兵副都統克興阿等督催大兵馳往勦辦等語土匪竄擾朝陽搶掠赤峯該二縣並不接界是否另股賊匪抑係由朝陽分股竄擾赤峯著克興阿蘊秀確切探明該匪大股見在何處卽會同昭烏達等盟官兵四面兜剿毋令竄逸不可因其分股奉掣以致兵分力單徒延時日將此由五百里諭令知之○辛巳督辦河南團練大臣毛祀熙奏遵旨查明藩司賈臻謨視軍餉得旨當時北援事迫該藩司苟知顧全大局自應如數籌撥乃任意延玩殊屬可惡賈臻著交部議處○以王發桂爲左副都御史由通政使遷○命翟誥來京以毛鴻賓署湖南巡撫未到任前以布政使文格暫署○以倉景恬爲湖南按察使由岳常道遷○王午論內閣前因山西等省大解京餉銀兩當將山西巡撫英桂等降爲三品頂帶仍交部議處茲據戶部奏山西省將久解京餉銀兩先後批解堵數全清尙知愧奮山西巡撫英桂布政使常績均著賞還二品頂帶其山東陝西河南四川欠解銀兩爲數甚鉅實屬玩誤著各該督撫趕緊解部清款如再拖延卽著該部據實嚴參○諭禮部奏朝鮮國王遣使臣瞻覲可否帶赴行在等語朝鮮國王因朕駐蹕熱河遣陪臣奉表詣行在恭伸起居具見悃忱深堪嘉尚惟朕近日身體違和若該使臣遠來行在未獲展覲轉無以慰其瞻戀之誠該國使臣到京後著毋庸前赴行在禮部仍照例筵宴並賞給該國王玉如意一柄藍蟒段二匹粧段二匹大卷八絲段二匹小卷五絲段二件資器四件漆器四件賞給該使臣大段各一匹資器各二件漆器各二件大荷包各二對小荷包各三對由禮部交該使臣祇領以示朕優禮藩封至意○癸未諭內閣猝燒奏兵勇截勦賊獲勝一摺青浦嘉定等處賊匪於本年正月間時出滋擾屢經我兵擊敗二月初一日該逆大股徑撲廣富林營盤經參將李恆嵩等督兵分路迎擊施放連環槍礮仍抵死抗拒守備何慶福等開放大礮轟斃賊目一名及餘匪多人賊勢稍卻都司王玉林首先陷陣各將弁一擁而進逆勢不支紛紛潰遁我兵乘勢掩殺斃賊數百人奪獲旗幟槍械多件水路竄匪亦經捉獲曾秉忠水師擊退另股竄撲塘橋鎮北營盤經李恆嵩等槍礮並施斃賊無數餘匪旋在附近放火復經參將郭太平等分隊擊勦斃騎馬賊目二名都司張應選等越濠砍倒賊目數名分路兵勇奮力鈔殺賊眾奔竄其水路賊船經長龍師船擊斃多人不敢闖入嘉定之賊同時亦由南翔竄至江橋華濟地方經各路兵圍截擊各有斬獲期辦尙屬出力在事員弁著辟煥擇尤保奏候朕特恩○鑲黃旗滿洲副都統克興阿等奏朝陽賊匪分竄赤峯見已派員馳探得旨赤峯距承德雖較朝陽略近然係分股自易解散著偵探明確總期迅抵老巢焚其輜重殲其首逆餘匪自然易勦若朝邑匪尙不退斷不可繞赴鳳凰致前後受敵又奏昭烏達馬隊可否截留隨勦並哲里木馬隊見在並未到建無從催調批昭烏達馬隊著准其截留隨勦著總理行營王大臣會同春佑查明各處道路遠近分設腰機以期奏報迅速○甲申杭州將軍瑞昌等奏建昌總兵等缺請以吳再陞等簡放得旨軍營所出之缺揀員請補專指副參以下而言提鎮從無奏請者所奏殊屬非是○黑龍江將軍特普欽等奏請裁撤團丁歸耕以裕生計從之○予浙江陣亡副將張應祿等祭葬世職○乙酉諭軍機大臣

基奏回民掌教馬德新等懇請就撫張亮基商同先詣江右館親加曉諭徐之銘畏憲疑惑不敢前往密令四川從九品單功定糧
轟退又將浙江候補道馬椿齡逼令自盡謀殺招撫委員福建候補知府孫鈞屢次鈔其家貲又稱該撫將紳民婦女畱住署中有
歸家自盡者屬吏家眷常相往來請託賄賂劣蹟甚多欲令副將麟志之妻進署認爲乾女麟志不肯懷恨將其撤任又因富呢雅
杭阿私行餽賂遂互相撤換各等語雲南漢回互鬪辦理之法全在分別良莠不分漢回勦撫兼用不可稍存私見張亮基奏稱亟
宜乘機招撫係爲大局起見徐之銘任性妄殺阻回民向善之機必致激生他變況貪財漁色種種妄爲實屬大負委任劉源灝接
奉此旨著即迅速馳赴新任將徐之銘撤任聽候查辦將被參各款逐一確查據實參奏不准稍涉回護並查明調任陝西巡撫
鄧爾恆在滇辦理回民事件如能持平卽奏請署理雲南巡撫儻民情未能悅服亦卽據實具奏毋得徇隱將此由六百里加緊各
諭令知之○丙戌諭內閣前因王有齡奏請派大員總司捐務當降旨令王履謙督辦嗣據王履謙奏浙東團練事無專責復降旨
令其幫同王有齡辦理浙江團練並督辦勸捐事宜茲據王履謙奏王有齡將該前副都御史督辦之名改爲總辦紹郡勸捐事宜
並將奏明設立之局擅自裁撤歸地方衙門辦理並未奏明實屬非是王有齡著文部議處○袁甲三奏苗練渡淮立營直向壽州
以南滋擾占踞民圩廬鳳道才字和臬司張學醇均在正陽屢次函諭苗沛霖速將練眾撤回而至今未退該司道等若遽赴壽州
辦集必致誣人藉口無以折服其心設另起波瀾愈難收拾蒙城自投殺苗黨後感其報復人心惶惶臣因蒙箚本屬毗連咨商田
在田等就近派兵鎮撫聯絡尙未接其抽撥之信而宿州官紳又以苗練恃強跋扈殺其城內辦事親信數十人苗練因此愈有藉
口懷遠苗練亦與官民互相猜忌誠恐再滋事端更難着手臣已派委延綏鎮總兵博崇武星夜前往剴切開導務使民練相安官
紳一體旋又探聞苗沛霖之姪苗添馨及練總王玉科等糾約濟南團練不知意欲何往田在田馳回徐郡後宿城謠言四起民心
大爲驚疑並接泗州靈璧襄陽苗練大隊又到該境據糧臣先派遊擊張景春等帶領兵勇五百由泗州迎頭過剿復加派副將向
聰得等酌帶小隊馳赴固鎮會同參將朱玉成等所帶兵線相機安撫以爲要裁之計臣見已暗中節節布置極力防範並密商翁
同書察看各路軍情緩急隨時斟酌安撫儻該練有一縫可原尙可寬其旣往若竟肆意橫行或有勾通粵逆情事卽當調齊團練
謀力兼施以期早殄巨寇又奏苗沛霖性本難馴臣所以牛籠駕馭委曲求全者原欲借其力以勦賊期於軍事有濟前派張學醇
等往辦壽城之案以其素尚相得仍欲不以坦易滿擬將其渡淮滋擾之事作速禁止仍可就我範圍適蒙城箚州相繼逐殺其辦
事之人因而猜忌更深其勢洶洶查禁痼之民去逆效順本屬可嘉惟事關大局必須能發能收確有把握乃可鋤兇弭亂若徒快
一時之忿而人心不齊作事不終適足益其暴戾之氣而堅其反側之心非全局之幸也苗沛霖本係勝保所招撫苗沛霖上年冬

月專人進京遞稟求勝保爲之申雪其相信之深更可概見此時若令勝保來皖必能操縱得宜力挽大局惟勝保能否前來臣實未敢懸揣頃據江南提督李世忠稟稱約於本月二十後可到臨淮並呈苗沛霖兩次給該提督原信大意句其共圖壽州並據淮河之險該提督未遽責以背叛婉言開導以冀悔悟如何辦法俟該提督到後再行妥爲籌商又奏疊奉諭旨飭臣查看苗練情形可撫則撫否則密速定計早翦巨孽查苗沛霖桀不馴固屬罪不容誅而較之粵捻之顯然叛逆尚屬稍知顧忌此時積年巨寇尙須反覆開導勸令投誠豈於該練偶入迷途不思委曲以消隱慮此臣所謂但有一線可原仍欲牢籠駕馭即以苗沛霖徐立壯孫家泰三人衝而論之孫家泰剛復任性暴戾恣睢擅殺無罪已非地方官所能鉗制若令有眾數萬其悖逆有不可知者矣徐立壯無馭衆之才而事事較苗沛霖變本加厲卽如苗之截臣餉船不過因撫臣未爲辦案欲藉以激成臣怒爲之伸冤其於李世忠及往來商船尙不擾害也徐立壯見於魯家口無論官商肆行截搶致商販阻隔鹽米之路頓絕李世忠亦憤激具稟請爲勦辦其釀亂尤爲可恨論見在局勢不能寬孫徐而獨責苗練將來辦法亦必須參以權術臣平情度勢此三人中不除一人萬不能敷衍一事已密飭張學醇等相機除徐或徑約苗沛霖合力攻之既可藉撤圍壽之兵亦免致李世忠積憤不平若於合兵之際收漁人之利亦一舉兩得之事並密遣人赴壽屬翁同書設法除孫以釋苗怨而爲解圍之計蓋苗練聲稱如不攻城不能報仇似非志在破城或因孫在城中虛聲恐嚇欲得而甘心也臣已密告翁同書若不量思變通壽民破圍情急萬一私將孫家泰捆送苗練又豈翁同書所能禁止臣於此事經權並施實已不遺餘力至張學醇之能副臣望翁同書之能聽臣言與否則不能逆覩也翁同書奏二月十三日夜下禁苗練數百人繞出八公山後突至東津渡意欲掠船偷渡經參將吳峻基督勇開礮轟擊該逆旋卽撤回十四日探聞南路苗練攻石家集未拔遂由廬郡北境撤回並新收之眾號稱數萬連營數十座自三覺寺保義集堰口集向原路而歸聲言約會廬逆用地道圍攻壽州並探得苗沛霖爲南路練總王舟截擊幾不得脫乘夜撤退臣於十五日派黃鳴鐸帶領礮船赴菱角觜防堵臣親督總兵慶瑞等帶領馬步隊二千餘名赴雙橋集一帶彈壓冀其撤回下禁仍防闖入近郊詎意十六日夜間該練分股攻撲九里溝雙橋集兩營經我軍乘夜出營迎擊始行敗奔查壽州與臨淮片帆直達自下禁被踞咽喉已塞僅有一綫間道可通文報其南通六安西通正陽之路亦幾斷絕桐懷各縣爲一片寇氛所隔新任撫臣李續宣從未得其信息風聞狗逆大股十餘萬自麻城折回仍踞流波磧六安頓形喫緊難保非因勾串而來臣扶病登陴已及一月孤城援絕惟有勉力嚴防未敢鬆懈其正陽防守事宜已屬總兵孔隆武加意防範俾免疏虞上諭軍機大臣等苗沛霖因蒙宿逐殺其辦事之人猜忌更深該練屢次攻撲九里溝雙橋集等處營盤並有約會廬逆用地道圍攻壽州之語責屬罪大惡極難再姑容袁甲三辦理此事毫無把握若再因循遷就必致養癰貽患苗沛霖兩次寄信李世忠約其共圖壽州同據淮河該提督不遽責以背叛仍婉言開導冀其悔悟其公忠爲國之心實堪嘉尚惟苗沛霖以鄉曲之人經朕擢至道員不知感恩圖報輒敢謀爲不軌實屬孽由自作善即傳諭該提

督乘此機會以密函招致設計殲除較之威以兵力尤爲便捷其餘黨與仍可曉諭解散以安反側此事宜密速辦理不可洩漏致誤事機翁同書坐困孤城兵單餉絕袁甲三仍當遵奉前旨妥籌兼顧不可稍有疏虞此次翁同書摺片著發交袁甲三俟收到時卽專弁妥遞翁同書軍營以免遺失又據田在田奏徐宿軍餉欠缺請借撥塘鹽濟急等語淮鹽銷路不暢西壩存鹽甚多該總兵請嗣後按月捆運鹽三四千引暫借徐州引地銷售係爲軍餉起見並著袁甲三通融融借撥以濟急需俟徐營軍餉充足卽如數歸還旣營可也將此由六百里加緊密諭袁甲三並傳諭李世忠知之○諭王履謙奏賊犯浙東江防單弱情形危急一摺新城臨安等處賊匪伐竹作簰據搶船隻意圖窺伺甯紹昨據王有齡奏富陽克復後賊蹤分布新城分水一帶時思竄撲浙東雖經該撫撥派師船嚴防江面惟賊勢蔓延有增無減而沿江二百餘里兵力無多設有疏虞大局將不可問王有齡統轄全省責無旁貸著嚴飭帶兵各員弁實力堵勦並隨時派撥兵勇前往協期毋令賊蹤竄入完善地方王履謙幫辦團練亦有防勦之責著卽激勵民團會同官軍力固江防並督辦勸捐事宜不可稍涉推諉將此由六百里各諭令知之○諭譚廷襄奏馳赴新任力籌防勦請派大員赴直東交界駐紮並請借撥陝西餉項一摺捻匪東竄長山鄒平一帶本日據清盛奏帶兵出省勦辦力保東省門戶並遏其北竄之語當不至深入爲患見在僧格林沁駐軍汶上力遏兇鋒直東交界處所最關緊要前經勝保奏令總兵伊綿阿帶領西安等處官兵一千名並令文煜於天津鎮標官兵內調撥一千名駐紮河閒又命天津道孫治赴河間整飭團練相機堵勦直東交界地方已有布置所請將管調河州等處官兵分撥東省防勦之處著毋庸議該撫抵省後卽將省城防勦事宜妥爲籌辦並飭帶兵各員會合民團實力兜勦迅殄賊氛毋任分竄將此由五百里諭令知之○諭田在田奏擊敗宿南土匪遵旨回徐商辦防勦一摺濟南練總王玉科據寨糾匪意圖抗拒經該總兵派兵兩次痛勦潰散逃去此時宿州情形稍輕而徐州一帶則自伊興額等追賊陣亡後民心震動該總兵馳赴徐郡與吳棠力籌攻勦務須設法牽制捻匪後歸俾竄擾東省逆匪有所顧忌仍聯絡鄉團嚴密堵禦以防逆匪回竄毋稍疏虞其宿州一帶卽著責成胡元昌駐紮該處統率兵練固結民心嚴防苗練報復將此由六百里諭令知之○予江蘇殉難知縣李謙等安徽被害知府姜錫恩祭葬世職山東陣亡副都統伊興額總兵官膝家勝建祠○戊子諭內閣王夢齡奏隄工合龍一摺江蘇江運小六堡隄工經署漕運總督王夢齡督率在壩文武紳董籌款備料實力修築旋卽合龍辦理尙爲安速署江運同知丁承鈞江防營守備趙秉節原參摘頂之案均著准其開復其餘出力文武官紳著王夢齡擇尤保奏候朕施恩毋許冒濫○諭軍機大臣等勝保奏請帶兵千名赴朝陽赤峯一帶期辦土匪先在古北口屯紮並馳赴熱河等語朝陽縣匪徒滋事兒已陸續調派熱河哲里木及駐防古北口之黑龍江西安並盛京等處官兵三千數百名並據王明派兵千餘赴朝陽會勦計已足敷勦辦勝保著卽赴行在所請帶兵一千名赴古北口駐紮之處著毋庸議將此由五百里諭令知之○諭前調古北口駐紮之西安官兵一千名著歸成明統帶馳赴朝陽勦匪烏蘭都著暫在熱河聽候諭旨○是月貸黑龍江歉收地方旗丁籽種口糧

三月己丑朔諭內閣聯捷奏請將河北捐輸專辦河北防務緊要經聯捷勸諭彰德等府捐輸經費見在嚴樹森因籌辦南路軍食亦派委員前赴河北勸捐事涉兩歧恐致紳民觀望著照所請所有河北彰德衛輝懷慶三府捐項統歸於防河經費動用以免紛歧○諭軍機大臣等前因景滄奏俄國分界道路險阻恐難如約會齊當經降旨令該將軍將應辦事宜先期料理並飭成琦趕到照會該夷約期會勘並據恭親王等奏於上年十二月二十七日照會俄酋伊格那提業幅欽派大臣咸琦擬於四月下旬到彼會同查勘茲據景滄奏由興凱湖至圖們江山路崎嶇擬於五月中旬在興凱湖守候俄國大員勘辦並擬照會呈覽等語會勘俄國分界開鑿暴重前據俄國清字來文郭爾察闢幅咨稱烏蘇里分界事宜該國已派阿迪米拉勒喀咱切斐齊於三月間至烏蘇里江口大清國欽差大臣亦應於三月間至該處不得逾時等語自係尙未接到恭親王等照會成琦已於二月二十五日由京啟程著景滄仍遵前旨將應辦事宜及應需船糧車駁各項先期料理齊備俟成琦一到即於四月下旬趕至興凱湖與該國會勘地界不可落後至烏蘇里河口一帶雖界限分明僅止立牌等事然亦不可辦理含混致貽後患著卽責成副都統富尼揚阿於四月初間前往妥爲辦理不可遲至五月景滄俟成琦到後即定期會同前往毋得以道路險阻爲詞致有延誤將此由六百里諭令知之○諭昨據清盛奏東竄捻股已由安邱回竄清口而另股又由戴家廟十堡搶渡運河見在李連橋一帶村莊焚掠恐由東阿平陰水淺處偷渡鹽河本日復據杜翹奏東竄捻股由青州竄擾濰縣另股黑黃花等旗又自金鄉闖入直撲東平州之戴家廟並搶渡運河竄至肥城之衡魚莊一帶各等語捻匪更番出擾疲我兵力前股甫退而後股復來致令東省數十餘州縣慘遭蹂躪況業已搶渡運河卽恐其乘虛北竄僧格林沁國瑞曹駐汶上西凌阿駐榮濟甯見在捻匪紛竄毫無堵禦德楞額趙康侯李麟遇等兵勇亦未聞繞出賊前迎頭截剿似此遷延觀望恐致貽誤事機且賊一入東境飄忽無常官兵徒事尾追業已飽掠而去必須於金鄉等處嚴密堵禦毋令竄越方爲善策著僧格林沁等將近日賊勢何路喚重官兵如何堵剿及一切布置情形迅速馳奏以慰廑念將此由六百里諭令知之○庚寅毛昶熙奏臣接辦軍務凡事力求整頓乃兵未練而賊已至師已行而餉不來晝夜焦思迄無寸補正月以後髮逆捻匪土匪教匪同時並起除各股竄捻經官兵屢次擊退其姜台凌等大股南趨所過地方屢被各州縣率勇堵剽隨時懲創此外則有捻逆孫葵心黨與去歲由汝光竄皖見因孫逆已故於正月十七日以後竄回固始汝陽陳州等處維時臣營餉絀兵單不得已派知府廖慶謀安奎直隸州知州秦篤新等督勇齊團會合各地方官嚴密堵禦一面飛飭駐紮鹿邑圖塔納亳州孫之友兩軍整隊以待旋據先後馳報孫逆餘黨突竄光州該知州張席珍登城守禦殺斃二百餘名生擒髮逆四十七名立解城圍賊遂分股一竄東北一竄光山經光山縣阮鼎固守城池賊眾由竹竿河西竄兩股合一由正陽之陡溝銅鍾一帶紛竄東北適廖慶謀帶勇馳至會同正陽縣知縣鄭修業掩殺一百餘名息羅等縣均有擒斬賊遂窺伺汝郡其時臣調麥將柏英甫抵郡

城同知府祁之銓督率兵勇追殺斃匪多名賊勢不支向東北奔竄固口固口爲南北商賈輶之地賊所垂涎幸該處巡判張連魁派千總趙鵬飛等擊退賊眾駛撲陳州乘勢攻城經友奎等堵勦四時之久城圍始解副將圖塔納遊擊孫之友復伏兵兜截斬擒淹斃三百餘人賊始遁歸巢穴然該逆雖暫時喙息不久必甚旗出竄或與另股勾結均未可知正籌辦間而商固又報粵逆四眼狗之警兼之正息兩縣伏莽乘機竊發如趙鵬夏張鳳林等爲數均不下二三千名光固又有苗練內投誠之潘四踞住三河尖侵越日甚紛紛請兵急於星火臣擬將駐鹿軍內抽撥一二千名派員帶赴商固旋准商城縣馳稟該縣會合東境圍練擇要扼堵羣盜多名並聞逆首襲瞎子在松子關被官兵躉斃逆黨回竄豫境稍鬆等語光州固始報亦相同臣查楚豫毗連利害與兵正未敢以賊蹤漸遠稍弛邊防因將調赴商固之兵交遊擊余萬明管帶暫駐陳州聽候徵調並以截姜台凌等股匪回巢之路臣顧瞻時勢以有限之兵力禦無定之賊蹤左支右絀力竭精疲臣渥荷天恩敢辭況率惟寇氛愈熾號令不可不一事權不可不專據省軍務情形凡大營委用之人無論實缺候補皆撫臣所轄臣此次實因姜台凌等股捻匪傾巢西竄慮成景等兵力稍單故派王天保一軍由太康一帶進發與之會合並派候補道張曜管帶馬勇馳往會剿乃撫臣忽調王天保赴汝南矣張曜經過省城撫臣畱駐三日忽飭赴信陽州矣迨孫逆回巢粵逆漸遠王天保既可折赴成景軍前張曜亦當與成景會剿而撫臣則又調張曜王天保赴光州矣斗轉星移迄無定向在撫臣因公起見心本無他而該員等因此無所適從將來貽誤豈可勝言臣深知撫臣嚴樹森一片血忱胸無芥蒂可與共事而曉暢兵機其才勝臣十倍惟相距較遠當事機湊集之時斷不能待往返函商再行布置可否仰懇皇上天恩飭令撫臣會合一處辦理軍務至地方公事遞送宋郡亦屬甚便向有前撫臣英桂等出省防堵舊案可備軍務地方職爲一局庶幾整頓可期而湯平有日矣上諭內閣嚴樹森著督辦河南剿匪事宜毛祀熙著督辦河南剿匪事宜仍督辦河南團練○翁同書奏臣軍八十餘日之中止到協銀一萬兩暨壹甲三借撥銀八百兩計此三月中非有實銀十四五萬兩不能勉強支持而所到不及十分之一豈能維持危局查壽城雖被困日久而正陽之路尙通就城廂而言尙稱安靜無如外間訛言四起謂壽城已被重圍四門緊閉致各省協餉延不起解而報解在途者委員忙於風鶴裹足不進非但不敢至潁州府嚴札催提置若罔聞至壹甲三尤撥之間餉雖云有著而六安以南阻於粵氛六安以北阻於苗練更屬萬無可望各營兵勇甚至挑取野菜及草根充飢臣日出宿宿馬步兵勇環泣於前再閱旬日勢必全潰既潰之後非散而擾民卽轉而從賊不特孤城無以保全大局尤不堪設想伏乞皇上嚴飭河南巡撫迅解銀二萬兩限於十日內運交潁州府轉運局收明臣卽可設法迎撫來壽縣再遲回不解更無一線生機又奏再苗沛霖見由堰口集運糧至康家橋一帶踞守該處北通菱角嘴西近正陽關東北距州城二十餘里風聞該練在六安河內掠船以此正陽一日數驚壽州情形更爲喚重孫葵心住居亳州之楚店集儻該逆尙存必歸老巢卽令已死而其黨亦皆在潁毫之間見在實臻奉旨辦理招撫必應駐潁州府城若遠赴泗州臨淮中隔賊氛繞道往返運動須踰

月實有鞭長莫及之虞至泗州糧臺似可派員經理統歸藩司考覈 上諭軍機大臣等壽州餉竭兵勇日多餓斃情形異常危迫本日已由六百里加緊諭令嚴樹森迅撥銀二萬兩限十日解至潁州並令嚴催山西委員王致泰迅解餉銀前往壽州營矣見在正陽關一路尙通各處解餉之員或疑道路梗阻不敢前進該前撫需餉甚急本應速派員弁酌帶兵勇前往迎提以期迅速解到不可株守坐待屢次諭令袁甲三接濟壽州軍營該大臣尤當設法籌撥以維大局孫葵心黨與皆在潁毫之間賈臻如赴泗州臨淮有鞭長莫及之慮著袁甲三飭催該藩司迅赴潁州辦理招撫事宜泗州糧臺該大臣另派妥員經理統歸賈臻考覈此次翁同書據報及寄諭交袁甲三由臨淮轉遞以免遲失將此由六百里各諭令知之○命山海關副都統成保所派官兵五百名暫駐熱河候旨○命按察使銜道員聯捷以四品京堂候補督辦直隸河南山西防河事務○辛卯諭軍機大臣等本日據克興阿等奏移營前進擊賊獲勝一摺朝陽賊匪竄至波羅赤地方經官軍於水泉接仗斬殺多名亟趨乘勢進剿一鼓殲滅淮老虎山木頭城子均有賊匪必須節節掃除屆令回巢方可聚而殲旃不可徒事分防致兵力爲賊牽制賊在朝陽空濠築牆意在負隅抗拒見在大敵諒已運到成明所帶西安官兵一千名業經駁程兵力已厚著卽督飭將弁並約會盛京官兵四面兜剿毋令竄逸並將鳳凰山一帶踞城悉數掃蕩不可耽延時日將來擒獲賊目卽於訊明確供後就地正法不必解赴熱河將此由六百里諭令知之○僧格林沁西凌阿國瑞奏據探五旗總逆四五萬人由金鄉魚臺北竄臣等因前派兵勇隨同德楞額追剿東竄之賊已去其半當派已革道員黃鳳楷招募練勇五千名臣西凌阿督帶西安山東駐防官兵暨馬隊分紮牛頭河一帶臣僧格林沁等復派副都統桂成管帶陝甘步隊一千五百名趙康侯帶領練勇二千五百名常山保帶馬隊三百名會同各處鄉團分守東平汶上等處運河又因濟甯長溝地方乃上年匪竄熟路親統馬步隊千餘名前往長溝駐紮該逆自二月十六至二十一等日擁眾直犯運河兵勇奮力守禦不能搶渡連日轟斃擒匪多名二十二日該逆於戴家廟等處橫撲四十餘里復潛擁大股至沈家口地南沙溝地方該處水淺不過二三尺以致大股搶過運河我軍寡不敵衆疊有傷亡見在該逆盤踞東平汶上之間臣等飭令馬步官兵設法繞至北面再行追剿以遏北竄又據摺獲奸細供稱該逆意圖攻犯濟南臣西凌阿已帶防守牛頭河之兵折回濟南督同該處存營官兵暨城文武紳團力籌防守 上諭諭匪另股數萬復由金鄉魚臺北竄由沈家口逃南沙溝地方搶渡運河雖經官兵擊斃多名究未大加懲創見在大股盤踞東平汶上一帶著該大臣等飭令馬步官兵扼要嚴防偶令賊匪南趨並設法防其復擾泰安青州等處不可再令北竄僧格林沁等前派兵勇隨同德楞額追剿東竄之賊見存兵力未免單薄不敷防禦惟當聯絡紳團招集鄉勇以輔兵力之不足總期兵民聯爲一氣可冀同心禦侮力遏兇鋒該匪欲由北面攻撲濟南西凌阿業已帶兵折回著卽督飭文武紳團實力防守毋稍疏懈陣亡官兵著該大臣等查明具奏將此由六百里諭令知之○壬辰諭內閣見在各省軍務未竣亟應簡敘人才講求吏治以期康保小民俾無失所各該督撫於所屬各員平日立品居官知之有素著擇其廉潔自愛任事實心及素著績

警民情愛戴堪勝道府者臚列政績出具切實考請酌保數員保候旨備用其道員及州縣各官如有出色之員著一併覈實保奏備所保之人查有貪汚劣蹟或名實不符朕惟該督撫是問其各力除積習秉公保薦毋得瞻徇情面任令屬員夤緣倖進以副朕知人安民至意○癸巳諭內閣孫葆元奏江蘇見辦軍務不能考試懇請回京當差一摺江蘇地方雖未能全行考試該學政尚有應辦事件孫葆元請回京當差之處著不准行○甲午諭軍機大臣等色克通額等奏俄國給住京修土固理運送公文包並未知照庫倫又稱該國商人二十二名按照條約任其行走欲自雇蒙古駝隻私立驛站並由獨石口一路行走等語已諭令恭親王等照會伊格那提葉幅務遵條約辦理嗣後如有不遵條約之事該大臣等卽當據理斥駁前諭令將鳥槍擇畱數十桿以備京兵在彼演試所餘各件迅速運赴京城據色克通額等奏該國尙未行文前來該國礮位由天津海口運送亦未解到此項鳥槍運到時卽督率京兵演習其餘暫存庫倫俟總理各國衙門知照運京再行豫備○諭前因張亮基奏參徐之銘任性妄殺並貪財漁巴各款當經降旨令劉源灝趕緊馳赴雲南秉公查辦該督接奉前旨諒可剋日赴滇矣茲據徐之銘奏克復富民羅次祿豐廣通四城並元永黑琅阿陋草溪六鹽井請將申有謀等獎勵又攻克安甯收復城池請將總兵何自清等獎勵又保舉督辦東路防勦保衛地方出力之參將何有保又請將已革知府夏家疇開復原官該撫所奏克復地方均係據各路稟報未將接仗情形詳細聲敘恐賊匪自行退出捏稱克復任意鋪張有不實不盡之處所保之中有謀等是否實在出力著劉源灝到滇後逐一詳查據實具奏參將何有保請記名以總兵用亦覺太優已革知府夏家疇赴夷寨設指經費尤屬文難徐之銘有無瞻徇情弊並著該督秉公確查詳細具奏毋許徇隱原摺片四件均著鈔給閱看將此由六百里諭令知之○官文胡林翼李續宣奏准兩江督臣曾國藩咨稱僞忠王李秀城由廣信內犯圍攻建昌府城離南昌省城不遠必大支勁旅庶保江西完善之區擬移蒙建德東流抽出鮑超一軍先其所急又准函稱建昌援兵屢次挫敗撫州亦被賊圍南昌省城震動各等語臣思撫州距省甚近僅有左宗棠一軍勢難堵禦如曾國藩抽撥鮑超一軍則祁門一路又屬空虛設有疏虞所關匪細楚軍圍攻皖桐正在喚緊又賊竄黃州李續宜舒保各統兵上援更無別軍可援江西之急查湖南撫臣駱秉章行抵荊州臣前以武昌告警商令赴鄂繼因援師已集飛咨停止見聞蜀東一帶均就肅清而江西正當事機緊迫之時似應移緩就急先援江西應請旨飭下駱秉章卽於荊州順流而下助剿楚北竄匪再分軍從九江迅赴南昌會同兩江督臣江西撫臣相機防剿或由駱秉章酌量分兵數千先行馳赴重慶扼守俟江西賊勢平定再行入蜀辦理臣諭逆匪上竄湖北復擾江西較四川情形更爲緊迫自應移緩就急督兵援應著駱秉章迅由荊州順流而下助剿楚北竄匪再分軍由九江迅赴南昌會同兩江督辦軍務不能考請旨飭下駱秉章卽於荊州順流而下助剿楚北竄匪再分軍率師入蜀該撫務須斟酌安善相機辦理勿稍延緩將此由六百里諭令知之○官文胡林翼李續宣奏武昌爲全楚根本其形勢先重江防當調副將張啟基管帶大小礮船一百十餘號分布武昌漢陽漢口陽邏團風巴河樊口等處以扼江西一面咨行提督

楊載福道員彭玉麟派副將左光培成發翔等管帶水師礮船上駛應援彭玉麟復親督礮船於要隘處所逐節布置以遏制眾偷渡前因楚軍急於謀皖防兵皆調赴下游省城存兵無多當派副都統巴揚阿等就見存弁兵分要駐守臣等督司道周歷城垣曰

夜稽查無敢稍懈省城東路以魯家港洪山爲最要西路以黃岡之陽邏街埠漢陽之沙口爲最要北路以黃陂之灘口黃岡之倉子埠爲最要見酌募勇丁配以花凌阿馬隊令副將余際昌等分道駐紮前調荊州旗營官兵一千名見已到省撥赴省城內外駐

防人心漸定該逆於黃州城外環築木城土壘意圖負嵎抗拒又分竄麻城羅田黃安黃陂孝感等地方前經副將成大吉帶隊扼守松子關連獲勝仗將大股賊匪擊退該逆又繞至蘄水黃州乘虛分竄知府梁作楫一軍尚在麻邑要城固守副都統舒保督帶

馬隊自下游馳回於上巴河渡江繞出黃州之上復由團風沙口等處至北岸會同黃州協副將書紳及黃州府縣文武督團截擊因兵力尙單不能窮追查此次賊匪與捻匪聯合人數眾多黃陂距省甚近臣續宜率十九營於二月二十一日繞至武昌同官

文面籌機宜分路進剿迅堵黃州麻城羅田黃陂德安竇逆兼顧武漢根本隨時探明賊蹤虛實相機勦辦報聞○乙未曾國藩奏據探該逆多聚上溪口意欲撲犯祁門曾飭張運蘭攻剿上溪口一次詎該逆見我軍退後復率大股在上溪口及河村石田小當

等處層層築壘與休甯屯溪之逆互爲犄角力抗我師二月初九日卽添派總兵朱品隆唐義訓參將葉光岳等會同張運蘭各率營弁進攻上溪口張運蘭揮眾迎擊刀矛並進施放噴筒火箭賊巢火起乃破重卡而入追至河干殺斃悍賊數名賊遂大潰時河

村之賊復出萬餘過河迎敵經各營弁擊敗先將上溪口一帶賊壘燒燬該逆紛竄狂奔我軍追至石田復燃賊營六座賊向小當

敗遁該處復有伏賊接應從九品禹志連縣丞李公選帶隊趕至將小當之賊全行擊敗沿途殺賊二千餘名生擒僞領天豫僞將

軍僞檢點等二十八名髮賊八百四十餘名解散難民甚眾我軍乘勝直抵休甯縣城十一日會齊各營四面環攻擊斃城上悍賊

多名同知朱聲隆等復帶隊猛撲被礮傷者約四百餘名各營銳氣不爲少卻該逆見我軍圍剿甚力連夜棄城遁走立將休甯縣

城收復查休甯之賊踞城將及半載賴上溪口一戰連踏逆壘大挫兇鋒遂得一攻而克在事尤爲出力各員謹先行開列懇恩獎請卹

上諭內閣官軍攻破上溪口等處賊巢克復休甯縣城勦斃其餘出力員弁容臣擇尤彙奏請獎陣亡人員俟查明後再行

察使缺出提奏記名總兵朱品隆唐義訓均著遇有總兵缺出由辦甚爲得手河南開歸陳許道張運蘭著文軍機處記名遇有按軍機處提奏其餘出力員弁曾國藩擇尤保奏陣亡人員並著查明請卹○諭軍機大臣等本日據清盛奏馳抵香河接仗獲勝並移營進剿一摺此次擒逆竄至杜家廟地方該署撫督帶兵勇迎剿雖經小有斬擒究未大受懲創且擒獲奸細既有欲由濟南一路東竄青口之語不可不嚴爲之防本日據杜翻奏稱賊於初一日竄入厯城境內段店地方雖經敗退距省未遠難保不去而復來該署撫見擬移營黃商店著卽督飭兵勇並玉山所帶馬隊悉力防剿勿令紛竄仍須兼顧省城毋稍疏忽其前起廩赴東路

捻股盤踞安邱著嚴飭明新會同德楞額實力勦洗務須驅出東境勿畱餘孽暫河團練既經約令會勦何以臨時退避該處圓練

係何員所帶著清盛查明參奏並查明該處團練如不得力卽飭令該地方官認真整頓以收實效另片奏請將東省徵收漕米全數變價等語本年南糧未能照常起運京倉需米甚殷著清盛仍將徵收漕米趕緊設法運京毋庸變價將此由六百里諭令知之

○恭親王奕訢等奏請赴行在祇問起居得旨朕與恭親王奕訢自去秋別後候經半載有餘時思握手而談稍慰塵念惟朕近日身體違和欬嗽未止紅痰尚有時而見總宜靜攝庶期火不上炎朕與汝棣尊情聯見面時回思往事豈能無感於懷實於病體未

宜況諸事妥協尙無面諭之處統俟今歲回鑾後再行詳細面陳著不必赴行在文祥亦不必前來特諭○曾國藩奏據報建昌之

賊開挖地道城中兵不滿千危在呼吸援師或挫賊蹤跟至撫州等情查撫建去省甚近關繫緊要已調鮑超一軍由九江一帶馳

赴江西省城先顧根本次援撫建臣因休甯新克徽州可圖暫緩移營仍駐徽境惟鮑超之軍一動祁門西路建德一帶又將爲賊

所踞左宗棠之軍小挫一次祁門南路浮梁一帶亦恐爲賊所阻臣惟有激勵將士力攻徽郡以通浙江之氣而開籌糧之路報聞

○丙申內閣欽奉 硃諭大阿哥於四月初七日入學讀書著李鴻藻充大阿哥師傅○諭軍機大臣等前因翁同書奏賈璉辦理

招撫應駐潁州當經諭令袁甲三飭令該藩司迅赴該處其泗州糧臺另行派員經理本曰據毛昶熙奏潁州團練向保苗沛霖辦

理近來阜陽太和一帶民團因苗沛霖叛形漸露練總牛尤恭等赴豫呈訴不願與之共事查解散苗沛霖黨與莫若使阜太團練

與豫省合而爲一見派候補直隸州知州秦篤新馳往皖豫兩省毗連處所辦理團練若令安徽藩司賈璉督辦安徽全省團練實

於大局有裨等語苗沛霖自與壽州團練構黨潁州等處團練恐流爲逆黨各守堡寨自保身家亟應乘機將潁壽團練歸地方官

辦理使人心有所繫屬苗沛霖自不得託名辦團肆其誘脅袁甲三於接奉前旨後當已飭令賈璉赴潁著卽催令啟程所有安徽

全省團練卽著該藩司督辦務與豫省淮府沈項新息一帶堡寨及光州各屬民團聯絡聲勢互相援應以散匪黨而順輿情將此

由六百里諭令知之○子河南殉難知縣彭心達祭葬世職建祠教諭張元祚附祀○戊戌曾國藩奏逆賊黃、漢、金、大股由建德入犯江西連陷數縣經鮑超從洋塘跟蹤追至彭澤之下泥坂左宗棠亦派楚軍四營由右路馳追駐紮小麥鋪地方該逆句結壽陽

銅陵援賊仍踞建德縣城大股盤踞金家村黃麥鋪一帶意圖抗拒正月二十六日鮑超商同總兵陳大富列隊建德率制城中之

賊自率大隊馳至黃麥鋪賊見官軍突至層層密排山谷皆滿鮑超派霆左營副將鄭陽和等由左路攻擊霆前營副將黃慶等由

右路攻擊自率副將宋國永等從中路進攻賊見我軍尙未成列遂來撲犯鮑超督飭各營三路齊進賊陣稍動我軍乘勢下壓追

奔四十里該逆有撲港淹死者有懸巖跌斃者屍橫徧野鮑超復令各營追至建德適陳大富與水師會攻城賊克復縣城約共斃

賊千餘人逃散者不下萬餘人生擒長髮老賊三百餘名訊明正法江西饒九等屬一律肅清提督銜綏靖鎮總兵鮑超勇冠三

軍每戰必克讞懲天恩交軍機處記名遇有提督缺出請旨簡放陣亡之守備唐有餘請交部從優議卹

黃麥鋪賊匪克復建德縣城饒九境內全數肅清勦辦甚屬得手提督銜湖南綏靖鎮總兵鮑超著遇有提督缺出由軍機處提奏

陣亡之守備唐有餘著交部從優議卹○曾國藩奏僞忠王李秀城股匪合圍建昌府城晝夜環攻安肅道劉子淳派兵救援正月二十七八九等日屢次開仗尙與城中文報不通無論能否解圍而大股既入內地則或犯南昌省垣或犯瑞州臨江皆不可不警爲之防又皖北四眼狗陳玉城大股勾結捻匪四路狂竄聞霍山官軍敗挫准撫臣胡林翼函商臣處派兵救援北岸亦須有大支勁旅渡江援剿庶安慶垂成之功不至中棄臣處兵力止有此數見在張運蘭一軍防剿徽州休甯之賊左宗棠一軍防剿新犯婺源之賊此外別無勁旅可作他處援兵萬不得已臣當移紮東流建德防堵下游池州蕪湖各股抽出鮑超一軍作爲遊擊之師或馳援江西腹地或馳援皖北各路視其尤急者而應之或可少遏兇鋒 上諭軍機大臣等江西軍務喚緊該大臣前奏飛調鮑超一軍由九江一帶馳赴見在逆匪上竄湖北駱秉章能否分軍馳援江西尚未可定所有鮑超一軍即作爲游擊之師該大臣體察江西皖北情形何路緊急卽爲何路援應至該大臣請移紮東流建德兼顧皖北之處見在張運蘭一軍防剿徽州休甯之賊是否足資抵禦著曾國藩悉力籌畫不至顧此失彼方爲妥善將此由六百里諭令知之○諭勝保奏捻匪渡河北竄派兵馳赴景州堵勦等語捻匪擾及山東一帶於本月初五日繁筏渡河後隊賊眾蠶擁繼至該大臣見飭總兵伊綿阿酌派官兵選員管帶先行馳赴景州防勦並飭天津道孫治整齊各屬團練協助官兵嚴防竄擾惟賊勢猖獗所派兵力尙單恐不足以資堵禦著該大臣速飭伊綿阿添派官兵親自統帶馳赴景州一帶聯絡鄉團嚴密堵截以期力遏兇鋒毋稍遲緩將此由五百里諭令知之○諭嚴樹森奏請飭張芾選將練兵並兼籌全局一摺稱江淮捻賊及各種土匪日肆狼狽所派兵力尙單恐不足以資堵禦著該大臣速飭提鎮各營內精選馬步官兵由張芾統帶來豫會辦防勦並募勇訓練等語豫省軍營積弊日深該撫欲改絃更張力求振作實屬勇於任事惟陝甘各營兵丁歷年徵調頻仍存營兵數無多該省與河南毗連處所見在需防堵若再調撥必致完善地方益形空虛前已降旨令該撫督辦河南勦匪事宜事權既一責無旁貸所有練兵選將事宜著卽破除積習實力整頓以期日有起色並就河南見有兵力妥籌防勦以副委任本日已降諭旨令張芾幫辦陝西團練事宜矣將此由六百里諭令知之○命前任左副都御史張芾幫辦陝西團練事宜○以賊竄太湖迎剿失利浙江巡撫王有齡下部議處○以廣西柳州水陸肅清賞道員劉坤一布政使銜○予浙江陞二縣丞瞿綬等祭葬世職○己亥諭軍機大臣等奕訢等奏布魯西亞國通商事宜派崇綸赴津辦理請由軍機等恭擬上諭一道交崇綸齎往給與閱看以免歧誤等語各國公使於欽派大臣接見時往往求看諭旨以爲憑據奕訢等所請擬給上諭以免該公使生疑亦爲先事防維起見惟此次布魯西亞國赴津通商一切事宜仍應歸該大臣等籌辦若另給崇綸諭旨則必須有欽差字樣於總理各國事務衙門轉覽事權不一崇綸赴津似無庸給與上諭或由奕訢等妥擬照會告以各國通商事宜均由總理各國事務王大臣辦理見經奏派崇綸赴津會同三口通商大臣崇厚辦理如以崇綸等非全權大臣或桂良文祥兩人中酌量一人帶同崇綸前赴天津將來換約蓋用印信卽用總理衙門關防著奕訢等斟酌妥密辦理迂費論研既不

日抵津崇綸卽督無庸前來行在請訓將此由五百里諭令知之○諭清盛奏帶兵回省安撫居民並歷陳東省團練情形一摺團練之設原以濟兵力所不逮必須官紳一體兵勇同心協力內靖土匪外禦賊氛於地方庶有裨益若如清盛所奏山東章邱縣之水寨街新城之南婁里等莊以及博山萊蕪等縣團勇遇有經過客商往來差役輒敢擅行殺戮害及無辜甚至該署撫差弁亦被團丁捆綁奪去馬匹見在捻匪竄入東境勢甚狼狽各處土匪乘閒竊發是團練禦賊尚無成效而抗官滋事竟有尾大不掉之勢譚廷襄諒已馳赴新任著將清盛所奏各情嚴密訪查如有藉圖爲名肆行不法及私立黑團聚眾抗官者立即嚴拏究辦毋稍寬容其有公正紳士團練鄉民協同官軍殺賊立功者該撫亦當隨時保奏以昭激勸見在山東捻勢猖獗該撫務須力籌防剿毋令蔓延原摺著鈔給閱看將此由六百里諭令知之○庚子諭軍機大臣等稟案奏捻匪計圖西竄添派官兵前赴商雒擇要駐紮一摺捻匪由老河口回竄厚坡李官橋一帶逼近商雒該處隘口紛歧在在與豫境毗連亟應擇要防堵著稟案卽飭所調固原提標官兵及原繁盤頭之西南鎮兵迅赴商南交閘不敢統帶同原存防兵妥爲布置如該逆西竄逼近陝境尙恐兵力單薄亟應添派官兵前往助剿并令竄越至興安府屬之白河平利路通南陽及湖北光化等處亦恐有竄匪闖入並著嚴飭陝安鎮及地方官豫爲防範相機堵禦惟該省地方遼闊官兵勢難處處設防必須聯絡鄉團藉資守助前有旨令張芾幫辦陝西團練稟案見署巡撫著卽會同張芾趕緊激勵鄉團務令兵民互相保衛俾賊匪無隙可乘方爲安善另片奏陝省協解安徽軍餉應否仍解壽州請旨遵行等語壽州軍營需餉甚急該省應協皖餉仍善照前解赴壽州軍營以資接濟將此由五百里諭令知之○辛丑袁甲三奏查苗練恃強跋扈本不自今日始而其肆意橫行形同叛逆者實藉口於壽城擅殺一案其意欲將孫家泰懲辦以服練眾之心翁同書如何辦理臣尙未知底細徐立壯倡近正陽名爲助官其實關河搶劫與苗練等臣會同翁同書札委張學醇等統率西路團練並會帶正陽壽城兵勇以資鎮壓如苗練撤退卽一面扼守正陽一面先赴壽州辦案至苗練西窺光固從前原有此說幸西路阜穎練總牛允恭等不願與苗沛霖其事心志甚屬堅定臣因勢利導批示嘉獎既可分苗沛霖之權並可爲豫疆屏蔽此上游布置之大概情形也苗練另股擾及泗靈臣先派遊擊張景春等帶兵堵截詎該練占踞靈境之虞姬臺四出據糧又有捻股由宿州之符離集等處乘虛東竄必須痛加懲創臣加派副都統善慶等帶馬步六百名前往泗州參將于殿甲等帶勇一千名前赴固鎮爲會合兜剿之計該捻由婁莊徑撲靈璧縣城署知縣李金華帶練出城乘其立營未定繞至賊後兩路兜剿生擒七十餘名殲斃三百餘名奪獲槍礮器械多件該捻旋撲泗州藩司張光第等派兵會練進剿連日均有擒斬泗靈情形稍鬆而捻逆尙未遠遁苗練亦仍在長直溝一帶屯踞見仍畱各路兵練確探賊蹤相機追剿此下游防剿之責在情形也臣查上下游均值多事李續宜回援鄂省到任尙無時日翁同書久病未愈未便強畱查藩司賈臻久懲戎行才識老練相應請旨飭催迅速來皖接署撫篆以重防剿翁同書奏苗練自堰口集折回晝夜運糧調練圍攻壽城將正陽關雙橋集之路概行緊斷餉道已絕文報不通惟可於湖汊中覓

水而渡城中米價翔踊兵勇久已斷炊不得已向城中住戶勸捐接濟旬日後斷不能繼而苗練直撲南關搶去馬隊戰馬數匹並占踞雙橋集近更移營環備臣屢次遣人撫諭始則似有轉機既而益形堅執非攻破壽州不可臣連日登陴抱病日重見聞正陽關亦萬分喫緊無如壽城被圍與正陽聲息不通萬難兼顧尤深焦灼再據署潁州府事皖南道程鉅飛稟署太和縣知縣侯樞臣在該縣倪邱集辦理防勦突有本集之劉姓張姓率領數百人進局請糧刀傷侯樞臣頸項數處旋卽殞命等語查候樞臣在任年久素得民心何以忽有此變當卽飛飭程鉅設法妥辦務獲正兇以靖地方而懲頑梗 上諭軍機大臣等前因潁壽團練應歸地方官辦理以杜苗練誘脅業已諭令袁甲三催令賈臻赴潁督辦安徽全省團練見在苗練上下游肆擾及圍逼壽州情形實已甘心叛逆該大臣以該練平日勦匪有功且爲捻匪所畏尙思牢籠駕馭所籌辦法亦不爲無見惟苗練桀驁已極官兵不能箝制欲除徐立壯等爲安撫苗練之計設該練因此愈形橫恣更將何所措手翁同書久病未痊李續宜到任需時安徽巡撫著賈臻署理卽迅速馳赴壽州接署撫篆將苗練尋仇一事與袁甲三悉心籌商總期確有把握不可冒昧辦理致滋他變並將團練招撫事宜妥爲籌辦以固人心而消隱患所有陝西省協解餉已諭知瑛榮徑解壽州卽著賈臻派員催提前進以濟軍食本日袁甲三奏請飭催各省奏撥餉銀亦諭知文清等速行撥解矣翁同書另片奏太和縣知縣侯樞臣於倪邱集辦防忽被民人劉姓張姓刀傷身死等語是否不法匪徒蓄意滋事抑或該員有激變情事亟應徹底根究著賈臻嚴飭署潁州知府程鉅將滋事首犯劉姓等嚴拏獲秉公訊辦毋稍疏縱將此由六百里加緊諭知袁甲三並傳諭賈臻知之○命欽差大臣勝保馳赴直隸山東督辦防勦事宜○癸卯諭內閣克興阿等奏勦匪獲勝克復朝陽一摺賊匪凸踞朝陽經克興阿等帶兵進攻賊向東北逃竄官軍奮勇追勦該匪等渡浮橋落水溺斃者甚多適盛京黑龍江官兵同時趕到賊向山中奔竄我兵擒斬賊目薛大全一名殺賊一百餘名救出難民二百餘名奪獲旗械多件當將朝陽克復所辦尙屬妥速卽著克興阿等督飭將士探明路徑迅速進攻毋令他竄以致滋蔓在事出力員弁著准其酌保數員毋許冒濫○諭軍機大臣等前因張亮基奏參徐之銘縱令兵練將就撫之回民轟退僂令馬椿齡自盡謀殺招撫委員孫鈞及請託賄賂各款當經諭令劉源灝迅速赴任將徐之銘撤任查辦嗣因徐之銘奏激江回匪假名求撫驟撲省城經何自清督帶兵練進攻江右館將徐元吉殺斃連破各營攻克至貢縣城斃賊數千人請將何自清等鼓勵等語與張亮基前奏情形迥不相符難保非殺降冒功捏情入奏著劉源灝於馳抵滇省後嚴密訪查據實具奏毋稍瞻徇原指著鈔給閱看將請將中有謀等獎勵恐有捏飾鋪張及保舉不實等情弊復諭令劉源灝秉公查明具奏本日據徐之銘奏激江回匪假名求撫驟勇折回見在擒匪竄擾山東已有旨令勝保馳赴景州德州一帶防勦必須厚集兵力固守畿疆著嚴樹森察看該省情形如軍務稍鬆卽派副將黃得魁管帶所部練勇二千名配齊軍裝器械迅赴勝保軍營聽候調遣將此由六百里諭令知之○諭見因擒匪

寶慶山東地方勢甚彼倡諭令勝保前赴直隸景州山東德州一帶督辦防剿事宜亟應厚集兵力藉資堵擊著文煜挑派督標官兵六百名正定宣化鎮標官兵各八百名其一千二百名務擇其年力精壯技藝嫻熟者不得以老弱充數並將軍裝器械剋日配齊遴委得力員弁管帶星速馳赴景州德州一帶聽候勝保調遣毋許稍涉遲誤再本日據譚廷襄奏東省捻匪到處肆擾臨清與冀州等處東昌與順廣等處均屬毗連請飭嚴防等語並著文煜卽飭正定鎮及大名鎮道酌帶官兵與山東官兵合力防剿毋得稍分畛域將此由六百里諭令知之○予雲南陣亡署提督褚克昌等祭葬世職知府張同登並於死事地方及原籍建祠○甲辰諭軍機大臣等清盛奏教匪竄入陽穀觀城並館陶縣被匪闖入旋卽克復見飭濟東道明新等帶兵搜捕並據杜翻奏撫匪南竄省垣附近已就肅清請籌辦修築寨圩並邱縣莘縣冠縣館陶陽穀等縣被匪滋擾請飭派兵勦辦並查參失事及帶兵遷延不進各員各等語山東教匪勾結鹽匪土匪於陽穀等處滋擾屢陷縣城業經清盛派令濟東道明新帶兵五百名由東路趕赴東昌會合參將成志及土默特馬兵勦擊譚廷襄此時諒已到省著卽催令明新等迅速前進並酌量添派得力將弁兵勇合力搜剿盡殲醜類毋任滋蔓署館陶縣知縣周曙東是否聞警先逃賊退後捏稱克復並此外失守文武各員均應嚴行查參以示懲儆參將成志帶兵勦辦如有遲延畏葸情事並著該撫查明參辦邱縣莘縣匪徒入城前據聯捷奏係由求緩漕糧該地方官撫馭無方激生事端當令清盛查參尙未覆奏著該撫一併查明參奏其肥城東平一帶捻匪及沂州府屬幅匪應如何派兵堵擊並著妥為籌辦至捻匪屢次竄入東境肆行焚掠毫無堵禦以致百姓慘遭蹂躪杜翻請於省城關廟及各州縣地方一律修築土圩其圖保護意在堅壁清野惟辦理不善易滋流弊必須素得民心州縣督率公正紳士善為經理始不至有聚眾抗糧等事著譚廷襄體察情形妥籌辦理清盛另片奏安邱失守知縣陳用衡把總石萬魁不知下落賊向東南竄去德楞額李麟遇先後尾追等語著該撫查明失守情形及文武下落並此股捻匪是否回巢抑另有被擾地方詳細具奏將此由六百里諭令知之○恭親王奕訢等奏參將長善等請畱總理衙門得旨均免其回避然事屬勦始尙可權宜辦理嗣後應回避者仍照例回避又奏請將長善改用京職批總理衙門辦理俱係外國事務自與別衙門不同然格於成例若所請必允則各衙門必將效尤長善旣熟悉情形所請改就京職尙屬可行長善著仍畱二品頂帶以本旗參領遇缺卽補若再行瀆請斷難格外恩施○命署倉場侍郎崇綸武備院卿恆祺爲總理各國事務衙門幫辦大臣○予山東陣亡知府陳介眉等祭葬世職○乙巳諭內閣義道等奏遵旨審擬已革大員罪名一摺已革江南河道總督庚長於捻匪竄撲清江輒退入淮城以致清江失陷該王大臣等擬以斬監候秋後處決實屬罪有應得惟念庚長於清江失陷後尙能會同克復著從寬發往新疆效力贖罪○諭軍機大臣等前據締性奏請將私徵錢文改充公用等情畱交常清等查明有無流弊據實具奏茲據常清等奏遵旨擬將改徵回賦事宜揀員赴阿克蘇查明確再行覈議等語締性私設鹽課並向安集延外夷收要鹽錢經英蘊奏參曾諭令常清等查明參奏該將軍等以締性所奏礙難懸揣派貴文前往會商不

知國家撫馭回疆輕徭薄賦裁禁陋規所以安回眾之心若以軍餉不足輒欲更張成法將私徵改爲公用實不足以示大方常清等於此事未能確有把握何得派員與綿性會商致有遷就含混之弊著仍遵前旨將私徵改爲公用有無流弊據實奏聞並將英
蘊所奏綿性各款逐一詳查具奏不得稍有徇隱將此諭令知之○僧格林沁西凌阿國瑞奏據副都統德楞額稟報擒逆竄至灘
縣境內我軍跟蹤追至鳳凰山一帶與賊接仗獲勝擊斃賊匪多名擒獲二百餘名又張崎地方追殺賊匪生擒三名訊據供稱該
逆挑出馬步賊匪督後以防我軍追殺其餘大股欲竄諸城等語當經飛飭該副都統實力追勦復據稟報該逆由蘭山竄至運河
北岸見擬設法勦辦至後股逆匪前於東平盤踞十餘日經我軍連日截殺全股東竄行營翼長舒通額帶領馬步兵勇卽日跟蹤
追勦該逆到處不敢盤踞見已竄至滕縣迤南查其形勢欲由韓莊一路竄回老巢經臣等飭令舒通額等相機追勦毋任蔓延鄒
縣教匪因知我軍分路勦捻該逆乘虛蠢動結隊出山擾及鄉村州縣臣等飭令已革濟東道黃良楷帶領練勇前往鄒縣扼繁以
杜出竄一俟後股捻匪出境卽飭舒通額等帶兵會合進勦至費縣幅匪大半皆係無業貧民乘間竊發情形尙不甚重俟德楞額
等一軍追勦前股捻匪竄出東境即可就近殲除惟曹屬土匪勾結難民由羅家河口搶船北竄見由觀城縣竊撲清豐一帶又兼
莘縣教匪肆擾均應及早殲除以清直省門戶第臣等所統之兵除前後派往勦辦捻匪見在存營官兵無多不敷分撥查前經奏
調歸化城馬隊五百名計期將抵東境臣等見已札飭東昌府知府秦際隆就近截畱歸化城馬隊並飭帶兵官烏爾根札布速赴
東昌會合進勦以扼北竄復札飭直隸大順廣道聯捷一體督兵會勦以杜蔓延奏入報聞○丁未諭軍機大臣等克興阿等奏勦
匪獲勝並生擒匪首正法各摺片匪首李鴻達被獲正法並據供匪首劉猪樂於桃花園接仗時受傷身死其餘黨與當不難卽時
撲滅惟旣據供稱有與義州官軍接仗傷過官兵數十名之語深疑其意圖竄逸復致蔓延著克興阿成明督率將士進攻鳳凰山
老巢務將要路堵截盡殲醜類並知照盛京官兵於山東面一帶合力夾擊勿令乘閒逃竄其蒙古地方並著克興阿等知照該照
長一體嚴密堵勦搜捕餘匪毋令一名漏網另片奏兵餉不敷請飭撥解等語已諭知春佑於熱河道庫內撥銀二萬兩派員解往
應用矣官軍連獲勝仗生擒首犯賊勢已蹙該副都統卽宜乘勝進攻迅速威事以節經費將此由六百里諭令知之○戊申諭軍
機大臣等克興阿等奏進攻賊巢並追勦情形一摺官兵進攻鳳凰山賊巢該匪已由南天門山口逃竄賊眾尙有五六百人若不
趕緊兜捕恐其四路逃散致畱餘孽况賊匪李鴻達雖已挾獲尙有才賣善劉名得未經就擒尤恐乘間逃往錦州一帶復圖嘯聚
著克興阿成明督兵迅速追捕並知會奉天官兵協同擊勦務將匪徒悉數殲擒毋令逃逸將此由六百里諭令知之○駱秉章奏
臣督帶楚勇九千餘名由水路分起赴蜀二月十三日行抵安鄉接湖廣督臣官文函稱皖逆上竄黃州省城空虛促臣移軍赴鄂
時臣所部前隊卽用道劉嶽昭知府黃湧熙兩軍已先後行抵宜昌當檄該二軍暫行駐紮籌酌進止及臣二十日行次沙市黃
濟熙一軍業經督臣調回臣不得不暫駐沙市審度機宜復接督臣函稱皖賊敗竄麻城鄂垣布置周妥四川軍務喫緊仍屬臣督

師西上。方籌攢人川船隻決計進發。二十七八兩日疊准督臣函稱江西撫建被圍援兵屢挫湖北賊勢擾及黃陂孝感雲夢德安等府縣欲臣分兵數千駐紮重慶以一軍援江一軍援鄂已與撫臣胡林翼安徵撫臣李續宜會銜具奏等語伏念臣所部不滿

萬人斷不能分援三處。查兩湖江西唇齒相依關係緊東南大局不得不力圖兼顧惟四川形勢陸通秦豫水達荆淮西北畿疆之奠

東南榷算之源胥恃乎此近五六年湖北湖南餉源稍裕實收蜀省鹽釐之利比歲漁匪擾亂鹽貨阻滯關卡無可抽收軍餉因之告匱使臣督率所部入川又分援江鄂兵力實不能兼顧而軍無覓糧土不宿飽豈能責令枵腹荷戈欲爲兩全之謀惟有撥其半

以援江助振湘軍之氣卒其半以赴蜀疏通楚餉之源處於大層有濟見撥劉嶽昭一軍四千六百餘人前往湖北協勦該道籍隸

湖南與督臣曾國藩撫臣胡林翼均屬同鄉或鄂或江皆可歸其調遣臣仍督率黃湧熙等營卽日赴川相機進剿極知川省賊勢

蔓延兵力單薄然使之會合蕭啟江舊旅保全產鹽之地或猶力所能支但使保全川東鹽源無復阻滯卽於江鄂軍務實有裨益將來布置稍定即可添募勇丁大張挺伐萬一楚疆危迫仍可再圖援應

上諭四川軍務喫緊且爲楚省餉源駘乘章見分兩軍一援江西一赴四川所籌甚屬安協著卽督率黃湧熙等兵迅速前進會合蕭啟江舊旅將川省逆匪認真辦理毋令再肆蔓延其

劉嶽昭一軍著官文胡林翼調度江鄂情形相機調遣儻賊勢稍鬆仍飭令前往四川以厚兵力至匪眾竄擾德黃等處見在曾否

擊退並著官文等隨時奏報以慰塵念將此由六百里各諭令知之○諭本日降旨令候總兵李定太督辦徐寧剿匪事宜徐州

地方爲南北要衝見在逼近賊氛田在田勢難兼顧浙江帶兵之員尙有饒廷選張玉良等足資統率著瑞昌王有齡飭令李定太

迅速繞道前赴徐州毋許稍涉遲緩致有貽誤將此由六百里諭令知之○諭前據聯捷奏匪徒擾及清豐當派兵勇往援匪解

圍西竄仍飭遊擊吉忠阿等窮追並據常績奏稔匪逼近晉省派兵分防潞遼等處當以派防之師不過藉壯聲勢諭令該署撫派

員寶力勸辦團練本日據嚴樹森奏冠莘等縣土匪已由濮州過河開州清豐南樂均有匪蹤並有圖竄大名山西之說請速籌辦

等語防河爲聯捷專責乃東省匪徒輒由濮州楊家集等處渡河迨由清豐西竄豫境擾及山西或竟至北竄大名則完善之區勢將悉被蹂躪聯捷前派遊擊吉忠阿等帶兵追擊著卽飭令確探賊蹤實力勦擊儻兵力不敷並著添派兵勇前往會剿毋任蔓延開州清豐南樂既有匪蹤尤應趕緊殄滅著文煜嚴飭該地方文武迅速勦捕並著遵照前旨飭令正定鎮及大名鎮道酌帶官兵與東省官兵合力防勦至晉省夙稱殷富久爲匪眾窺伺該省兵丁強壯者少自應辦理團練以資捍衛著常績派委員寶力勸導以收眾志成城之效其大同鎮備調官兵應否卽令前往各要隘防守之處並著安爲酌辦務期先事繩繆勿致臨時貽誤將此由六百里各諭令知之○諭田在田奏徐城布置已定仍回宿州安籌辦一摺逆匪王玉科等勾結西捻東擾宿州情形喫重田在田自應仍回宿城藉資餉撫惟邳州幅匪復起睢寧土匪亦欲勾結潁南捻匪合竄東路蕭縣財新起股匪冀斷餉道窺伺郡城沛縣及滕縣毗連亦恐教匪竄擾各州縣防勦均關緊要著田在田卽將各處匪徒痛加勦洗並

督飭遊擊歐玉標等將盤踞虞姬墓之賊一律掃蕩並著吳棠將徐境團練趕緊整飭務令與各路官兵聯絡以壯聲勢另片奏請

飭催總兵詹啟綸速到徐州本任等語詹啟綸前經都興阿奏畱揚州軍營該處防堵正當喫緊未便令其赴任本日已降旨令李

定太幫辦徐病勦匪事宜並諭令瑞昌等卽飭該員星速繞道赴徐矣將此由六百里諭令知之○以伊霖爲廣東布政使彭玉麟

爲廣東按察使由惠清祐道遷○己酉諭內閣恭親王奕訢第二子著命名載灃○袁甲三奏據翁同書來函以苗練所請一事一求壽城

所殺七人之屍骸歸葬一求賙恤七人家屬所言均近情理翁同書俱已應允並許以撤退後卽爲辦案詎苗練忽翻前議別有要

挾其意總因七人之死由孫家泰主使而與徐立壯結怨已深更不能無所顧慮翁同書復派員開導似可漸就範圍乃徐立壯孫

家泰自知爲苗練所不容彼此結爲腹心又因無力以敵苗練遂招引捻匪自樹羽翼所招之眾大半未經雜髮將兩河口苗練營

盤攻破三座截其歸路以致議和無成而蓄髮之眾進駐城內翁同書飭令雜髮營城外能否遵行尙無確信見雖壽城道路漸

通苗練亦漸次撤動而患在蕭牆有不能不慮者且張學醇稟稱苗沛霖親筆信函以歸路已斷人眾糧少措詞頗屬倉皇其鋒而

走險別生枝節尤在意中臣已切責致函翁同書屬其妄爲防範如苗沛霖別無要求卽飭令撤回老寨聽候查辦徐立壯等所招

捻眾斷不可令其久居城中並由臨淮酌派精壯二百餘名爲張學醇親兵飭令會同廬鳳道才字和整齊西路團練扼守正陽兼

顧三河尖毋稍疏虞適江南提督李世忠來臨稟商軍務臣已密授機宜派撥水師礮船及該提督隨帶馬步兵勇均歸總統前赴

壽正一帶相機查辦總期內患漸平外侮不擾以靖地方而甦民困上諭軍機大臣等苗練人數眾多儻致激成事端深恐難於

收拾且徐立壯等所招捻眾並未雜髮遽入城中情形亦極跋扈儻能以毒制毒殲除一二較之徒事羈縻似有把握該大臣見令

李世忠統帶馬步兵勇及水師礮船前往查辦仍當持平辦理使之互釋嫌怨儻該練等結仇已深不遵查辦亦惟有照此次批諭

辦理但不可取一時快意致貽後來鉅患該大臣於操縱機宜諒必悉心斟酌朕亦不爲遙制將此由六百里諭令知之○袁甲三

奏壽州城圍稍鬆函致翁同書並飭張學醇等分別籌辦得旨該練等結仇已深恐非查辦所能了結苗練旣無歸路若令進退維

谷不激而生變其誰信之莫若以毒制毒此三人中互相格鬪能殲除一二官軍坐收其利較之敷衍羈縻似有把握○袁甲三奏

臣因團練構營深恐南路逆賊勾結出竄屢經諱飭各練密探嚴防隨時勦辦茲據練總軍功吳開會稟稱周圩路通廬定捻逆往

來均由周圩經過周廷彩等積慣勾匪肆行搶掠經該練會商訓導馬太和等派練往剿累戰皆捷將賊圩攻破生擒周廷彩斬首

又據練總軍功王學臺稟稱在鳳陽山南截殺髮捻五六十人獲馬四十餘匹又於謝家店殺髮捻十數人生擒統帶馬隊之趙汶

傑統帶步隊之左汶五一併解營正法並偵知賊匪有與苗練勾通情事臣設法離間見已彼此懷疑似無慮其會合且捻首孫葵

心已伏冥誅餘黨由豫回巢均經各路稟報有案捻首龔瞎子前同粵匪犯楚行至松子關爲官軍擊敗龔逆受傷立斃蒙據各州

縣稟報並拏獲生賊所供相同毫無疑義查孫逆龔逆最稱狡悍一旦翦除眾捻頗爲解體見採張落刑困守空城窮蹙患病其黨

眾多難濟者臣俟有機可乘卽當攻其不備爲擣穴擒渠之計報聞○予安徽陣亡知州鄭元等祭葬世職○庚戌論軍機大臣等奕訢等奏佛國哥士耆聲稱見旣和好擬不俟繳款扣清先行撤兵將粵城讓出旋由普魯斯布爾布隆將退出粵東省城照會遞到等語英佛兩國不俟扣款繳清撤兵退出粵東省城係爲和好起見著勞崇光耆齡卽照奕訢等所議辦理並將英佛二國撤兵情形隨時具奏將此由五百里諭令知之○諭寄諭欽差大臣袁甲三本日據翁同書奏苗練圍攻壽州情形危急經兵勇力攻兩河口嚴扼正陽斷其歸路始退回下蔡等語與袁甲三所奏徐立壯等招引捻匪先赴沫河口搶劫官民船隻爲張學醇督練截回旋將兩河苗營攻破三座情形不甚相符苗沛霖與徐立壯等結仇已深是以圍攻壽州雖經翁同書兵練擊退而九里溝尙有苗練四營盤踞守津要若不辨是非專攻苗練是必激而生變況徐立壯招集捻匪久居城中其患尤鉅翁同書爲羣小所惑但知苗沛霖之攻城狂悖而不思徐立壯等之假公濟私招集捻匪爲患將來著該大臣仍遵昨日硃批及寄諭悉心酌度妥速辦理不可因翁同書此奏稍涉游移翁同書原摺著鈔給閱看將此由六百里諭令知之○諭毛昶熙奏軍餉久缺立虞潰散恐誤大局憑陳危急情形一摺據稱宋營兵勇多不得力早應嚴加裁汰止以無餉之故遲延至今擬俟嚴樹森到營會商妥辦乃撫臣查無出省定期而欠解餉項已至十餘萬兩見在南陽汝甯等處勦辦正當臾緊餉需甚亟郡城搜括殆盡潰散堪虞各等語歸德兵勇係慶廉移交毛昶熙統帶其中獵悍及疲軟者原應裁汰抽換勁旅但欠餉既多未能驟辦亦係實在情形該撫前奏宋營兵勇多湊雜之流擗俟毛昶熙將各隊花名清冊送到卽派幹員前去點驗分別裁撤惟委員裁汰兵勇尙恐難期覈實嚴樹森見在督辦勦匪事宜著親赴歸德軍營會同毛昶熙認眞裁汰務令悉成勁旅並將歸德一帶防勦機宜和衷商榷布置稍定再回省城其應需軍餉並著籌款撥解毋得遲延儻各存意見動輒齟設兵勇因餉缺諱潰匱結捻匪肆竄該撫身任封疆豈能委罪於毛昶熙耶毛昶熙經朕簡派督辦河南團練復令幫辦勦匪事宜應如何振刷精神維持大局乃因餉需欠缺巡撫不卽到營輒負氣奏請撤回另賞差使亦屬非是著俟嚴樹森到營後一切軍務公同商酌斷不可各懷私見致誤事機本日據翁同書奏苗練進攻柏家圩經官軍擊敗生擒粵逆魏德林供稱苗沛霖調粵賊七百餘人係余姓管帶同赴下蔡並聞欲同盧逆先赴汴梁再圖壽州之說事之有無雖未可定但不可不先事豫防並著嚴樹森毛昶熙密偵探妄爲防範毋稍大意將此由六百里各諭令知之○辛亥遂分股直撲楚旺宮軍迎擊失利匪眾乘勢闖入糧道張畊參將穆特布退回彰德郡城等語穆特布經嚴樹森派赴楚旺自應嚴密堵截何以賊匪來撲輒退回郡城有無遷延不進捏報受傷情弊張畊是否畏葸逃遁著嚴樹森確切查明據實參奏楚旺漕次正當開兌之際如有損失卽著該撫與該糧道按數賠補無誤兌期見在該匪向清豐開濮一帶逃竄難保不再萌窺伺仍著嚴樹

森嚴飭總兵牛浩然等督率兵勇奮力勦洗毋畱餘孽將此由六百里諭令知之○河南巡撫嚴樹森奏據汝寧府及汝陽縣稟報捻匪陳大濤等糾眾萬餘人圍撲東關寨堡並直攻汝郡北門該府祁之銓會同候補知府廖慶謀通判張桐署汝陽縣知縣吳元浩等督率兵勇開放槍礮擊斃執旗賊目一名夥匪數十名生擒十一名奪獲雲梯十八架賊勢卻退兵勇追勦復斃十餘名生擒二名賊見北面防守甚嚴卽合大股力攻東關寨堡鳴濶而過參將柏英等督率兵勇開放槍礮轟斃甚多其越重濠者經官軍甄石齊施傷斃多名先後斃匪不下三百餘名內有著名捻首史狗娃李萬恩二名先後被奪雲梯一百餘架刀械旗幟無算逆眾見仍退踞范寨陳寨等處並據新蔡縣稟報該縣西北接汝境數十里偏地賊蹤揚言不日來攻新蔡縣城等情臣查該匪陳大濤等膽敢圍攻郡城雖經該府祁之銓等擊退然糾脅已有萬餘占踞數寨勢甚猖獗當卽飛飭遊擊王天保余萬明等督率所部會同該府文武奮力截剿臬司鄭元善業於十四日出省仍飭先其所急星馳抵汝督率剿辦惟刻下汝蔡情形萬緊而兵勇不滿三千將亦不敷調遣查候補道張曜歷在汝光剿匪戰績夙著見在西南竄匪已由楚境回竄裕華等處勢將循舊路回巢不得已權衡輕重改派遊擊保英統帶成景之軍蹤蹤追勦飭令張曜迅赴汝陽會同臬司調度諸軍妥速剿辦俟將西南竄匪偏令出境後並飭保英帶領此起兵勇亦赴汝甯仍歸張曜統帶以厚兵力報聞○命前任大學士彭蘿章署兵部尚書○署湖南巡撫翟誥奏石逆分股在江永等處經我軍擊退竄往粵東連山境地復爲該處團勇所截二月二十二三等日仍回竄泥村馬頭鋪同知魏喻義等親率所部馳往迎勦殺長髮賊十餘名賊退踞粵東之西嶺二十五日魏喻義督勇追擊槍礮齊施賊勢不支卽紛紛敗潰二十八日該逆冒雨偷竄宜章屬之李家村歐家村等處同知楊安臣等分路截殺斃前鋒悍賊數十名賊始退卻我軍乘勝追殺十餘里陣斬騎賊四百餘名步賊一千餘名生擒長髮賊四十八名均於軍前正法魏喻義駐軍上江圩偵知該逆將由牛市偷遁遂督勇疾馳攔截而賊之前鋒已至見我軍扼要駐守復奔回太坪圩屯聚栗源堡二十九日魏喻義等率所部直逼栗源堡適該逆齊向武陽司蟻附爭渡我軍四路截擊斃斃甚多餘匪悉入堡死守時知府席寶田等踵至聲勢益壯三十日我軍乘勝攻入偏諭投誠免死賊目僞統戎紀漳生等率眾四千餘人棄械乞降收繳羸馬三百餘匹僞印三十五顆僞照旗械無數其已渡武陽者魏喻義派員協同投誠賊目紀漳生宣示德意招安五千餘人楚境漸次肅清報聞○癸丑諭軍機大臣等成明奏追勦賊匪獲勝並著卽與成明督飭各軍實力勦捕毋任再有竄逸熱河步兵三百名西安步兵五百名旣據成明請令暫駐朝陽候調著卽照議辦理前因克興阿等請撥餉需諭令春佑於熱河道庫撥銀二萬兩解往據成明奏稱見在兵丁口分有欠至十數日者著傳諭福厚趕緊放給並飛速撥送前途追賊官兵以資接濟將此由六百里諭知克興阿成明並傳諭福厚知之○諭成明奏追勦賊匪獲勝

情形一 摘據稱朝賊匪由鳳凰山向東北逃逸經威明營兵追至奉天廣寧縣屬之大牛圈地方連夜進攻擊斬一百餘名僥倖乘夜逃竄成明見追至趙家屯地方盛京協領書明額等管帶馬步隊業經趕到該總兵已派常陞及書明額等督兵先行跟追並咨玉明豫行籌防等語玉明前經續派步隊五百名馳赴錦寧廣義一帶堵剿見在賊匪東竄著玉明嚴飭前派官兵扼要堵截如兵力不敷卽速行添調官兵會同東興阿成明所派官兵前往夾擊其東南一帶並著迅飭牛莊防守尉海城縣知縣等協力堵禦務期聚而殲擒毋令一名漏網將此由六百里諭令知之○甲寅諭軍機大臣等本日據玉明等奏請飭蒙古各王旗派兵協剿朝陽賦匪等語官軍攻破鳳凰山賊巢該匪竄至奉天廣寧縣屬之大牛圈地方被官兵打敗逃竄見在西南兩面均有兵堵截惟東北一帶與蒙古各王旗部落相連恐該匪竄入著理藩院傳諭蒙古各王旗一體派兵協同堵剿毋令逃竄並將屬下人等嚴加約束毋得窩藏容留反勾結爲匪以期盡殲醜類一律肅清將此諭令知之○諭辭煥奏浙省海鹽平湖乍浦失守見派兵勇防剿一摺據稱海鹽縣城於二月二十七日失守經蘇省援師會同浙師克復續有金陵逆匪數萬從蘇常竄踞嘉興嘉善復於三月初八日竄入海鹽乍浦平湖均於初九日失陷副都統錫齡阿前總兵米興朝均不知下落等語平湖乍浦偏近金山且與奉賢等廳縣壤地相接一經失陷則松江震動杭州省城北路亦形喫緊更恐竊伺浙東擾及完善地方辭煥見已與提督曾秉忠籌撥兵勇並收集浙省潰兵嚴扼金山要隘著卽督飭將士約會浙師夾攻平湖乍浦以圖克復並著瑞昌王有齡迅撥勁旅會合攻剿毋任久踞更須派兵進攻海鹽之賊以固浙東門戶錫齡阿米興朝並海鹽平湖乍浦文武各員下落均著瑞昌等查明具奏將此由六百里各諭令知之○丙辰諭內閣劉長佑奏土匪闖入太平府並養利州城請將遇害及失事之地方文武分別議敘革閏一摺上年八月間南甯州土匪襲陷太平府城復由安平等處撲犯養利州代理知州吳章湘等督帶壯練在大嶺墟迎擊斬賊數百逆首吳凌雲另遣股匪於十月二十九日乘夜繞路撲入州城吳章湘等回援力戰身受多傷匪黨凌光澈等分竄上思州經該處團練黃文清等圍剿斬斬凌光澈著劉長佑卽飭帶兵各員迅圖克復毋令人踞知府銜署太平府知府龍州同知劉作肅著交部照知府陣亡例議敘並著該府將劉作肅妻女姓氏及次子劉家鳳查明奏請旌表署新泰協副將揀發參將多祿上思營千總黃耀麟李爲樸被戕情形並左州學正蔣應奎四隆州同馮應鏞及其餘員弁下落均著劉長佑查明具奏代理養利州知州吳章湘把總劉萬雄均著革職暫留本任責令戴罪自效儻再不知奮勉卽著從嚴參辦○諭軍機大臣等前因徐之銘奏滇省軍務緊要請畱張亮基在任調理當經諭令張亮基暫留本任督辦雲南軍務並諭令妥議撫回事宜茲據張亮基奏病難痊俟調理就愈卽行赴滇等語滇省回務因徐之銘辦理乖方致難成事前已諭令新任雲貴總督劉源灝迅速赴滇查辦張亮基見在患病著准其在湖北宜昌一帶就醫候調理稍愈卽行馳回滇省幫同劉源灝辦理安撫回眾事宜將此由五百里諭令知之○諭欽定奏摺匪滋事請飭山西陝西迅撥欠餉等語近年甘肅協餉各省欠解過多該省設法籌湊已屬支絀見在西甯府屬撤回滋事兵餉更難

延緩著常績瑛榮速飭各該藩司將欠解甘餉先行各籌撥銀十萬兩解赴甘肅以資接濟其餘欠解銀兩仍著陸續籌撥毋稍遲誤將此由六百里各諭令知之○諭僧格林沁奏通籌南北大局密陳袁甲三奏參苗沛霖各摺片據稱苗沛霖屢著戰功近與孫家泰尋釁仇殺實因壽州民團擅殺苗練袁甲三奏參苗沛霖妄懷反側並不統籌全局請將袁甲三撤回將兵權移於苗沛霖等語苗沛霖與徐立壯孫家泰仇殺圍攻壽州屢諭袁甲三派員秉公查辦近據袁甲三奏壽州城圍稍鬆見派提督李世忠前赴壽州一帶相機查辦苗沛霖恃強跋扈袁甲三尙欲設法羈縻諒不至激而生變臨淮爲南北要衝防勦正當喫緊袁甲三未便撤回致有貽誤苗沛霖不候查辦輒圍攻壽州若再與以兵權恐愈形橫恣以後難於駕馭俟袁甲三查辦苗沛霖與孫家泰等仇殺一案完竣再行酌奪辦理前股逆匪已回老巢後股尙在滕縣盤踞並有土匪幅匪教匪滋事急宜迅速殲除以靖地方前有旨令勝保馳往景州德州一帶辦理防勦事宜以壯北路聲勢該大臣惟當嚴飭各營將士痛加勦洗毋任蔓延將此由六百里諭令知之○諭勝保奏統籌畿輔大局請撤回古北口兵勇並請飭孫治防河及田在田辦理山東團練各等語朝陽業經克復所有前調赴古北口駐紮兵勇一千名卽著勝保撤回歸該大臣調遣山東省范縣至齊河一帶河防極關緊要惟孫治係直隸道員兼辦東省防務深恐呼應不靈本日已諭知譚廷襄派員辦理矣至東省築寨辦團諸事前經諭令譚廷襄籌辦該撫見已到省自可次第舉行袁甲三因臨淮聚要一時未能赴徐田在田督辦徐宿勦匪事宜前據該總兵奏宿州情形突緊邳州睢寧蕭縣等處匪徒同時並起已諭令該總兵痛加勦洗若令其回籍帶團助勦則徐宿一帶勢必空虛勝保請以田在田幫辦須俟袁甲三到徐後酌量情形再降諭旨將此由六百里諭令知之○諭勝保奏請將天津道孫治兼辦山東防河事宜等語山東防河自范縣至齊河均與直境毗連自應嚴扼防守俾免疏虞惟孫治以直隸道員越境辦理恐呼應不靈著譚廷襄迅派明幹大員辦理山東境內一帶防河事務並飭派出之員親厯巡查激勵鄉團互相保衛所派之員疏於防範致有匪徒竄越卽著譚廷襄據實參奏將此由六百里諭令知之○僧格林沁西凌阿國瑞奏據副都統德楞額報稱擒逆盤踞安邱經我軍連日攻擊該逆不敢久踞於二月二十九日全股退出城外旋向正南一帶分竄德楞額一面飭令李麟遇由西路向下坡地方蹤蹤前進一面會同道員明新由馬市地方分投追趕三十日行至小汶河北岸晝見南岸捻逆馬步萬餘人向前奔馳遂督兵追襲擊斃不計其數乘勝追殺三十餘里斃賊甚眾該逆此次被我軍痛勦不敢任意盤踞見已搶過運河竄回老巢至後股捻匪由東平州悉數東竄臣等深恐該逆仍竄泰安一路與前股會合當飭舒通額等督帶馬步各隊跟蹤追剿以遏撲竄泰安之路泰安等處民團防範亦嚴該擒遂向曲阜兗州一路竄擾此時仍在滕縣盤踞臣等已飛飭德楞額星夜帶領兵勇馳赴滕縣並由鄒縣調回黃良楷練勇二千名飭令前往助勦日內均可到滕一俟大兵雲集卽督飭各營將領合力勦除至曹屬匪徒渡河闖入館陶陽穀冠縣復與莘縣教匪勾結勢甚鴻張臣等派歸化城馬隊五百名見已由齊河折可行抵東昌明新亦帶領步隊趕到惟河北界臨直境必須及時勦辦一俟後股捻匪出境

臣等仍抽撥官兵前往助剿再自捻匪竄擾東境以來各處土教幅員匪徒狡焉思逞雖經隨時勦撫而此伏彼起頭緒紛繁前據汶上縣稟報該縣境內張家樓地方亦有教匪聚眾滋事臣等當派撥馬步交趙康侯等督帶馳赴張家樓將教匪俟曰賈等數名全行拏獲見在嚴行審訊黨能訊明黨與即可派兵往擊以清內患報聞○官文胡林翼奏豫省捻匪自二月初旬焚掠賊旗店唐縣桐柏縣等處近偪楚疆臣等以襄郡爲中原重鎮守禦尤關緊要咨行署提臣顏朝斌安襄鄖荆道達鏞襄陽府知府啟芳將郡城防守事宜督率文武員弁妥籌布置一面酌募勇丁駐守要隘分撥礮船於襄河上下按段梭巡而捻匪志在飽掠襄郡之樊城與光化縣屬之老河口經該道府等不諭居民商賈先期將貨物遷避嗣探得該匪自北唐縣桐柏後襄日眾步賊不下二三萬馬賊數千一月十七八日該匪先由新野鄧州竄至襄屬之黑龍集薛家集等處窺伺樊城均經防兵擊退十九日該匪萬餘直撲河口賊見商民逃避一空無可擄掠縱火焚燒房屋過半適管帶礮船之補用縣丞周有全駛至揮兵登岸轟擊光化縣知縣吉臨亦督帶壯勇分路進攻傷斃紅衣賊數十名奪獲器械多件賊勢稍卻而該匪恃其人眾盤踞河口趕築土城爲負嵎計顏朝斌等當令遊擊趙鴻舉等各率馬步由薛家集前進又令訓導陶允中等督帶勇丁分路馳進一由東路譚家湖一由西北路克浪河而以團勇伏於東北十五里之楊樹灣又委同知喬雲苓招募鹽勇三百名並會同知縣吉臨等所帶兵勇由西南兩路繼進又令吳佑棠帶領壯勇由仙人渡迎戰二十四日各軍齊抵河口會攻賊卡開放槍礮拋擲火彈揮軍接戰賊眾分路抗拒陶允中喬雲苓等潛令勇丁繞出賊後躍入土城大呼殺賊惟時水師周有全等一齊登岸直入賊卡會合各軍斃匪共六七百名生擒八十二名奪獲賊馬十餘匹旗械無數賊眾自相踐踏向東北奔路狂奔我軍跟蹤追擊適穀城縣知縣陳五典等帶勇鈔截沿途夾擊斃匪百餘名生擒三十七名正法敗匪至楊樹灣又遇伏勇奮起斃賊不少追至竹林橋數十里外河南地界匪黨旋即潰散當將河口賊壘土城一律毀平見在襄樊堵已臻穩固河口境地肅清臣等仍飭該文武督屬巡防搜捕匪黨以靖地方又奏再臣等前聞老河口之警當飭上游連界之鄖陽鎮將府縣一體籌防嗣據署鄖陽鎮總兵訥欽等稟報悉老河口敗匪圖竄浙川廳屬之李官橋距鄖城僅百數十里當卽派遊擊劉廷麟等率同團勇馳往迎剿馬賊數百步賊數千由李官橋上犯我軍出其不意伏路掩擊斃賊數十名該匪紛紛潰退竄向東北鄖州內鄉各路而去見在鄖郡民心固結地方安堵如常等情查鄖陽郡爲上游重鎮山路紛歧多與豫境接壤邇值捻匪肆擾尤應先事防維臣仍諄飭該鎮等講求戰守有備無患以固邊疆報聞○署湖南巡撫霍誥奏石逆分股由道州屬之蔣家嶺竄至高明鋪屯踞二月初四日知府席寶田等各帶所部及知州王必迪練勇分路進剿該逆列隊抗拒適各路伏兵並出賊眾驚潰我軍跟蹤疾追斃敵後憚賊百餘名餘賊向永明大路竄走旋聞該逆前隊將趨白芒營市十五日道員江忠義與席寶田由中右兩路進副將周達武王永章由左路進賊見我軍大隊突至猝死抵禦各勇爭先陷陣賊知不敵奔過西河江忠義等兩面夾攻落水死者無數窮追至東塘又斃尾賊百餘名賊攀登勾挂嶺竄逸查由句挂嶺外東可入廣東連

州陽山亦可入湖南藍山臨武臣已飭魏喻義等嚴遏臨武要路令周達武防守藍山並派劉培元督率師船由耒河上駛以抗旁竄之路報聞○丁巳諭軍機大臣等文煜奏俄國商人呢爾丕依旺帶領跟役十八名喇嘛二十四名並駝馬車輛等於本月十九日抵獨石口經地方文武等據理阻止該商已遵允改道所攜貨物亦據固理聲稱有令於途間零星銷售之語著文煜奏佑嚴飭各該地方官如俄商行抵該處准其將零星貨物銷售不設行棧並曉諭居民與該商公平交易將此由五百里各諭令知之○戊午內閣欽奉 硃諭軍報稽延未有近來之甚者前於二十八日一時之內連到十二處昨日戌正後數刻內又到十一處雖朕披覽不覺過勞然事非一眚頭緒紛繁豈能纖細無遺不知在何處逗留可惡已極著兵部嚴飭迅速查明究在何處積壓何處遲滯卽將該督撫臬司等分別輕重請旨嚴懲以儆將來不准以一行文了事辦如不辦該督撫臬司等平日玩泄從事積習已深經朕此次嚴諭後若仍漫不經心則是自貽伊戚無足顧惜○諭內閣袁甲三奏弁兵圖害主將句匪襲營派兵擊退一摺山西蒲州協副將格洪額帶兵駐紮安徽盱眙地方兵丁方保帽因被責懷恨圖害主將復敢勾結蔣家集賊匪潛襲營盤以致格洪額遇害見經袁甲三派兵截擊斬獲殆盡其竄赴蔣壩之賊亦經官軍擊退地方一律肅清格洪額激變兵丁是否另有別情首犯方保帽屍身未獲所稱殲斃有無捏飾其同謀投賊之把總李松山等四名並尚未回營之文武員弁下落均著袁甲三詳悉查明毋稍含混○官文胡林翼奏逆首陳玉城及捻首龔瞎子統帶髮捻五萬餘人分擾羅田之松子關經副將成大吉飭令都司曾昭仕遊擊胡以章副將張運龍等分路迎擊正酣戰閒成大吉暗令參將王名滔從山腰截擊賊眾驚潰狂奔墜巖挂木自相蹈藉死者三千餘人餘賊亦被曾昭仕等帶眾奮殺斃賊千餘名該逆旋分五路來犯成大吉卽派營弁分路抵禦而自率兵勇從近壘偃旗突出力戰多時賊復敗退追殺數百名據生擒賊供前被官軍殺斃騎馬賊目卽龔瞎子而賊眾尙多復率全隊由山路排牆而進成大吉卽飭各營迎頭奮擊賊勢大敗我軍乘勝追殺至關外七八里之觀音堂始行收隊該逆全數從松子關外竄逃旋據探報捻黨因龔瞎子死散去二三萬人從舒廬仍歸定遠髮迹亦散去數千尙餘三四千人繞道竄入英山羅田交界臣查成大吉等駐松子關開列請旨分別功罪以示懲勸 上諭粵逆捻竄湖北羅田松子關經副將成大吉等分路進剿斃賊四千餘名連日賊分五路來犯復經官軍痛剿殺斃捻首龔瞎子並伏兵追擊餘逆從關外逃竄副將成大吉等以少擊眾殲除大惡厥功甚偉副將余際昌等分防霍山不能堅守待援致令逆匪闖入黃州自應分別功罪以示勸懲記名總兵副將成大吉著賞加提督銜副將張運龍保升副將參將王名滔以章均著賞加總兵銜保升遊擊都司曾昭仕著免補遊擊以參將儘先補用副將余際昌參將楊飛熊都司浦本祥李殿元均著革職畱於軍營效力以觀後效○官文胡林翼李續宜奏皖逆自踞黃州後分黨數萬竄擾麻城黃安蕡

敗孝感雲夢德安隨州等屬三月初一日臣續宜派道員金國琛等率湘勇七千餘人進攻孝感彭玉麟率都司王吉等帶師船駛入該縣城河舒保督帶馬隊往來策應初三日王吉率礮船至城河賊出大隊抗拒我師開放槍礮斃賊目一名眾賊敗退各哨官直前奮擊燒賊船數十號斃賊二三百人初九日水陸兵勇四面進攻將東西賦壘踏平擒斬悍逆數十名賊眾慌亂我軍緣城而入當將孝感縣城克復計斃賊匪四千餘名生擒五百餘名臣官文前於雲夢應城被賊竄擾卽調遊擊王允昌等馳往襄河湏口一帶勦辦竄逆兼爲孝感各軍聲援嗣雲夢縣知縣吉謹督團會同水陸兵勇於三月初七日將縣城先自收復署應城縣知縣艾銀於逆匪闖入縣城卽招集勁勇擊退賊未踞擾黃陂黃安之賊經各該縣知縣督團攻勦擒斬多名二城均卽收復其麻城縣城經知府梁作楫一軍督同麻城縣知縣吳林固守三月初四日賊眾萬餘由英霍繞路來撲參將劉中和奮勇出隊力戰陣亡嗣梁作楫等調集兵勇內外夾攻殺賊三百餘名敗賊潰竄立解城圍此次水陸各軍奮力痛勦實足寒逆膽而快人心都司王吉可否賞加勇號道員金國琛可否賞加按察使銜此外出力文武員弁人等容臣等查明擇尤酌保陣亡參將劉中和懲飭部從優議卽以慰忠魂上諭此次官軍勦辦皖逆獲勝仗克復孝感等屬及麻城解圍勦辦尚屬得手都司王吉著賞給猛勇巴圖魯名號道員金國琛著賞加按察使銜在事出力員弁著官文等擇尤酌保陣亡參將劉中和著交部從優議卽○諭軍機大臣等本日據瑞昌奏浙省軍餉月需四十餘萬本年僅閩省解到援軍餉銀三萬兩此外協餉毫無消息江西省非但協餉欠解卽浙省代墊援軍餉銀亦未解還並據王有齡奏浙省餉需匱乏省外各防屢有索餉譯諺之事省防士卒飢寒交迫雷紹等處收成歉薄錢糧徵解無多釐捐亦幾絕望專盼協餉接濟請飭湖北湖南廣東江西福建等省速將部撥協餉如數籌撥各等語浙江嘉興府城未復杭湖嚴各屬均有匪蹤設因軍餉不繼致寇氛日益蔓延於東南大局殊有關繫著官文胡林翼文格勞崇光著齡慶端瑞環毓科將部撥浙省協餉迅速如數籌撥派委妥員員剋日起解毋許遲誤江西省應歸浙省墊發援軍餉銀十餘萬兩並著毓科速行籌解歸款再據田興恕奏稱湖南協黔項下每月應解該提督軍餉銀二萬兩自上年四月以來並未撥解該官兵應領月餉業經停支數月萬難支持等語著文格將欠解田興恕軍餉速行撥解以清舊欠嗣後仍按月撥銀二萬兩以資接濟毋得稍涉推諉將此由六百里諭令知之○諭本日據官文胡林翼奏湖北兵力不敷勦辦暫難分撥並據李續宜奏督兵追勦逆匪勢難兼顧壽州各一摺逆匪竄陷黃州武漢震動省垣存兵無多見在孝感各縣雖已克復而竄踞黃州之賊亟須厚集兵力四面圍攻官文等奏稱湖北兵勇不敷分勦若再勉強抽撥恐愈形單薄貽誤事機自係實在情形所有前此諭令該督等調撥精兵二千名赴三河

尖駐策之處卽著暫緩調遣李續宣業已統兵回援湖北壽州籌辦事宜自難兼顧卽著該撫督飭各路官兵規復黃州毋任久踞並將德安一帶賊匪奮力截擊毋任西竄俟鄂省軍務稍平再赴新任袁甲三在臨淮未能兼顧壽州前已令賈臻暫行署理安徽巡撫並令其駐紮潁州至苗沛霖與徐立壯孫家泰仇殺一案已疊次諭令袁甲三妥為籌辦矣將此由六百里諭令知之○袁甲三奏查苗練兩河口營盤為壽州兵練攻毀後其情頗覺倉皇而其心更懷叵測恐壽軍截其歸路遂卽併力退撤據翁同書稱壽軍以全力乘之該練由兩河口泗水而濟其五里廟兩營示經力攻遁去惟九里溝四營拒守如故向須設法環攻並言獲賊供稱苗練隊中實有廬州長髮七百餘人復據臣密探報稱苗沛霖撤回老寨偃卧兩日頗似悔悟而下蔡實有長髮或云六七百人或云三四百人豎有太平天國旗號復又廣招練眾至楊村會話恐將與潁阜團練為難以遂其西趨掠掠之計查西路團練暫不從苗前經臣批示嘉獎人心頗為鼓舞見又飛飭臬司張學醇速赴潁郡會同廬鳳道才宇和嚴密布置可無虞其煽惑仍派知縣姚德賓等帶練駐守沫河以固水路門戶至李世忠水陸馬步隊伍均已齊備不日卽當就道當此軍情朝夕變換操縱遲速殊難豫必惟有遵旨妥辦斷不敢輕進貪功亦不敢因循誤事報聞○署安徵巡撫賈臻奏苗練仍宜暫示羈縻得旨賈臻所奏不為無見著軍機大臣鈔與袁甲三閱看斟酌妥辦○命前任提督傅振邦辦理山東登萊青防堵事宜翰林院編修徐昌緒辦理省城西北團練事宜○命候補四品京堂員外郎閻敬銘以按察使候補○予浙江陣亡知縣陳籌山東陣亡訓導馮瑜等祭葬世職○是月閹福建汀州邵武二府被擾各區本年額賦山東濟甯等二十八州縣被災新舊額賦並雜項銀夏四月己未朔諭內閣昨因軍報稽延諭令兵部查明係在何處積壓遲滯卽將該督撫臬司等分別輕重請旨嚴懲本日據穆蔭等奏遵查軍報積延時刻開單請飭查辦等語各省摺報均應按限馳遞乃據穆蔭等查開三月二十七二十九兩日各處奏報有遲至數日始到者甚至有遲至三十餘日始到者其東直門腰站遞到至熱河時刻據稱亦有遲誤似此任意耽延殊屬不成事體所有遲延軍報之本省及經過地方之督撫臬司等著該部查取職名分別輕重從嚴參奏並著勒限一箇月令各該督撫臬司等查明積壓遲延之地方官嚴參懲辦如逾限不行查覆卽著該部將該督撫臬司等指名嚴參其東直門腰站顯有積壓情弊順天府兼尹張祥河府尹董醇著先行交部嚴加議處○諭據嚴樹森奏勦辦汝甯捻匪情形一摺總首陳大滬等圍攻汝甯經官軍擊退竄踞范寨等處攻破汝南埠經候補道張曜等帶隊往剿連戰皆捷賊分路來撲廖慶謀等督兵壓退賊環攻王圩復經張曜帶隊馳救賊始東竄著嚴樹森嚴飭鄭元善張曜等迅將該匪殲除毋任蔓延○諭前因慶廉賈臻屬員致招物議等語復諭令將該員等原參各條逐款查明再降諭旨茲據奏嚴樹森秉公研訊嗣據嚴樹森覆奏以賈臻徵收錢糧尙非擅改舊章貽誤軍餉係因庫款支絀候補知縣張紹英與賈臻雖係姻親例不回避慕友周注查無貪黷情弊惟曾為賈臻屬員致招物議等語復諭令將該員等原參各條逐款查明再降諭旨茲據奏稱慶廉自奉旨督辦勦匪後僅提過賞勇銀兩數目相符賈臻因餉銀解足尙有缺欠勇糧疑慶廉有入己情事歸德傷亡員弁節

經慶廉奏請卹典幕友余香於查辦後卽移出撫署已據實具奏並無欺罔所參訶斥首縣借公記過亦無證據其慶廉之子候選道恩麟並無招搖納賄情事惟帶勇出省妄立名目有乖體制等語慶廉與賈臻互參各款雖據嚴樹森查明均無確據惟慶廉以巡撫大員不能正己率屬致屬員得所藉口賈臻不能與慶廉和衷共事輒負氣參揭均有不合著一併交部議處慶廉卽著來京聽候部議另片奏糧臺委員閔春濤呈出帳簿覈對慶廉提用賞耗數目相符惟於勇丁口糧籠統開報積欠勇糧至一萬兩之多殊屬蒙混河南府通判閔春濤著暫行革職勒令交出原帳確實覈算儻查有侵蝕入己情事卽從嚴參辦如實有積欠卽著落該員賠補以示懲儆○諭據克興阿等奏追勦竄匪斬殺淨盡一摺朝陽匪眾自竄至廣甯縣大牛圈子被擊敗遁復竄至羅家臺地方意圖抗拒官軍奮勇進攻立斃賊匪七八十名匪勢不支乘夜狂奔成明等督兵截擊殲斃數十名奪獲槍礮旗械多件餘匪欲由白土廠門向邊外逃逸克興阿隨後趕到合兵兜剿副都統侍順復帶領馬隊沿邊搜捕經官兵並鄉社人等獲賊百餘名立時正法擒獲匪眾家屬七口羸馬車輛多件克興阿等復出邊追勦至新里屯地方並派協領常陞至兵馬路一帶搜捕匪眾業已擒斬殆盡勦辦尙屬安速所有在事出力人員准其彙入克復朝陽系內擇尤保奏候朕施恩○諭軍機大臣等克興阿等奏朝陽竄匪業經官兵屢次攻勦擒斬殆盡據稱已將書明額所帶盛京馬隊四百名交候補協領恩合統帶在沿邊一帶搜拏餘匪自不難淨絕根株惟匪首才寶善劉名得徐洛紅均未擒獲未便任其竄匿致令復圖嘯聚著玉明倭仁景霖侍順飭令恩合等會同各該地方文武實力搜拏務須悉數擒獲儻查知該匪等或已斃命亦須搜獲屍身確鑿有據毋許空言塞責才寶善籍隸永平難保不逃往直隸境內並著文煜飭屬一體嚴緝毋任漏網所有前調官兵除盛京熱河等處馬步隊已諭令克興阿撤回歸伍外其黑龍江兵一千名駐紮建昌西安兵一千名仍紮古北口應領口糧均著由古北口糧臺給發將此由五百里各諭令知之○壬戌諭內閣據瑞昌王有齡奏官軍克復海鹽並擊退鍾埭賊匪一摺本年二月間逆匪竄陷海鹽經瑞昌等飭令已革副將張威邦等會同署江南提督曾秉忠援兵於二十九等日克復其盤踞鍾埭賊匪亦經已革總兵米興朝等沿河衝殺擊毀賊船將賊卡全行燒毀平湖境內一律肅清惟前據薛煥奏稱海鹽克復逆賊於三月初八日復將該縣竄陷分犯乍浦副都統錫齡阿等不知下落平湖已於初九日失陷各等語此次瑞昌等所保各員除錫齡阿米興朝下落仍著該將軍等查明具奏外提督曾秉忠遊擊黃金友及其僚出力文武員弁著俟海鹽克復後覈其功罪具奏再降諭旨○諭軍機大臣等前據聯捷奏報賊匪由南樂回竄觀城派員帶兵追剿並據文煜奏上月二十五日曲周縣城被匪竄陷見催前調天津等鎮官兵星馳往援等語曲周去南樂較遠何以該匪遽能竄至抑係山東邱縣教匪就近闖入未據該署督營敘明晰該縣地近北路豈容賊匪肆行竄擾著文煜飭令派出援兵迅速前進會同大名鎮道實力攻勦毋許遲延勝保於何日由京啟程未據奏報前據該大臣奏稱探明何路最緊卽由何路督勦自毋庸拘泥前旨專防景州一帶著卽酌量緩急或親督官軍或派兵馳往迅將該縣城池克復並將該匪全行撲滅毋任蔓延文煜應否

出省卽著與勝保商酌辦理至聯捷防河是其專責於該匪渡黃後擾及清豐是旺南樂等處僅以參漢州等官了事未能迅速擊退致該匪漸圖北犯若再遷延貽誤豈能當此重咎著卽督飭前派兵勇會合勝保等官兵奮力剿擊肅清畿輔同知林世俊於奉派帶勇應援不力卽著文煜嚴參治罪曲周縣同城文武有無先行逃避並著查明具奏將此由六百里各諭令知之○癸亥諭內閣伊精阿著充大阿哥滿洲諳達○諭軍機大臣等據都興阿奏叛勇撲擾三河並天長六合踞匪圖犯儀揚勦辦布置情形一摺貽防守副將格洪額被部下叛勇勾結逆匪戕害前經袁甲三員奏已明降諭旨令查明有無激發各情辦理矣惟天長六合逆匪糾合捻逆並江南安徽逆黨數萬竄至儀徵新城聯絡劉家集等處意圖撲犯揚城雖經該將軍派總兵詹啟綸等分路進剿賊眾潰敗追殺數十里踏毀賊壘數處但該逆又有由江南糾賊復竄瓜揚之信此時防剿極關緊要其天長逆匪分股竄擾湖西攜有船隻冀圖東竄高寶一帶尤宜加意防範著都興阿黃彬嚴飭將弁分投堵剿毋使賊匪竄擾瓜揚高寶等處將此由六百里諭令知之○諭本日據聯捷奏派勇追剿濮匪逼令渡河朝城之馬老莊舍利寺兩處范縣之舊城鳳凰臺等處均有匪徒豎旗搶劫請飭譚廷襄迅撥兵勇防剿邱縣莘縣冠縣堂邑館陶臨清陽穀朝城八州縣均被賊擾官多遷避勝保見奉旨由景德進剿深恐匪徒西竄請飭令由西北兩路進攻以免擾及畿疆各等語昨因文煜奏報曲周縣被匪竄陷已諭令勝保迅速撥兵南下至朝城等屬匪徒業據譚廷襄奏明新等由堂邑進兵著卽飭令迅速前進將邱縣冠縣莘縣踞匪剋日殲除克復城池並濮州回竄之匪及范縣朝城續起匪徒一律殄滅毋留餘孽並嚴防濮州范縣各河口以免該匪再得渡黃肆擾至明新等所帶官兵合之土默特馬隊爲數無多應否添調兵勇助剿並著該撫斟酌辦理至地方文武遇有匪擾輒卽遷避亟應嚴加懲辦所有被擾各州縣文武地方官如有畏葸逃避情事卽著譚廷襄密速查明嚴參治罪毋稍姑息將此由六百里諭令知之○諭據賈臻奏瀝陳皖北情形請飭勝保督師皖豫一摺據稱苗沛霖藉口復仇力攻壽城近又勾結廬州髡逆屯紮下禁自率眾來進逼正陽意圖扼長淮上流以絕壽臨兩營餉路袁甲三鞭長莫及翁同書更無從展布惟飭勝保督辦皖豫軍務駐劄潁州則歸德一郡近在腹裏無須重兵移其全力可以進剿捻巢懾服苗練等語所奏亦係實在情形惟見在畿南地方防剿突緊前降旨令勝保統兵赴景州德州一帶督辦非將逆匪殲除淨盡北路肅清後未能率師南下況袁甲三駐兵臨淮若勝保復督辦皖豫必致諸多掣肘賈臻見駐潁州前已有旨令署巡撫辦理苗練尋仇一事及團練招撫事宜見雖尙未接印亟應趕緊籌辦著仍遵前旨與袁甲三商酌妥辦未可專待勝保致誤事機○于山東陣亡在籍刑部司獄王淑琳等祭葬世職附祀張積功專祠並子陣亡布政司理問張知言等祭葬世職○甲子諭軍機大臣等前因曲周縣城被匪竄陷諭令勝保派兵剿辦本日據勝保奏探聞此般匪徒頗形猖獗業已派撥官兵馳赴廣平威縣等處並請調馬隊助剿等語曲周匪眾窺伺廣平莘縣等匪逼近大名元城亦形喫緊亟應速籌撲滅以靖畿輔勝保已飭正定兵八百名馳赴廣平並令伊綿阿撥兵一千前往威縣復派候補副將成祿統帶西安馬隊三百名馳往會剿著卽飭

令星夜前進會同大名廣平等處兵練奮力堵勦務將曲周縣城運行克復以免延蔓勝保應由何路督剿卽確採賊勢趨向相機前進不可專防景州德州一路以致顧此失彼所請調朝陽馬隊因該處尙須留兵鎮守已諭令克興阿挑派黑龍江馬隊五百名取道京師前赴該大臣軍營候調著卽催提前進至該大臣前請調河南副將黃得魁練勇昨據嚴樹森奏稱黃得魁見在患病步履蹇滯所帶練勇二千名皆適時招募並無紀律見已遣散等語已諭知該撫免其徵調矣將此由六百里諭令知之○于貴州陣亡副將毛克寬等祭葬世職○乙丑諭內閣據勝保奏提督大員族人被害請飭查辦一摺江南提督李世忠屢著戰功擢膺顯職其親族人等前經降旨准其回籍安業乃據該提督以族屬住安徽霍邱縣之葉家集有固始縣匪徒鄆有功等於本年三月初七日率商城固始二縣匪棍搶去該營運售餉鹽竹簰四對內餉銀五千兩復於十一日將該提督叔都司李不戴族兄遊擊銜李昭雲二家圍搶並將本宗親戚搶掠一空不知曾否傷殘人命等詞赴勝保軍營稟訴李世忠親族在霍邱居住何以商城固始匪徒尋仇報復肆行搶掠必應嚴行究辦著嚴樹森卽派委公正大員前赴商城固始地方秉公查辦將首先滋事之鄆有功等傳案嚴訊從重懲治以儆兇頑○諭軍機大臣等據恭親王奕訢等奏接據艾林波照會及崇綸等信函呈覽布魯斯國艾林波抵津與崇綸等會晤因該侍郎等未奉有全權大臣便宜行事之旨照會奕訢等懇請代奏方能會辦通商事宜見據奕訢等於摘錄諭旨內加入全權等字卽著照所擬寄交崇綸俟艾林波索看諭旨時給與閱看至所稱日爾曼各情能否統歸該國商辦並著悉心商酌以歸簡易將此由五百里諭令知之○陳景亮以病免以蕭浚蘭爲雲南布政使毛震壽爲四川按察使茂道遷○予江蘇

陣亡知縣洪士鏡祭葬世職○丙寅諭軍機大臣等前因王履謙奏浙東危急當經諭令王有齡改歸地方官辦理沂委張景渠及知府懷力顧江防並督辦勸捐事宜茲據王履謙奏稱浙省團練自歸王有齡督辦並未定有章程前派段光清赴紹辦團亦未知會其各處辦團紳士有由王有齡札委者亦有甯紹台道張景渠候補道朱琦札委者畝捐一項本係奏明專為團練經費張景渠擅自出示停止浙東捐款又悉數解省團防經費一無可籌紹郡捐局自本年正月間經王有齡改歸地方官辦理沂委張景渠及知府懷清等專辦山陰會稽戶業各捐該員等差傳捐戶按照上年捐數以十倍加捐職員張存浩生員胡壽頤等稍事遲疑卽予管押並欲杖枷又欲將該捐戶提起軍前充當頭陣職員李鏡人舉人陳珪等亦因威逼書捐賣田鬻產者不一而足捐戶陳穎生因差擾遷避該道等卽飭縣查封房屋並查其田畝形同籍沒催捐員弁輒持令箭拘提並縱令差役直入陳樞余僕家內室索擾城鄉大震而江防事宜仍置之不問請飭撫臣通盤籌畫酌畱戶業各捐歲成以充團防經費等語浙省軍務未平籌辦團練勸諭捐輸無非為保衛民生起見若如王履謙所奏辦理團練情形已屬雜亂無章至勸捐委員欲令捐戶照上年捐數十倍加捐並於捐戶張存浩等種種威逼肆行驟擾實堪駭異見在賊氛逼近浙東若因勸捐辦理不善致失人心必致激成內訌設有疏虞該撫豈能當此重咎所有勸捐事宜著王有齡速委公正大員會同王履謙妥為勸辦不得以貪劣之員濫行充數其前派勸捐之道員張景

渠等如有勒派情事卽應撤委查參不准稍有回護見在江防團練均需經費所收捐項應如何酌畱數成爲浙東團防之用著王有齡通盤籌畫以免偏枯至前諭王有齡督辦團練並令王履謙幫辦原期官紳和衷以收眾志成城之效乃該撫於派委段光清赴紹辦團並不知會王履謙且辦團紳士任聽張景渠等紛紛札委是該撫全不以團務爲重尤屬不成事體所有該省團練事宜著王有齡會同王履謙妥議章程督同公正官紳認真勸辦不得任聽屬員徇私派委嘉興等處地方久稽克復儻因官紳不和以致浙東再有失事朕惟該撫是問將此由六百里加緊諭令知之○諭前因有人奏浙江巡撫王有齡新辦捐款名目恐有藉端妄索情弊降旨令張錫庚查明據實具奏尙未據該學政覆奏茲又有人奏王有齡隨帶赴浙之江蘇道員張景渠知府孫士達知縣甘應槐或結拜師生或係該撫私親到浙未及三月王有齡輒委張景渠署南紹台道孫士達派在瑞昌處管理文案甘應槐派營務處當差該二員品行卑鄙善於逢迎王有齡倚爲心腹遇事輒予保薦以致文武員弁奔走其門物議沸騰又有候選知府孫湧溥與王有齡有舊亦夤緣入撫署文案處與孫士達倚勢修怨紹郡紳富多被中傷以致遇有地方公事顧慮不前請飭查辦等語巡撫爲通省表率豈容任用私人致有貽誤記名浙江道員張景渠與王有齡有無拜認師生情事孫士達孫湧溥籍隸會稽何以輒派辦本省將軍巡撫文案甘應槐有無劣蹟張錫庚近在同城聞見必確著按照所參各款嚴密訪查據實具奏不准稍有徇隱原指著鈔給閱看將此由六百里諭令知之○署漕運總督王夢齡等奏遵查前任湖南藩司王藻勸捐辦團並無弊混並據呈稱情願捐繳錢二十萬串得旨認捐錢文著擲還仍令恪遵前旨趕緊措織一面嚴查確據不得仍蹈姑息情面氣習若稍涉顧惜該署督運司自問當得何罪又奏府營弁兵戕害主將句通髮逆分犯賊場等處見經勦滅批出力之將弁兵勇著准其暫行存記彙案請獎○丁卯諭內閣前據嚴樹森奏稱河南省河北三府捐輸請半歸僧格林沁軍需嗣據聯捷奏稱河北捐項請統歸防河動用當經先後交戶部速議具奏茲據周祖培等奏稱嚴樹森係通籌全局並非置河防餉需於不顧且統轄全省呼應較靈請仍歸該撫派員經理等語河南省河北彰德衛輝懷慶三府勸捐事宜卽著嚴樹森委安員一手經理所收捐款除一半解歸僧格林沁軍營月餉外其餘一半悉數解文聯捷軍營作爲防河經費務飭經手之員隨收隨解毋任遲誤並著嚴樹森督飭該員等安爲籌辦不得苟派擾累及侵漁中飽如有此等情弊卽著聯捷隨時查明會同嚴樹森從嚴參辦該撫等務當和衷辦理毋得意存畛域再行濶請○諭軍機大臣等據成琦等奏該侍郎於三月二十六日行抵吉林省城擬卽會同該將軍景淳於四月初二日啟程前赴興凱湖守候俄使會勘地界勘定後圖上擬鈐用吉林將軍印信等語各國辦理事件均以奉有全權大臣便宜行事之旨爲重該侍郎等此次會同俄國公使辦理地界設該國公使以未奉有此旨不肯會勘必致屆期請旨而程途較遠往返需時應否發給上諭一道將成琦景淳加全權便宜等字樣寄交該侍郎等於俄國公使索看諭旨時卽行宣示之處著奕訢等悉心籌酌迅速覆奏將此由五百里諭令知之○諭前據僧格林沁

奏後股捻匪尚踞滕縣派令德楞額等攻剿本日據譚廷襄奏殲南捻匪出巢計圖北竄滕縣捻匪進逼兗城僅與東昌各匪勾結畿南極爲可慮請飭勝保帶兵赴東並請於臨清德州分駐重兵各等語殲南捻匪欲圖北竄滕縣捻匪復竄至兗州之玉印村亟應迅速堵剿惟勝保前因賊陷曲周窺伺廣平莘縣等匪逼近大名已飭令鎮定兵八百名馳赴廣平並令伊綿阿撥兵一千赴咸縣副將成祿帶西安馬隊三百名前往會剿此時廣平大名一帶防禦緊若令勝保徑赴山東必致後路空虛所關非細僧格林沁等統領重兵必須統籌全局力扼該匪北竄之路不可株守鄒縣一隅之地漫無布置本日諭令勝保督兵前進於直東邊界安壽防禦並令文煜酌量出省督飭地方文武力邊捻匪北竄其兗州一路該大臣等惟當督飭兵勇迅速截擊勿令苟結東昌各匪以致蔓延直境並須與譚廷襄悉心籌畫會合兵力將北竄之匪痛加剿洗以期漸就肅清至東昌各屬匪徒前據譚廷襄奏道員明新由堂邑進兵未能得手已派參將王山等往援並添派遊擊王秀等督兵夾擊著卽嚴飭帶兵各員迅速進兵實力攻剿儻遠延貽誤卽指名嚴參從重懲辦兗州城守及各屬防禦事宜並著飭令各該地方文武認真籌辦毋許疏失將此由六百里各論分知之○諭本日據譚廷襄奏殲南捻逆出巢意圖北竄滕縣捻匪回竄鄒縣僧格林沁本在西關禁營退入城內登陴防守四月初二日賊至北林廠攻打民團兗州玉印村已見邊馬該處距府城甚近西至東昌北至省城均不過二三百里省城官軍調撥已空東昌一軍又爲匪徒牽掣曹州土匪蠭起青州武定鹽梟滋擾其餘土匪隨處竊發請飭勝保帶兵赴山東會剿並稱臨清德州水陸兩路均與直境毗連如臨清有兵則近逼東昌直隸南面可以安穩德州有兵則先扼運河仍與前路聯絡一氣各等語前因賊陷曲周已據勝保派撥正定官兵馳赴廣平並令伊綿阿撥兵千名赴威縣副將成祿帶馬隊前往會剿見在殲南捻匪又圖北竄若與東昌各匪勾結則畿南門戶岌岌可慮前諭勝保確探賊勢趨向相機前進此時捻匪逼近兗州雖諭僧格林沁等力遏該匪北竄之路第該大臣退入鄒縣城中賊勢愈形猖獗勝保雖未便卽迅速啟程探明何路緊要卽向何路督剿並嚴飭前派各官兵徑赴山東致北路空虛而直東邊界必須親往督辦方能得力著迅赴廣平大名一帶剿除賊匪毋得遷延貽誤文煜前調天津官兵一千名交大名道王榕吉統帶並著飛催前進該署督應否出省著仍遵前旨與勝保商酌辦理臨清德州爲直隸門戶能否派閹截並派都司田興發前赴雪山關助防因該處已有兵練防守卽令該都司由小塲進紮與周學桂等會剿請飭四川省速籌堵截等語粵匪犯伺川省已久見竄及畢節亟應就地撲滅以免滋蔓所派總兵楊巖寶等著卽飭令督兵前進星夜繞出賊前迎頭截擊務於畢節地方悉數殲除毋得徒事尾追任令蔓延並著粵寶速飭沿邊地方文武實力堵截毋許稍有疏失如兵力不敷卽調派得力官兵速赴永甯一帶會合黔軍前後夾攻以期盡殄醜類駱秉章計已入川應否親統官軍前往南路督辦防禦抑或分

兵助剿之處著卽斟酌情形妥籌辦理將此由六百里各諭令知之○己巳曾國藩奏臣以厯口地當要隘於祁門抽兵駐防以副將沈寶成統之二月二十三日西路糧根嶺外之賊破卡而入竄至箬坑北路之賊亦破禾戌嶺而入提督江長貴由柏溪馳援尙爲得手二十五日箬坑之賊圍撲厯口約近萬人並有賊百餘扼踞石橋截我歸路我軍堅壁固守勢甚危急臣當派副將朱品隆率兵由祁門赴援賊始解圍二十六日朱品隆派同知朱聲隆等由厯口之右翻山繞出自與沈寶成等由厯口之左沿河夾擊而出以副將胡暉堂等各帶哨隊伏後接應朱聲隆等行距汪村二里許正值城匪大股前來我兵奮力擊斃黃衣悍賊數名朱品隆等將塘下陳田葉村各匪擊敗亦追抵汪村左右夾擊賊遂大潰我軍乘勝追至糧根嶺始行收隊計斃賊九百餘名生擒僞丞相宋先詳等三十七名解散脅從以千計敗賊悉遁嶺外北路犯嶺之賊二十三日竄撲禾戌嶺並分犯湘源楓樹嶺等處江長貴親督遊擊王金鼎等往援適犯楓樹嶺之賊經都司馬登富等由湘源老嶺腳兩路鈔截賊遂合股直犯禾戌愈戰愈多我軍併力衝殺賊始敗退是日有股匪竄犯方千嶺我軍分路堵剿將該逆擊出嶺外二十四日賊復分犯禾戌楓樹大洪三嶺及湘源隘口江長貴派王金鼎專顧左路已革副將羅承勸專顧右路自率親軍及遊擊林耀等設伏以待追該逆大至我軍伏兵齊出斃賊甚多其化楓樹嶺之賊亦經遊擊江國林等擊敗惟湘源一股尤爲兇悍分三路來撲馬登富專壓右路山梁馬懷珍扼堵左路山梁守備達玉元等從中路憑卡轟擊斷其首尾斃賊無算其時都司曹貴亦由大洪嶺鈔出策應賊見我軍厚集大潰出嶺是日犯方千嶺之賊經參將袁國祥等擊退犯釣魚嶺之賊經守備達金龍等擊退此次出力員弁應卽附於前案保獎以示鼓勵 上諭內閣逆匪竄撲西路厯口北路禾戌等嶺官軍分路截擊大勝剿辦尙屬得手著曾國藩嚴飭將士乘勝將嶺外賊匪悉數殲除毋狃餘擊此次出力員弁准其彙入前案保獎○曾國藩奏三月初一日臣派祁門夥縣防兵九千餘人齊赴休甯大舉攻徵臣亦親赴休甯就近調度初四日由休甯分兩路前進西路以副將唐義訓爲主副將沈寶成同知朱聲隆輔之是夜住宿嚴市街北路以道員張運蘭爲主副將婁雲慶參將楊鎮魁張應超輔之途次破潛口賊巢斬馘百餘人是夜住宿潭木地方初五日西路唐義訓等營由岩市前進行過七里亭城賊出北門搦戰各哨不俟號令衝過古虹橋賊匪佯敗我軍搶上山梁騎賊數百由右包抄我軍前阻堅城後隔河水不能施展適驟雨如注衣服火藥盡溼騎賊皆用洋槍乘我於危遂致挫敗副將葉光岳胡玉元力戰死之弁兵傷亡二百餘人北路張運蘭等因雨收隊各軍稍爲休息初十日再進專由北路行走十二日列隊於大里富場等處賊亦負城排隊相持竟日無隙可乘是夜唐義訓住宿槐塘張運蘭住宿大里賊於二更忽出萬餘人由西路包繞而來焚村劫營槐塘村莊首先被焚強中等營挫潰張運蘭等見前村被燒齊出村房列隊山上得以保全於次日同回休甯其祁門夥縣各軍皆回原營查徽郡之賊精悍者不過數千本可力戰攻取乃機緣不順兩次未能得手副將唐義訓初次以號令不嚴過橋輕進二次以哨探不遠被劫驚潰均難辭咎姑念平日謹慎屢著功績請與副將沈寶成均以遊擊降補同知朱聲隆請以知縣降補以示懲儆副將葉光

岳湖王玉元均請文部從優議卹　上諭道匪盤踞徽州府城經曾國藩派令副將唐義訓督隊進攻乃初次以輕進失挫迨整隊復

進被賊乘夜焚村劫營以致驚潰實屬咎無可解副將唐義訓沈寶成均著以遊擊降補同知朱聲隆著以知縣降補陣亡副將葉光岳胡玉元均著文部從優議卹○曾國藩奏僞侍王李侍賢糾合大股竄陷婺源分踞清華街左宗棠親率各軍進剿二月初二日飭老湘營等軍進剿傅村探知清華街之賊分踞石嶺嚴田一帶意圖由甲路分犯浮梁景德鎮遊擊王開琳等於初六日進紳甲路扼之甫築營壘賊已由石嶺嚴田竄至王開琳等分路進攻斃賊四五百名賊始敗走我軍乘勝力追復斬騎賊二百餘人步賊二千餘人生擒百餘人是夕賊退清華街初七日仍糾大股徑撲甲路營盤我軍奮擊卻之因賊勢過盛王開琳等請兵助剿左宗棠飭遊擊羅近秋等各率所部赴甲路助之探聞婺源之賊已竄過中雲初八日左宗棠親率各營進駐鯉魚橋於是分駐甲路之八營與左宗棠相距漸遠初九日逆眾由石嶺分三股直趨甲路王開琳亦分兵三路迎擊殺賊四五百人其後股悍賊亦經我軍擊斃千餘人該逆大敗而走是日婺源大股賊匪已由中雲竄入樂平界左宗棠卽率各營移駐樂平之柳家灣飭後營駐紳黃泥頭橫山截之十一日該逆由沿溝湧山大路而來我軍正由湧山前進突出截之賊眾大潰追殺十餘里斃賊近三千人是日羅近秋等兩營甫抵甲路該逆連夜在徽州添糾大股以圖合圍我軍十二日賊黨大至各營面面皆賊遊擊陳明南往來盪決中敵陣亡王開琳等率各營極力堵禦賊始卻退王開琳等以賊眾兵單子莫米糧已無存留其議全師出險之策於十六日退還景德鎮其計先後陣亡五十餘人查陣亡遊擊陳明南前於克復德興婺源案內擬保副將銜應請照副將例議卹其同案擬保外委陳石臺等均照擬保各職請卹　上諭賊目李侍贊糾黨竄陷婺源分踞清華街左宗棠督軍進剿扼峩中路奮力衝擊賊眾敗遁另有大股竄入樂平界復經左宗棠親督剿洗追殺十餘里該逆糾添大股圍攻甲路營盤遊擊陳明南中敵陣亡殊堪憫惻著文部照副將例議卹陣亡之擬保外委陳石臺擬保把總趙玉蓮曾文清喻拔元陳正彪均著照擬保各職文部議卹○曾國藩奏二月中旬景德鎮十分喫緊臣飛檄皖南鎮總兵陳大富迅率駐守建德之四千餘人馳赴景鎮相機防勦三月初三日臣在休甯營次據左宗棠函稱景德鎮於二月三十日失陷該軍救援不及見已移駐樂平等語臣以景鎮失陷祁門糧路斷絕當檄鮑超一軍急赴鄱陽一路會同左宗棠之師夾擊其時文報梗塞景德鎮附近一二百里一片賊氛失陷情形無從查悉嗣據糧臺委員知府張秉鈞稟稱二月二十九日賊眾數萬在牛角嶺柳家灣回龍嶺三處潛匿距鎮約三十里午刻馬賊百餘由景鎮之南雙鳳橋竄至李村步賊繼之陳大富督全軍迎擊賊不戰而退三十日黎明大霧迷漫該逆趁霧偷過雙鳳橋一伏於都司陳科營營壘之東一伏於遊擊胡鳳雖營壘之南陳大富待霧散後躍馬當先參將田應科隨後將過橋之賊悉行擊退詎該逆大股由景鎮東面觀音閣鈔出我軍分投截擊隊伍稍散而雙鳳橋之賊卽乘虛而入陳大富當先抵禦正中礮子穿過右乳猶裹創力戰該逆分途抄襲業已進營放火陳大富負傷血戰見營盤火起跳入李村河殉節其麾下參將田應科等同時力戰殉難臣自至皖南於江西省設

立總糧臺景德鎮設立轉運糧臺派張秉鈞等經理軍械子藥概置舟次水師護之三十日騎賊已撲至西瓜州幸水師均在州下之鵝頭灘施放大礮賊不敢逼張秉鈞將軍裝坐船間至西岸卽令護臺水師保護駛赴下游馬家澗復分礮船爲前後中三路護衛各船於四更開行天明駛至古縣渡賊圖圍我船隻搶我軍火乘夜趕築浮橋我軍乘其未合奮力衝出賊見前隊船去遠飛閘快划槳趕我軍且戰且走各船賴以保全僅失去鉛子帳棚兩船餘均無失查皖南鎮總兵陳大富此次在景德鎮督軍血戰力竭捐軀大節慷慨然應請飭部照總兵例從優議卽並於南陵建祠以表忠靈而留遺愛其所部擬保副將田應科等隨同殉難尤堪憫惻均請照擬保官階從優議卽並附祀陳大富祠中以慰忠魂至水師救護糧臺尤爲出力之遊擊任星元等可否懇恩獎勵以昭激勵又奏江皖之賊分四大股一曰僞定南主將黃汶金卽上年十一月攻破建德連陷六縣者也經左宗棠扼之於景德鎮鮑超破之於洋塘黃麥鋪見聞該逆已赴援安慶矣一曰僞右軍主將劉官方盤踞池州涇旌石埭等處去年冬月破羊棧嶺本年正月破大赤嶺大洪嶺二月破糧根嶺皆係劉逆之黨此股在嶺外距臣軍最近戰事最多一曰僞侍王李侍贊卽去年八月攻陷徽州者也本年二月竄擾景德樂平一帶左宗棠一軍二月與侍逆大戰數次臣於本日另摺具報三月又大戰數次該逆已敗潰而去鄱陽景德鎮浮梁樂平一律肅清容臣查明另行具奏一曰僞忠王李秀城去年十月攻陷羊棧嶺經鮑超痛剿破之十一月竄陷浙江之嚴州江山常山等處本年正月攻圍廣信玉山廣豐二月攻圍建昌撫州均以堅守得完見聞竄至吉水永豐一帶距祁門一千餘里文報久梗莫悉其詳除李秀城一股應由江西撫臣奏報外其餘三股環繞祁門幾於無路不梗無日不戰仰託 聖主威福屢獲大勝各股悍賊均已退竄皖南軍務日有起色惟皖北四眼狗救援安慶夾攻官兵營盤十分危急見已調鮑超一軍由景德鎮馳援安慶臣亦卽日拔營移駐東流就近調度 上諭逆賊竄撫景德鎮經曾國藩派令總兵陳大富帶兵往援二月二十九日賊由鎮南竄至李村被擊敗退三十日乘霧竄過雙橋分股由觀音閣鈔襲陳大富督兵迎擊身中礮子負傷血戰旋因營盤被焚投河殉節參將田應科等亦皆力戰陣亡其水次轉運糧臺軍械等項該逆意圖搶擄經遊擊任星元等保護尙無損失據曾國藩另片奏鄱陽景德鎮浮梁樂平見已一律肅清著卽將克復情形查明迅速具奏安徽皖南鎮總兵陳大富力戰捐軀殊堪憫惻著照總兵例從優議卽並於南陵建祠隨同殉難之擬保副將田應科擬保參將蕭傳科胡占齋擬保遊擊胡鳳雖熊定邦吳定魁擬保守備羅廷材均著照擬保官階從優議卽並附祀陳大富祠以慰忠魂其救護糧臺尤爲出力之遊擊任星元著以參將儘先拔補並賞加副將銜○前任戶部右侍郎杜翻奏捻教等匪四起請飭勝保帶兵赴東勦辦得旨昨已有旨令勝保由京趕緊啟程相機前進以固畿輔藩籬雖汝奏東省民團未盡得力著趕緊策勵以補兵力之不足從前擒逆屢犯齊疆無大兵扼守止民團即可驅令回剿何以有兵以後反不如前○予安徽陣亡副將葉光岳等祭葬世職○庚午諭軍機大臣等前因山東省匪勢猖獗諭令勝保速赴直東交界探明匪蹤親自督期本日據瑞捷奏曲周收復威縣解圍惟採聞山東范縣誠匪復有渡河之信並在

欽定四庫全書

聲言欲接南捻過河濮州觀城四鄉被脅亦皆插旗宰邱冠各縣情形如出一轍並菏澤縣土匪盜起人數不下數

兵三路由西北兩面進攻以除巨患等語山東東昌各屬土匪教匪蔓延入九州縣若由一路進攻勢必此勦彼竄

捕庶可盡殲醜類勝保接奉前旨諒已由京啟程見在軍情喫緊著卽迅速前進於馳抵直隸山東交界後酌量情形

稱分兵三路一由臨清南下進攻邱縣館陶一由大名取道東南進攻莘縣冠縣一由清豐直擣東面進攻濮州范縣是

台機宜卽善該大臣酌量情形妥速辦理聯捷原片著鈔給閱看將此由六百里諭令知之○諭前據群煥奏海鹽等處失守

當諭令瑞昌王有齡迅檄勁旅會合攻剿乍浦爲出海要口甯紹溫台在在可通若令該逆偷渡浙東大局不堪設想見在該將軍

等咨商群煥曾秉忠分軍由平湖進攻水陸會剿著卽嚴飭該員等迅克各城毋令逆匪久踞並令張景渠嚴扼各海口勿使闖入

浙東擾及完善之區王履謙前奏乍浦貼近海甯與紹屬之龜山丁家堰瞬息可達該處防務喫緊著卽激勵民團實力守禦據瑞

昌等奏紳士謝敬帶勇防堵餘姚海口賊匪私造姚勇號衣意在規伺甯紹尤應嚴密稽查毋稍疏懈昨據群煥奏米興朝帶勇退

守洙涇顯有畏葸逃避情事已諭令群煥就近查明具奏其錫齡阿黃金友及地方文武下落仍著瑞昌王有齡查明據實具奏將

此由六百里各諭令知之○辛未諭軍機大臣等前因苗沛霖構釁屢經諭令袁甲三妥爲籌辦並因李世忠訴稱族屬被害諭令

該大臣傳諭該提督聽候嚴樹森查辦本日據袁甲三奏稱徐宿情形危迫請令賈臻控制全淮以李世忠張學尊爲幫辦該大臣

卽抽兵前往徐州等語徐宿匪蹤延蔓前已諭令田在田速籌勦洗並令吳榮整頓團練聯絡聲勢袁甲三以田在田等飛函求援

遂欲抽兵前往意在兼顧北路惟該大臣督辦安徽軍務本以堵剿粵匪見在淮南尚未肅清若遽赴徐州恐粵匪擾及臨淮轉不

免顧此失彼且苗練勾結髮逆肆行無忌該大臣屢次奏報於應剿應撫辦理尙無把握李世忠以族人受害有不爲查究卽欲親

往勦辦之語此兩事於大局極有關繫該大臣若以事多棘手委之而去任令苗沛霖等尋仇爭殺未免惹存存該卽袁甲三著仍駐

臨淮堵剿粵逆無任北犯並將苗練尋仇一事妥爲籌辦不得稍涉游移俟辦理妥協再議移紮徐州方爲安善請以賈臻等督辦

軍務之處此時尙難照所議辦理也將此由六百里諭令知之○袁甲三奏據翁同書函稱壽園雖已鬆勁九里溝苗練四營我軍

屢次血戰幾克其巢而苗練大股來援橫踞我營之間又復繁營五座擬以兵練全力攻擊尙未知能否得手並云壽城投誠之眾

徐立壯之外孫家泰實主之該撫慮其醜驕驅令出城禁營等語是翁同書亦知徐立壯等招撫之謬先欲藉其力以敵苗旋卽不

令入城以清內患能否不生枝節亦尙難以豫定賈臻已到潁郡卽鈔行署理巡撫諭旨催令迅速接印該署撫初到皖省無所

用其回護必能斟酌妥辦昨據臬司張學醇來稟已與賈臻晤商亦以解釋爲是○諭屬其聯絡團練扼守沙河以保豫省門戶一

面整集壽營兵勇相機辦理西路似可無虞惟苗沛霖糾邀黨眾於勺結粵逆後虧聚下蔡與徐立壯等勢不兩立以今日情勢論

之欲收撫苗練非懲辦徐立壯孫家泰不可但操之過急深恐激成他變且恐爲苗練渙忿後苗沛霖是否仍爲我用亦未能確有

說

把握李世忠因上游人心洶洶勦撫尙難著手仍折回臨淮與臣再四計議總期能守然後能戰亦能戰然後能撫見已收撫沿淮民團散其黨與潰其腹心爲釜底抽薪之計並於臨淮上下游二百里內節節布置派委潁州府知府李元忠管帶兵勇會合礮船駐守懷鳳交界之沫河口水陸兼防並派都司李魁策營五河以扼東路咽喉一面再行派員前赴苗寨宣示皇上德威如苗沛霖果能悔悟即可令其仍隨官軍剿賊以弭隱患儻竟逞其狡敵決策不敢稍涉疏虞報聞○予山東陣亡教諭王餘吉等祭葬猶叛逆昭彰我軍處處有備亦不至爲其所乘總當審時度勢料世職○癸酉諭軍機大臣等前因譚廷襄奏陽南捻匪欲圖北竄膝縣捻匪擾及兗州當經諭令僧格林沁等速行截擊並令該撫將東昌各屬匪徒實力勦洗本日據譚廷襄奏捻匪竄過鄒縣直撲濟甯並分股由濟甯汶上渡過運河南陽東平偏地匪蹤見因水阻意圖回竄過濟因恐曹屬土匪截奪輜重尙在中途盤踞其陽南捻匪欲竄何處尙無確信並曹州東昌匪勢蔓延請飭勝保撥兵助勦等語捻匪渡運河僧格林沁派兵追勦在戴家廟迤南接仗勦辦情形尙未奏報該匪恐被曹屬土匪截奪輜重盤踞中途此勢正在遲疑之際雖賊眾兵寡未能迎頭截勦亦可擊其中腰截其後尾並奪其輜重以期力挫賊鋒著僧格林沁等督飭官軍相機勦辦不可株守鄒縣坐失事機若能籠絡曹屬土匪使爲我用併力勦洗尤爲安善其陽南匪眾未必非接應此股並著該大臣等嚴加偵探設法逼其北竄至曹州東昌兩屬土匪教匪到處滋擾東省兵勇無多不敷勦辦尙屬實情昨因聯捷奏稱東昌匪勢猖獗請飭勝保分兵三路進攻本日復諭知該大臣酌量撥兵前往仍著譚廷襄督飭總兵郝上庠等嚴扼河岸毋令匪徒得以分竄並添撥練勇與勝保聯捷等兵勇聯給聲勢四面兜勦以期漸就肅清將此由六百里各諭令知之○諭前因聯捷奏東省范縣賊匪欲接南捻渡河濮觀等州縣亦皆被脅請飭勝保分三路進兵當諭令勝保於馳抵直隸山東交界後酌量情形辦理本日據譚廷襄奏曹州土匪狡猾濮范鉅鄆滑定城武等屬隨地皆匪結成大股蔓及壽張陽穀地方東昌敎匪屯聚於莘堂冠館等屬徒黨日增近又有由直隸清河威縣回竄之匪蔓及臨清所屬其餘如沂州屬之幅匪武定屬之梟匪及土匪騎馬賊隨地皆有請飭勝保分兵助勦等語曹州東昌兩屬匪勢日益蔓延該省兵力不敷勦辦係屬實在情形僧格林沁等在兗州一路堵勦捻匪其勢亦難兼顧見在曲周縣已無賊蹤勝保前派正定官兵及伊錦阿所派之兵並成祿所帶馬隊諒已馳抵廣平威縣一帶此項官兵應否馳赴東省勦辦著卽酌量調遣毋稍拘泥將此由六百里諭令知之○諭據爭同書奏苗練圍城情形並壽城餉道梗阻各摺片據稱三月二十八苗沛霖復添馬步隊數千名過淮由菱角嘴併入九里溝堵築七營隔斷前敵營盤官軍攻勦未能得手見在潁州府阜陽糧上霍邱懷遠及三河尖等處皆爲苗練僉從聲言勾合張落刑攻取壽州並稱山西等省餉銀均到潁州未能前進請飭賈臻設法繞解各等語苗沛霖藉端尋仇屢次諭令袁甲三妄爲籌辦見在壽州城圍未解並誘脅良善冀圖一逞前據賈臻奏稱到潁州後傳見阜陽太和一帶紳士告以官督民團之法無不歡欣鼓舞何以阜陽等處民團又爲苗練僉從若任其偏行偏胥則該練猖獗更甚賈臻前奉旨辦理招撫圓練事宜見

又署理巡撫著卽將未被苗練誘脅之民團迅速聯絡其已被誘脅者設法開導使之歸正以孤苗練之勢壽州見有總兵慶瑞等在彼駐紮著卽嚴飭該員等實力固守毋稍疏失並將正陽六安等處妥爲布置山西河南餉銀已到潁州皖南道程鉉親解銀五十兩至潁上縣均著該署撫設法趕緊繞解壽城以濟餓軍該處兵勇尙多僅令餉斷兵潰敗誤大局惟該署撫是問將此由六百里諭令知之○以克復廣東樂昌仁化縣城並江西安遠解圍賞知州周慶夏守備蕭耀煌等花翎餘升敘有差○廣東布政使升任太常寺卿周起濱因病休致給與三品頂帶○朝鮮國王李昇遣使表賀巡幸及歲貢方物○甲戌諭內閣前因各省接遞軍報遲誤諭令兵部將各該督撫臬司等從重嚴參茲據兵部將遲誤時日並未填日期遺失尾單各省分查明開單覆奏湖北山東接遞晏端書德楞額李續宜等奏報有數日未填接遞日期該督撫臬司等實屬督催不力所有湖廣總督湖北山東各巡撫臬司等均著吏部查取職名先行嚴加議處其樂斌奏報經由甘肅陝西山西直隸等省傳牌尾單係在何省遺失抑係原發省分未經黏連著各該督撫臬司等查明督覆由兵部奏請嚴加議處其餘接遞軍報遲誤時日之各省督撫臬司等均著吏部按照單開分別輕重議處並著各該督撫臬司於接到部文後按照單開各件勒限一箇月查明積壓遲延之地方官嚴參懲辦其繞道處所有遲誤一併查明據實參辦至遺失尾單及未填寫日期尤非尋常疏忽可比著甘肅陝西山西直隸山東湖北各督撫臬司挨站糧究從重懲處儻逾限延不查覆卽著兵部將該督撫臬司指名嚴參另片奏請將直隸總督臬司嚴議並嚴定填註接遞時刻等語東直門腰機接遞文報遲誤順天府兼尹張祥河等業經降旨交部嚴加議處署直隸總督文煜按察使吳廷棟著一併交部嚴加議處至各省文報繞道地方該州縣恃非正站難免有蒙混造報情弊並著各該督撫臬司按照兵部所奏嚴飭各屬查明何處應行改道簽明時日里數毋許稍有錯漏虛捏並將傳牌尾單妥爲收執以便稽查○諭軍機大臣等有人奏捐務亟宜察實請飭嚴定章程一摺據稱江北糧臺既有指捐借捐礮船捐畝捐而江南糧臺又有米捐餉捐畝捐漕河有礮船捐隄工捐餉捐袁甲三軍營有米捐此外有船捐房捐鹽捐卡捐板釐捐活釐捐所徵甚鉅報解寥寥候補投效以及職員生監營謀札委目爲美差四出騷擾指借則任意訛索卡釐則以多報少糧臺漕河大員多由情託知而不問並有擅自立卡抽收商船捐銀名曰榔頭捐各名目請飭督辦大員嚴定章程各等語近年因軍餉浩繁不得不借資民力若多立名目任聽貪劣之員營謀差委藉端騷擾斂怨於民於軍需報解無多徒肥若輩橐橐實堪痛恨若不嚴行稽查則閭閻脂膏悉被侵漁尙復成何政體著袁甲三晏端書王夢齡並傳諭喬松年江清驥嚴密訪查如有多設名目及營謀差委任意訛索以多報少並私自設卡收捐者卽據實嚴參懲一儆百至所收捐款亦應設立印簿曉示通衢以杜侵冒中飽之弊並遴選公正之人董司其事不得濫委多員虛耗薪水總期於軍餉有裨而無害商民方爲安寧原摺著鈔給閱看將此由五百里諭知袁甲三晏端書王夢齡並傳諭喬松年江清驥知之○勝保奏賊匪竄至大隸威縣一帶滻河失陷見由保定河閒兩路進兵得旨抵保定後卽相機前進不准以居中調度爲辭致涉耽延又奏賊匪竄至大

名境內批大名府城所關甚要著趕緊設法救援○乙亥官文胡林翼李續宜奏三月十三日探報僞英王陳玉城於德安隨州各畱悍賊拒守牽掣我軍該逆仍糾集死黨由蘄州黃廣回竄宿松縣屬之桃花鋪多隆阿卽派副都統溫德勒克西金順各率所部馬隊官兵馳往迎擊十四日我軍正在紮營該逆漫山而至溫德勒克西等乘其喘息未定奮起擊之斬馘多名陳逆徑竄石牌而入安慶於集賢關外築壘抗拒多隆阿以賊眾我寡必須添調步隊出奇制勝親自督師前進當派總兵雷正綰等各率精兵馳往迎剿並派吉林黑龍江各起馬隊爲懷桐兩路策應二十一日進紮高路鋪二十二日探報桐城廬江逆首僞璋王林紹璋僞玕王洪城玕僞前軍吳如暉等率大股自新安渡至橫山鋪練潭一帶連營三十餘里將由馬踏石過河竄往安慶與陳逆聯合圖解城圍多隆阿於二十三日分飭雷正綰等由下路出擊練潭參將穆正春等由中路出擊橫山鋪參將余福象等由上路鈔擊後山埋伏之賊又令溫德勒克西等各率馬隊由左路金神墩襲賊之後爲牽制之師分途而進該逆出抗我軍奮勇齊攻殪悍賊數十人適余福象等由橫山後鈔至將賊裏在垓心前後夾擊屍橫遍地維時新安渡又出援賊萬餘揚旗疾至多隆阿傳令以三營步隊擊其首以五營步隊擊其腰而以馬隊繞擊其尾該逆前後失措登時潰敗我軍圍殺殆盡餘賊奔回桐城計斬黃衣賊目五名陣斃及溺死者共一萬餘人二十四五等日逆首黃汝金與敗逆林紹璋等又由無湖調到新賊七八千人並捻匪二萬餘人至天林莊築壘二十餘座欲洩前忿竄入安慶二十七日多隆阿密飭馬步隊分伏山隘以馬隊數十人誘之該逆果率大隊猛撲行五六里我軍伏兵齊起金順等馬隊分兩路包鈔斃賊又二千餘名敗逆竄回天林莊原壘臣胡林翼見添調介字等營並調回副將成大吉一軍多隆阿復添調義中等十二營剋期會剿以期埽平賊壘進克堅城在事出力人員容臣等查明擇尤彙保上諭內閣官軍截剿安慶援賊連獲大勝剿辦甚爲得手著官文等乘此聲威飭令多隆阿等迅埽賊壘克復堅城毋畱餘孽在事出力員弁著官文等擇尤彙保○曾國藩奏據左宗棠咨稱一月十六日全軍回駐景鎮後大股逆匪由鄱陽故縣渡偷渡昌江圍景鎮二十四至二十六等日我軍敗賊於袁家灣太園石板橋二十九日賊之後隊由桃嶺范家墩頭竄踞沿丹街一帶當派各營分路進剿行抵范家村賊大隊萬餘人分兩枝立我軍槍礮連施適左路之軍衝殺前來截賊兩段始紛紛潰竄我軍合隊追至沿丹街沿途踏毀賊巢五處計殺悍賊三千餘名陣斃僞謝天義黃勝才等賊目百數十名方擬乘勝追剿三十日賊由柳家灣湘湖街竄入景鎮淪陷左宗棠所駐之金魚橋三面皆賊後路復斷三月初一日移紮樂平探知僞侍王李侍贊分遣賊黨畱踞景鎮親率大股圖攻擊平初五日賊至桃嶺塔前一帶初六日各營三路進剿比抵馬家橋見賊隊列十數層山谷皆滿各營奮力衝殺賊勢稍卻追至桃嶺見大輜賊目從山坳突出悍賊百餘護之營官黃少春率健卒持不叢刺斃悍賊十餘人該賊目棄轎而逸賊眾大潰斃賊約三千名初七日景鎮之賊一由柳家灣竄至湧山厚田一由團嶺竄至龍珠禁家灣並蔓延桃嶺太園等處初八日飭左右老湘等營分三路前進比過塔前賊卽列隊桃嶺一帶奮擁而來左營自中路直撲鏖戰多時賊勢稍卻另股自

兩邊山內齊出包鈔正圍困間適守備馬德順率馬隊橫截而來老湘等營亦由右路鈔出右營由左路鈔出轉敗爲功斃賊百餘
初十日賊大隊萬餘由龍珠桃嶺一帶湧至排列山岡並於附近村莊放火意在擗我軍急戰我軍按兵不動賊匪猛撲後營營盤
州同張聲恆率隊衝鋒遊擊黃少春副將崔大光從兩旁夾擊賊仍抵死抗拒各營兩路繼進中營及各總哨亦疊出策應賊見我
軍愈戰愈奮紛敗潰擬保副將羅近秋匹馬衝入右營被槍子洞穿登時陣亡擬保守備李啟昭等均力戰陣亡窮追二十里至
龍珠始還計斃長髮悍賊千數百名訊據獲賊供稱裨天義李尚揚等初六日大敗後擬即退竄景鎮僞侍王李侍賛不許復調祁
門賊黨並挑選景鎮悍賊親率前來誓與官軍決一死戰本日後隊尚未到齊也左宗棠以賊將復至飭各營傍樂平縣城東南加
修外濠一面調前營四哨入城代守西北一面各營自定外濠十三日賊股麤至距城營六七里層層布陣寬廣十餘里各營憑濠
植立寂靜無譁午刻賊撲外濠官軍俟其逼近排槍轟擊相持一晝夜斃賊數百名樂平縣城坍塌已久各營連夜修砌略具城形
而該逆環攻徹夜不息其城外民房燒燬未盡者賊伏其中穴牆開礮弁勇屹立城頭未敢稍避十四日賊之大隊漸由東北趨撲
西城勢殊危迫卽選道王開化知縣劉典以西城地勢太偏搶護殊難請調各營齊赴外濠出賊不意擊之計議甫定王開化率隊
由南門趨西路王開琳率隊趨右路左宗棠自與劉典趨中路每賊一枝以官軍一隊當之未刻各營齊抵濠邊中路發號各路躍
出外濠大呼殺賊賊駭愕不知所爲我軍縱橫盪決無不以一當百擬保遊擊史聿舟中槍陣亡各營將士憤極戰益奮賊屍徧地
我軍追至高橋小溪收隊而還計斃賊四五千人陣斬賊目十數名燒燬賊壘二十餘座據生擒賊供初十四兩戰李尚揚幾爲
官軍所獲李侍賛於十四日改裝潛遁查李侍賛此次竄擾景鎮樂平鄱陽一帶長圍近二百里幾成燎原之勢左宗棠一軍前後
轉戰三十餘日六獲大捷斬馘近二萬樂平浮梁鄱陽景德等處一律肅清洵足寒賊膽而快人心候補三品京堂左宗棠去冬
拒黃汊金大股今春破李侍賛大股解祁休之長圍振江皖之全局勳績甚偉應如何獎勵之處出自天恩卽選道王開化沈毅
忠實謀勇兼優請賞加布政使銜並賞給該員祖父母父母兩代二品封典知縣劉典善審地勢身先士卒請以直隸州知州遇缺
卽選並賞戴花翎其餘出力文武員弁並著曾國藩查明保奏○曾國藩奏候補三品京堂左宗棠前在湖南撫臣幕中佐辦軍
務肅清本省援剿鄭封屢奏大功久在聖明洞鑒之中上年奉旨襄辦處軍務寡勇五千餘人馳赴江皖之交方慮其新軍初

立難收速效乃屢擊黃汎金李侍賢各大股以數千新集之師破十倍兇悍之賊因地利以審敵情蓄機勢以作士氣實屬深明將略度越時賢可否飭懇 聖恩將左宗棠作爲幫辦軍務俾事權漸屬備爲大用之處出自 聖裁 上諭候補三品京堂左宗棠著幫辦官國藩軍務○僧格林沁國瑞德楞額奏捻匪圍攻縣縣經翼長舒通額等帶領馬步兵勇第次進剿屢有斬擒立解城圍該逆因豐沛鄉民洩放南陽湖水不能南竄於四月初二日拚死西竄我軍待其過半左右橫擊將賊截爲兩段殺斃百餘名該逆竄至濟甯城東又經守城存營官兵蘆斃多名該逆首尾受敵隨分兩股一由濟甯迤南搶渡運河初九日由魚臺竄出東境一由汶上縣過河向南奔竄官兵跟蹤追剿不期該逆竄至鄆鉅時曹屬不肖之徒悉歸長槍會匪羣相姦動句結南捻在鄆鉅一帶盤踞賊勢甚眾見飭知府趙康侯密約曹屬各州縣鄉團合力剿辦嗣接鄒縣稟報教匪宋繼朋聚集兩萬餘人盤踞鳳凰山一帶四出勾結鄉民焚掠村莊圍攻縣城勢甚鴻張當經臣僧格林沁臣德楞額所統馬步兵勇全數調赴鄒縣並將黃良楷翁吉順所帶練勇三千餘名一併畱營臣國瑞臣德楞額兵勇於四月初八日馳抵土旺駐紮初九日由土旺行至白蓮池見四十餘里村莊房舍燒燬淨盡當即飛隊進攻該逆恃險抗拒我軍奮勇直前將白蓮池山寨外樹柵攻開直抵圍牆該逆死守賊圩十一日我軍馬隊進攻賊寨步隊進攻山頂賊圩被賊無數正在得手之際該逆由南北山腰擁出賊眾直撲我軍後路臣等督飭馬隊衝擊又殺賊多名該逆始行回山我軍傷亡尚不甚多見在仍回土旺紮營查黑龍江佐領委營總奇普通阿頭受槍傷登時陣亡殊堪憫惻相應請旨交部議卹以慰忠魂 上諭捻逆盤踞山東滕縣經真長舒通領等帶領兵勇進剿立將滕縣解圍該逆西竄官軍奮力衝擊殺斃百餘名復竄至濟甯城東經守城官兵開放大礮蘆斃賊匪多名該逆分兩路遁去德楞額剿辦嶧縣蘭山費縣等處匪徒先後殺賊六七千名生擒數百名立卽正法救出難民甚眾立將沙溝營臨城驛克復鄒縣教匪宋繼朋盤踞鳳凰山一帶經國瑞等督帶兵勇由土旺進剿先後斃賊甚眾墜落山澗死者不計其數並奪賊圩二座著僧格林沁等乘此聲威督飭將弁迅埽逆氛毋畱餘孽奇普通阿著交部議卹○諭軍機大臣等前因譚廷襄奏捻匪由鄒縣直撲濟甯渡過運河分竄甯陽等處並曹東兩屬匪勢蔓延當諭令僧格林沁等相機剿辦不可株守鄒縣本日據僧格林沁等奏滕縣解圍該逆一股由魚臺竄回老集一股尙在鄆鉅一帶盤踞鄒縣教匪宋繼朋踞守鳳凰山勢甚鴻張等語東省各屬匪徒紛紛蠭起勢若燎原若非及早掃除勢將愈聚愈多著僧格林沁等仍遵前旨督飭將弁並會合各處鄉團迅將各匪痛加剿洗勿畱餘孽將此由六百里諭令知之○諭據嚴樹森奏山東館陶縣之館陶集見爲賊踞漕船不能開行請飭山東巡撫及帶兵大臣速行剿除等語賊竄楚旺豫省存倉漕糧尙無損失惟山東館陶縣之館陶集爲賊所踞搭有浮橋臨清亦有土匪恐漕船不能開行著譚廷襄督飭帶兵各員將館陶集股匪迅速勦辦悉數殲除並將所搭浮橋卽行拆毀其臨清州土匪並著剿除淨盡催令沿河上下游船隻星速赴楚旺受兌毋得遲誤前樣勝保將派往廣平威縣之正定兵及伊綿阿分撥官兵並成祿馬隊酌量援赴東省卽著該撫飭令帶兵之員會同此項官兵合力

勝保將斥往廣平威縣之正定兵及伊綿阿分撥官兵並成祿馬隊酌量撥赴東省卽著該撫飭令標兵之員會同此項官兵合
勦辦以通河道而利漕行將此由六百里諭令知之○新授雲貴總督劉源灝奏謝授任恩並請入觀得旨著不必來見卽赴新任
鄉之精力雖稍覺衰老然坐辦尙可見在滇中無人徐之銘措置乖方不知滇省見在作何局面著趕緊赴滇設法補救以慰塵念
○廣東巡撫耆齡奏粵軍收復福建武平得旨出力員弁兵勇查明彙入克復平遠案內請獎○官文胡林翼李續宜奏皖逆前由
英霍入楚竄踞黃州疾趨德安孝感隨州等屬因楚師全駐皖疆鄂省存兵無多勦守均難足恃臣官文督同文武員弁扼要嚴防
並飭上下江面水師礮船晝夜梭巡賊匪無由偷渡嗣臣李續宜及舒保統率所部於二月二十日均綫至省垣與臣官文面商機
宜以賊勢趨重孝感德安隨州等屬窺伺荆襄正值捻匪出巢由南陽竄入楚境上游老河口逼近襄陽荆襄爲中原重鎮一有疏
失北路大局所關較黃州尤爲喫重臣等權其緩急臣李續宜以大隊直擣孝感卽於收復縣城後進攻德安隨仍令成大吉等軍
勦辦黃州之賊見成大吉調拔安慶彭玉麟督率水師於外江內湖節節布置臣官文又以李續蒸等軍赴黃州武昌一帶攻剿賊
由蘄州暗通興國等處土匪勢將蠢動復派知府唐協和等率馬步一千三百名前往大江南岸之興國大冶一帶扼禁兼助北岸
黃州各軍聲勢至駱秉章援蜀一軍前經臣等奏請暫畱助鄂援江駱秉章分撥道員劉嶽昭所部勇丁四千六百人於三月初
旬行抵安陸經臣官文飭令馳往隨州兼保安襄門戶臣李續宜以漏口爲老營已令道員金國琛等統率各營會同舒保馬隊進
駐德郡之東北偪城而壘惟該逆於德安隨州城外環築木椿數道周以深濠我軍節次仰攻未易得手三月二十六日德安城賊
由北門出二千餘人撲營經馬步各軍擊退是夜有大股分路圍撲舒保等督軍迎剿陣斬賊目四名斃悍賊五百餘名賊仍敗退
入城報聞○曾國藩奏臣於四月初一日馳抵東流鮑超於三月二十五日自景德鎮拔營初一日馳抵下隅坂其所統全軍擬令
卽日渡江救援安慶逆首四眼狗陳玉城於三月十八日逼撲安慶盤踞集賢關內外安慶官軍曾國荃等營城賊撲之於前援賊
撲之於後勢殊危急幸去秋以來開掘長濠二道有前濠以圍城賊有後濠以拒援賊見相持十三日仰託皇上威福尙能堅守
無恙臣與官文胡林翼等熟商賊以全力救安慶我以全力爭安慶以多隆阿鮑超兩軍會勦集賢關之賊李續宜亦派十營回皖
協勦必須攻破陳逆迅克安慶大局乃有挽回之日金陵乃有恢復之望至徽州布置事宜派令道員張運蘭守休甯總兵朱品隆
守祁門湖北提督江長貴守柏溪副將唐義訓等守漁亭沈寶成等守歷口參將楊鎮魁等守羊棧嶺均屬以暫主堅守勿遽進剿
臣至東流僅帶五百人以行餘皆畱防領內其左宗棠一軍自擊破偪侍王股匪後見已蹤追剿無論竄皖竄江均當伺其所向
而痛懲之報聞○命在籍左副都御史張芾會同陝西巡撫瑛槩辦理省城防堵○子江西陣亡副將羅近秋等祭葬世職入祀湖
南昭忠祠○丙子諭內閣前因各省軍務未歲特派督辦團練大臣勸辦民團以輔兵力原以該員等於本省地利民情較爲熟悉
督撫大吏若能與之虛衷商榷共濟時艱於軍務不無裨益乃近日如王有齡王履謙文煌清盛杜翻聯捷等無不各存意見彼此
猜嫌殊失人臣和衷之義本日嚴樹森奏毛昶熙於南陽捻匪回巢並不會查虛實輒據軍營飾報單銜入告等語毛昶熙係幫辦

之員此次單銜奏事本屬非是如果虛報勝仗爲所部員弁冒功地步嚴樹森亦應據實參奏乃不肯明言撤去毛昶熙而以事權不一等詞空言動聽其器量褊淺意在獨斷獨行豈能逃朕洞鑒嚴樹森毛昶熙同辦一事惟當共矢公忠同心効力不得意存畛域以小節微嫌率行瀆奏其各路督兵大員及團練大臣各督撫等於防勦事宜均宜開誠布公會同籌辦以副委任儻仍前各挾私意是已非人以致貽誤地方則是自取罪戾不能以事多掣肘藉詞推諉也將此通諭知之○諭軍機大臣等據勝保奏進剿威縣賊匪獲勝並請添調馬隊及飭催軍餉各等語官軍收復曲周縣城並威縣解圍已據聯捷奏報此次勝保派去官兵復獲勝仗正可乘此聲威跟蹤追擊著該大臣卽飭帶兵各員迅速勦辦毋任蔓延范縣教匪圍攻大名雖經官軍擊退並未大受懲創亟宣督飭各軍奮力埽蕩以固畿南門戶惟山東邱縣館陶莘縣朝城等處賊匪麕集更當兼顧東路以免疏虞前諭勝保酌量分三路進兵此時仍當確探賊蹤趨向相機前進不可專顧大名一路致東路至虛黑龍江官兵五百名已諭令克興阿催令迅速前進所請添派馬隊數百名俟朝陽官兵撤回後再行酌量將此由六百里諭令知之○諭據嚴樹森奏親帶兵勇前赴陳州一摺據稱苗沛霖近受粵逆僞封句引髮逆盤踞潁上之楊村及霍邱江口集欲赴光州打糧圖犯汴梁汝甯捻首陳大濤句結平輿大股擾及新蔡上蔡將及沈邱項城又有另股徐四萬等在新興集滋擾土匪蠭起親帶兵勇前赴陳州居中調度等語陳州距汴省甚近苗練旣句引粵逆在潁上盤踞圖由光州北犯汴梁而捻首陳大濤等又在淮寧等處肆擾自應嚴扼陳州以杜其北竄之路惟歸德兵勇半多雜湊前諭令嚴樹森親赴該處軍營嚴加裁汰見在該撫雖已派員前往汰除疲勇並裁撤冗員尙須另募精壯認真訓練陳州距歸德不過二百餘里著嚴樹森於行抵陳州後將各要隘布置妥迅卽前赴歸德與毛昶熙會籌防勦事宜務須力除積習認真整頓俾兵勇悉成勁旅飭不虛糜毋得稍有瞻徇如苗練肆擾陳州一帶情形喫緊該撫再回陳州相機防勦以遏逆氛將此由六百里諭令知之○以攻勦熱河朝陽匪徒出力賞總兵官成明黃馬桂副都統克興阿巴圖魯名號餘升敘有差○丁丑諭軍機大臣等本日據薛煥奏官軍自埽除楓涇賊卡後逆眾遁回嘉善等處惟嘉定青浦逆匪窺犯松江冀寧金山雖屢經官兵擊退兇燄仍張又聞蘇州逆目調集賊黨數萬欲爲嘉善平湖乍浦各路援助逆氛四面環逼兵力不敷惟浙省迅撥勁旅前來夾攻等語前因浙省平湖乍浦等處失守曾諭令瑞昌等迅撥勁旅會合江蘇援師夾擊旋據奏稱飭張威邦等分兵由海甯進攻並調袁君榮等艦師水陸會剿復諭令飛催前進迅克各城見在蘇城逆賊又有添黨援助之信亟宜督飭官兵兩路夾攻以冀迅殄賊氛著瑞昌王有齡迅催張威邦等水陸進剿會合江蘇兵勇剋日夾擊如兵力不敷卽酌量添撥勁旅乘賊勢敗退之際即可規復平湖各城以爲進攻嘉興之計將此由六百里諭令知之○予廣西傷亡知州恩錫等祭葬世職○戊寅諭軍機大臣等據陝西奏川省軍務督臣專顧川東逆匪李短搭等乘虛分竄川北探聞自梓潼至廣元一帶全無兵練防守陝西漢中府與蜀界毗連雖調派官兵出境嚴防惟賊眾兵單恐川兵追賊北竄逼入陝境請飭福濟酌帶官兵由劍州梓潼馳往迎勦等語前因粵逆竊

入黔省畢節縣境距川省甚近曾諭令崇實嚴飭地方文武實力堵勦並諭駕秉章抵川後或親往南路或分兵助勦見在李逆又擾及川北梓潼廣元一帶必須嚴密設防以遏北竄福濟著暫緩來京卽由劍州梓潼馳往防勦該將軍並未帶有兵勇著崇實迅撥官兵交福濟統帶駕秉章計已入川如兵勇可以分撥並著酌量調派以防川北一路福濟到防後著卽督飭官軍迎頭截擊將李逆一股迅速埽除毋任竄入陝境將此由六百里各諭令知之○諭據琰棨奏四川賊匪竄陷江油之中壩場派兵防堵陽平關大安鎮並已飭署漢中鎮出境堵禦等語四川賊匪李短塔塔竄撲梓潼縣據琰棨另摺奏稱已令署漢中鎮總兵萬福挑兵一千名酌量情形前赴朝天關扼築並咨會經文岱派兵一千名候調見在該匪既竄至中壩場去陽平關大安鎮較近漢中情形喫緊所派防堵之涼州等營兵五百名是否足敷分布著琰棨張芾安爲籌酌並飭令萬福統帶官兵卽日前往朝天關會合川省兵勇實力堵勦其川陝毗連各要隘亦卽嚴飭該地方文武督率兵練實力防守毋令匪蹤闖入並著經文岱將備調官兵一千名配齊軍裝器械認真操練如果情形比前較緊卽行派委安員管帶馳往堵勦河南捻匪時圖西竄潼關商雒一帶仍須認真防堵毋得顧此失彼將此由六百里各諭令知之○己卯諭內閣前任閩浙總督王懿德由部曹外任道府淳擢總督咸豐八年力疾勦辦賊匪殺靖巖疆嗣因病重賞假開缺回籍上年該員來京以舊疾未痊復降旨令其回籍調理方冀速就痊愈更資倚畀茲聞溘逝悼惜殊深王懿德著加恩照總督例賜卹任內一切處分悉予開復應得卹典該衙門察例具奏伊長孫侯選郎中王守愚著俟服闋後以郎中遇缺卽選以不朕眷念蓋臣至意尋子祭葬諱靖殺○庚辰諭軍機大臣等本日據聯捷奏賊撲大名督兵擊退請飭前調官兵迅速前來等語山東范縣股匪攻撲大名府城雖經聯捷督兵擊退而漢范觀城一帶已成賊穴且與河東鄆城鉅野句結一片賊勢已極蔓延大名兵力單薄防勦極關緊要前據勝保奏俟馳抵保定再行酌量情形統籌兼顧見在清河已無賊蹤咸縣亦經解圍勝保已赴冀州所有前派正定官兵八百名景州防兵一千名成祿馬隊三百名應否分撥前赴大名著卽分別緩急酌量調遣文煜前派赴大名之天津鎮兵一千名迄今已逾一月之久何以尙未到防著文煜飛催剋期卽赴大名一帶協勦如帶兵之員遷延遲誤卽據實嚴參將此由六百里諭令知之○諭前據嚴樹森奏沈項匪眾滋蔓親帶兵勇前赴陳州督勦當經諭令該撫俟布置周妥再往歸德本日據賈臻奏擒匪周憲等句結擒首戴魁等圍撲沈邱復分股往沈邱集襲占民寨見挑兵勇數百人卽日親赴西路督勦等語所稱潁西捻匪情形與嚴樹森奏報大略相同賈臻見已親赴潁西督勦惟兵力較單嚴樹森前奏於二十日由省啟程自可卽抵陳州著卽派得力官兵前往沈邱等處會合皖省兵勇實力夾擊毋任蔓前調赴汴之馬隊官兵著卽挑選二百五十名發給槍箭派員統帶赴潁交賈臻籌給馬匹以資調遣將此由六百里諭令知之○子山東陣亡知縣董油等祭葬世職○辛巳諭內閣見在軍務未竣亟須多儲將材以備任使近年帶兵各員如羅澤南李續賓李續宜左宗棠等多係襄隸之士經該督撫保奏朕無不破格擢用該員等效力戎行均已著有成效因思此外或寄迹未僚或衡茅伏處自必不乏才能之士著

各直省督撫虛心諮詢如實有秉性忠誠素嫻韜略堪勝將帥之任者卽著據實保奏送部引見候旨簡用惟不得以盜襲虛聲有名無實之人濫行充數至軍營將弁殺賊立功一經奏聞亦卽立沛恩施優加賞賚其有職分雖卑而謀勇竟能出眾者亦應亟爲簡拔以備干城之選並著各路統兵大臣及各該督撫秉公訪察不拘資格專摺保奏一併送部引見用副朕立賢無方至意將此通諭知之○諭軍機大臣等據常清景廉奏俄國通商抽換羊隻請酌量停止一摺俄國在伊犁塔爾巴哈台兩城通商原約有該商販來羊隻每十隻官爲抽換二隻每隻給布一匹見在抽換羊隻無多且皆瘦小不堪而布價較昂於中國旣無裨益該國蘇勒官來文復有俄國民人喫虧之語目應量爲變通卽行停止以順商情本日已諭知明誼明緒於會勘地界之使卽將伊犁塔爾巴哈台兩城抽換羊隻之事向該國使臣議明停止該將軍等俟明誼等議定之後卽行查照辦理可也將此諭令知之○壬午諭內閣前因浙東團練事無專責當派王履謙幫辦團練並督辦勸捐事宜原以該員於本省情形較爲熟悉於軍務不無裨益茲據瑞昌等奏稱王履謙與派捐各紳富大半親友並未督同勸辦先以疾嫌苛派爲言致各紳富觀望等語王履謙如果徇情庇護親友勸捐毫無成效瑞昌王有齡卽應據實奏參乃僅以王履謙爲人長厚親友冀其關照等語空言陳奏顯係各存意見互相猜忌王履謙督辦勸捐責無旁貸務當破除情面實力勸導以濟軍餉瑞昌王有齡亦不得任令地方官及委員等挾嫌苛派有失民心該將軍等其各共矢公忠和衷共濟毋負朕諱訓諭至意○諭軍機大臣等據王有齡奏甯波設立新關徵收外國稅鈔一摺據稱甯波稅鈔向由上海代爲收納給發免單但無關考成易滋流弊見在已設有新關令外國人幫司稅務應請嗣後凡外國貿易進口稅鈔各歸各口各自徵收所有免單認單概行停止等語江蘇上海關代徵各口稅鈔原因有外國人幫同照料從權辦理見甯波旣設新關且有外國人日意格爲副稅務司自應以各收各口稅鈔爲正辦已諭知辟煥照王有齡所議辦理矣本日官文奏英俄各國商船陸續到漢口英國有領事官金執爾同往俄國船到並未報知來去自由亦無領事官偕來語言不通任意裝載往來莫從理喻等語漢口江路賊氛逼近外國船隻駛赴通商本多窒礙若如俄國之任意往來殊滋流弊且載運貨物亦須遵守條約著奕訢等卽照會俄國嗣後該國商船到漢口務須有領事官偕往來必須報明不得任意裝載往來其各國出口貨稅交納稽查各章程並著奕訢等迅速酌議咨覆官文查照辦理王有齡官文摺片五件均著鈔給閱看將此諭令知之○諭本日王有齡奏甯波設立新關徵收外國稅鈔一摺江蘇上海關代徵甯波關稅鈔原因浙海關徵收各國稅鈔向歸舊關與內地商稅分別稽徵書吏人等無從得其要領從權辦理由江海關代爲徵收見在甯波旣仿照上海設立新關且有外國人日意格司理稅務自應照之稅所有免單認單卽著停止其浙海關徵收稅鈔亦卽照此辦理以清界限而杜影射將此由六百里諭令知之○諭昨據僧格

林沁奏擒匪盤踞鄧鉅已令西凌阿駐紮長溝相機追剿本日據嚴樹森奏曹屬土匪四起十四日考城縣城外望有火光自大韓集以東二十餘團均已隨從擒逆賊馬四五千匹步賊約有數萬邊馬已至考境聲言欲往西竄等語曹州府城被圍曾據聯捷奏報見復蔓反考城勢甚猖獗厥樹森因陳汝軍情緊急業已出省譯廷襄赴東昌督剿亦屬難於兼顧見在西凌阿駐紮長溝距曹州較近著曾格林沁等卽飭該都統領所部官軍相機前進務復迎頭截擊勿任擾及完善之區該大臣如有可派官兵並著酌量添派飭令進援曹州以遏賊勢將此由六百里諭令知之○諭前因田興恕奏粵匪竄擾畢節距川較近當經諭令該大臣飭令派出官軍繞出賊前迎頭截擊毋得徒事尾追本日據崇實奏粵匪撲擾畢節縣城已飭敘永文武嚴密防堵惟川黔以赤水河爲界沿河處處可通並敘州府交界處所上下數百里均須防範兵力不敷分布請飭田興恕多撥援兵前往敘永並由川省接濟軍糈以期將此股賊匪翦除淨盡等語四川省藍李二逆尙未殄除川南見復告警兵勇不敷分布係屬實在情形田興恕已派都司田興發帶楚勇五百人往助川防所有總兵楊嚴實等仍著遵照前旨催令督兵前進務於畢節地方將匪眾悉數殲除毋任他竄儻兵力尙單並著該大臣務當不分畛域悉心籌辦毋稍貽誤將此由六百里諭令知之○諭前因粵匪竄及畢節距川省較近諭令駱秉章於入川後或親赴南路督勦或分兵勦辦斟酌情形辦理本日據崇實奏敘永防兵不敷分布請飭田興恕撥兵助剿並因李藍二逆四處紛竄松潘番匪越嵩夷匪復行滋事儻粵匪復行闖入更難收拾請駱秉章速行赴蜀會同籌辦等語粵匪竄擾畢節本日已諭令田興恕等帶兵會同川兵勦辦駱秉章由沙市啟程計已早抵川境著卽兼程前進與崇實將各路軍務會同籌商分別緩急派兵勦辦以期各匪次第蕩平毋稍遲誤將此由六百里諭令知之○諭據瑞昌等奏常山江山失陷賊逼衢城兼恐旁竄金處一摺已諭令慶端等迅撥勁旅赴浙援勦矣浙江嘉興等郡邑久未克復皖南賊匪復陷江山常山進逼衢州儻令分竄金處勢將逼省廢爛著瑞昌王有齡一面飭令道員江允康等實力防守衢州府城毋稍疏忽一面飛飭張玉良親統官軍星夜前進速解衢州之圍卽將常山江山兩城設法收復不得任令賊匪久踞其金華處州兩府屬要隘並著嚴飭各該地方文武認真防堵毋令匪蹤闖入再瑞昌等另摺奏稱查明平湖乍浦失陷情形已將錫齡阿等交部優卹並將失事各員分別懲處賊匪久踞乍浦勢必由海甯境伺省城根本重地豈堪震動見在曾秉忠等扼紫湫涇新埭等處卽著瑞昌王有齡飭令該提督相機進剿並將海鹽平湖乍浦等處迅圖克復以期漸就肅清將此由六百里諭令知之○諭據瑞昌等奏常山江山復陷賊匪直逼衢城一摺據稱婺源賊匪竄擾浙境三月二十四日常山失守二十五日江山失守匪眾分股撲衢州府城數逾十萬官軍內外夾擊該匪退踞航埠雖經少挫兇鋒難保不併力來犯等語浙江嘉興府城久未克復乍浦失守以後杭紹安寃可危逆匪因總兵曾玉明副將林文察等回閩援勦乘虛復陷常山江山雖經該將軍等派張玉良赴衢勦辦而浙省面面受敵實有力難兼顧之勢閩省地屬鄰封赴援

較近著慶瑞、璣體察情形如汀州一帶軍務稍鬆卽抽調勁旅派委得力大員統帶由政和浦城等處星馳前往衢州一路會同浙軍實力勦辦所需糧餉並著寬爲籌備帶往以利遄行毋稍延誤將此由六百里諭令知之○諭前因嚴樹森奏山東館陶縣之館陶集爲賊竄踞豫省漕船不能開行當經諭令譚廷襄飭令帶兵各員將該處賊匪殲除淨盡迅催沿河上下游船隻赴楚旺受兌茲復據嚴樹森奏山東土匪盤踞濮州附近匪徒從而響應館陶朝城鄆鉅一帶偏地皆賊范縣又有另股渡河西竄賊馬駛至楚旺經兵勇擊退近聞過黃之賊又有數千股數愈多運道阻隔漕船萬難開行等語山東濮范等處匪徒陸續渡河深入直境偪近臨漳內黃滑濬一帶意圖肆掠完善窺伺楚旺東境河岸已爲匪徒往來熟徑必須趕緊剿除以固畿南門戶譚廷襄前派出防河之署總兵郝上庠知府童正詩等會同布置著卽飭令將鄆城范濮等處迅速捕剿淨盡毋任久踞河岸來往自如是爲至要將此由六百里諭令知之○予浙江陣亡總兵官王之敬祭葬世職建祠副都統錫齡阿等祭葬世職○甲申江西巡撫毓科奏動用應解浙餉得旨應解鄰封協援各餉已委解有人尙敢擅自截畱卽使道路有梗亦應設法迅解乃不顧他省止知自顧吾圉可見汝等外官畛域之見萬難稍釋毓科著文部議處○予江西陣亡同知胡德璜等祭葬世職○丙戌諭內閣前內副將格洪額在盱眙軍營被弁兵戕害當經降旨令袁甲三查明有無激變別情並首犯方保暢等下落詳細具奏茲據奏稱格洪額平日待下極嚴控制失宜以致激變尙無另有別情等語副將格洪額旣據查明並無激變別情著卽毋庸議首犯經制方保暢斂斂尙無實據並同謀見無下落之同知銜候選知縣栗祥把總李松山王玉鳳柳玉春均著先行革職文袁甲三嚴拏務獲從重懲辦格洪額文案委員江蘇候補知縣王連簪一併革職俟緝獲後訊明如有通賊情事卽著從嚴懲辦○諭上年勝保奏請飭崇恩赴營降旨令其隨同辦理軍務見在該大臣赴直隸冀州一帶勦匪崇恩係見任京堂旣非幫辦之員又非差委各員可比況該員曾任山東巡撫辦事未洽輿情若勝保帶赴山東勦匪於軍務亦無裨益太常寺少卿崇恩著卽回京供職○諭據袁甲三奏勦辦靈泗等處捻匪獲勝一摺捻匪竄擾泗州靈璧等屬並勾結土匪紀遇漋等聚於界溝集日肆鳴張袁甲三派令總兵張得勝等由五河渡河直趨賊圩四面環攻匪眾惶惶出拒官軍槍礮齊施先將鄧賢安賊圩攻破附近之紀遇漋賊圩及丁圩出賊援應被官兵截擊賊圩同時攻破殲匪二千餘人生擒三百五十六名匪首紀遇漋被獲正法其河西股匪併入張家圩參將于殿甲等帶兵會合進攻圩賊與援賊勾結紛撲官軍併力鈔擊殺賊一千四五百人著袁甲三晉飭帶兵各員乘勝搜剿毋任分竄此次出力員弁兵勇著袁甲三先行存記彙案奏請獎勵○諭軍機大臣等前因聯捷奏東省匪勢猖獗請飭勝保分三路進剿當經諭令該大臣酌量派兵前赴東省會合勦辦茲據譚廷襄奏稱親赴桂平督勦東昌臨清賊往並憂諭前派正定鎮兵及伊綿阿成祿所帶官兵馬隊酌量撥匪均得勝仗惟東昌之南阿城七級陽穀壽張等處屯匪甚眾曹屬各縣更不待言如勝保由邱縣等處分起前進則東昌西南北三路之匪必皆分竄東面兵勇單薄惟有盼望前檄直隸之兵迅速前來等語東昌曹州等處匪徒充斥譚廷襄僅帶兵二三千名

曉赴茌平督勦恐賊保分兵南下東路兵單防其分竄亦係實在情形本日據勝保奏稱邱縣冠縣賊勢不至復張擬令成祿帶兵二千餘名徑赴大名再以徐廷楷所帶一千名會同王榕吉兵勇防勦邱縣一路已飭伊綿阿由鄭家口等處進逼以清臨清附近餘賊原爲過賊竄入直境起見惟東省兵勇旣單團練難以持久必須統籌全局以免顧此失彼著勝保體察情形如直境漸就肅清兵力可以分援卽著量派赴東路扼要處所會同譚廷襄所帶之兵合力勦辦使該逆無路紛竄以期就地殲除斷不可稍存畛域之見將此由六百里諭令知之○袁甲三奏接翁同書來函該前撫交卸後因士民攀留未能啟程而苗沛霖率大隊復於九里溝築營二十餘座長圍掘濠以困壽軍前敵營盤四月初八日米糧軍火俱缺立足不住乘夜退回城下初九日苗練出隊耀兵直抵南門放場東西排列十餘里數約萬人壽軍未與交仗隨卽撤退是夜忽有馬步大隊由九里溝直趨城下喧傳徐練援軍該前撫登城瞭望馬隊約千餘人步隊約萬人多係長髮並帶橐駝十餘隻知係由山東竄回捻匪急令閉城斷橋偵知此股本係徐立壯勾結而來復聞爲苗沛霖句通約爲內應人言藉藉虛實固不得知而大敵在門隱患在闔情形萬分危急並據另函稱苗捻均有願撤之信恐皆叵測等語臣接閱愈加焦憤見在臨營兵勇爲東北捻匪牽掣兼以日久無餉未能派檄前往雖飭署藩司張學醇督練數千嚴防正陽一帶而賈臻接印後未知進剿何處壽城被困日久若再苗捻勾合爲患何可勝言相應請旨飭催賈臻迅由穎郡督帶練勇並調集正陽兵勇前往相機妥辦再臣營參將許保清與苗營副將苗天慶本係舊識彼此交談被苗天慶強攜之去勸其親見苗沛霖此事自有轉圜頃據許保清稟稱苗沛霖自壽州給伊來信請報警後兵練合爲一家再圖勦賊屬其靜候面談究竟其意如何尙難臆斷又奏正在繕摺間接上游密探苗沛霖已將所受粵逆偽印僞衣燒毀雖聲言必須攻破壽州而大隊逐漸撤回下禁亦無與捻逆句通之事如果屬實似尙有挽回之機臣已密令其同事之人隨時設法開導以冀就我範圍上諭苗沛霖藉口報復屢次圍攻壽州叛迹顯然雖據探稱所受粵逆偽印等榮已銷毀而聲言必須攻破壽州仍屬心懷叵測該大臣此次奏報於應勦應撫毫無把握值此苗練橫恣壽州危急亟應設法籌辦豈得以臨准兵勇日久無餉未能派檄前往爲詞意存推諉著袁甲三仍遵前旨駐紮臨淮卽行確探苗練情形如果大隊已回下禁其暫畱許保清係爲轉圜起見自應乘其悔悟亟加開導令其速爲反正以首兵力儻反覆無常仍欲攻取壽州卽調派官兵星馳赴援毋任壽州閹城生靈慘遭荼毒該大臣身膺重寄諒不至始終推諉有負委任賈臻見署安徽巡撫亦斷無專顧頴西一隅之理著卽將苗沛霖尋仇一事究應如何辦理會同袁甲三悉心籌酌據實奏聞翁同書業已卸事該署撫一俟頴西歲事卽行馳赴壽州以資鎮撫不可稍涉遲緩致誤事機將由六百里各諭令知之○追于安徽陣亡知州鄭沅建祠○丁亥諭軍機大臣等據玉明等奏搜捕餘匪追至吉林邊界一摺據稱協領恩合帶兵嚴搜匪首才賣善劉名得徐洛紅等四月初五日跟蹤追至八面城地方沿途殺斃城匪十五名生擒九名該匪出邊後其分竄各股又復合聚土匪約有三三百名到處搶馬更換逃竄見已過八面城等語朝陽餘匪逃過八面城該處東北卽係

吉林邊境必須迅速堵截以免該匪紛竄景滄見已啟程查勘地界著麟瑞嚴飭弁兵伺賊所向迎頭截擊與協領恩合所帶官兵前後夾攻務令悉數擒獲盡法懲治毋任漏網將此由六百里諭令知之○是月展緩廣東連平等七州縣被擾地方蠲緩山東汶上鄉城二縣被擾村莊浙江臨海等三十三縣被災新舊額賦貸山西保德等十七州縣應還穀石咸豐東華錄一百

五月戊子朔諭軍機大臣等前因四川省各路軍務喫緊諭令駱秉章兼程前進與崇實會商勦辦本日據崇實奏稱川省官兵不能得力湖南湘果名營不敷分布駱秉章駐紮重慶恐軍心日懈且川西賊勢既張恐川東亦難扼守請飭該撫速赴上游督率川楚兵勇兜勒戒事後再行規畫東南其餉項卽督同藩司悉心籌畫等語四川藍李一逆前據崇實奏稱於簡州射洪等屬四處紛竄官軍勦辦雖尙得手究未能速爲撲滅駱秉章若駐紮重慶深恐川西屢爛卽川東不能獨完自屬實在情形著駱秉章遵照前旨督率黃湧熙等所部官軍兼程前進剋日馳赴省城會同崇實將川省軍務通盤籌畫妥爲辦理毋得專顧川東一路其所帶兵勇應需餉項卽著崇實寬爲籌備毋令缺乏將此由六百里各諭令知之○塔爾巴哈台參贊大臣明緒等奏查明阿勒坦沙拉父子並無下落得旨仍著密爲訪查實在下落前據綽坦稱係該汗已投俄國是否實有其事抑係自相殘害○己丑諭軍機大臣等瑞昌等奏壽昌失守嚴州蘭谿突厥見調兵勇堵勦一摺江山常山賊匪跔伏未動華埠之賊復竄陷壽昌縣城其由蘭谿竄擾金華固屬可虞而由壽昌以至紹興杭州均屬一水可通匪蹤尤易闖入是此時派兵堵勦惟嚴州最爲緊要該處僅有副將陳步高一軍合之該將軍等派往之副將貴廷芳等礮船兵力殊屬未厚據稱張玉良行抵衢州聞警回援已至大洋洋尾埠一帶力扼下游該提督屢挫之餘是否足恃且由衢州折回已成尾追之勢亟應由省調撥重兵迎頭扼截著瑞昌王有齡悉心籌酌如令提督饒廷選前往嚴州一帶將防勦事宜督率辦理與張玉良一軍互相聯絡更爲安善該匪旁犯蘭谿意在窺伺金華紹興卽著飭令張玉良嚴密堵截以保完善江常踞匪可以夾攻衢州並可分擾處州府遂昌龍泉等縣並著瑞昌等嚴飭該處文武各員實力防範不可疏失前降旨令候補總兵李定太幫辦徐宿勦匪事宜著該將軍等迅飭該員兼程前赴徐州毋許遲誤將此由六百里諭令知之○予浙江陣亡知縣劉職等祭葬世職○庚寅諭內閣群燒奏官軍分路勦賊屢獲大勝金山肅清一摺逆匪由乍浦分股直撲江蘇金山衛城經群燒飭令副將膝嗣林等帶隊迎勦進逼賊巢擊斃黃衣賊目二名擊沈賊船十餘隻我軍追過平湖所屬之全公亭收隊時有另股賊匪突撲金山所屬之廓下鎮官軍先將水路賊匪擊退並分路進攻陸路賊匪擒斬甚多賊竄呂港曾秉忠督飭水師奮勇環攻賊眾敗潰立將廓下鎮賊卡埽除淨盡其獨山全公亭等處賊匪並新倉鎮踞匪均經官軍練勇擊退大泖塘逆匪偷搭浮橋經曾秉忠督飭水路各軍四面兜勦先將浮橋拆毀仍督軍進攻擊斃黃衣騎馬賊五名內有逆首雋頂天侯一名生擒長髮賊四名蘿沈賊船數十隻淹斃賊匪不計其數該逆自焚浮橋而遁我軍直追過河將該逆營卡全行踏毀金山境

內一
外一
各生擒長髮賊四名高沈賊船數十隻淹斬賊匪不計其數該逆自焚浮橋而退我軍直追過河將該逆擣卡全行踏毀金山壠

力員弁兵勇著辭煥查明彙入歷次存記案內擇尤保奏其團練紳董一併彙請獎勵陣亡兵勇民團卽著查明咨部議卹○于江蘇殉難刑部員外郎蔣錫龍等祭葬世職○辛卯諭軍機大臣等本日據恭親王奕訢等奏普魯斯聲稱廣東潮州府城開辦通商領事官欲往府城惠潮嘉道不令進城並呈遞照會請飭廣東督撫酌量辦理等語已諭知勞崇光體察民情遵照條約酌量辦理矣奕訢等總理各國事務如各省督撫辦理外國事務有未盡妥協之處經該國公使呈訴卽當酌量事之輕重札飭各該督撫遵照施行一面奏聞使各國知總理衙門事權較重遇事可以代爲辦理若因該國所請事事降旨不但無此體制且恐各國視總理衙門不過僅能轉奏必啟輕視之心於事無益嗣後各國公使如求奕訢等奏請諭旨卽告以應由總理衙門札飭各督撫遵照條約辦理則呼應較靈亦可杜無厭之請特此諭令知之○壬辰僧格林沁國瑞德楞額奏捻匪分兩股業已竄回老巢一股竄至鄆鉅一帶因曹屬會匪羣相蠹動意欲勾結南捻占踞金鄉四月十三日捻首胡四趙浩然帶馬步捻匪譖擁而至該縣知縣錢廷煦率領民團登陴固守並與都統西凌阿知府趙康侯會督兵練內外夾擊該匪由西南竄去十四日全數竄出東境西凌阿等折回鄆鉅二十一日探得馬家園子有土匪二千餘名西凌阿等卽督帶馬步兵勇前往進剿捻賊一千六七百名其日月屯之匪亦被擊敗西凌阿回駐長溝鄉縣教匪恃險抗拒官軍用礮轟擊斃賊不計其數該逆由山坡及坪內三路擁出經臣德楞額督帶協領色爾固善等復斃賊數百名該匪被剿窮蹙情願投誠二十七日據逆首宋繼明遣人來營呈遞稟詞尙屬真切臣等卽仰體皇仁開其自新之路准令投誠藉散脅從所有臣等各營馬步官員兵勇自去歲以來身經數十仗其中勇敢向前臨陣傷亡者俱屬可嘉可憫容俟查明再行辦理至勦辦曹屬逆首劉占考一股尙覓兵單查已革濟東道黃良楷尙稱勇往所募之勇亦屬得力臣等飭令前赴曹屬隨同西凌阿合力進剿上諭內閣撫臣被勦竄出東境並官兵勦辦鄆鉅會匪鄒縣教匪屢獲勝仗各該地方漸就肅清惟曹州府屬匪首劉占考等尙在嘯聚著該大臣等嚴飭將弁迅速勦辦毋稍延緩所有打仗出力及臨陣傷亡各員弁兵勇均著僧格林沁等查明辦理○署安徽巡撫賈臻奏壽州危急請飭袁甲三援應得旨近已有旨令汝相機前進速抵壽城一面與袁甲三會勦該大臣屢欲抽兵親赴北路迹近推諉已嚴旨諭止矣又奏請委才字和辦理潁州糧臺批俟抵壽州後仍應歸備以節糜費又奏請將山西解餉委員王致泰給還頂帶又批道路有阻亦應設法前進若皆以遲滯有因爲詞其何以示懲戒所請著不准行○以張運蘭爲福建按察使由河南開歸陳許道遷○癸巳諭軍機大臣等本日田在田奏官軍自攻克奶奶山後卽派兵馳往灰石堆寨連日攻勦賊勢已窮正擬併力圍勦而苗練句結捻逆沿滄東竄並句東省回竄捻逆由北雙溝一帶至欄杆山夾溝等處牽我北路之師倉里藍旗甫退又有黑旗捻首趙克元等糾眾數萬圍攻高王山等圩向符離大營攻撲並分擾濉口宿州城外圩寨受傷人心搖動聲援斷絕徐郡門戶洞開請飭僧格林沁迅撥馬步兵勇會同勦辦並稱苗練又句毫蒙捻眾三四萬圖斷宿

城餉道使其內潰卽撲徐州各等語徐宿爲北路藩籬苗練句結捻眾圖斷宿城餉道長驅攻徐情形極爲詭譎宿州兵勇僅止數百名不敷勦辦設有疏虞則徐郡亦難獨支必至蔓延東省此時捻逆甫經回巢勦辦匪亦漸有頭緒儻苗練句結捻匪竄擾徐宿或東路苗捻聯合則東至靈璧泗州南至懷遠臨淮均爲賊藪勦辦愈形棘手著僧格林沁西凌阿國瑞酌量情形如官兵可以抽調卽迅速酌撥馬步官兵三四千名派令得力大員統帶前赴徐宿會同田在田分投勦辦將泗睢邳宿之匪相機攻勦並設法疏通餉道卽可援應徐宿保衛山東於防勦機宜較有裨益諒該大臣等必能統籌全局斷不存畛域之見也將此由六百里諭令知之○翁同書奏四月初五六等日苗練增營二十餘座圍困前敵官軍隔絕糧道初九日苗營列隊萬餘人由九里溝布陣至東津渡是夜忽有兵馬萬餘聲言徐立壯來援直逼城根臣恐有詐僞惟將徐立壯縋城而上初十日臣扶病登城見旗幟如林悉係長髮捻匪聞由山東敗回知其意存叵測經署壽春鎮總兵黃鳴鑄偵探賊情實欲圖占壽州因復申嚴號令閉門斷渡城內居民皆授兵登陴該匪在城下數日並未與苗營交仗苗練亦不出隊聞該捻首葛小牛爲徐立壯牽率以來而苗營陰與通謀坐觀其變十三日該匪密謀糾約內應同時撲城臣令兵民布滿城堞通宵警衛賊知城中有備計不能遂至十五日捻眾始全行退去查徐立壯此次句串捻逆圖占壽城罪不容誅未便以苗練未退稍稽顯戮一面先委壽州知州任春和等將擅殺起釁之孫家泰鎖拏監禁一面傳集文武於二十三日將徐立壯擒獲正法並誅主謀之徐立言及隊目數人赦其脅從之黨與一切不問以安反側此時內患旣清可以專心守城苗沛霖聞臣此舉亦可折服其心免使藉口或能翻然悔悟早自撤退以紓壽城之禍亦未可知但得州境稍安臣卽當起程北上其孫家泰旣經監禁業已飛咨袁甲三賈臻派員訊辦上諭苗沛霖擁眾圍攻壽州本以孫家泰徐立壯藉口見在徐立壯句捻襲城業經翁同書擒獲正法孫家泰亦經就獄著袁甲三賈臻卽嚴飭張學醇等前往壽州將革員孫家泰擅殺啟釁一案秉公審辦務期毫無偏袒並招撫苗練以徐立壯業經正法孫家泰擅殺一案亦派員審辦自應將圍攻壽州之練卽行撤退如能自知悔悟協助官兵勦捻不妨寬其旣往暫事羈縻設不候查辦仍勾結捻匪肆行擾掠則是自外生成斷難稍涉遷就惟該練人數眾多袁甲三等必須先將督從之眾設法解散使苗沛霖之勢漸孤自無難於殲滅亦未可鹵莽從事致釀巨患本日據田在田奏苗練句結捻逆沿滻東竄奉我北路之師又有黑旗捻首趙克元等率黨圍攻高王山等圩圖撲符離大營並分黨於灘口一帶攻督各圩夾溝符離各營兵勇無多城外圩寨受傷人心搖動又勾結毫蒙各捻圍攻宿州餉道斷絕請飭僧格林沁撥兵會勦等語本日已諭令僧格林沁等酌量情形迅撥官兵前赴徐宿會勦苗沛霖與團練尋仇圍攻壽州本日據翁同書奏徐立壯業已正法孫家泰見在監禁苗練能否解圍尙無把握此臨淮仍當兼顧北路派兵援應方爲妥善將此由六百里諭令知之○諭田在田奏苗練句結捻逆沿滻東竄奉我北路之師又有

前赴除宿會勦苗沛霖與團練尋仇圍攻壽州本日據會書奏余立壯業已正法係家奏見任監禁苗練能否解圍句無把題比

次句結捻逆圍攻徐宿若不妥爲辦理恐與壽州同出一轍信格林沁等能否派兵援應尙未可定著田在田吳棠會同商酌將苗練黨與設法解散以孤其勢其受逼各奸泰既不免首鼠兩端尤當竭力開導以期固結人心毋令爲匪黨所脅道尤關緊要更須設法疏通以冀保全大局將此由六百里諭令知之○吏部遵議熱河道福庫等處分得旨若論兼轄統轄道府皆爲兼轄都統則爲統轄若論事關軍務何以同案處分不惟畱調區別而且一含混一聲明不准抵銷意存軒輊殊不平允不知爾部是何意見似此特旨另議要件尙敢如此蒙混殊屬有乖職守姑念此係初犯暫免褫職除杜翰基溥未隨同盡橐外其餘在京吏部堂官均著嚴行申飭其本案處分靈杰著改爲降四級畱任福厚照議降二級畱任俱著不准抵銷此摺並硃批著發鈔○甲午諭內閣嚴樹森奏請飭各省督撫各路統兵大員不准擅調官吏等語近來各省州縣等官紛紛調營難保非因缺分瘠苦希圖脫卸或規避處分甚至虧空之員例應勒追監追者亦謀調營藉圖延宕於吏治庫款大有閑繁應如何嚴杜取巧以示限制之處著吏部悉心安議嚴定章程○諭軍機大臣等前有旨令山東在籍之前任雲南提督傅振邦督辦民團辦理登萊青三府防堵事宜茲據御史汪兆堅奏登萊兩府地勢平行防守不易青州尙有津要可防而沂州尤爲東省門戶請飭傅振邦兼辦沂州團防並請飭將登萊青沂各營弁兵悉歸調遣等語沂州南接淮海西近兗泰北連青萊上年逆捻竄擾兗州等處本年竄擾青萊等屬均由沂州回巢是該府實爲東省門戶且林陵闡等處有險可守前派之道員莊瑤年逾七旬難期得力自應派令傅振邦兼辦以資保衛惟登萊青沂四府各營官兵悉歸該提督調遣以本籍大員調遣各營弁兵有無窒礙著諱廷裏酌量情形妥籌具奏原摺著鈔給閱看將此由六百里諭令知之尋奏傅振邦毋庸兼辦沂防報聞○諭本日據嚴樹森奏毛昶熙派令在籍知縣張時中帶同李占標等往衛輝募勇李占標等遂於獲嘉縣忠和鎮地方豎旗聚眾肆行搶劫並有牛有金等在新鄉縣小冀鎮斂錢糾人與忠和鎮犄角見已派兵勦辦等語李占標等以聯莊會在逃人犯何以毛昶熙輒行賞給功牌畱營差遣復派令隨同募勇以致聚眾滋事已降旨將知縣張時中革職並將毛昶熙交部議處矣該犯李占標等見已聚眾千餘有起事攻城圖報前仇之說並有小冀鎮匪徒與爲響應設竟釀成巨患恐蹈聯莊會覆轍嚴樹森已派河北道王榮第帶兵前往查拏即著飛催前進務將首犯李占標等按名拏獲盡法懲辦該匪等係在毛昶熙軍營之人並著刻卽遣派得力大員酌帶官兵前赴獲嘉一帶會同王榮第迅速辦理務須設法解散脅從之眾以孤匪勢使首要各犯得以迅速就擒毋令蔓延將此由六百里各諭令知之○河南巡撫嚴樹森奏馳抵陳州布置情形得旨告示已覽汝自縣令出身於民間情形經練已久然州縣爲親民之官於一切示諭不妨詞語俚鄙以期家喻戶曉至封疆大吏自有體制若遇事皆似此四言韻語殊屬不成事體此則成事不說嗣後宜恪遵向章以崇體制又奏河北捐輸統歸豫省委員辦理批前既有旨甚爲明晰原應歸河南委員一手經理朕之諭旨非爲汝等排解之具也○實授瑛棨陝西巡撫以吳春煥爲陝西布政使王承基爲陝西按察使由督糧道選○乙未都興阿奏揚防一軍介在南北水陸之中當湖西突擊時飭都司馬步雲

等礮划嚴防高邵湖面並調遊擊石皓一軍駛入湖西以遏東竄與總兵黃開榜水師互爲接應其陸路高郵一帶奸匪溷迹居民擾惑則調遊擊常勝帶領義勇馳赴高郵城外助剿四月初一至十三等日王萬清會同水師渡湖進剿連敗賊於僧道橋等處賊壘悉平儀徵之賊經總兵詹啟綸等分路攻勦連敗賊於金家大橋等處十八日賊匪廣至揚州西北鄉一帶後路馬步賊連亘數十里意在撲取瓜揚臣於十八日親帶遊擊刁經明協領杜嘎爾馬隊一起共二百餘騎向城西北一路察探遙見賊旗分布列隊前進約有萬人當令杜嘎爾督飭馬隊迎頭衝擊營總莫爾賡額帶親兵馬隊由南路鈔擊臣與刁經明督小隊在後接應一齊進攻賊匪猝不及防紛紛敗退官軍奮勇衝殺槍箭齊施斃賊二三百名生擒二十七名二十一日復傳集各營會商定計分路齊進賊匪傾巢而出拌死抵禦我軍馬隊衝擊賊勢稍卻刁經明等由中路直擣賊匪大股左衝右突殺斃悍賊甚多杜嘎爾率領馬隊陷陣衝擊殺斃黃衣賊目數人該逆始紛紛潰退我兵馬隊齊進分投追殺屍橫偏野投赴溝塘消斃者無數守壘賊目均燒斃無遺馬隊追殺三十餘里詹啟綸等復將甘泉山等處賊壘三十餘座悉行踏毀生擒七百餘名斬馘約數千名刻下郡城安堵惟天六踞逆患在肘腋續探賊首僞英王帶領馬步賊黨四五千人由九洑洲過江已抵六合難保不句結黨與復覬揚州臣仍分飭各路嚴爲之備此次賊氛內犯臣深慮兵力太單請援莫及大局危在呼吸幸將士效命力挫兇鋒轉危爲安在事出力文武員弁可否容臣擇尤保奏之處出自 鴻慈 上諭內閣此次大股逆匪攻撲揚州經該將軍分路布置竟能以少勝眾大挫兇鋒辦理甚爲得手在事出力文武員弁著准其擇尤保奏候朕施恩○諭軍機大臣等前據劉源灝奏懇赴京請訓當經諭令不必來見趕緊前往雲南本日據徐之銘奏調任巡撫鄧爾恆行至曲靖府被賊戕害一摺並將曲靖文武原稟鈔錄呈覽鄧爾恆自滇赴陝經徐之銘派撥兵練護送行抵曲靖在府署偏院居住署知府唐簡等既知府署不甚嚴密欲派兵練巡查何以輒復中止竊盜拒捕傷人固屬常有之事惟鄧爾恆係屬大員又自稱行李無多何至輕身堵門喊捕卽謂該犯李寶係因懷恨故將該撫殺害然昏夜之中何以知堵門喊捉之人卽係該撫且知李寶之殺該撫實爲挾仇起見在場各犯旣已就獲該府等自應迅速解首聽候審辦何以遽將該犯正法以致無可質對鄧爾恆旣畱兩僕在內伺候則被害情形均應目擊何以並未取有供詞細閱曲靖文武原稟情節種種支離殊多疑竇徐之銘並未駁斥輒行據稟入奏以大員被戕之案並不徹底嚴究輒草率了事實堪詫劉源灝於接奉諭旨後著卽將鄧爾恆被害情形密速訪查據實詳具奏務期水落石出不准稍存徇隱消弭之見再徐之銘奏遵查述西道宋延春由楚雄回省情形一摺僅據該道宋延春稟稱因楚雄府城被陷例有處分回省聽候查參並無逃避情事具奏亦屬含混並著劉源灝將宋延春於楚雄被陷後如何回省有無逃避情事確切查明嚴行參辦以儆官邪徐之銘摺二件並曲靖文武原稟著鈔給閱看將此由六百里諭令知之○于江蘇陣亡知州吳樸祭葬世職○丙申諭軍機大臣等張亮基奏請飭發捐照作爲募練經費一摺據稱近日濱省回練俱形猖獗擬在川楚募練數千名帶赴雲南請頒發捐照五千張作爲募勇經費並將官職虛銜各

數開單咨部等語本日已諭令戶部將捐照如數頒發並解往鶴峯州交張亮基收領矣此項捐照一經解到著即於楚蜀一帶照雲南省奏定捐米章程辦理捐務卽將捐項作爲募勇經費俟練勇募齊卽日統帶啟程前往雲南遵照前旨幫同劉源灝將回務妥爲辦理並將澂江等處滋事之線分別勦撫毋任延蔓將此由六百里諭令知之○曾格林沁西凌阿國瑞奏鄧縣教匪宋繼明等悔罪投誠後當飭四鄉居民各歸本業臣等帶兵駐禁土莊飭署兗州府知府來秀等節次前往催其作速歸農茲據宋繼明等屢向來秀哀求以大兵駐禁切近歸鄉男婦皆懷畏懼不敢下山懇將大兵暫撤即可歸鄉不敢稍有遲滯等語正在辦理間旋據單縣魚臺等處稟報南捻趙浩然又裝旗出巢在豐陽一帶游弋未審所向曹屬各處聞此警報良民不無心慌匪類恐愈忠蠹動東昌等處匪徒雖經譚廷襄帶兵進剿獲勝究屬賊眾兵單前經咨請撥兵助勦權其輕重亦應先顧北路藩籬乘宋繼明等哀懇撤兵之際即可分兵前往以安其心五月初二日將馬步各隊由土莊撤回鄧縣一面派員曉諭宋繼明等知我大軍撤回是日卽紛紛下山所有安撫事宜委來秀等安爲經理並令署兗州鎮總兵雙齡帶領本鎮官兵二百名在彼彈壓臣等卽由鄧縣帶兵駐紮長溝與臣西凌阿商辦曹屬黃河南北兩岸土匪事宜河北賊匪見擬臣西凌阿統帶黑龍江各起馬隊共一千餘名於初五日由汶上東平一路馳赴東昌會同譚廷襄所帶官兵合力進剿以期早清北路至曹屬會匪勾結各處土匪肆行滋擾擬飭翼長舒通額等帶領馬步兵勇駐紮鉅野相機進剿仍由臣等張貼告示諭以利害令其改過日新散其脅從分別辦理報聞○丁酉楊載福奏首逆陳玉城率大股悍賊來援安慶闖入集賢關三月二十日於菱湖北岸修築營壘城內之賊出隊接應妄湖南岸並有船隻往來仍分股散踞閩外以阻官兵二十二日賊正在湖中接渡臣派參將蔡國祥率領礮船追擊該逆齊放槍礮抵禦蔡國祥進攻益力奪獲賊船十餘隻二十五日守備郭明鼇率親兵前營礮船搜巡內湖奸細行至呂家橋見該逆擄駕竹木簰數十架郭明鼇揮令各船開礮衝擊該逆抵敵不住紛紛棄簰登岸郭明鼇帶隊疾追直攻山下賊卡賊勢不支棄卡逃竄我軍收隊回船當將竹木等簰概行奪回二十六日臣督帶參將周萬倬一軍親至湖東該逆先於夜間築成半邊月牆一座尙未踞守臣當令拆毀周萬倬並毀湖邊賊卡一所因會商統領曾貞幹派勇在湖觜趕築一壘以當其衝使該逆不敢逼近水陸營盤正築壘間賊眾蠭擁來撲我軍一面抵敵一面築壘賊亦一面攻撲一面添修礮臺並於菱湖兩岸加築多壘二十七日派參將唐學發率水軍擡礮登岸周萬倬領陸隊同入湖觜新壘併力扼守該逆新添各壘均密架槍礮阻我舟師進攻之路舟師出擊必須衝過該逆兩岸礮臺傷亡甚勇頗多四月十一日總兵鮑超成大吉兩軍會攻關外賊營臣帶同總兵王明山等四營三板並周萬倬陸隊前往助勦繞入石門湖登岸至赤岡嶺該處逆壘四座鮑超等軍勇敢爭先直撲在前三壘揚占鼇等會同周萬倬合擊在後一壘數次撲過賊濠搶拔木椿踊躍將登賊壘礮石如雨官軍傷亡過多未能得手查該逆首陳玉城全力援皖勢在抵死爭抗賴鮑超等軍雲集閑外自應設法攻取見飭楊占鼇等駐守石門湖就近協助臣仍往來照料不敢稍有疏忽又奏髮迎赴援安慶臣分派水師扼要嚴

防駐禁舊縣之副將李朝斌等六營於二月初十日攻毀神塘河賊卡焚毀沃荅洲賊匪屯草數萬堆乘勢攻破曰茅觜賊壘並燒賊卡一座三月初五日李朝斌丁泗濱二營擊賊於荻港彭楚漢一營敗賊於魯港十三日李濟清彭楚漢羅進賢等三營會合該處團練復擊魯港內之賊折斷馬埠浮橋踏平逆壘二座斃賊不可數計生擒二十七名燒毀賊船三十餘號副將何瑞祥率親兵左營於初十十四十七等日擊敗股匪於無爲州屬之姚家溝等處均有斬擒焚毀浮橋一座二十一日會合該處團練擊破仁豐圍之賊殲斃數十名生擒長髮老賊十名正法攻破李壩橋賊卡一所參將陳代友等率正左等營於二十三至二十五等日由練潭進剿折毀浮橋四座與多隆阿馬隊水陸夾擊斃賊極多四月初六日賊眾千餘復竄練潭我軍帶隊追剿殺賊目共天福一名餘賊百餘名查水師分防各路兵力甚屬不敷幸將士均能用命無或疏虞臣仍隨時訓飭益加奮勉報聞○戊戌諭內閣御史朱潮奏請申嚴軍律一摺用兵以來時逾十載耗竭帑項供應軍糈而逆賊未平且益延蔓總由地方大吏不知固結民心統兵將帥擁兵觀望不以剿賊爲事如該御史所陳玩泄情形均屬切中時弊實堪痛恨朕兢兢業業宵旰不遑豈忍斯民久罹水火各路統兵大臣及督撫等既已貽誤於前此後務當激發大貞克振軍威埽除賊匪儻再遷延貽誤致令賊匪攻陷城池肆擾地方朕惟執法從事不能再邀寬典至軍營將弁或帶兵勦賊或派往應援往往有心玩誤此等畏葸無能之員卽應立予正法以儆其餘乃該統兵大臣不過將該員等參革畱營希圖開脫並未從嚴懲辦以致紛紛效尤軍令何由而肅嗣後若敢徇情見好不卽據實嚴參一經查出定將該大臣等一併治罪決不寬貸其失守地方人員如已革浙江嘉興府知府張玉藻久經奉旨正法乃瑞昌等以潛逃無蹤一奏了事雖經嚴行飭緝並未報獲尙復成何事體著瑞昌王有齡及各直省督撫仍遵前旨將張玉藻嚴拏獲卽行就地正法毋任漏網並著各該督撫等督飭各該地方官於守衛事宜實力講求以期有備無患儻賊至輒行逃避惟當按律定擬罪名以伸國法不得以革職隨營效力或隨同收復城池等詞奏請免罪經此次嚴諭之後各路統兵大臣等如仍前玩泄不思振作則是自貽伊戚朕亦不能爲之曲宥也將此通諭知之○諭文煜奏遵查接遞軍報遲延各員請分別嚴議議處並開單呈覽一摺直隸定州接遞貴州提督田興恕由六百里加緊摺報遲至三刻有零非尋常延誤可比定州直隸州知州汪鳴和著文部嚴加議處河間縣遞送山東巡撫譚廷襄等五百里等摺報與下站任邱縣交收不符著文煜查明究由何處遲誤從重參辦河間縣知縣壯築之濱寨增建碉樓礮臺同時並舉並明定操演徵調章程辦理尙爲妥協見在開封歸德陳州許州南陽汝寧光州河南陝州汝州各府州縣辦團業已一律報齊並屢次會合官兵堵勦竄匪屢獲勝仗著有成效所有在事出力官員紳董著嚴樹森毛昶熙鄭元善會同擇尤保奏其隨營官員紳士毋得濫行保奏○諭軍機大臣等前據田在田奏苗練句括捻逆竄擾宿州圓撲徐州當

經諭令僧格林沁等酌量派撥馬步官兵三四千名速往援應本日據吳棠奏稱後股捻逆領巢悉至宿境不下六七萬人奶奶山等處均爲匪踞宿營本無存儲餉道復行阻塞且與徐州文報不通業已旬餘徐城兵勇僅二千餘人蒙村烈山兩營被圍以後大股捻逆擾及郡城西路碭山各寨復被捻擾徐州亦將四面受困請速撥大兵救援等語徐宿捻勢鴟張且有收麥以後攻圍徐州卽行長驅北犯之謠亟應速籌援救見在山東情形較鬆兵力諒可分撥徐宿爲南北要衝斷不可令捻匪竄踞著僧格林沁西凌阿國瑞卽著撥馬步官兵派委得力大員統帶前進剋日馳赴徐宿分投救援以杜該匪北竄之路將此由六百里諭令知之○諭前因苗練句結捻匪圍攻宿城田在田兵力較單當諭袁甲三派兵援應茲據吳棠奏探明宿城被困餉道阻塞徐州存營兵勇僅二千餘人不能派往策應請添撥重兵救援等語宿州捻逆彼猖狂在田隔絕南路吳棠不能救應袁甲三雖未能遠離臨淮而徐宿兩城坐困且係臨淮後路設有疏失關繫南北大局本日已諭僧格林沁等派兵援應而山東東昌等處匪徒尚未埽除能否分兵徐宿尙難豫定著袁甲三仍遵前旨迅速派撥勁兵卽飭令總兵張得勝趕緊統帶馳往徐宿一帶會同田在田迅將此股捻匪痛加勦洗以解城圍毋許遲誤將此由六百里諭令知之○諭恭親王奕訢等奏各口關稅見當開辦之初總理稅務司赫德來京所議章程頭緒紛繁實難洞悉流弊請飭戶部會商辦理等語見在辦理各口關稅事屬粵始奕訢等未能洞悉流弊自係實在情形惟此次各口設立新聞與外國交涉一切章程未能妥協徒滋爭論且各口情形不同恐戶部不能悉定所有各口關稅章程仍著奕訢等悉心酌擬具奏並咨合辦理各口通商大臣各就地方情形妥爲籌議務各破除情面力洗積習以免外國商人有所藉口將此諭令知之○以互相參照前河南巡撫慶廉降一級調用前河南布政使賈臻降四級畱任○以江南水師勦賊出力賞總兵官李德麟巴圖魯名號吳全美以提督用餘升敘有差○庚子諭軍機大臣等本日據勝保奏館陶克復以後自應乘勢收復邱縣已派副將徐廷楷率同練總王秀芝統帶兵勇前往駐紮該大臣擬卽將冠縣一帶賊巢節節掃蕩並請責成聯捷分辦濮范之賊先顧河口等語勝保於直東交界曇獲勝仗賊膽已寒小灘大股賊匪見已退遁大名以東賊勢已分應乘勢奪回濮范河口以扼賊匪來路諭廷襄前奏委署總兵郝上庠曹州府知府童正詩辦理濮范一路河防再得直隸官兵合力攻擊不難剋期奪回河口卽著聯捷就見有兵力分辨濮范之賊如兵勇不敷舊勝保酌量分撥以資協勦並著勝保將冠縣一帶賊巢節節掃蕩務須就地殲除勿任他竄將此由五百里各諭令知之○諭勝保奏請飭直東各屬按捕餘匪等語據稱東境教匪蔓延見當官軍擊散其逃匿匪犯除兇惡最著之首逆王建功等節經搜獲先後解送到營卽時分別正法並將續獲未結各匪犯從嚴訊辦外其餘黨與既眾根蒂已深如直隸之曲周清河廣宗肥鄉平鄉山東之臨清邱縣館陶等處伏莽尙多請飭直東各督撫一體飭屬查拏等語各處教匪滋事總由地方官平日不肯認真查緝以致養禦貽患見經勝保帶兵疊挫凶鋒特股數太多仍恐餘匪潛匿四鄉煽惑愚氓大軍一經移動各該地方政府玩泄如前必致餘燼復然著文煜諭廷襄嚴飭所屬將逃匿餘匪悉數拏獲盡法懲治以期盡

絕根株儻該地方官並不認真按查卽著從嚴參辦毋稍徇隱將此由六百里各諭令知之○諭前據王明等奏朝陽餘匪竄至吉林邊界因景淳已報啟程當經諭令麟瑞督飭弁兵與盛京追勦官軍合力夾擊近聞匪首才寶善等糾添夥黨復至三四十人勢甚猖獗擾及昌圖廳並科爾沁蒙古地方若不速爲剿除恐該匪愈集愈多肆行延蔓著王明嚴飭協領恩台探賊所向如該匪已在蒙古界內卽行實力追勦並著麟瑞將派出吉林官兵統交恩合管帶務將匪眾悉數殲除並將匪首才寶善劉名得徐洛紅等按名擒獲毋任漏網一面知照蒙古各盟長會同兜拏以期全行勦滅黑龍江馬隊官兵向稱得力著特普欽那敦德擇其年力精壯技藝嫻熟者挑選一千名配齊軍械馬匹派赴朝陽駐紮儻不足數卽於餘丁內挑選足額其帶兵將領據副都統明慶將該省總管佐領等開單進呈卽發交特普欽等於單開各員內揀派得力之員統帶挑出官軍剋日啟程卽由吉林經過如恩合勦匪尙未竣事卽將此項官軍暫畱助勦一俟勦捕事畢卽令馳赴朝陽毋稍延誤將此由六百里各諭令知之○辛丑諭軍機大臣等前據嚴樹森奏李占標等於中和鎮地方聚眾滋事已派河北道王榮第帶兵往擊當經諭令毛昶熙派員帶兵會同勦辦本日據聯捷奏該匪李占標等攻圍原武縣城雖經擊退勢已燎原李占標曾充南捻並恐勾結捻匪北渡擬親往督勦請撥馬步隊協助等語昨據勝保奏濮范河口賊匪請責成聯捷勦辦已諭知該大臣酌量分撥兵勇交聯捷派赴濮范勦匪見在李占標等於豫省腹地滋擾且恐勾結南捻渡河聯捷自應先其所急親往督勦所有河北鎮官兵段晴川練勇均歸該京堂調遣會同毛昶熙派出官軍及道員王榮第官兵認真勦辦將首匪李占標等按名擒獲盡法懲治其脅從之眾務當設法解散以孤賊勢勝保親赴大名如聯捷兵力不敷卽將該大臣派勦濮范之兵酌量分撥帶赴河北助勦以期迅速蕩平將此由六百里諭令知之○欽差倉場侍郎成琦吉林將軍景淳奏行抵興凱湖守候俄使得旨事事總宜堅守和約此次駁飭尙屬得體無論如何梗阻汝等必應至該處以期兩國無爭以後不至別生枝節○壬寅袁甲三奏定遠逆首張落刑意圖出竄並約其胞兄見往臺境雉河老巢捻首張闢納眾聚於蚌埠吳昆田圩內外蔓延數十里復添派參將劉明典等管帶礮船會合李元忠併力截勦自四月二十一至二十五等日無日不戰無戰不捷張落刑復糾約五旗直撲鳳陽府縣兩城經總兵吳秀等擊敗該逆徑趨長淮衛與北捻張闢僅隔一河二十八日臣卽派副都統德春等帶領馬步官兵會合進勦李世忠親自督隊指揮全軍克蒙額等專力南向馬步相輔奮勇直前參將蔡光武都司陳玉安均疊受矛傷裹創力戰殺賊甚多遙見黃旗大纛上書太平天國鼎天福張字樣知係張逆遂一擁而上該逆被擒退殲賊二千餘名生擒五百餘名該逆向南逃逸又爲沿途圍截殺張落刑受傷甚重僅以身免該逆經此痛創愈不甘心糾集朽骨運巢及來安各處捻黨以大捻首蘇添幅率領直趨長淮衛志在焚營并死渡河仍與毫捻會合北犯五月初三日總兵

張得勝等復分路進攻該逆趕至河邊伏兵齊起兩面兜剿賊即怯退我軍追逐七八里始行收隊初四日李世忠帶領水師親督戰並將大礮更番轟擊撃斬無算餘匪竄回定城不敢復出初五六等日水陸各軍會齊進攻北岸連踏賊圩二座斃賊不少該逆向西北逃遁大約仍由渦北竄回毫境老巢探聞距懷二十餘里之吳家圩內尚有餘賊藏匿仍派隊按勦以期埽除淨盡此次

出力陣亡各員弁相應開列懇恩分別獎卹

上諭內閣安徽定遠首張落刑約雉河捻首接應回巢北犯屯踞河北岸袁甲三會商李世忠親督水師並潁州府知府李元忠等連戰皆捷張落刑身受重傷復糾集捻黨直趨長淮衛總兵張得勝等復分路

進攻斃賊無數該逆向西北逃竄勦辦尙屬得手仍著袁甲三督飭官軍將吳家圩餘匪迅速埽除毋畱遺孽江南提督李世忠著

交部從優議敘潁州府知府李元忠著以道員記名簡放福建建甯鎮總兵張得勝著遇有提督缺出由軍機處提奏陣亡遊擊袁

步金守備張世球殺賊捐軀殊堪憫惻均著交部從優議卹○袁甲三奏臣前奏北路賊眾兵單民心震動擬即抽帶兵勇赴徐防

勦欽奉諭旨以淮南尙未肅清令臣仍駐臨淮臣前次所以奏請移紮徐郡者緣北路人惶惶到處蠢動憂據徐州道吳棠等飛

稟告急並據各官紳迫切請行然必須臨淮接辦有人臣方能統兵北去是以拜摺後候旨遵行未敢遽爾就道也今苗練仇忿已

洩可望轉機李世忠族屬受害一事亦可無他慮惟定逆句結西捻志在渡淮會合雖經臣督軍兜勦一律埽蕩能否不思再逞尙

未可知自應仍駐臨淮力掃殘氛以免北犯惟長淮上下千餘里籌防籌勦軍務繁多壽六諸軍均在上游署撫臣賈臻本有辦理

軍務之責臣已咨令就近節制以期呼應靈通李世忠到臨以來躬親行陣籌畫機宜實屬忠勇奮發見在臣營幫辦無人可否仰

想聖恩以賈臻李世忠幫辦臣營軍務俾令調和將士日久相習臣督軍在皖藉資壓襄儻皖事就緒臣可以分身北行皖省軍

務應以何人督辦幫辦之處屆期再行請旨定奪

上諭署安徽巡撫三品頂帶布政使賈臻江南提督李世忠均著幫辦袁甲三

軍務○諭軍機大臣等前因滇匪擾及川北梓潼廣元一帶當諭崇實撥兵交福濟統帶由劍州梓潼馳往防勦並著駕秉章酌量

分撥兵勇以防川北茲據福濟奏遵旨馳往川北請籌調官兵等語藍逆大股圍攻綿州甚爲喫緊並分股在潼州各場肆行滋擾

潼川之賊又欲分股由太和鎮下竄保寧慶由葫蘆谿劉家堡直撲綿州見在北路德陽羅江綿州綿竹安縣小北路樂至鹽亭

遂甯太和鎮地方處處有賊非厚集兵力痛加勦洗不足遏其兇鋒福濟見須趕緊赴防所調陝西分紮甯羌駐守之甘肅官兵五百

百名帶赴川北尙覺兵力不敷勦辦該將軍見已分咨崇實駕秉章各撥兵勇二千名馳往援勦見在川北情形喫緊各路兵勇如

何勦撥卽著崇實如數派赴福濟軍營與所調滿洲官兵一千名協力防勦以清川北一路兼保陝西完善地方毋任將備等藉詞

延宕致有貽誤駕秉章計已抵川所帶兵勇數本無多仍著酌量川東川北緩急情形設法兼顧不可稍涉拘泥福濟到防後先就

見有兵力節節布置實力堵勦力保陝南川北地方毋任賊匪竄擾將此由六百里各諭令知之○袁甲三奏壽州苗練捻逆同時

紛乘翁同書給臣信函謂城外捻逆均已陸續退竄城內另籌機宜臣當委縣丞呂寅衷前往壽州當面稟商辦法嗣據翁同書咨

稱四月十五日派知縣姚德責會同壽州知州任春和不動聲色將已革員外郎銜孫家泰立時鎖銃監禁徐立壯益危不自安率黨三百餘人盤踞城內意存叵測復經翁同書派總兵尹善廷等督帶兵團於二十一日前往寓宅兜拏至二十二日始將徐立壯及其胞兄徐立言並餘黨全數捉獲共計一百五十餘人經翁同書逐加研訊分別正法並將徐立壯兄弟斬梟示眾此時苗練積怨已洩或不至有妄爲惟見據壽州鳳臺兩州縣來稟苗練未撤城圍仍屬急迫是苗沛霖究竟何意能否力贍前愆臣亦尙難遽信見又派博崇武再行前往約其老寨辦事之人設法開導令其迅速撤隊立功自效或可免生枝節總之苗沛霖人本強橫其練眾亦亘秀難齊必須一律就範方不至貽患地方斷非敷衍將就所能含混了結也至孫家泰一犯如何懲辦臣已函屬翁同書就近斟酌報聞○命升任雲南布政使蕭浚蘭暫留四川交成都將軍福濟差委○甲辰官文胡林翼李續宣奏三月二十六日逆首偽定南黃文金卽黃老虎由南岸渡江糾合二萬餘人於天林莊梁壘二十餘座副都統多隆阿揣知該逆必復竄練潭馬踏石一帶搭造浮橋希圖竄往安慶與狗逆合遂於二十七日由高河鋪親率兵勇從新安渡進兵該逆謠擁而來多隆阿當令遊擊藍斯明等分五營爲三隊以遏賊眾該逆猛撲二次各營施放槍礮賊多受傷痏抵死拒戰副都統金順率兩起馬隊從香鋪街截出馬步並擊槍箭齊施賊敗往天林莊負壘不出計是役殺賊二千餘名生擒長髮老賊十四名當卽訊明正法同日該逆以五六千人攻撲挂車河老營協領穆圖善卽派副將石清吉等各率所部分三路出擊該逆見我軍馬步齊出遂卽過河漸逼營根我軍先以槍礮轟擊賊仍迎敵不退我軍奮力衝殺約三時之久賊見新安渡大股賊眾敗潰仍卽回奔計燒賊五六百名四月初二日多隆阿卽令新安渡十三營拔營過河進攻天林莊賊壘各營分路出擊自新安渡至天林莊中隔兩河步隊皆鳬水而過距賊營二三里該逆望風膽落棄壘而逃多隆阿當令金順率各起馬隊跟蹤追剿令步隊各營將賊壘悉數削平金順等馬隊追至孔城沿途殺賊約五百餘名先是首逆陳玉城屯踞集賢關內外與城內之賊日夜夾攻曾國荃圍師經曾國藩暗調鮑超一軍合成大吉之軍由集賢關西北進剿適多隆阿將外援擊退遂由集賢關東北同日進剿逆首陳玉城知援賊外絕官軍四面合圍畱悍賊數十深濠高壘分踞關內外逆首於初十日自率馬步賊五六千人連夜由冷水鋪向馬踏石奔竄多隆阿時已進逼磨山營次聞之卽派溫德勒克西等統帶十三營弁兵出隊分途尾追自磨山至馬踏石相距十八里惟曹克忠王萬年二營由間道先至楊朝林趙旣發二營繼之賊至馬踏石河邊該四營亦列隊奉制不使賊杏少頃各營先後追擊該逆前臨大敵後隔溪河驟難越遁卽率眾猝死回撲各營奮呼直前廝戰一時該逆且戰且退紛紛棄水過河我軍乘勝追抵河岸始行收隊計是役斃賊約一千餘人生擒十一名置諸法溫德勒克西金順所帶馬隊追至次日及賊於包家大橋該逆踉跄而奔馬隊追殺直抵蔣家山賊壘賊眾出隊接應逆黨退入安慶城內我軍始整隊回營是日馬隊殺賊六百餘名十四日陳玉城復率偽璋王林紹璋偽玕王洪仁玕偽定南黃文金偽格天義陳時泳暨偽首孫葵億等髮捻共三萬餘眾馬賊四五百名復圖上犯由往車河至棋盤嶺列隊二十餘里欲分三

文金爵格天義陳時沐醫務首孫伊伊等員拉三萬餘人歸附
路圍撲我營多隆阿乘其布置未定先發制人卽於十五日派格通阿等分路設伏多隆阿親率馬步各營分兵五隊而出甫至河
邊賊已分三路來撲僞英王陳玉城與僞格天義陳時沐率悍賊四五千人出桂車河之左僞玕王洪仁玕率黨七千餘人自堆船
塔江家橋出桂車河之中僞璋王林紹璋與孫葵億率捻逆萬餘人由麻子嶺棋盤嶺出桂車河之右壘賊並未出隊賊之大隊均
排於逆壘之前多隆阿卽飭各營分投接仗往來衝擊該逆不稍退卻正酣戰間賊之後隊忽亂溫德勒克西率所伏馬隊飛騎衝
入賊陣各營奮力攻擊賊即潰併左路該逆陳玉城等仍敢力拒惡戰忽項家河散營經舒亮等馬隊馳至焚燒賊遂慌亂我軍勇
氣倍加馬步齊進槍箭如雨連斃黃衣騎馬賊目十餘名悍賊二百餘名賊敗向桐城而逃我軍跟蹤追殺約五里許適焚燒散營
各馬隊橫鈔而至該逆不敢戀戰奪路狂奔我軍復合馬步進剿具江家橋麻子嶺一帶壘賊仍踞未動多隆阿卽飭各營率領馬
政分撲賊壘親率數騎往來督隊各營將士奮不顧身爭先併進拆毀木城四道我軍前者傷亡後者繼進拋擲火器入壘同時焚
燒賊壘壘欲遁我軍步隊從壘後擊出馬隊環壘圍斬八壘之賊斬殺無遺是時精選中前左三營亦抵黃家鋪與黃逆接仗賊亦
敗竄該三營遂將山內賊館悉數焚燒共斃馬賊百餘名步賊八千餘名生擒二百餘名訊明分別斬釋查此次逆首僞英王陳玉
城自鄂回竄由懷而桐復糾下游璋玕黃孫等眾並捻逆大股上犯希解皖圍我軍屢次移營迎擊追殺五獲大勝踏平賊壘八座
前後焚破數營及賊館百餘處殺賊不下二萬餘人實足塞賊膽而伸天討副都統多隆阿謀勇兼全忠勤尤著兵略精審雖古名
將無以過之可否仰邀優獎出自 天恩在事出力人員可否容臣等擇尤保獎陣亡之子總楊得勝委防禦全安披甲德升驍騎
校四十全星均請飭部從優議卽以慰忠魂再見在道員劉徽昭圍攻隨州臣李續宣圍攻德安總兵鮑超成大吉圍攻集賢關外
賊壘未能卽時破滅自黃州至宿松數百里不克分兵兼顧而鮑超一軍本係皖南之師經曾國藩撥援安慶仍須暫留北岸四月
十一十二等日據江西探報逆賊僞忠王李秀城一股又已竄踞義甯州武甯縣逼近鄂省邊境臣宮文已先後調派知府唐協和
等馬步各隊分赴興國崇陽通城通山一帶扼要防勦惟各邑道路紛歧兵力尙單臣胡林翼應俟集賢關外賊壘蕩平兩止放晴
卽行撥營回勦黃州並先調撥總兵成大吉胡裕發統率十營勇丁分勦南北兩岸竄賊 上諭內閣此次逆匪陳玉城回竄上犯
希解皖圍我軍屢次移營迎擊追殺五獲大勝勦辦甚屬得手著官文等卽飭統兵各員迅速進攻盡殄醜類毋留餘孽副都統多
隆阿著文部從優議敘總兵雷正綱著賞加提督銜其餘在事出力人員著官文等擇尤保奏候朕施恩陣亡子總楊得勝委防禦
全安披甲德升驍騎校四十全星均著文部從優議卽以慰忠魂○官文胡林翼李續宣奏頭品頂帶福州副都統多隆阿樸誠忠勇智略冠
軍已荷 聖明洞鑒見值下游髮捻磨集皖境而江西賊氛又復逼近楚北之通山崇陽等屬邊界撫臣胡林翼卽日統師回援所
有懷桐軍務距鄂較遠多隆阿威望久著爲眾軍所悅服可否籲覆 天恩飭下多隆阿幫辦楚皖軍務庶於前敵事機隨時調度
更資得力 上諭頭品頂帶福州副都統多隆阿著幫辦官文胡林翼軍務○諭軍機大臣等前因吳棠奏摺逆悉至宿境諭令僧

格林沁等酌調馬步官兵速行派往本日據僧格林沁奏接奉本月初六日諭旨備陳無兵可撥情形一摺並據田在田奏稱本月初一日以後蒙城亳州等處捻匪悉數竄至宿州不下十萬餘人四面圍攻城中兵勇不及百分之一且因餉道斷絕軍民乏食情形萬分危急請速撥勁旅救援並據吳棠奏官軍克復侯孟山寨此時北路無意如重兵南下乘其搶麥顧巢之際併力埽蕩實一時難得機會各等語僧格林沁軍營官兵先後派赴東昌等處剿匪存營自屬無多惟宿州爲北路緊要門戶設有疏虞則捻逆必致悉竄東境與各路匪眾勾結勦辦更難措手見在鉅野已獲勝仗國瑞帶馬隊千名步隊四千又有黃良楷等所帶練勇兵力較厚且東省多係土匪撲滅較易而徐宿捻勢鴟張不能不先其所急以冀保全大局著僧格林沁西凌阿國瑞體察情形如東昌鉅野兩處官軍內可以抽撥卽趕緊酌撥馬步官兵派委得力大員管帶赴徐宿一帶援應該州被圍日久城中之糧僅支十日且此時北路並無捻匪乘其搶麥顧巢之際不難痛加勦洗機會尤不可失該大臣等務當權其輕重緩急設法援應徐宿毋誤事機將此由六百里諭令知之○諭前因捻匪圍困宿州圖擾徐州疊經諭令袁甲三派兵赴援並令總兵張得勝統帶前往宿州界連三省爲勦辦捻匪必爭之地且係臨淮後路設有疏虞開繫南北大局見在定遠渡淮捻匪經官軍截擊獲勝張得勝即可馳援宿州且又有李世忠所帶兵勇臨淮兵力已厚不難分撥著袁甲三賈臻李世忠遵照前旨速撥精兵交張得勝統帶剋日成程馳赴宿州迅解城圍毋得遲延貽誤致干咎戾將此由六百里諭令知之○諭前據吳棠奏宿城被圍餉道阻塞文報不通當諭僧格林沁袁甲三各撥兵勇馳往援救茲據田在田奏該匪投併西捻糾約大股十餘萬圍困宿州食盡援絕萬分危急等語西路大股捻眾東趨經田在田派兵進取柳溝屢獲勝仗猝其巢穴正可乘勢進攻詎該匪投併西捻糾約大股圍攻宿城斷我徐州餉道四面踐踏麥禾城內飢軍勢成坐困本日復諭知僧格林沁速撥勁兵馳往救援並諭袁甲三飛催張得勝統帶精兵趕往夾擊以解城圍諒該大臣等必遵旨撥兵赴援惟宿城萬分危迫田在田仍在激勵將士堅守待援徐州存城兵勇雖屬無多見在官軍克復侯孟山寨郡北肅清可以撤隊南顧著卽督飭參將王致祥等馳赴夾溝會同遊擊閃鳳來等節節掃蕩務將餉道疏通以解宿州之圍此外如有兵勇可撥亦當先其所急派往援應至陽山縣爲河南山陝各省餉道必由之路關繫非輕吳棠業已派兵馳往探勦著飭守備李廷棟等迅速勦洗毋令餉道梗塞是爲至要將此由六百里諭令知之○乙巳諭內閣瑞昌等奏龍游湯溪金華府縣城池及長興縣城先後失守各一摺瑞昌王有齡督辦軍務不惟毫無成效而且屢失郡縣已失者久稽克復完善者未聞保障之方卽如本日奏到又失一郡三邑况屢次奏報亦從未自請處分殊屬瞻大瑞昌王有齡均著革職畱任以示懲儆○諭軍機大臣等瑞昌王有齡奏常山江山之賊繞越衢州連陷龍游湯溪二縣及金華府城請飭催援師救援一摺據稱賊匪自竄陷常山江山後另股竄踞壽昌縣城分股下竄均經兵練迎擊退回四月十六日該逆越過衢城十七十八十九等日龍游湯溪二縣及金華府城先後失守張玉良退守嚴州咨商左宗棠統帥援浙等語該逆以壽昌牽掣我師而大股仍從江山一路繞竄而下以致二日之內

元度新募楚勇八九千人計方抵江西省城未能剋期趕到浙省情形萬分緊急必須添兵援應以顧大局前據曾國藩奏左宗棠督勢頗壯卽著統帶所部剋日啟程應援浙江會同瑞昌等所派官兵將失陷城池次第收復以靖逆氛毋稍延緩再前據恭親王奕訢等呈遞英國照會內有湖北廣濟黃梅兩縣於三月十二日十三日先後失陷黃梅失守之信到九江藩台私行退去之語張集馨赴九江辦理通商何以一聞警報輒卽避去如果屬實必爲外國人輕視著曾國藩嚴密訪查據實參奏將此由六百里加緊諭令知之○諭前因賊陷壽昌諭令瑞昌等調撥重兵令饒廷選帶赴嚴州相機進剿並飭張玉良扼守蘭溪以保金華紹興本日據瑞昌王有齡奏江常之賊連陷龍游湯溪金華府縣城池北路賊竄陷長興各一摺覽奏曷勝憤懣本日已諭知曾國藩令左宗棠一軍迅速援浙矣惟左宗棠由江西援應浙江必須將江山常山之賊先行掃蕩始能前進此時金華等城被匪占踞賊蹤業已蔓延腹地非調撥重兵迎頭截剿則杭州紹興等處斷不可保張玉良既不得力何以不行嚴參撤回毋令貽誤該員威望已挫此時株守嚴州何能有益著瑞昌王有齡遵照前旨挑選精兵交饒廷選統帶剋日出省探明何處緊急卽由何路進剿並將金華等城速籌克復其文瑞一軍應否歸饒廷選統率之處卽著該將軍等斟酌辦理一面知照王履謙實力勸諭團練同心禦侮並嚴飭辦防之道員孫士達等認真防守以保浙東毋許疏失林福祥李元度兩員所帶兵勇並著催令星馳前進相機攻剿以分賊勢長興失陷湖州岌岌可虞著瑞昌等責成道員趙景賢設法收復以剿爲防惟湖州兵力亦單薄如何籌撥勁旅應援卽著該將軍等妥爲兼顧不可漫無布置將此由六百里諭令知之○諭崇厚奏山東登州新開口岸遴委安員前往會辦一摺據稱山東登萊青道崇芳等俟王啟曾到後卽會同該員將一切通商事宜悉心籌畫妥爲辦理務令地方稅務兩有裨益毋得稍存畛域致滋流弊將此由五百里諭令知之○通商大臣崇厚奏請委通判沈雄等辦理開稅得旨或係隔省或係京員恐此端一開皆以通商爲捷徑所請不准行○丙午諭內閣前因庫倫辦事大臣色克通額奏參怡克圖部院章京瑞徵訛索茶箱降旨將該員革職嚴行審訊茲據刑部奏稱瑞徵供稱茶商票規歷任皆然至所收陋規十餘萬兩除解文理藩院王公庫餉銀二萬兩外尙有辦送庫倫大臣等節壽禮物三年約費銀九千餘兩俱係甲首代辦等語甲首等呈出帳目及甲首梁世傑等供詞均屬相符該大臣原奏概稱係瑞徵收受人已之款殊屬含混並據梁世傑等供色克通額屬穆漢汶向伊等通融甄茶二百箱收下五十箱餘俱退還拆看均已抽換廢紙空包及稟見色克通額面稱茶票均已全收恐穆漢汶在外聲

張故假作退還與該大臣原奏所稱因商民饋送賀禮再三懇求始行全收之事均屬不符又據梁世傑等供色克通額前任恰克圖章京於茶商票規及挑貨借茶等項銀兩亦係按照歷任舊章收受等語此案經刑部訊出各供與色克通額原奏種種不符卽著色克通額按照各款據實明白回奏毋稍隱飾○于山東陣亡知縣陳用衡等祭葬世職○丁未諭軍機大臣等本日據勝保等奏克復冠縣卽日抽撥各軍前往駐守並飭大順廣道王榕吉帶兵仍禁小灘與冠縣聯絡聲勢惟邱縣等城克復日多地方官尙未到任請飭譚廷襄速飭各地方官卽行赴任並迅由東昌以西進兵等語勝保連克數邑軍威頗振譚廷襄駐禁東昌勦匪亦尙得手自應合力夾擊以期地方迅就肅清見在勝保已督飭將士擇要進兵卽著譚廷襄酌量情形由東昌以西進兵會合勝保派出各軍協力夾勦將未復各城速行攻克以靖地方至邱縣館陶冠縣等城旣經克復全賴地方官安撫善良緝拏餘匪豈能處處畱兵防守山東地方官賊至輒逃克復後又以赴任爲畏途此等巧猾積習殊堪痛恨大兵遠去餘燼復然咎將誰諉著譚廷襄迅速飭令派委各該處地方文武剋日赴任認真經理儻敢規避遷延卽著嚴參治罪毋稍寬縱將此由六百里諭令知之○河南巡撫嚴樹森奏主事倪文蔚等請暫畱營得旨汝抵豫以來每仗必保習氣太深國家名器豈可如是濫邀以後戒之○辛亥諭內閣前經降旨令大學士會同刑部酌量案情輕重分別減等發落茲據御史華祝三奏稱刑部監犯見有五百餘人其中新事人犯固多二三年未經審結者亦復不少獄中病故人犯六十餘名未必盡屬死罪等語刑部辦理案件理應及早定讞以省拖累若經年累月案懸莫結甚至監斃多名殊非朕欽恤庶獄之意著刑部掌官迅將歷年未結各案逐一清釐其特派會審案件並著趕緊會鞫分別輕重先爲擬結毋任畱滯其覈對處一案毋得草率了結致滋開脫○諭軍機大臣等御史華祝三奏上年秋間廣東省樂昌仁化之賊出巢肆擾由江西南贛分宜甯都撫建廣信連擾數十州縣本年春間玉山解圍復由河口東鄉金谿圍攻撫建由宣黃崇仁竄入臨江府屬之樟樹鎮新淦縣攻陷吉安圍撲袁州占踞瑞郡頃聞奉新靖安豐城以及新建之生米鎮等處均有賊壘窺伺省垣錢糧釐金來源俱竭各營欠餉至四五月之多兵勇飢潰降賊有李金暘者率勇降賊並且爲賊先驅請飭曾國藩速派勁兵赴江西省城並分投勦洗等語粵匪闖入江西肆行竄擾除樂平浮梁鄱陽等處肅清已據曾國藩奏報玉山廣豐撫州建昌廣信等城解圍吉安府城新淦縣城於失守後卽行克復已據毓科奏報外見在各屬匪蹤尙未淨盡曾國藩統轄該省且軍營餉需全賴江西接濟自應亟籌端蕩以免餉源告竭南昌爲省垣重地尤不可稍有疏失著曾國藩斟酌緩急應如何派撥官軍以及調撥江西原有官兵應援江西省城及將袁臨等處賊匪分別勦洗之處安爲籌辦毋任賊勢蔓延副將李金暘據毓科奏派令拔勒吉安於龍王廟地方失利退保安福是否降賊並著該大臣查明具奏將此由六百里諭令知之○于浙江殉難布政司經厯朱震白等祭葬世職○壬子諭軍機大臣等前因宿州被匪圍困屢經諭令僧格林沁等撥兵前往援救本日據田在田奏圍城捻匪黑旗一股自本月初五至十二等日經該總兵疊次派兵出城並親行督隊勦擊連獲大勝城圍稍鬆惟敵竝依然偏野餉道不通

徐宿同時喫重請飭大兵速行赴援並據另片奏十三日丁縣股匪又復撲城各等語宿日久雖經田在田奮力攻擊城圍稍鬆而丁縣股匪輒復撲城豈能久支且徐州附近賊蹤充斥吳崇兵力過單設有疏虞則匪眾必將蔓延東境與各匪勾結竄擾於北路全局大有開繫自應先其所急速籌拔救善僧格林沁西凌阿國瑞遵照前旨於去南路較近各官軍內酌撥精兵派委得力大員統帶剋日馳赴徐宿相機進剿速解城圍以固北路藩籬該大臣等身膺重寄諒能權衡輕重不至稍存畛域之見致有貽誤將此由六百里諭令知之○胡林翼奏賊首陳玉城自墨經痛創竄赴桐城後勢孤無援况多隆阿馬步全軍一萬餘人仍駐桐城之挂車河屹然難犯飽超一軍亦不下萬人見經曾國藩飭令進剿宿松仍可為集賢關聲援曾國藩近駐東流與安慶相隔咫尺尤可隨時策應是安慶勦辦事宜兵力已厚曾國荃得專意與水師穩守圍攻毋庸臣遠為顧慮惟鄂省斬黃各城邑被賊久踞偽忠王李秀城一股由吉安瑞州竄踞義甯州武甯縣逼近湖北通山通城崇陽大治興國邊界各州縣羽書紛至安徽撫臣李續宜圍攻德安又分駐黃岡新洲等處以固武漢之門戶兵分力單兼顧為難臣見駐太湖縣城下游既已解嚴即當親督成大吉一軍回勦上游相其緩急先拔南岸再攻斬黃全軍見已進發臣定期於五月十二日啟程臣自去冬患病數月纏綿近日諸病漸輕惟吐血尚未能愈鄂省係臣轄地武昌尤全局根本際此南北兩岸軍務急迫不敢不力疾從事以冀及早肅清其潛山太湖兩城均經畱兵固守一切守具軍火尚為充實不至疏虞報聞○癸丑諭軍機大臣等勝保奏擊退回撲冠縣賊匪並籌顧臨清清豐東西兩路情形請添撥馬隊一摺冠縣敗匪復糾堂邑朝城莘觀城南路各股攻撲城關經勝保派兵分路迎剿疊獲勝仗斃賊極多賊眾奔潰勝保此次出師屢獲勝仗連克城池辦理尚為安速斷不准徒恃虛聲漸致驕滿惟河東捻匪張落刑糾眾在濮范一帶搶渡河西圍撲清豐並有另股由清平縣境之戴家灣官窯等處撲過運河是東西兩路賊勢意在牽掣大軍該大臣由中路進兵仍須相機進剿不可銳意深入致有疏失朝陽雖已肅清所存馬隊皆非精銳調赴軍營亦恐無益所請著毋庸議更換補額之西安馬隊四百名已據托明阿等奏報啟程著勝保派員迎提到營以資攻剿至河北會匪情形已鬆此項馬隊經過懷慶時著聯捷卽飭趕緊前赴勝保大營不得任意截留致令兵力不敷見在捻匪圍撲清豐勝保已派侍衛祥恩帶隊前往會同總兵阿麟保協力堵勦並著聯捷督率練勇併力勦洗務將此股迅速殄除毋令蔓延將此由六百里各諭令知之○甲寅諭軍機大臣等本日據色克通額等奏俄商欲往庫倫常川貿易並該國使臣進京想請毋庸派員護送各一摺上年與俄國續定條約內載有該國商人經過庫倫等地方如有零星貨物亦准行銷並准設領事官一員酌帶數人自行蓋房一所在彼照料並無准在庫倫常川通商之語今該國欲由恰克圖至庫倫貿易係與條約不符經色克通額阻止著奕訢等諭知修士固理行文伊格那提業幅以該國商人經過庫倫如有零星貨物應照條約准其銷售儻欲設立行棧永遠在該處貿易則是顯背和約中國礙難允准至該國使臣赴恰克圖及進京向派官兵護送今該國以驛站章京昆都等儘可照料毋庸另行派員護送亦與向章不符恐滋流弊並著奕訢等令

修士固理行文伊格那提業幅曉諭擇諾斐赤遵照辦理毋任狡執色克通額等清字摺片均著鈔給閱看將此諭令知之○丙辰僧格林沁國瑞奏南捻噶張徐宿危急臣等屢經探悉焦灼萬狀若東省賊勢較鬆正可移緩就急徐宿得手東境亦免蹂躪惟查曹屬各州縣會匪時有竊發延及畿南一帶紛紛思逞臣等自本年二月以來或追剿東竄捻匪或勦辦鄒縣教匪大軍東征三月有餘不意曹屬各州縣長槍會匪勾結土匪煽惑鄉民暗通南捻偪勒良團曹屬情形大變幸鄒縣教匪被創斂迹大軍撤回馳赴鄆鉅屢獲勝仗軍威稍振五月十三日臣國瑞督兵在鉅野西北與賊接仗該逆擁眾數千人列仗抗拒我軍奮力迎擊追剿二十餘里殺賊二千餘名賊勢不支向張家樓一帶逃竄臣僧格林沁亦於十五日由長溝馳赴鉅野以便隨時調度十六日臣等帶領馬步官兵前往張家樓進剿該逆已於被擊後退回鄆城迤西盤踞十七日即帶領各軍馳赴鉅野西南五十餘里之龍堌集駐紮相機追剿其曹州圍城之賊因我軍北路獲勝旋卽撤退曹州見已解圍連日探得逆首郭秉鈞劉占考等仍竄往鉅野城武之間集賊萬餘沿村盤踞二十一日復遣舒通額等帶領馬隊進剿至距城武二十餘里之柳林集等處與賊接仗殲斃悍賊千餘名探悉該逆僅退數里在彼調集各處悍賊意欲仍與官軍抗拒自當痛加勦洗以折兇鋒並連日出示曉諭令被脅之徒改過自新以免深究但恐大軍一撤餘匪復萌與志辦理殊形棘手至徐宿南捻據報於五月十四日擁眾三萬餘人由韓莊一帶意圖北竄雖經副都統德楞額兵勇扼守運河北岸無如賊眾兵單該逆乘夜偷渡三四千人竄赴蘭山一帶見飭該副都統分兵進剿此時徐宿雖值危急實屬無兵可撥當卽咨催袁甲三之軍迅速赴宿並咨商山東撫臣譚廷襄如東昌無須重兵助勦臣僧格林沁即可咨調都統西凌阿帶領馬隊折回大營再行酌撥官兵速赴徐宿以資助勦 上諭軍機大臣等曹州所屬地方長槍會匪勾結土匪煽惑鄉民暗通南捻幾於徧地賊蹤雖經僧格林沁大軍剿擊屢獲勝仗曹州解圍而逆首郭秉鈞劉占考等仍在鉅野城武之間糾集各處悍賊意圖抗拒大兵雖難遽行撤動惟徐宿情形喫緊見在南捻復渡河竄赴蘭山一帶必須亟籌增勦以遏賊匪來路西凌阿一軍見在東昌已屢獲勝仗如譚廷襄兵力足敷勦辦無須西凌阿助勦該都統即可帶領馬隊折回大營由僧格林沁酌量派撥馬步精兵前赴徐宿援剿西凌阿譚廷襄務須體察東昌一帶情形先其所急毋得顧此失彼曹州府知府童正詩有防河之責據僧格林沁等奏該員不治民情於夏莠多有顛倒袒護者譚廷襄查明如該員辦理不善以致民心不服卽據實參奏毋敢偏惟連夜於菱湖北岸築壘十餘座城敗亦於南岸增壘五座城中出賊划至湖中以通往來二十二日曾國荃商請水師提督

楊載福調禁國祥全營礮船由東岸駛入菱湖兼派曾貞幹蕭孚泗各營出濠護衛礮船勾逆遂分大隊捲旗疾趨由蕭家壩鑿擁出來蕭孚泗由中路堵禦多有斬獲忽賊馬數百騎由右路鈔來將蕭孚泗圍在核心趙其拔力戰死之曾貞幹急派張勝祿帶隊出濠接應槍礮齊施蕭孚泗衝突出圍仍大呼回軍陷陣殺賊百餘名賊眾潰退是時禁國祥礮船二十餘號已入菱湖轟擊岸賊奪獲賊船二十三日楊載福又調唐寧發三板船十餘號入菱湖助戰轟賊最多惟狗逆督率羣賊增修礮壘漸加逼近曾國荃楊載福會商東路湖邊有要地須先據之爲水師安泊之所乃可制壘賊之縱橫二十六日派周萬倬等營出東路扼要修壘狗逆果欲以死力爭此要地率大股悍賊連番猛撲搶子如雨我軍以一半接戰一半修壘一晝夜而壘成二十七日周萬倬派劉祥勝率隊與水軍扼守新壘兩日之內水陸各營槍礮齊施共斃賊五百餘人內有賊目二名我軍中賊槍礮陣亡數十名受傷六百餘名然自是我軍水陸穩守嚴密無隙可乘迺多隆阿大軍及鮑超成大吉兩軍均旦夕將至狗逆自知走入絕地遂謀逃遁四月初四五十六等日陸續進屯關外初七日曾國荃與彭毓橘率步隊八千餘人並楊鎮南馬隊百人至關外審看地勢陰與援軍約會夾擊甫近賊壘狗逆分數路來撲馬步據險列陣以待該逆疑我師爲誘敵恐山後有伏遂止不前官軍始行收隊適毛嶺之賊將近後來濠曾國荃卽派本營數哨出濠迎擊槍礮排轟追逐共殺賊八十餘名日已將晚狗逆又督大隊繼進我軍仍馳豫以待賊不敢犯據探狗逆率黨於初十日晚由馬踏石鳧水而遁尙於關外赤岡領畱賊壘四座關內近濠畱賊壘十三座以爲死守待援之計曾國荃見關內之賊占踞死守非一時所能攻克惟作長濠圍之以斷其去路則不攻而自困十三日派副後長勝吉中信孚等營共二千餘人分八壘駐紮又於東路吉左營抽撥二哨禁軍家勒隄埂以礮船護之又調樅陽之吉中等營禁軍家勒湖邊各營通力合作開挖夾濠見在十三賊壘盡在屯圍之中仍加意嚴防不敢疏忽等語查此次逆首陳玉城以全力來援安慶該道所統團城之師前後受敵乃會同水師從容布置使該逆終不得逞志將弁兵勇屢次苦戰拒退悍賊亦皆著勞績應憲天恩俟克復城池後稟案保獎其陣亡員弁容臣查明另行請卹以慰忠魂報聞○官文胡林翼李續宣奏逆首偽忠王李秀城一股白竇踞義武兩城後襄脅不下七八萬人卽由與國內犯臣官文前派駐軍興國之知府唐協和等三營勇丁二千三百餘人營總花凌阿馬隊百餘名其分防崇陽通城大治通山之副將何紹彩等各營亦止五六百人四月二十八九等日該逆二萬餘眾分三路直犯興國之溪口唐協和等亦分三路迎剿馬隊槍箭齊施斃賊數百逆勢稍卻五月初一二三等日該逆復添大股一犯通城之苦竹南樓二嶺一犯通山之蛇箭嶺參將唐敏與等帶勇堵擊因眾寡不敵致失要隘團勇潰散我兵立腳不住賊卽紛紛竄入各境直抵崇陽縣屬之白霓橋等處惟時穎州興國之賊日眾日眾署該州知州徐芝會同唐協和等竭力守禦詎初四日寅刻賊眾漫山徧野圍撲營壘已革副將余際昌等馬步廬戰竟日斃賊千餘是夜三更該逆又糾合本地土匪鈔襲我軍後路唐協和等因賊眾十倍於我且戰且退衝出重圍初五日至大治境內收集隊伍該逆又率眾犯大治縣屬之棲儒橋等處代理知縣王墉會合唐協和等整隊

接仗斃匪百餘人該逆分竄四鄉擾及連界之武昌縣適管帶礮船之遊擊官紹霖等突起轟擊斃賊數百人敗賊退竄與治見在南岸逆氛距鄂垣較近臣官文已咨商臣李續宜由北岸新洲拔營親統所部勇丁三千餘人於初八日渡江至省卽於省城東門外二十里之舊家港要隘築營安籌戰守又派署荊州右翼副都統巴揚阿督帶遊擊王允昌等馬步各軍共三千餘人於距省六十里外之東湖站及紙坊一帶擇要駐守相機進剿臣等又派統帶水師之廣東按察使彭玉麟分派礮船將長江上下及湖內湖外各港節節堵過先後轟毀賊船不下數百號江面尙稱安靜臣胡林翼先經抽調總兵成大吉胡裕發統率十營回援臣官文等已飛飭兼程來省上下夾擊以期一鼓蕩平臣胡林翼亦已由太湖北營由水路上駛日內即可到省刻下省城內外及漢陽漢鎮防堵穩固臣官文率同在城文武固守省垣可保無虞至德安隨州踞逆經我兵四面圍剿屢次斬馘多名賊勢已窮蹙見仍設法進攻以期速克堅城報聞○丁巳諭內閣瑞昌王有齡奏查明常山等各府縣失事情形及文武各員下落等語此次婺源德興之賊竄陷常山江山二縣卽分股由開化竄越早桺嶺撲陷遂安縣城經署知縣陳燮率勇營戰旋卽退出下竄富德源由邵嶺竄入壽昌縣城其常山大股賊匪歸併江山署常山縣知縣王蘭等督率民團立毀三里灘賊營徑逼城下隨卽收復縣城江山之賊下竄經該署知縣崔栻等督率民團將大溪灘之賊擊敗遂卽收復縣城其江山下竄之賊繞過衢州府城由靈山小路竄入龍游蘭入縣城該署知縣龍森督團力戰陣亡家丁四名同時被害參將周璧等會合民團併力攻剿旋卽收復賊匪竄往湯溪該縣知縣李元壽出城迎勦受傷賊卽乘勢竄入縣城旋由湯溪竄踞金華府城並陷蘭谿武義兩縣所有陣亡之署龍游縣知縣龍森署文部從優議卽其隨同遇害之家丁劉喜王林湯明毛升並著照例議卽署常山縣知縣王蘭署江山縣知縣崔栻署遂安縣知縣陳燮雖將縣城收復究屬未能豫防均著免其治罪仍交部議處署壽昌縣知縣葉松年署湯溪縣知縣李元壽署蘭谿縣知縣湯金策署武義縣知縣惠世昭均著革職暫畱署任責令隨同大軍迅圖克復如不知愧奮卽著從嚴參辦其金華縣知縣吳瑞龍下落並著查明辦理○諭軍機大臣等恭親王奕訢等奏請購買外洋船礮一摺據稱大江上下游設有水師中間並無堵截之船非獨無以斷賊接濟且恐由蘇常進剿北路必受其衝據赫德稱若用小火輪船十餘號益以精利槍礮其費不過數十萬兩至駕駛之法廣東上海等處可雇内地人隨時學習亦可雇用外國人令司械司繳其價值先領一半俟購齊驗收後再行全給並洋藥一項如照所遞之單徵收華洋各稅四十五萬兩之外於進口後無論販至何處銷售再由各該地方官給與印票仿照兌行納帖之例每帖輸銀若干如辦理得宜除華洋各稅外歲可增銀數十萬兩此項畱爲購買船礮亦足裨益見在赫德已回天津令其將船礮洋槍價值分晰開單呈遞等語東南賊勢蔓延果能購買外洋船礮剿賊必能得力惟各路軍餉不足必須豫籌銀款以資購買突訴等見擬於上海廣東各關稅內先行籌款購買俟將來洋藥印票稅收有成數再行歸款並給赫德札文令其購買運到時卽文廣東江蘇各督撫屢內地人學習駕駛著其崇光普齡薛煥並傳諭毓清卽按照所奏豫爲籌計其應酌配兵丁並統帶大員及文

路進攻各事宜並著官文曾國藩胡林翼先行安爲籌議一俟船礮運到卽奏明辦理該督撫等務當悉心妥議期於必行不得畏難苟安奕訢等摺著鈔給閱看又據瑞昌等奏浙省需餉已飭道員義泰由海道前往廣東守領仍想飭催等語浙江軍情萬分緊急各防欠餉業已積至二百數十萬之多自應急爲接濟以免譁渙著勞崇光耆齡將欠解浙省協餉銀兩速行如數籌撥卽交該道義泰由海道解浙以應急需毋得再有帶欠將此由六百里諭知官文胡林翼曾國藩薛煥勞崇光耆齡並傳諭曉清知之○諭恭親王奕訢等奏覆陳稅務事宜並赫德呈遞清單及稟呈內所陳各事宜分別辦法各摺片所有長江一帶通商在上海總納稅飼徵收子口稅設立關卡及請領印票執照通商每年應收洋稅銀兩各口徵稅費用各款本日已諭令薛煥崇厚查辦其會摺私鹽及洋藥茶葉抽釐有礙關稅各款亦諭令勞崇光等查嚴覆奏矣洋藥抽稅章程前經王大臣會議稅則通行但今昔情形不同未便拘泥赫德既稱收稅愈重則走漏愈甚其論尙可採擇卽著恭親王奕訢等斟酌情形妥議章程總期稅務日有起色將來如有窒礙之處仍可由該王大臣等隨時變通不必令原議諸臣另議反不能洞悉流弊至內地貨物出口而復進口條約稅則未經分晰牽混之語甚多旣經奕訢等照會英佛兩國擬令內地貨復進口時完一正稅准扣二成若完一半正稅不扣二成完清之後仍遵關納稅應俟該二國照覆到時再行妥議籌辦此項貨稅爲內地關課大宗易起影射偷漏之弊總在奕訢等悉心籌議期於有利無弊方爲妥善將此由五百里諭令知之○諭恭親王奕訢等奏商辦稅務事宜先將該總稅務司所遞清單稟呈分別辦法開單呈覽一摺見當開辦關稅之初必須嚴定章程方期稅課日增且以杜影射偷漏之弊今據該總稅務司赫德呈遞清單七件稟呈二件經恭親王奕訢等逐層辦論分別辦法其中不無可採之處如長江一帶通商一款據稱起貨下貨均在上海徵納稅餉進口土貨出口而言非土貨出口復進口可比自應設卡徵收土貨出口以過卡准照爲憑洋貨進口以入卡准照爲斷總期該商其鎮江以上漢口以下准商人任便起貨下貨鎮江以上作爲上海內口毋庸設虛立之關等語長江賊匪出沒無常商販走私難於查拏固宜於總處納文以免偷漏然任便起卸貨物又恐漫無限制又所稱徵收子口稅須擇緊要處所設立關卡係專指洋貨進口土貨出口而言非土貨出口復進口可比自應設卡徵收土貨出口以過卡准照爲憑洋貨進口以入卡准照爲斷總期該商進口出口貨物完一正稅卽有一子稅庶稅課可期充裕此項子稅旣爲條約中應行之事且係內地稅可以不扣二成又洋藥各口徵稅情形一款內據稱通商本口作洋藥生理者或令請領字號招牌或令呈明請領印票執照以上各款著薛煥崇厚等籌辦理又通商各口徵稅費用每年通共銀五十七萬兩零一款單內所開各項人數及應給銀數是否均屬允協並著薛煥崇厚安議章程會商覈辦至廣東私鹽與私貨同路進入應設巡船禁止繞越令粵海關監督並廣東鹽運司會同合辦每缺各出十餘萬兩經費而國課可增五十餘萬一節廣東鹽運司及粵海關均有例設巡船但會同出款巡組有無窒礙著勞崇光耆齡會同毓清安速覈議又稱廣東設有洋藥抽釐總局如有人先輸五十兩卽無庸在關上完納正稅又澳門漏稅之茶葉日見其多每百斤稅銀二兩五錢抽釐局止徵五錢即可任商繞越走私無一肯到關納稅設局抽釐原以補正稅之不足若如赫德所稱洋藥茶葉一經

抽釐轉於關稅有礙是否實有其事並著勞崇光等據實查明赫德所遞各件及奕訢等給英佛照會已咨行各口通商大臣卽著辭煥等按照各款詳細覆奏將此由六百里諭知辭煥崇厚勞崇光耆齡並傳諭飭清知之○諭前因金華等城失守諭令瑞昌等挑兵交饒廷選統帶出旨勦辦並知照王履謙認真勦辦團練本曰據瑞昌等奏蘭谿武義二縣復行失陷並據王履謙奏紹郡危急竭力布置並請畱莊煥文等會辦各等語逆匪由金華竄陷蘭谿其爲窺伺紹興實在意中瑞昌等見飭余萬清扼守義烏文瑞防守浦江進規金華係爲保衛紹郡起見惟嚴州爲北竄要路且有昌化股匪蔓及富陽情形尤爲喫緊該府設有疏處則杭紹兩屬均不可保張玉良恆怯無能豈應聽其貽誤著瑞昌工有齡嚴飭該提督迅將金華蘭谿兩城克復儻不知振作卽嚴參撫辦並遵照前旨挑撥官兵交饒廷選統帶剋日前赴嚴州一帶督率各路兵勇相機攻剿籌復各城不得株守省垣致成坐困武義賊匪難保不南竄處州並飭令溫處鎮道嚴密堵禦毋稍疏失至諸暨嵊縣爲紹興緊要門戶王履謙已派主事何俊等分赴各該縣督團防守並派員外郎謝敬統帶練丁爲後路援應編修鍾寶華郎中施本辦沿江守禦事宜卽著王履謙督飭各該紳士等同心禦侮無得有名無實勇糧及一切經費准其於捐輸項下動支如有贏餘仍解省城濟餉惟民團非與官兵相輔難期得力仍著瑞昌等催令派赴紹興之參將葉聖言等軍星馳前赴諸暨嵊縣等處確探賊情相機進剿不得稍涉遲緩道員張景渠未洽輿情已據瑞昌等奏稱派赴甯波辦理捐務並已派運司莊煥文帶兵八百名及道員彭斯舉均隨同王履謙防卽著王履謙督同莊煥文彭斯舉及段光清等將城守防堵各事宜悉心籌商力保完善將此由六百里各諭令知之○予湖南陣亡府經歷陳文光等祭葬世職

六月戊午朔日食○予浙江陣亡副將黃金友祭葬世職○庚申曾國藩胡林翼奏逆首陳玉城率黨回援安慶候選道曾國荃憑據固守賊不敢逼茲據總兵鮑超副將成大吉呈稱四月十一日鮑超率中營副將陳由立等攻其頭壘左營參將王衍慶等攻其二壘右營副將陳得勝等攻其三壘前營副將黃慶等攻其四壘成大吉自率貞右等營列隊於集賢閣中路以防閑內之賊派武前營都司曾昭仕等接勦集賢閣以西其閭內十三壘經曾國荃作長濠圍之該總兵等遂得專意圖攻四壘詎料壘中皆係多年悍賊官軍窺若無人一近壘邊則槍礮如雨我軍奮怒四面猛撲多被槍礮傷亡迄不能前時水師提督楊載福飭水師助攻亦有傷亡知州周開錫與該總兵等籌商環濠修築礮臺數十座傳令各兵勇晝夜環攻誓不使一名漏網二十九日我軍用大礮將賊壘轟倒數丈賊勢頓沮然猶踞壘不出五月初一日鮑超成大吉派各隊四面圍定又命吳亮才入壘傳呼飭令脅從棄械來歸於是出降者數百人該逆自知萬無生理因皆乞降該總兵等令兵勇以次入壘悉數生擒惟劉瑜林踞第一壘仍然抗拒查點名數幅偽垂天義朱孔堂首逆三名僞檢點將軍丞相指揮以下共一百八十五名初二日成大吉奉調拔營回援鄂省鮑超仍圍攻劉

地林之壘該逆於是夜二更後乘壘分逃鮑超卽率馬步追殺至馬踏石溪河泛漲賊不能渡當經鮑超督率副將陳由立等將全股六百餘名悉數生擒其分竄之股沿河而下意欲覓船偷渡水師右營營官彭楚漢副右營營官趙三元率勇兜勦適有民船一隻該逆一百餘人棄馬登舟哨官顏海仙飛槳趕到一併生擒正法其逆首劉璫林就近解赴提臣楊載福大營訊明支解並傳首安慶城外呼城賊壘賊而告之以寒逆膽而快人心又據楊載福鮑超成大吉名呈劉璫林自安徽渡江充作先鋒破我金陵圍師營壘數十座連陷蘇常等郡邑皆係該逆爲首肆惡等因查粵逆自滋擾以來雖屢經挫敗然臨陣率新擄之眾以當前敵我軍所斬長髮老賊至多不過數百名此次陳逆乘夜潛遁畱四壘於集賢閣外原欲牽掣我師且壘中係其平日第一枝悍黨希冀憑堅久拒以便糾黨復來用解安慶之圍不料陳逆自被多隆阿敗於挂車河四壘之賊孤守二十餘日援絕勢窮無計可脫鮑超成大吉等晝夜環攻仗 皇上天威將士用命殲除長髮老賊至四千名之多實爲從來所未有厥功甚偉出力員弁容臣等擇尤保奏陣亡之總兵銜副將蘇文彪等均請飭部從優議卽以慰忠魂 上諭內閣曾國藩胡林翼奏圍攻赤岡嶺四壘悍賊悉數殲除一摺此次總兵鮑超等環攻賊壘殲除長髮老賊四千餘名洵足寒賊膽而快人心所有在事尤爲出力員弁並著曾國藩胡林翼查明保奏○袁甲三奏四月二十九日該逆馬步齊至滁州城外四面圍攻副將朱元興施放號礮眾皆分段站垛該逆撤隊回營仍在數里內盤踞該副將卽於五月初三日挑選精壯計劫賊營該逆因我軍久未出隊並不設防被我軍搶入濠牆環圍擊殺前面賊營一座無一得脫後面三營亦卽奔潰統計斃賊一千餘名生擒一百十五名次日餘捻均竄回定來一城而浦六粵逆仍屯沙河水口適遊擊杜宜魁知縣陳炳等帶勇來援初五日分兵三路奮力往攻該逆前後受敵紛紛敗竄我軍追殺無數餘賊均竄回舊巢滁城當卽解圍在事出力文武員弁兵勇可否彙入臨淮南北兩岸勦賊獲勝案內擇尤酌保之處出自 鴻慈 上諭滁州官兵連次擊賊獲勝力解城圍辦理尙爲得手在事出力文武員弁兵勇善袁甲三彙入臨淮南北兩岸勦賊獲勝案內奏請獎勵○諭軍機大臣等袁甲三奏請速撥馬隊並飭解馬匹等語袁甲三軍營馬隊僅三百餘名見在沿淮一帶賊蹤飄忽非得馬隊數千不足以利鈔擊自係實在情形惟東三省馬隊調出甚多見已無可調撥該大臣等所請飭調馬隊之處著毋庸議至所請飭撥空馬五百匹見當夏令酷暑之時察哈爾馬匹不免疲瘦卽勉強調撥亦恐不能得力該大臣惟當就見有兵力設法布置遏賊北犯其存營無馬兵丁旣稱勁旅仍著就近設法採買馬匹乘騎以資策應俟秋高馬肥再將馬匹調赴該大臣軍營可也將此由六百里諭令知之○諭田在田奏賊匪被擊敗退宿州解圍見籌布置情形等語宿州圍城賊匪被擊敗後仍屯踞梁家套逼近夾溝等處其蒙村烈莊兩軍亦因逼近蕭陽屢被匪眾圍困田在田見駐兵符離集擬卽令吳棠進駐夾溝並責成署總兵李恆清等分防徐宿保爲聯絡聲勢起見吳棠著卽進駐夾溝其徐州防守事宜卽責成署總兵李恆清等辦理並令記名總兵胡元昌統率諸軍專駐宿州籌辦防勦田在田卽率領精兵往來督勦何路緊急卽著何路策應吳棠駐紮夾溝卽激勵民團與田在

田兵勇會合夾擊以固徐宿門戶將此由六百里諭令知之○嘉甲三奏臣前因苗練未能撤退派員前往開導茲據副都統博宗武自懷來稟據該練公局稟稱苗沛霖實無他意但欲於壽州城內設立公局並該州團練悉聽調遣等語臣以該練若得進城必將獨立一職不受地方官籍束而壽州紳民素與有嫌尤不能相安無事後患何可勝言嚴詞拒絕斷不准行並告以苗沛霖如知悔悟仍願勦賊立功自當饒恕天恩寬其既往儻恃其強橫任意要求亦不能再爲寬貸該練知臣識破奸謀不敢再提而練眾仍聚城外未便任其遷延臣一面飭催博宗武迅速前往一面飛飭署藩司張學醇趕赴壽州妥辦張學醇於五月十五日先至孫家祠堂面見苗沛霖知所句廬郡長毛業已遣回該練已換官兵旗號當卽勸令撤隊仍復勦賊立功苗沛霖詰涉游移要求頗多該司隨進城稟明翁同書添委總兵慶瑞副都統薩薩布一同出城勸諭始據苗沛霖口稱伊所爲過當實係爲勢所迫並非甘心叛逆乞爲辯明心迹卽行撤退並云魯家口所屯捻匪係壽人向來不能退去伊願前往攻拔張學醇等隨卽稟商翁同書斟酌辦理其事麤有頭緝總須俟練眾全數撤回方有把握報聞○子故二品銜太常寺卿唐鑑謚確慎○子江南陣亡副將蘇文彪福建陣亡參將彭奪超等祭葬世職○辛酉諭軍機大臣等恭親王奕訢等奏遵議俄國在庫倫通商事宜一摺俄商欲在庫倫常川貿易據奕訢等奏稱續定條約所載零星貨物亦准行銷雖未明言常川通商然旣准其設官蓋房與伊犁塔爾巴哈台事同一律自係准其設立行棧常川貿易之意著奕訢等卽行知照色克通額等准其常川通商但須按照條約止准在庫倫酌帶數人蓋屋一所不得另生枝節至該國使臣走恰克圖及進京查照向章係派員更換照看未便遽行更改並著行知色克通額等令其照舊章派員照看以符定制琿春河南北兩岸據伊格那提業幅照會已豫示該國人不准先行占踞本日據成琦等奏會辦分界事宜見已作記畫押鈐印一律完竣已諭令成琦等將記文碑文各行總理各國事務衙門存奏矣成琦等原摺併鈔給閱看將此諭令知之○諭成琦景湧奏會辦俄國分界事宜一律完竣並將記文碑文鈔錄呈覽一摺成琦等與俄使定議後照依和約將應辦事逐件會商作記繪圖畫押鈐印彼此互換其立界碑處所由烏蘇里河口至圖們江口其該八處著卽將已分界址摘畫地圖鈔錄碑文分咨三姓寧古塔各該副都統轉飭理春協領按照方向設立界碑俾永遠遵守該使本欲藉白棱河之訛爲侵占穆楞河地步偏近甯古塔爲通三姓琿春要路經成琦等力爭始強指奎屯必拉之分支小河稱爲土爾必拉卽白棱河所有俄字記文其中恐有含混著成琦等將記文及界碑一併咨送總理各國事務衙門存案備查該侍郎等隨帶司員章京等始終勤奮著准其分別覈實請獎將此由六百里諭令知之○諭前據福濟奏馳往川北勦辦匪計此時該將軍已帶兵由劍州梓潼進剿矣本日據崇實奏布置川北防勦情形賊情似難北竄毋須重兵防守並陝兵入川請仍由陝省動撥兵餉等語四川由江油赴陝小徑地勢險阻大路自梓潼卽入棧道民皆貧苦無糧可掠劍關一帶皆屬天險但能據險遏截布置周密即可無虞駐防甯羌官兵入川不過數站福濟業已調往著卽至劍州一帶扼要堵截其署川北鎮廣良所謂官兵及劍關防勦兵團均歸福濟調遣總以力保陝西南路爲

福濟業已調往著卽至劍州一帶扼要堵截其署川北鎮廣良所調官兵及劍閣防剿兵團均歸福濟調遣總以力保陝西南路爲

要所需軍餉據崇實奏川省庫款文紹萬難支應福濟此次赴防已由瑛聚籌銀一萬兩應用所有福濟入川應需軍餉一切卽由陝西撥解庶使餉項有著瑛榮務須安速籌撥毋得推諉事竣卽由陝西報銷以免牽混將此由六百里各諭令知之○諭前據僧格林沁等奏西凌阿馬隊如可折回大營卽當酌派官兵往援徐西當諭譚廷襄等酌量情形並因僧格林沁等奏擒竄南山諭令該大臣等將德楞額能否堵禦之處查明具奏本日據譚廷襄奏東昌勦匪喫累南撫復分股竄入東境通籌各屬情形亟議堵禦等語捻匪由徐州北竄擾及郊城魚臺自應亟籌堵禦德楞額一軍係該大臣等派往沂屬勦匪何以於南捻渡河竄擾蘭鄉未能堵禦著僧格林沁等嚴飭該副都統趕緊截擊如兵力不敷卽著該大臣等派兵迎頭截剿務將渡河之匪悉數殲除毋得再任蔓延德楞額如不實力堵勦卽著嚴參懲辦青萊等府地方富厚恐該匪計圖飽掠著譚廷襄卽飛咨恩夔等及傅振邦督兵勇嚴密設防其省城守衛事宜卽知照杜翻安爲經理至竄撲黃家口逆捻見欲圖繞羊山梁山且北路土匪竄入曹縣長槍會匪闖入單縣延及城武等處儻任各匪勾結勢必不可收拾僧格林沁等近在鉅野且兵力甚厚著卽派撥官兵迎頭堵截速爲掃蕩毋任北犯見在兗沂曹濟徧地匪蹤此時自應先清北路該大臣等務嘗督飭官兵分投勦辦勿得遲延貽誤東昌各屬匪徒勦辦尙爲得手卽著西凌阿譚廷襄迅將莘縣等處匪巢速行埽除毋畱餘孽將此由六百里諭令知之○署四川總督崇實奏安撫松潘番眾見咨陝甘督臣樂斌派兵會辦得旨著照所請辦理俟有成效卽行馳奏○壬戌署安徽巡撫賈臻奏臣前因苗練圍困壽州派張學醇前往開導張學醇於五月初八日起程後總未接其來信茲探得該練遣其姪苗悍開率領馬步大股定於二十七八等日來撲潁州郡城哨騎已至郡東南三十里外並聲言赴阜西各圩掠糧散旗分擾光固一帶臣所有兵勇除分撥各處防勦外存營無多適署臬司才字和一軍已由鄧圩撤出因先其所急卽飭與遊擊姚長齡將帶往援兵全數撤回又將招募之勇勉強湊集共計四十餘名分縛城關以圖固守惟臣止此兵力斷不能縛營城外迎頭堵勦若閉城堅守外無援兵卽與壽州之困無異潁郡雖屬一隅之地而皖北止此根本豫省藉爲藩籬萬一有失大局更不可問惟有仰懇天恩飭下袁甲三趁該練大股西來一面設法擒其巢穴一面派提督李世忠選帶精銳兼程來潁援勦並求飭下河南撫臣嚴樹森由阜西一路派隊迎擊若待闖入豫境則勦辦更覺費手完善之區又遭蹂躪又奏正繕指間據駐禁正陽關將弁來稟苗練先以進攻徐立壯魯家口舊好爲詞調逆黨林朗潘圖各練於十二日入關盤踞不去釐局卡船亦被擾散又探知霍邱縣城內三河尖釐局亦被擾眾占踞把持目下自壽而西數百里間皆其黨與節節分布所爲實屬叵測上諭軍機大臣等苗沛霖藉口尋仇心本叵測經張學醇疊次開導漸已悔悟何以復遣其姪苗悍開率大股攻撲潁城並圖擾光固且其黨與盤踞正陽關擾害釐局卡船袁甲三並未具奏殊堪詫異賈臻請飭袁甲三乘該練西來設法擒其巢穴並令李世忠兼程赴潁援勦是該大臣正欲羈縻該練而賈臻又欲勦辦事出兩歧殊未妥協願川守禦事宜未容疏忽該郡見有官兵四千餘名卽著賈臻妥爲調派會合民團嚴密防堵至苗沛霖能否就撫日來當有定議仍

署袁甲三督同張學醇安爲開導令其將壽州等處盤踞練眾速爲撤退並責問苗沛霖旣知所爲過當何以復派人撲犯潁州儻稍涉遷延致墮奸計苗練盤踞正陽關霍邱縣城內三河尖釐局均被該練占據把持亦殊不成事體並著袁甲三確探情形速籌辦理毋得速辦理令其撤退毋任久踞袁甲三賈臻辦理苗練一事總期聲息相通或勦或撫合而爲一方爲安善將此由六百里各諭令知之○諭賈臻奏苗練大股聲言攻撲潁郡並圖擾光固一摺苗沛霖命其姪苗蠟開率領馬步大股定於二十七八等日西犯潁郡並聲言赴阜陽西鄉各圩掠糧散旅偏脅附從分股撲擾光固一帶光固爲豫省門戶未可令該練闖入著嚴樹森毛昶熙就近撥兵防守以遏苗練西犯之路皖營月餉已經停解見在潁郡餉需告竭該省無款可籌仍著嚴樹森迅速設法撥解銀二三萬兩解赴潁州以應急需至撥借軍裝火藥前經諭令嚴樹森如數備辦著一併迅速批解毋稍遲誤將此由六百里各諭令知之○予山東陣亡州判吳琦等祭葬世職○癸亥諭軍機大臣等滿慶等奏廓爾喀例貢屆期一摺廓爾喀郡王因例貢屆期稟請滿慶等代奏情詞懇切所有咸豐十二年該國王應進表貢著崇實滿慶恩慶屆期察看情形如道路疏通可以行走卽檄諭該國王准其遣使呈進一面知照沿途經過地方安爲照料儻入川後道路或有梗阻著崇實將該國王應進表貢卽行代爲呈遞檄令該使臣回國毋庸來京以示體恤將此由五百里各諭令知之○甲子翁同書奏臣前將內患肅清後壽州重圍如故經遊擊鄒學鏞參將譚玉龍與苗沛霖往復辯論漸有轉機臣令該員等乘勢開導令其更換旗幟遁去黨與而該練數萬仍未肯立時撤退迨五月十六日鄒學鏞等會議甫就範圍適署藩司張學醇單騎來壽復向苗沛霖再三勸諭曉以大義苗沛霖無可置喙二十三四等日陸續將附近各營撤退壽州之圍遂解臣觀苗沛霖之爲人智計有餘見事透徹其尋仇一節皆其手下人之意該道稍知大義何敢附和此時宿嫌已解惟求力爲湔雪俾得勉贖前愆竊思該練始以尋仇起釁終以釋怨罷兵事出有因過猶知改伏望溫旨量加撫慰以堅眾志而釋羣疑至壽城擅殺之苗練七人查係遊擊銜花翎都司李學曾花翎都司郭洪波藍翎把總謝貢斗六品軍功傅家瑞隊長盧金榜員外郎李雙勤據稱均曾累著戰功今皆死於非命可否照陣亡例飭部議卽以慰幽魂其善後一切事宜應由袁甲三賈臻督同兩司安爲辦理上諭內閣據翁同書奏團城練勇見已撤退請將被害各練議卽並鼓勵出力各員等語苗沛霖所部練勇因勇目都司李學曾等被害輒敢不候查辦糾眾圍攻壽州經袁甲三派令按察使張學醇等往反開導始行悔悟撤隊當該練勇滋事之初苗沛霖不能約束其眾任令尋仇搆釁幾致釀成巨案本應從重治罪念其統帶練勇隨同官軍勦賊屢立戰功見在各練總因徐立壯正法孫家泰監禁待訊均情願撤隊仍隨苗沛霖立功自贖該員亦知感激圖報惟約束不嚴若有應得四川川北道苗沛霖著交部議處以示薄懲仍責令聽候袁甲三調度勦賊自效以贖前愆前任安徽巡撫翁同書於團練仇殺未能速爲訊斷實屬辦理不善一件交部議處被害之遊擊銜都司李學曾等均照陣亡例議卽○諭軍機大臣等苗沛霖與壽州

團練尋仇構讐欲撲城池經張學醇再三勸諭卽釋怨撤兵尙知愧悔是以僅子薄懲惟該練擾及宿州欲撲潁州並圖擾光固盤踞正陽關霍邱縣一帶擾害釐局卡船若此時不豫爲限制恐該逆名爲助官勦捻實則偏督各處民團使臨鳳頑壽一帶皆其黨與致成尾大不掉之勢以後愈難鉛制前論賈臻聯絡民團以孤苗練之勢此時乘其撤退練眾必當密爲布置開導居民使團練歸於官辦不至爲所誘脅方爲安善此中操縱權宜該大臣等務當妥爲籌辦以期杜漸防微毋貽後患將此由六百里各諭令知之○翁同書奏壽州雖已解圍然苗練止將附城東南兩面之營撤退其九里溝及東津渡迤東各營仍未見撤聞南路亦尙屯繁大股據稱俟天晴陸續撤回未知果否報聞○乙丑 上以萬壽節御福壽閩賜王大臣貝勒貝子公等食○諭內閣欽天監奏八月初一日日月合璧五星聯珠並繪圖呈覽本年五月欽天監奏彗星見於西北仰惟 天象示警方滋兢惕茲復據奏日月合璧五星聯珠自非虛詞附會惟念朕御極之初卽以侈言祥瑞爲戒矧值東南賊匪未克殄除瞻念民生惟增矜惻即使星文表瑞實爲世運亨嘉之兆亦惟有夕惕朝乾冀邀 上蒼眷佑如逆匪速就蕩平黎民復業年穀順成休應孰過於斯其不必宣付史館用昭以實不以文之意○諭軍機大臣等官文等奏英佛等國商船經過長江請嚴禁漢奸附載輪船貪利聚匪一摺據奏四月十四日有洋船一號至安慶城下停泊次早始開赴下游輕載而去旋據投誠賊供城內米糧將盡因洋船來此城內賊匪向買油鹽米糧用小船接遞入城經官文等札飭委員察訪詢據兩國領事官金執爾等僉稱英米兩國商船到岸不能中途私行買賣安慶停泊之船其爲奸徒假冒無疑請嗣後有賊之處遇商船停泊卽由中國查拏盡法懲治果係洋商遵約將貨物入官究辦等語洋船駛入中國原與內地各鎮市通商以敦和好斷無與賊匪往來暗通接濟之理自係漢奸假冒影射從中貪利若不嚴行禁絕無論

安慶不能克復皖楚肅清無期卽後患不可勝言奕訢等卽照會英佛兩國畱京公使嚴查奸人附載輪船貪利濟匪凡洋船由安慶等地方經過不得停泊城下禁止漢奸與城賊勾通接濟其失利堅布魯斯兩國亦應一體照會此外他國有無商船往來上海等處是否別有假冒洋商之奸匪應如何一律嚴查禁止亦由該各國公使妥議辦理庶於官軍勦賊機宜不至掣肘而各國亦可示敦和好原摺著鈔給閱看將此由五百里諭令知之○官文胡林翼李續宜奏皖逆陳玉城圍上黨德安隨州等處三月初旬臣官文派道員劉嶽昭所部勇丁千六百人馳往隨州攻勦兼保安襄門戶臣李續宜派道員金國琛會率各營同副都統舒保馬隊副將張啟基等水師進攻德郡乃該逆負嵎固守於郡城外周列木城密排礮石以阻我師金國琛商令副將趙太和軍截剿斃悍賊三四百名餘逆敗退入城四月初七日夜舒保金國琛密令馬隊俟於東嶽觀之坳以步隊爲接應又列隊於長濠之上防東北門之賊復於北門設伏以待初八日我軍以計誘之逆眾果揚旗出城金國琛等俟其離城較遠伏兵盡起扼其西北門出入之路蕭慶軒與舒保左右衝擊張啟基等亦率划船上轟逆眾倉皇失措我軍縱橫截殺計斃賊六七百名生擒正法一百

五十餘名敗賊竄伏城柵爲我軍盡斃與僵死河內者不可數計十一日賊乘霧由北門潛出經馬步各軍截殺斃賊又三四百名自此該逆不敢復出金國琛等因令各營就壘中開空地道功已過半一俟逼近城根即可設計進取其隨州踞逆與德安之賊爲犄角守之愈堅劉獄昭自進軍擂鼓墩後節次逼攻皆爲礮石所阻四月初三日偵知賊於南北兩路設伏而以西路排列賊陣往來誘敵爲包鈔我軍之計劉獄昭遂令參將蕭品元等出左路迎擊北路之賊參將李盛貴等出右路迎擊南路之賊都司劉正庭等迎擊中路之賊劉獄昭自率遊擊李用恆等爲策應甫經出隊該逆即悉銳來撲我軍奮勇直前擒斃賊目一名悍賊十餘人逆黨抵死抗拒我軍三路圍剿斃賊二百餘名該逆紛紛潰散我軍追至河岸生擒溺斃者又數百名嗣復屢大進攻賊堅守不出五月初五日忽出數千人麁聚西門濠外添築土壘劉獄昭率軍直抵濠邊截殺斃黃衣騎賊四名步賊二百餘名餘黨奔竄入城見飭各軍遏其奔逸絕其援應設法力攻迅圖克復其下游黃州蘄廣距逆並南岸竄匪亦經臣等分派各軍次第勦辦以期剋日肅清報聞○丙寅 萬壽節 上御澹泊敬誠殿 皇子及王以下貝勒貝子公文武大臣等行慶賀福壽園賜 皇子及王大臣貝勒貝子公等食○戊辰僧格林沁奏宿徐一帶賊蹤偏地吳棠兵力不敷設有疏虞所關匪細臣前因東省勦匪突緊曾札飭徐州鎮總兵詹啟綸招募楚勇二十名嗣據報稱業已募齊文參將李有才統帶起程此項楚勇尙屬得力自應先其所急撥赴徐州以資援勦業札詹啟綸飭令迅速前往俟徐宿軍務稍鬆再行來東其西凌阿一軍准譚廷襄咨稱東昌軍務緊要遽難折回自應仍令西凌阿在彼會同勦辦至曹屬長槍會匪前經勦撫兼施旋有匪首桂錫楨王渭溪先後投誠均令隨營效力贖罪五月二十五日翼長舒通額趙康侯等探得賊竄城武縣即跟蹤追至徐宮莊以東奮勇迎擊該匪紛紛敗退我軍退殺十餘里殲斃四五千名其竄入圍內之賊我軍乘夜馬步並進將徐官莊攻破該匪由西面竄出委營總帶山保帶隊追剿二十餘里殺斃多名餘匪經城武單縣定陶等處團練截殺殆盡查曹州府見雖解圍而府城西面尙有大股賊匪嚮聚當飭舒通額等督隊會同護理知府王朝翼調集團練探蹤進剿鉅野城武定陶薦縣等處被脅鄉民均已雉髮人心稍定再據德楞額稟報五月二十三日帶隊行抵鄴城探悉旣捨竄入沐陽交界距鄴城紅花埠七十餘里之芳山等處偏地賊蹤縣城東北馬陵山以東縣城西北層山磨山等處皆有賊圩時出焚掠正派協領色爾固善帶領馬隊由馬陵山進剿又聞幅匪周九一股由蘭陵鎮等處竄赴沐陽勾結捻逆回撲蘭鄉之信復派勇目劉志和等前往截擊二十四日該勇目等行抵黃石口見周九糾眾迎撲我軍分路齊進斃匪四百餘名生擒六十餘名見仍檄飭各軍覩賊所向相機掃蕩報聞○己巳勝保奏臣軍自克復冠縣後進剿教匪賊莊並派前河南臬司周士鋒等於六月初二日進攻莘縣連獲勝仗臣於初四日馳抵冠縣之八里莊親督策應初五日周士鋒及總兵成祿徐廷楷等整隊疾進沿途附近村落皆有伏賊我軍分路兜剿行至距大李王莊二三里之遙卽見有大股馬步賊萬餘人排列抗拒我軍迎頭衝入縱橫擊壓該匪一齊敗入莊內我軍用火彈火箭焚其寨壘賊勢大亂將其老巢攻破餘賊踉蹌奔入莘縣城中我軍復分三路乘

開進攻莘縣該匪率悍黨突出東西兩門衝撞一軍槍礮轟擊匪勢不支遂退入城關副將楊永魁等內薄齊登砍倒悍賊數十名該逆慌亂無措紛紛出城逃命我軍擁入城內該匪自相踐踏及投井死者甚眾立將莘縣克復並將附近縣城之靳家隄口等賊莊十餘處同日平毀統計先後斃賊數千名救出難民一千餘名當官軍攻入時見東南城角有逆匪數十人擁護一八奪關而走我軍先將匪眾殲斃該匪首直前衝殺亦經我軍刺斃割取首級呈驗據獲賊供認係逆首楊汰無疑其餘著名逆首是否業經陣斬見尚查無下落臣卽於是夜親赴莘縣再圖節節堵擋在事出力員弁兵勇可否由臣查明擇尤保奏出自鴻施上諭內閣勝保督軍攻破大李王莊敎匪老巢進擣莘縣克復縣城著勝保乘此聲威節節堵擋毋畱餘孽在事出力員弁兵勇著勝保擇尤保奏○王申諭內閣前因綿性奏請將私徵回戶錢文改充公用當經諭令常清景廉查明有無流弊據寶具奏復據英蘊奏參綿性私設鹽課向安集延人收要鹽錢並諭常清等查明參奏本曰據綿性奏辦理改徵回賦事宜常清英蘊意存回護領隊大臣責文自抵阿克蘇後授意招告按日索要米麵羊隻等項請欽派大臣查辦等語綿性因伊犁領隊大臣貴文前赴阿克蘇查辦回戶事件輒稱常清等有意阻撓煽惑回眾顯係意存反噬著派景廉馳赴阿克蘇將改徵回戶有無流弊並綿性有無私設鹽課徵收安集延人鹽錢情事確切查明據寶具奏並稱並無徵收帳簿虛實亦應徹底根究貴文在阿克蘇有無索情弊亦令嚴密確查無許含混綿性不候查辦輒敢曉曉置辦並欲將呈告回氏治罪寶屬謬妄著退出乾清門卽行撤任聽候查辦綿性另片奏英蘊派署糧餉章京烏仁泰向阿奇木伯克烏舒爾索派夫馬並將官倉扁額任意摘取各情著景廉一併查明具奏○癸酉李續宜奏自四月間濱口湖水漸漲水師可以展布無須陸營扼駐臣於一千五日移營五月初二日抵黃岡之新州駐紮圖復黃郡嗣因江西逆匪竄擾南岸距鄂垣較近臣又於初六日拔營渡江而南初八日駐軍離省二十里之魯家港以固會垣重地當與督臣官文撫臣胡林翼會商分調副將戚大吉候選道蔣凝學知府毛有銘等進剿興國大冶等處之賊俟獲有勝仗再行會奏報聞○甲戌諭內閣瑞昌王有齡奏另股賊匪竄陷遂昌松陽處州永康各府縣見籌堵勦一摺江西股匪由江山縣地界竄至湖山遂昌松陽相繼失守五月十六日該逆竄入處州府城武義之賊由宣平竄至永康該縣亦於十八日失守所有該府縣失事詳細情形及文記名道張福煊統兵赴浙援剿茲據瑞昌等奏賊陷處州等城軍情危急探聞汀州業已克復請調總兵曾玉明等速行赴援各等語賊匪由江山常山竄陷壽昌金華蘭谿等城後處州遂昌松陽永康各府縣城池復行失守賊勢實形猖獗甯紹溫台等處實屬堪虞慶端統轄該省自應速籌援救昨據該督奏報汀州克復以後卽派曾玉明帶兵屯紮以防賊由瑞金回竄惟浙省危急萬分旣據瑞昌等奏曾玉明等上次克復江山常山聲威頗著果使調往必能得力卽著慶端瑞璣飭令總兵曾玉明副將林文察統帶

所部兵勇剋日啟程馳赴浙江相機援勦毋稍遲誤所需糧餉並著寬爲籌備以利遄征其林福祥一軍仍著飛催前進張啟煊勦辦沙縣土匪如已得手並著催令馳赴浦城將該防兵一併統帶進勦汀州府城應否另調兵勇駐紮並著慶端等斟酌辦理將此由六百里諭令知之○諭前因賊匪竄陷金華等城臺灣經諭瑞昌等派令提督饒廷選帶兵出省據勦茲據瑞昌等奏處州等府縣城池復致失守請調閩兵助勦並請將總兵李定太暫畱浙江省各等語本日已明降諭旨令該將軍等將各該城文武下落查明具奏並寄諭慶端等速飭總兵曾玉明等統兵入浙並將前派援浙之藩司林福祥記名道張啟煊兩軍催令迅速前進矣賊匪由衢屬紛竄臺灣陷城池張玉良雖帶兵堵勦而賊氛口熾斷難望其得力臺灣經諭令瑞昌等令饒廷選統帶官軍相機督勦曰久未據覆奏此時浙省軍務益形喫緊著仍遵前旨令該提督統帶各軍以專責成並飛催曾玉明等援軍合力勦辦次第收復各城處州等處於賊匪竄至時何以並未接仗即致失守知府李希郊前往遂昌募勇是否先期逃避署溫處道志勦統兵前赴處州當該城失守之時已否到防有無畏葸不進情事著與各城文武下落一併查明嚴行參辦以儆其餘毋得稍涉寬縱徐宿勦匪事宜開繫緊要仍著迅飭總兵李定太繞道前往徐州毋再延緩其衢州防務著該將軍等另行派員總理以免貽誤將此由六百里諭令知之○乙亥諭內閣前因王履謙奏參王有齡冊立捐缺名目並任用私人等情臺灣經諭令張錫庚訪查具奏茲據張錫庚奏王有齡因軍餉支紓曾有捐缺之議並未舉行山陰縣知縣臧均之等撤任後接任之員查無調劑實據會稽縣知縣劉履泰因派捐致令金湧自盡一案見未訊結此外尚無贓私案件幕友門丁亦無爲州縣謀缺情弊署甯紹台道張景渠與該撫結拜師生一節並無實據委員孫士達孫濟溥甘應槐亦無實在方蹟惟一月間更換州縣二十餘員實有其事並開具委署各缺知縣清單呈覽等語王有齡被參捐缺及屬員結拜師生任用私人等款既據張錫庚查明或議而未行或查無實據惟一月之內調署各缺知縣至二十餘員之多實屬任意紛更有乖政體浙江巡撫王有齡著交部議處至文案委員候選知府孫濟溥前據王有齡奏該員被控舞弊業經降旨革職交瑞昌會同張錫庚提訊仍著該將軍等秉公嚴審確情據實具奏○諭軍機大臣等巴棟阿馮子材奏逆匪踞擾沙洲請專派大員總統下游師船一摺據稱五月三十日江陰常熟逆匪竄江心壽星沙見在製造木簰外駕漿船意圖竄擾北岸總統無人恐事權不一堵勦未能得力著都興阿黃彬卽飭總兵吳全美速赴下游總統鎮江至江陰一帶水師就近防勦以專責成務將壽星沙賊匪迅速殄除毋任久踞都興阿等亦當分飭水陸各軍嚴扼江岸以防逆匪北竄是爲至要將此由六百里諭令知之○丙子諭軍機大臣等前因編性於私收鹽錢不候查辦曉曉置辦降旨將該員撤任派令景廉前往阿克蘇將有無私設鹽課情事查明具奏並因奎明等奏客什噶爾有賊匪入卡滋事諭常清等將該城換班官兵催令前進核據編性奏稱客什噶爾回

某商事會明具奏並因查明等委各十萬兩有成敗人卡茲其爾等將多破壞自土庫令列舊名流而生財資十萬兩可
據報照准撥阿克蘇庫內並無間款如由伊犁烏魯木齊咨調援兵供支一切必須早為豫備已派回子郡王愛瑪特伯克斯馬伊
爾等將供支應用各項設法豫備並將城垣修築濶溝挑挖建修柵門添蓋堆鋪以資捍衛等語阿克蘇為南路咽喉防堵事宜自
應豫為籌備惟綿性遠派愛瑪特等籌備支應等項及修建城柵等事深恐任用非人借端苟斂於防務並無裨益而回眾受其擾
累恐生意外之虞殊為可慮著常清景廉嚴密訪查如綿性見辦軍務未能妥協即著據實參奏所有防堵事宜即著景廉於馳抵
該城後妥為經理將此諭令知之○丁丑諭軍機大臣等昨因巴棟阿等奏請專派大員總統下游師船當諭都興阿等飭總兵吳
全美赴下游總統師船就近防勦本日閱巴棟阿馮子材初三日奏報逆匪造成船隻有出江北竄之信江防緊要請飭駐紮北岸
之總統駐泊鎮江等語逆匪趕造嚴密並封據民船糾集大股意圖出江北竄鎮江以上南岸僅泊師船四十餘隻北岸計有九十
餘號停泊各口自金山以達甘露寺江面遼闊僅有賴鎮海所部師船分布實屬不敷防堵設遇緊急雖有北岸各處防船終難立
時援救巴棟阿屢次函商都興阿等分撥船隻扼守南岸何以黃彬總以不妨為詞屢催罔應設南岸有警賊勢北趨師船散漫深
恐貽誤大局著都興阿黃彬仍遵前旨迅飭吳全美赴下游總統鎮江至江陰一帶師船並於駐泊北岸之總兵陳國泰周希濂李
德麟三員內酌量添派分撥師船前赴鎮江駐泊歸巴棟阿等謂遣隨時上下搜巡以期肅清江面巴棟阿督辦江北軍務水師亦
歸其調度黃彬統帶水師尤屬責無旁貸見在江防緊要埠南即以衛北務當安為布置毋得意存推諉致誤事機將此由六百里
各諭令知之○諭駱秉章奏請飭劉嶽昭赴蜀援勦等語據稱藍逆巨股竄踞川北綿州龍安一帶李逆巨股蔓延川南眉州嘉定
一帶各號十餘萬零匪所在囁聚黃淳熙見已陣亡請飭劉嶽昭兵勇仍行赴川等語川省匪勢鴻張兵力未厚官軍統領乏人劉
嶽昭見帶兵勇圍攻隨州著官文等體察情形如楚北兵勇足數調遣即飭令劉嶽昭督帶所部兵勇迅速啟程赴川聽候駱秉章
調遣毋稍遲緩將此由六百里諭令知之○以紳民捐輸軍餉禾廣江西湖口縣學額七名○予四川陣亡按察使銜湖南道員黃
淳熙布政使銜謚忠壯建祠給伊母李氏二品封典知縣禁鴻章等祭葬世職附祀○戊寅諭內閣戶部奏銀價日貴設法辦理並
據翰林院侍讀學士綿宣奏請嚴禁蠹商把持並訪拏私鑄等語京師銀價騰貴於旗民生計大有關繫總由各官號商人始以戶
部官號為名暢開私票繼以官款長開為口實意在挾持因之奸商從中漁利實堪痛恨著照戶部所議所有該部長開官號票存
按上年十月奏准錢隨市價之日統扣三成作為該商罰款並變通指銷局章程收回該部長開官號票存候官款收清將四乾字
號撤去官號字樣作爲民鋪交順天府督理儂各官號未能將私票存及三成罰款全數清理以致貽累民間或任意抑勒及有心
擾亂激成事端即將該商人等送交刑部奏明正法原保之恆利等號商人著先交五城看管如任令官號商人攜貨潛逃即將該
個人一併治罪其五天字號並著總管內務府大臣妥為辦理至民間錢鋪見不出票顯有與官號通同把持之弊即著順天府五
城步軍統領衙門一體出示曉諭限於一月內各開各票儂敢抗違即將該鋪商伏嚴懲辦除以前官號錢票仍照戶部見定數目

發給外自奉此旨後各錢鋪均照票之多寡發錢不得仍前抑勒短少至私鑄錢文大千例禁並著順天府五城步軍統領衙門一體查拏於獲案後加倍治罪仍嚴禁販錢出城並查拏私設錢攤之人以重國法而利民用○己卯諭軍機大臣等福濟奏馳抵陽平催調川省兵勇請派幫辦軍務籌撥餉需並據瑛棨奏陝兵未能悉數赴川並遵籌福濟軍餉各等語本日已諭令崇實將盧又熊等勇士催令迅速前進聽候福濟調遣矣滇匪竄擾中壩窺伺陝省福濟兵力尙單自以力保陝西南路爲要該將軍見已行抵陽平關者即於該處嚴密設防暫緩帶兵赴劍闢一帶其黃灞驛等要隘即就見有兵力妄爲布置盧又熊等勇士應於何處屯禁以扼滇匪窺伺並著安爲調度俟此項兵到時福濟再行統帶前進福濟所調陝西官兵五百名應需軍餉著瑛棨遵照前旨於該省動撥支應其四川派出兵勇餉糈均由川省供給以免移轉前任提督孔廣順著准其調赴防所幫同該將軍辦理防剿事務經文岱控制階文各路未能前赴甯羌所有備調官兵八百名著瑛棨張芾飭令迅速赴防卽交孔廣順統帶無庸另行派員福濟所調副將哈連陞等已寄諭樂斌飭令該員等迅速前往矣將此由六百里各諭令知之○諭前據崇實奏川北劍闢一帶皆屬天險賊難北竄毋須重兵防守當諭福濟將駐防甯羌官兵帶至劍州一帶堵勦署川北鎮廣良所調官兵及劍闢防兵均歸調遣本日據福濟奏藍逆夥黨踞守中壩窺伺陝境其間路徑紛歧可以繞出昭化廣元後路而由雁門壩一帶直達陽平尤爲坦夷無阻設將甯羌防兵全帶赴川萬一賊匪乘虛直擣陽平再由大道分進牽掣我師深恐首尾不能相顧等語福濟見已馳抵陽平關居中調度本日已諭於陽平嚴密設防暫緩帶兵赴劍闢一帶該將軍調已革副將盧又熊儘先都司張萬魁帶鄉勇三千名速赴廣元須俟此項鄉勇到齊再行前進著崇實卽飭盧又能等迅速挑募鄉勇卽赴廣元聽候福濟調遣勿許遲誤福濟所帶甯羌官兵五百名口糧本日已諭令瑛棨由陝西給發其川省兵勇口糧仍著崇實由四川給發以免移轉將此由六百里諭令知之○杭州將軍瑞昌等奏軍需緊急請撥粵海關銀十萬兩充餉得旨著由六百里寄信勞崇光無論何款先撥四五萬兩由海道運浙○庚辰以山東辦理團防出力賞在籍江蘇巡撫傅繩勛四品頂帶已革閩浙總督劉韻琦五品頂帶已革廣東巡撫黃恩彤等下部優敘貢已革湖南巡撫馮德馨四品頂帶已革江西巡撫陳阡五品頂帶前任廣東按察使趙長齡布政使銜編修徐昌緒朱學篤主事陳介章花翎餘加銜升敘有差○甲申諭內閣勝保奏督兵連克朝城觀城二縣收撫黑旗匪首並節次剿殺匪獲勝一摺勝保大軍攻克莘縣後乘勝進攻本月初九日朝城迤北突出賊匪千餘人向北竄掠經成祿等擊敗回巢復經譚廷襄派兵約同進攻被擊斃斃者甚多當將朝城克復十九日乘勝進攻觀城先將沿途零匪掃除徑抵城下殺入城開斃賊無算立將觀城克復辦陽穀適黑旗頭目宋景詩悔罪投誠經勝保責令隨同大軍進攻朝城十七日官軍至莘庵一帶遇匪眾抗拒營總伊克精阿卽帶馬隊迎頭截殺立斃悍賊數十名賊勢敗卻大軍隨剿隨進直抵城根賊眾出城鏖戰經我軍擊敗大隊一齊擁入北門餘匪逃竄陽穀適黑旗頭目宋景詩悔罪投誠經勝保責令隨同大軍進攻朝城十七日官軍至莘庵一帶遇匪眾抗拒營總伊克精阿卽帶馬隊迎頭截殺立斃悍賊數十名賊勢敗卻大軍隨剿隨進直抵城根賊眾出城鏖戰經我軍擊敗大隊一齊擁入北門餘匪逃竄

存記俟河北肅清後彙案奏請獎勵○諭軍機大臣等奕訢等奏接據英國照會及威安瑪稱有甯波危地方法官向民間派銀雇船並不設防之說請飭查辦等語英國普魯斯照會內稱乍浦失守後甯波地方官未能用心設防又威安瑪面稱甯波地方官不爲設備僅欲雇外國兵船代爲防堵勸百姓捐銀五十萬兩以爲雇船之費且恐地方官藉此從中漁利等情乍浦失守甯波戒嚴該處尙屬完善正宜早爲設防以杜賊匪窺伺若不認真設備徒行斂派捐輸甚至從中漁利何以使外國人敬服著王有齡確切查明嚴飭該地方官認真防守不得稍有疏懈其雇募外國兵船一節是否屬實並著嚴密查訪儻有藉端侵蝕情弊卽行嚴參懲辦江蘇江西湖北通商各處皆偏近賊氛恐似此弛備派捐者尙復不少著曾國藩薛煥毓科官文胡林翼嚴飭地方文武實力設防不得徒事捐斂致爲外國人輕視果能破除積習力存體面庶於剿撫大局兩有裨益將此由六百里各諭令知之○于河南陣亡吏目袁長全浙江陣亡知府李希郊等祭葬世職○乙酉諭內閣安徽捻匪屢次出巢竄擾亟應調集官兵剋期埽蕩著欽差大臣兵部右侍郎勝保督辦安徽河南剿匪事宜該兩省官兵統歸節制俟北路肅清卽行統帶大兵馳往剿辦○諭軍機大臣等賈臻奏苗沛霖自去年八月後叛迹大著見撤壽州之圍託就撫以款我軍聞欲親至潁州東路吳圩柴營派捐糧石勢將大舉請飭勝保督辦皖豫軍務仍俟北路肅清再行南下等語前因翁同書奏苗沛霖心存悔悟當經降旨飭令剿賊自效乃盤踞正陽霍邱之眾並未撤退而其黨苗愷開等輒敢竄擾潁州並竄豫境意在羈據淮甸控制江河陰謀叛逆已無疑義見在勢將大舉而袁甲三等兵力未能制此巨寇勝保又未能卽時南下自應先聲後實爲兼籌並計之法本日已明降諭令勝保督辦皖豫兩省軍務將至有所倚恃不至甘爲苗沛霖誘脅則官軍之勢日盛苗練之黨日孤於剿撫機宜庶有把握一俟北路肅清該大臣未能分身前往著先行張貼告示懾以聲威苗沛霖於該大臣平日尙知畏憚茲見勝保節制兩省官軍自揣其勢不敵或竟幡然改圖樂爲效用亦未可知儻竟不知悛改仍形頑梗彼時該大臣尙未能親往督辦卽派得力大員酌帶兵勇先駐皖境督同地方官辦理收團撫撫事宜俾各屬民團知大兵統兵南下將此由六百里諭令知之○諭賈臻奏苗沛霖暫撤壽州之圍以緩我師聞卽欲親赴潁東派捐糧石勢將大舉該署撫與袁甲三兵力均未能箝制請派勝保督辦皖豫軍務外以備撫爲名內有制苗之策等語苗沛霖假團練爲名入蓄異謀有竊據淮甸控制江河之意袁甲三於剿撫機宜未能確有把握昨因翁同書奏該練心生悔悟降旨責令剿賊自效乃正陽霍邱盤踞如故輒復分股擾及潁城兼竄豫境其爲意圖大舉自無疑義本日已明降諭令勝保督辦皖豫剿匪事宜使該練知大兵不日南下有所顧忌稍自斂戢惟山東賊匪未平勝保尙難分身苗沛霖桀驁性成仍恐迫脅民團肆行竊擾袁甲三專辦皖省軍務責無旁貸著卽督飭官軍加意防範儻該練仍形猖獗卽相機攻剿不得以督辦有人稍涉推諉致干罪戾將此由六百里諭令知之○于貴州陣亡知縣陳世鈜建祠知縣裴季勳等祭葬世職○丙戌諭內閣瑞昌王有齡奏克復長興縣城及烏鎮等處接仗獲勝情

形等語浙江賊匪自竄陷長興縣城後在南路虹星橋等處築卡出擾王障龍灣等處圖犯夾浦經兵團屢次攻擊將賊搭浮橋拆毀連日接仗斃匪甚多該逆遁回長興城內五月初九日都司江振聲等水陸並進斃賊數百名追至小東門一擁登城當將長興縣城克復並虹星橋賊卡一律踏平其盤踞烏鎮練市一帶之賊亦經兵團攻擊將賊柵賊館焚毀撲滅南潯之賊復經團練擊敗辦理尙屬得手所有此次出力員弁紳董團丁及陣亡各員著瑞昌等查明奏請獎卹○諭辭燒奏設立籌餉總局委員經理並請飭大員督辦一摺江蘇設立籌餉總局著照辭燒所請卽委候補鹽運使金安清總辦南北兩臺籌餉事務仍著喬松年江清驥分管支放並著王夢齡督同金安清認真經理以濟軍需該員有經手捐款不符之案著俟江蘇籌餉事務辦有頭緒再令該員前赴勝保軍營清釐捐款○諭軍機大臣等前因浙江省餉需匱乏諭令官文等將部撥協餉速行籌解江西省應歸浙省墊發援軍餉銀並諭毓科卽籌歸款茲據瑞昌王有齡奏賊據金華蘭谿壽昌分擾淳安等處南紹杭嚴均屬喫緊餉精不繼各防兵勇深虞譁懼請飭湖北等省將應解餉銀迅速撥解以解急需等語浙江嘉興等屬賊氛未靖金華等府縣城池復行失守庫儲久竭各省協餉悉未解到兵勇枵腹荷戈卽有譁潰之勢實屬萬分危急自應速籌接濟著官文胡林翼毛鴻賓慶端瑞璣毓科遵照前旨將部撥浙省協餉迅速如數籌撥派委委員剋日啟程間道解赴該省毋再遲誤將此由六百里各諭令知之○是月綏徵河南武陽縣沙壓地畝新舊糧賦並免臨津縣錢漕

秋七月丁亥朔諭內閣嗣後每年秋間派往 東陵 西陵致祭之王公等如遇山水漲發道路阻隔卽著在途守候屆期著守護陵寢之貝勒貝子公內務府大臣等敬謹代祭其派出之王公等俟道路通行仍前往謁 陵行禮○戊子諭軍機大臣等明誼等奏俄國使臣未到先派委員查勘界址一摺前據交訴等奏接准俄國照會約定於咸豐十二年四月十三日在塔爾巴哈台會商查辦西界業經照明誼卽行回任俟明年會辦屆期再赴塔爾巴哈台與明緒會同俄使查辦可也將此諭令知之○己丑僧格林沁奏據探長槍會匪經大兵擊敗後餘黨邀結碭境各股北竄六月初四日大股萬餘人竄至魚臺境內之穀亭鎮盤踞查南捻撲入東境亟宣堵禦惟會匪猖獗若遽行撤兵禦捻必致羣匪復起辦理更形棘手臣一面飭翼長舒通額等迅勦會匪一面查探捻匪情形籌備措劖八日舒通額等帶領馬隊至曹州府城六十里之安陵集地方遇匪首李燦漳當令常山保等追捕將該犯及其家屬一併拏獲我兵仍追殺餘黨至考城一帶該匪紛紛逃逸馬賊焦桂涓劉前等竄過黃河未及追獲又探得匪首郭秉鈞等竄至曹州東北田潭老巢藏匿翼長趙康侯帶領步隊追勦十一日至田潭環攻一日破其圍寨殺斃匪三百餘名查詢郭秉鈞已逃往鄆城與劉四合夥卽將逆首陳懷五生擒正法馬步兵勇仍向鄆城追勦該匪聞風東竄我兵追至鄆城逼東紅門廠賊匪又向梁山一帶竄逃適營總富和等自東平州屬安山過河向西迎勦遇賊接仗斃賊數百名敗匪西竄見在南捻盤踞殺亭四出打糧臣於十六日由龍堌集移營至嘉祥縣駐紮飭侍衛舒明安等帶領馬隊並派遊擊蔡連秀等會帶新調楚勇前往進勦

二十三日我軍齊攻穀亭該逆分股來撲馬隊將其左右兩股馬賊壓退該逆中股馬賊來撲步隊經步勇殺斃馬賊多名馬隊亦槍箭齊施復斃賊百餘名該逆始行敗回二十四日以後連日大雨我軍馬步暫難進隊至賊匪馬步不下二萬我軍僅二千餘名兵力較單必須添調以資攻勦查東昌賊匪屢經官兵勦洗餘匪無多見有勝保譚廷襄兩軍足資勦辦是以臣咨調西凌河帶領馬隊及歸化城官兵一併前來並將舒通額所帶馬隊官兵調回嘉祥以厚兵力其鄰城縣屬蘆塘汎等處土匪經德楞額督兵進剿殲斃賊匪三百餘名並經該縣知縣顧楨將攻陷重坊匪犯徐應輝擊獲正法至河北棍匪業經色爾固善等勦撫兼施惟青山股匪周九盤踞石圩官軍屢次進攻斃賊無數因探得皖捻自東南沿河竄回德楞額飭色爾固善等移兵截擊至良王城該匪警見我兵紛竄高梁地內我軍四面截殺斃賊二百餘名至大王廟地方馬步賊匪四散奔逃見仍設法勦辦青山棍匪以期肅清腹地 上諭內閣僧格林沁奏勦辦會匪棍匪獲勝並堵勦捻匪情形一摺勦辦均尙得手著僧格林沁督飭將弁將各路賊匪迅速埽蕩毋任滋蔓○奏甲三奏接據撫臣翁同書函稱壽城雖已解圍附城練營撤退而九里溝及東津渡東各營仍未見撤南路亦尙有大隊雖稱俟天晴陸續撤回究未知苗沛霖是何意見臣以該練既未全撤能否不生枝節尙難豫定當密飭張學醇等安速辦理茲據該司等稟稱苗練先以候翁同書前摺批回爲詞大半尙未雉髮苗沛霖雖知悔悟其所部人眾危言聳聽藉圖取利者實繁有徒經該司再四曉諭本擬俟孫家泰解赴臨淮歸案審辦後該練卽行雉髮將九里溝等處練隊全撤乃於起解之前一日孫家泰畏罪自盡又有壽城練董數人假調和爲名往晤苗沛霖告以壽城空虛長其氣焰復經張學醇等勦誠兼施苗沛霖之見已釋惟擅殺案內尙有練總蒙時中係怨懣起意之人必須查獲審辦方足折服練眾之心張學醇等隨於十三日復進壽城查辦前案該練議定卽日雉髮全行撤退似不至再有反覆適翁同書前奏摺片已奉明降諭旨將苗沛霖交部議處以示薄懲仍責令勦賊自效以贖前愆臣當卽恭錄行知該道苟有天良自必知感知懼惟壽州係淮南重鎮關繫皖北大局見署壽春鎮總兵黃鳴鐸與本城兵練不甚浹洽臣見飭調來營另候差遣副都統博崇武在皖勦匪多年與苗練壽民均稱熟悉臣已檄飭暫署壽春鎮總兵並將壽州防守事宜責成該署鎮督同地方官妥爲辦理並以鈐制苗練至翁同書積勞成疾本未全愈前因守城喫緊未能啟程今事已就緒應卽遵旨回京臣屬其由壽來臨晤商一切後再行取道北上又奏據臣處探報苗練欲撲潁州尙係從前揚言苗憲開爲西路土匪勾結之穢並不甚多聞爲知縣葉春培率眾擊退是否確實尙未據實證咨會以目下情形而論潁郡之安危視乎壽城之緩急如壽州事有轉圜自不至再擾潁郡至霍邱縣城臣前接翁同書來函云係土匪黃毛獸等霸占並本城官燒殺仍以圍練自居該匪入城後報功於苗練並據苗沛霖向張學醇極言實無指使情事臣以爲苗沛霖從前有無勾結原屬可審閱卡久成虛設正陽兵勇又因口糧不足未能照常駐守練總林朗等帶練往來其間並無搶擄重情該二人與苗沛霖貌合神

離亦非表裏爲奸見飭張學醇轉飭苗沛霖與國壽之練一齊撤退俟大局全定關卡仍歸官經理斷不容該練日久把持總之鑑
馭苗練全在寬猛兼施臣惟有竭盡心力隨時咨會賈臻安爲籌辦報聞○于山東陣亡知府孫瑞齡等祭葬世職○庚寅普國藩
奏查二月二十日撫建賊股竄擾樟樹鎮豐城等處省城戒嚴時藩司張集馨在九江府城經臣屢催回省該員未歸三月十二
等日湖北廣濟黃梅失守九江震動張集馨倉皇失措潛往廬山之白鹿洞書院居住至四月初七日並未奉文卽自回省畏憚無
能難責亥率請旨將藩司張集馨卽行革職仍想天恩迅賜箭放江西布政使兼總辦臣處糧臺以資贍助江西按察使張敬修
體弱多病難期振作合併聲明上諭內閣江西布政使張集馨聞湖北警報輒由九江避回省城實屬畏憚無能著卽革職以示
懲儆江西按察使張敬修體弱多病著卽勒令休致○論曾國藩奏某司統帶小師未能赴任並請暫緩陞見等語廣東按察使彭
玉麟見在統帶水師防禦賊匪一時未能赴任所有廣東按察使篆務著勞崇光者齡派員署理彭玉麟俟軍務稍平再行奏請陞
見○籌國藩奏查左宗棠一軍四月間追剿鴻臚王大股直至廣信旋因池州之賊再陷建德將竄擾鄱陽景德鎮鄱陽失則江西
之腹地可危景德失則祁門之糧道又梗各處紛紛告急臣亦屢次飛召左宗棠不得已乃棄東路而回救西路五月初七日由廣
信行抵景德鎮維時適值領賊內犯夥縣被陷祁門建德兩路同督左宗棠至鎮後派九營由桃樹店進剿二十二日收復建德縣
城而張運蘭等亦已攻克夥縣收復徽州於是各路之軍心民心爲之一定惟徽郡眾嶺盤亘羣賊環伺得之非易守之更難見令
張運蘭守郡城唐義訓守休甯朱品隆守祁門而漁亭爲徽休糧路所關尙無防守之兵其景德鎮爲全徽咽喉之路婺源爲皖浙
相較之區左宗棠兵僅七千能顧景德鎮卽不能兼顾婺源漁亭連日籌商正苦不敷分撥而閩汀大股賊匪由德興婺源上竇圖
犯徽州左宗棠已自統各營前赴婺源一面與張運蘭約會夾擊賊江之賊一面謀所以保守徽州兼保婺源饋運之策臣暫駐江
演照料北岸其徽嶺內外及饋州廣信各屬戰守事宜均賴左宗棠就近維持以目下形勢而論左宗棠實不能分身赴浙浙東賊
勢浩大與江皖脣齒相依浙若不支其患先及於皖次及於江臣亦知保浙卽所以自保奈自鮑起北渡後南岸僅恃左宗棠一軍
縱橫策應七百餘里若無此枝雖勦之師則張運蘭等孤懸嶺內糧路仍有必斷之勢徽郡終無能守之理欲求保徽之方更無援
浙之力顧此則失彼圖近則遺遠再四籌思且愧且悚見惟俟湖北江西攻勤得手或安慶克復有兵可分再與左宗棠力謀援浙
等處揚言分五路犯嶺五月初二日賊由羊棧嶺盜據而入該防守兵勢本單江長貴飭令王金鼎等率隊往援妻雲慶亦統軍前
往羊棧之賊方退而張嶺與方干嶺外賊眾集初三日各大股賊眾分撲羊棧嶺方干嶺樟嶺其犯羊棧者賊數較少原紮虛村
之峯字禮字各營反庭營拔只架之賊不敢近其犯方干樟嶺者各軍竭力迎擊頃有斬獲唐義訓正擬追逐出嶺不知賊已分股

繞襲後路潛陷夥縣城池唐義訓等軍回紮漁亭賊竄至西武嶺下修築牆壘並分駐四都古竹等村意圖窺伺柏溪進擾祁門初四日駐紮柏溪之江長貴駐紮祁門之朱品隆駐紮休寧之張連蘭駐紮漁亭之婁雲慶唐義訓商定兩面夾攻初五日朱品隆率前營朱聲隆等江長貴督領王金鼎等布列西武嶺上分途前進一面圍攻賊壘一面鈔擊村莊各壘及各村踞逆賊不能支乘壘而遁其伏處各村之賊亦敗走逃命張運蘭等由漁亭分三路進攻夥城至距夥城十里的山橋岸賊堅守一卡老湘營正在猛攻唐義訓急令隊伍馳助卽平賊壘四座婁雲慶繼至併力合擊將賊卡折毀乘勝追殺直至城邊並將附城二壘擊破我軍分段環攻城賊紛紛遁走當將縣城克復齊隊跟追餘匪翻山越嶺而逃不復成隊合計斃賊二千餘名其嶺外續至之賊分踞羊棧方干及樟嶺三處初六日唐義訓等仍分三路進兵霆字禮字等營從右路勦羊棧嶺老湘營從中路勦樟嶺強中營從左路勦方干嶺賊之大股聚踞三都汪村並於樟嶺口外築卡數座老湘營力擊三都之賊唐義訓亦自左路往助將賊壘概行踏毀初九日仍分三路進剿賊盡數併入盧村十都占踞舊壘一座添築新壘五座守禦愈固老湘強中等營四面埋伏先攻新壘賊黨死拒各軍奮力猛進四新壘以次悉平其一壘之賊逃聚盧祠內我兵圍攻生擒四百餘名惟餘舊壘一座正擬詰朝合攻該逆等已於三更遁出嶺外次日各軍跟蹤掃蕩諸嶺一律肅清徽郡之賊聞風膽落亦於二十三日分路遁去張運蘭帶隊至郡搜殺餘賊收復府縣兩城臣查此次羣賊犯嶺袁國祥黃朝陞堵勦不力以致嶺防不守賊得襲入夥縣雖係賊眾兵單究有應得之咎暫革參將袁國祥參將黃朝陞均請卽行革職不准畱營開歸道張運蘭等調度有方應請分別獎勵其餘出力人員容臣擇尤保奏陣亡員弁並俟查明請旨交部議卽上諭內閣此次逆匪竄陷夥縣官軍合力進剿旋卽克復並乘勝收復徽州府城辦理甚屬得手暫革參將袁國祥參將黃朝陞堵勦不力以致嶺防失守均著卽行革職不准畱營福建按察使張運蘭著交部從優議敘記名總兵候補遊擊唐義訓著開復原官副將婁雲慶著交軍機處記名遇有總兵缺出請旨簡放知縣朱聲隆著開復原官以同知歸安徽補用其餘在事出力人員及陣亡員弁著曾國藩查明奏請獎卽保舉道府大員該員堪膺斯選合無願憲

臣上諭國祥參將黃朝陞堵勦不力以致嶺防失守均著卽行革職不准畱營福建按察使張運蘭著交部從優議敘記名總兵候補復原官可否卽將唐義訓升署皖南鎮總兵之處出自天恩又江西候補知府姚體備著開復原官以同知歸安徽補用調來皖委辦營務處不憚艱險見奉諭旨飭臣保舉道府大員該員堪膺斯選合無願憲

臣上諭江西候補知府姚體備以道員歸於安徽補用卽令署理徽甯池太廣道缺於軍務地方均有裨益

臣上諭安徽皖南鎮總兵員缺著以開復總兵唐義訓署理江西候補知府姚體備著以道員歸於安徽補用並署理安徽徽甯池太廣道○以慶廉爲江西布政使臣降調河南巡撫文輝爲江西按察使由湖北荆閬移銘署湖北按察使臣補四品京堂○曾國藩奏查僞侍王一殷自三月在景德鎮敗退後竄至廣信一帶左宗棠追至廣郡李逆竄入浙江攻陷金華蘭谿等府縣此次徽州敗退之賊亦係李逆之黨半逃浙江歸併大股半逃甯國踞守下游僞忠王李

城一股自竄入江西瑞州後旁竄武甯義甯奉新靖安等處近又竄入湖北之興國大治武昌通山崇陽蒲圻等屬僞主將劉官方一股竄鄱陽者經左宗棠派隊擊退另股陷夥縣者經張運蘭等合力擊退其大江北岸各賊如陳時泳踞德安賴汶沈踞黃州暨各縣踞賊均係僞英王陳四眼狗之黨陳逆又新從南岸邀僞輔王楊輔青一股及林紹璋黃汝金二股來攻桐城救援安慶臣處接獲僞文數十件知各處賊股在竄千餘里無非欲分官軍之勢解安慶之圍見在胡林翼力疾回救鄂省臣等往返熟商以安慶賊糧垂盡必須力爭此城而後大局有挽回之望報聞○內申諭內閣前因庫倫辦事大臣色克通額被控收受土謝圖汗副盟長親王車林多爾濟銀兩等情當派錫霖會同多爾濟那木凱查辦嗣據錫霖等奏稱此案應俟車林多爾濟病痊由多爾濟那木凱調赴庫倫質對茲據多爾濟那木凱奏訊據車林多爾濟供稱曾經送給色克通額銀一百五十兩質之色克通額則稱上年三月間車林多爾濟送馬三匹曾經收存一月間該副盟長到庫倫商辦操兵並無送給銀兩之事等語色克通額身任大員輒收受車林多爾濟馬匹實屬不合著文部議處○諭軍機大臣等色克通額等奏俄人往來每日行五六站驛丁疲乏恐有貽誤應日行三站以紓烏拉之力又寄京公文信函漸見加增應按照和約每月一次請飭令總理衙門行知該國各等語俄使來往行走均須驛丁支應若每日行五六站之遠則丁力疲乏必致貽誤恐失和好之道既據色克通額等奏稱應日行三站以紓烏拉之力卽著奕訢等行知俄國使臣伊格那提葉幅或飭諭巴里玉色克行文該國以此後俄使往來至速亦須日行三站丁力方能支應儻必欲每日行五六站轉恐貽誤有失和好至該國由恰克圖寄京公文信件和約內載明每月一次茲據色克通額等奏自本年正月至五月該國寄京公文書信等已有十餘次之多似此逐漸加增伊于胡底並著奕訢等行文伊格那提葉幅嗣後寄京公文信函務須按照條約每月一次不得加增以敦和好原摺著鈔給閱看將此諭令知之○丁酉諭內閣前據刑部奏已革恰克圖部院章京瑞徵供詞與庫倫辦事大臣色克通額原參情節不符降旨令色克通額明白回奏茲據色克通額奏稱並無收受節壽禮物及挑貸借茶等事並將甲首等呈詞鈔錄呈覽等語此案瑞徵及甲首梁世傑等所俱色克通額收受禮物並挑貸借茶各節是否捏詞狡辯抑係確有實據仍著刑部提集瑞徵等悉心研鞫據實具奏○以捐輸軍餉至廣江西義寧州學額十名○予四川陣亡照磨高其相祭葬世職侍衛昭勇侯楊忻祭葬世職建祠謚威肅○己亥子安徽陣亡訓導胡紹煥祭葬世職○賈臻奏查壽州被圍日久前撫臣翁同書奏報苗練已撤其實止撤去近城數營其距城十里之孫祠營寨並未移動此外如九里溝菱角觜兩河口各處水陸要衝盤踞如故臣詢阜陽練總之附苗練者據稱苗沛霖之意必欲得壽州爲根本因其地與下蔡相近彼若得之卽無慮臨淮官兵之議其後也然後長驅汝潁陳蔡之間以團練爲名偪脅各處民奸此次本欲襲取潁郡聞知有備而止臣又聞苗沛霖以徐立壯等旣伏其辜無可藉口卽聲稱結捻助官保署壽春鎮總兵黃鳴鐸主謀此時必欲得黃鳴鐸方可全撤臣前在勝保軍營深知黃鳴鐸爲苗沛霖所忌且當時結捻剽苗心與各官紳熟計而行豈得指爲一人之罪似此枝節橫生總欲以必不能行之事

爲坐困壽城之計並聞張學醇近爲苗沛霖邀至下禁壽頽聲息隔絕臣已將以上各情函致袁甲三聽候覈辦竊意撫局卽成未
必可恃前次奏請特簡重臣總統諸軍即使暫難分身亦可憚以先聲爲伐謀之計蓋必如是而後可以言勦勿期而後可以言撫
苟僅以羈縻爲苟安臣恐愈羈縻乃愈恣肆愈遷就愈難羈縻且決裂之患卽在目前也方今軍事孔殷不難於集兵而艱於籌餉
若使長淮千里毫無梗阻鹽價釐金經理得人約可得銀百萬兩旣卽已得大半設爲他人所有則彼日強而我日弱其患豈可深
言謹附片密陳報聞○諭軍機大臣等前因福濟奏請調兵勇籌撥餉需並請派幫辦軍務富經諭令福濟俟盧又熊等勇丁到後
統帶前進陝兵軍餉由陝支應川勇餉糈由川給發以免轉轄前任提督孔廣順准其調防幫辦固原備調兵八百名由瑛棨等催
令赴防交孔廣順管帶茲據福濟奏川省賊匪竄至劍州元山場等處咨調固原兵一千名及各鎮兵一千名請派經文岱統帶赴
甯羌設防卽將甯羌大安鎮等處防兵調赴廣元等處並咨調成都滿洲營兵助勦陝軍糧臺請派陝西糧道移居甯羌管理川省
兵餉卽歸川北道就近支發各等諸川匪竄授劍州陝省邊防愈形喫重甯羌各要隘防兵自未便調動致令賊匪得以乘虛窺伺
所有固原備調兵八百名著瑛棨等迅飭赴防交孔廣順管帶聽候福濟調遣經文岱仍遵前旨無庸前赴甯羌其福濟請調之各
鎮兵二千名能否調撥著瑛棨張芾斟酌辦理虛又熊等勇丁三十名見在行抵何處仍著崇實嚴飭速赴廣元毋許遲誤福濟俟
此項勇丁到後再由陽平前進相機堵勦至成都滿洲營餘丁間散昨據全亮奏稱該營兵力單薄難於調派現在應否仍行咨調
並著福濟酌辦其陝西四川兵勇餉糈前已諭令各歸各省專發福濟所請派陝西糧道前赴甯羌總理陝軍糧臺著瑛棨等酌度
派辦川省兵餉卽著崇實飭令川北道就近管理將此由六百里具諭令知之○庚子官文曾國藩奏曾國荃率所部各營將閑外逸
賊搜捕淨盡而城賊仍恃菱湖南岸賊壘五座北岸賊壘十二座以拒官軍五月十五日後城賊壘賊陸續逃出乞降曾國荃察其
從逆久而兇悍者斬之二十四夜菱湖壘賊吳定才率賊來擾橫濱曾貞幹等大呼出擊賊眾敗退嗣我軍於齊壩埂集盤山等處
水陸進攻屢有斬擒而察看菱湖南岸賊壘內與安慶北門犄角外與北岸十三壘氣脈貫通曾國荃遂派凌蔭廷等各率弁勇直
逼北門城下橫築六營以截城賊接濟之路曾貞幹又派李祥和駐守齊壩橋以截水路賊糧三十日菱湖北岸壘賊與城賊數千
人直撲北門新營經凌蔭廷等擊斃城匪三百餘名逆眾大卻西門之賊亦經彭毓橘等擊敗是夜菱湖北岸壘賊紛紛爭渡入城
又爲水師轟擊落水死者不計其數曾國荃等復率曾貞幹等出濠轟擊賊益慌亂我軍陸師各營齊隊圍攻巡湖水師各營又從
水面鈔擊賊已無路奔逃各營官卒勇登壘生擒賊眾五千餘人釋放新舊賊眾三百餘人水師蔡國祥復會同陸師蕭孚泗等攻
破菱湖南岸賊壘五座斬賊一千餘名菱湖南北兩岸賊壘一律肅清查安慶居皖鄂之交爲該逆所必爭數月來逆首陳玉城節
次糾黨回援經多隆阿於挂車河等處擊退殲賊甚夥龜超等復擊斬賊數千於赤岡嶺我軍聲威倍振遂復攻克菱湖兩岸賊壘
斬馘九千有奇該逆外勢既失城賊心膽已寒見在曾國荃等督率各營將士並商同水師逼近城根晝夜環攻惟偵知陳玉城自

前次敗遁後又糾合徽寧僞輔王楊逆率黨上犯圖援安慶臣等諒飭各軍慎密戒備力圖攻克堅城盡殲醜類此次出力員弁兵勇可否頒懇天恩由臣等專案保獎以昭激勸上諭內閣官軍圍剿安慶經卽用道曾國荃督率所部各營水陸進攻已將芟湖南北兩岸賊壘一律蕩平仍著官文等督飭各營將士乘勢進剿速拔堅城此次出力員弁兵勇准其專案保奏候朕施恩○辛丑上不豫皇長子朝夕侍側上仍治事如常○壬寅子刻上疾大漸召宗人府宗令右宗正御前大臣軍機大臣承寫

硃諭立皇長子爲皇太子○癸卯寅刻上崩於避暑山莊行殿寢宮奉遺詔曰朕蒙

皇考宣宗成皇帝嫡育仁慈恩

付託臨御之初仰承聖諭諄諄以敬

天法祖勤政愛民奉三無私保泰持盈爲本因命中外臣僚薦舉人材並廣開言路俾

大小臣工各抒所見以期博採周知下情罔隱自御極至今日理萬幾凡批覽章奏引對臣工十一年中未嘗一日稍懈各直省水旱偏災經各該督撫奏請蠲緩錢糧靡不體恤民艱恩施立沛惟自軍興以來已閱十載其竄踞連鎮馮官屯及楚閩粵黔巨股各匪雖經屢次削平而江蘇安徽浙江等省被擾各區迄今尙未戡定每念我黎民屢遭兵燹宵旰焦勞難安寢饑遂致思慮傷神漸形氣弱上年八月間舉行秋獮駐蹕熱河旋經恭親王奕訢總理各國事務衙門王大臣等將各國通商事宜妥爲經理都城內外安謐如常本年正月曾經降旨於春仲回鑾適因舊疾復作不得已降旨停止本擬俟秋閒氣體復元啟蹕回京與諸王大臣講求

庶政次第舉行執意入夏以來署鴻日久元氣愈虧以致痼疾不起豈非天乎顧念神器至重尤宜傳付元良十六日子刻召見宗人府宗令右宗正御前大臣軍機大臣令其承寫硃諭立皇長子爲皇太子並命該王大臣等盡心輔弼贊襄政務皇太子仁孝聰明必能欽承付託其卽皇帝位以嗣大統書曰在知人在安民方今東南諸省軍務未平百姓蕩析離居慘罹鋒鏑文教修武備登進賢良盡平羣醜實爲當務之急可不勉哉隨扈王大臣及在京王大臣等其各清白乃心和衷共濟以期克臻上理各路統兵大臣及各該省將軍督撫受朕厚恩尤宜力圖埽蕩早靖逆氛俾寰宇奠安黎民綏輯克終朕未竟之志在天之靈庶幾稍慰焉喪服仍二十七日而除布告天下咸使聞知○是歲十二月庚申恭上尊諡曰協天翊運執中垂謨懋德振武聖孝淵恭端仁寬敏顯皇帝廟號文宗○己巳恭上孝德顯皇后尊諡曰孝德溫誠順慈莊恭天贊聖顯皇后○同治元年九月辛酉奉移文宗顯皇帝梓宮暨孝德顯皇后梓宮暫安隆福寺行宮派王大臣輪班敬護守護○四年九月甲申辰時葬定陵上

穀三壇禮成敬述之作仰見聖人饗帝端本一誠省咎責己之懷爲民請命之意藹然情見乎詞我朝勑業垂統垂三百

年心法治法聖聖相承晨興恭誦實錄監於成憲不忘遵宣宗成皇帝遺詔不立聖德神功碑親撰碑文一道

刻石於慕陵隆恩門外天壇配享以三祖五宗爲定酌古今之禮意昭億祿之明禋繼志述事莫大於此每日披覽

章表公之對臣工指不周詳洪纘畢舉單典以來參酌大議自朝至日中未不遑暇食蔬孜求治勞神焦思 聖體運和多由於此

至於仁慈惻怛怡冒宴區 建元之始免天下錢糧千有餘萬歲一不稔蠲租緩徵無不如疆吏之請被賦蹂躪之區及傍近賊氛州縣矜恤撫綏恩施尤渥命儒臣繕呈朱子全書暨貢觀政要朝夕講求戊午 經筵御論以凡爲天下國家有九經所以行之者一也爲題闡發要道與乾隆辛酉 高宗經筵御論默相符合至誠無間直接 心源至於幾餘灑翰因事據懷或述志以示廷臣或手詔以褒直諫莫非夙夜緝熙之學所見端也在青宮時與恭親王練藝督勞精通韜略集花槍法二十八勢曰棣華協力刀法十八勢曰寶鎧宣威伏讀 聖製棣華寶鎧合編識語以爲槍刀亦一藝耳非人君之急務若擴而充之天下事豈有一理此以見 神智默運 聖武維揚殆有天授進退臣工明而善斷 正位之初卽頒 手詔正穆彰阿耆英之罪偏諭臣僚改平素因循取巧之習飭內外大臣保舉人才不拘資格一秉大公昔 高宗論爲君之難以爲勑業難守成更難 上膺艱大之任當通變之時以勑爲守其勢尤難是故兵不足而兼用勇漕不繼而改海運餉不足而更製大錢改口岸以整饑綱輸米石以實倉庾裁河員之冗浮減京餉之成數凡此新章之更革無不與時爲推遷在熱河時未嘗一日忘宮闈辛酉仲春有 詔回鑾在京臣庶歡欣鼓舞望屬車之清塵而 聖躬不豫暫緩啟行自夏徂秋侵至大漸亦 聖心初不自料者普天之下率土之濱含生負性之倫航海梯山之侶見 升遐之素詔莫不奔走號呼若失怙恃此可見人心之感戴者深而 深仁厚澤之所漸被者周且遠也

跋

充 方畧館 國史館校錄官覺羅官學漢教習卽選知縣臣陶濬宣謹撰 光緒初元國子監祭酒臣王先謙恭編

列朝聖政自天命以迄雍正曰東華錄乾隆以逮同治曰東華續錄名仍蔣良驥之舊而更變其例參用宋李燦續資治通鑑長編
李心傳建炎以來繫年要錄諸書義法謹據

聖訓

實錄

方畧會典旁稽大臣列傳不采摭雜書碑記因病蔣錄簡略年經月緯纂輯加詳至宋至慎也道光以前錄菜行海內伊久率土臣庶得窺見

列聖龍興肇基垂裕

祖

宗累葉續承至德豐功彝訓鴻誥用人行政之大典章名物之盛與夫三百年來湛恩渥澤漸濡摩盪之深實有周浹乎天下萬世

者不僅爲掌故之鉅編

國成之會要矣咸豐同治兩錄因卷奏浩繁久未編刻當

文宗時羣盜熾逆中州塗炭邊徼驟然復以海畧不謐厪

宵旰之勞而

眷慮淵略任賢勿貳雖未晤成功後來戡亂底定諸臣羣策羣力皆出自

帝特簡

萬幾裁決

九重憂勤廷臣或未必盡知閭衡小氓奚自闡仰至於

穆宗皇帝天授神武上承

宮訓下奠中土苗回並戢天地清盜中興偉烈躡唐宋而軼漢矣聖武之記彪炳方策尤寰海臣民所喟喟觀者前史臣潘頤福
亦續爲編纂未竟一錄而卒坊肆謬取榮傳疏漏滋多舛鑑交倍讀者病之臣懼惑觀聽敬隨同臣先謙亟爲編校成帙并
集資付刻事例悉仍前書開采中興諸名臣奏議以補

實錄

方譽之偶佚爲金匱石室之福編願於萬斯年

朝壇一錄戶置一書共戴

聖德鴻烈於無窮而相與詠歌沐浴於天地浩蕩之仁不其懿與前後錄凡六百六十八卷

兩朝卷冊實與

八朝相峙校桑闔三歲始竣集資襄刻者前雲南鹽法道臣鍾念祖候選知府臣徐蝦蘭也光緒十有八年歲次壬辰冬十月

洪惟我

皇清光宅函夏

列聖續承

至德

豐功度越隆古

仁育義正海寓蒙福宜勒成書昭示萬祀凡有血氣敷履

帝力紀載闢略聽觀茫昧靡以宣

上德行下情匪他人任實惟史臣責臣前見蔣良騏東華錄纂自開國以來迄於雍正頗具條理乾隆以後未聞續撰若

皇朝武功紀盛

聖武記嘯亭雜錄諸書於乾隆朝事實多所采摭至

徵猷

鴻誥之垂貽典章名物之富美六十年中燦若星列掇拾舛漏咸所不免自非年經月緯難可尋究考之往代以本朝國史編年冊

自宋司馬光稽古錄厥後作者約數十家李焘續資治通鑑長編明鄭曉吾學編史裁特備而宋林嗣皇鑒要取寶訓實錄圖朝會要爲注固知國史官書咸資採錄體例斯存亦載筆之柯則也伏讀乾隆二年五月

上諭曰向來

列祖實錄聖訓告成之後皆藏之金匱石室廷臣罕得見者朕思

列祖聖訓謨烈昭垂不獨貽謀於子孫亦且示訓於臣庶自應刊刻頒示俾人人知所法守用是有刊

五朝聖訓之

命若乃

方略則例悉載

絲綸

一朝文苑錄

寄諭

硃批並得宣示仰見

聖人示寶海以大公開臣庶之蒙惑

讓思厚意隻古無兩惜乎

欽定諸書頒賜有限雖在士夫無由徧覩至於國卷彌絕闊仰臣愚竊謂

本朝二百餘年來所以陶冶羣倫無微不到故名臣耆碩項背相望而或服吏者練法而玩刑業儒者裏經而市利蘊學釀勢

戎生伏莽一旦潢池盜弄鹿鍾狹壁杼告空

宵旰塵慮竭天下之力僅迺平之而元氣休養又需數百年矣雖天地之大物不答施豈德風偃草之效有時或莫亦

朝廷條教不能戶喻

彝訓之垂與世推移簡冊無稽觀聽未洽故致然歟臣備員詞曹編摩史館亦頗究心當世之務痛斯民無知與所以報

上德之未至仰體

大聖人公天下之心遠追前代李鄭述作近接蔣氏當日所錄凡登載

諭旨恭輯

聖訓

方略編排月日稽合

本紀

實錄於制度沿革纂會典於軍務奏摺取

方略兼載

御製詩文旁稽大臣列傳成東華續錄一百二十卷乾隆一朝政要大略具存不揣冒昧敬登梨棗欲得家置一編得覽細繹於以

聖訓而遵正直蕩平之路舊區區之意實在此嘉慶而下裏本應具雍正以前錄視蔣氏加詳將以次刊行焉時在光緒五年歲

次己卯秋八月